

Very Rare


"There is no doubt that caveful watch was nept for the book [Discoves] at the various ports, and many copies were skized and destroyed. This ked to extensive copying of the work in England and its circulation in manuscript; there being many more contemporary copies now in existence than copies of the printed book." (Burgoyne/History of Queen Eizabeth)


Sir Philip Sidney calls the work
"one of the most inveterate
did scurnlous libers which
the religious dissensions of the
times in had produced.


one of the most controversal texts of the Elizabethan age.

The Early heicester, Elizabeth's favorite is attacked for murder line his wife Amy Robsait, found at the bottom of a flight of stairs!, his sexual practivities, abortons etc.

- An anti puritan work








DISCOYRS DE

LA VIE ABO

MINABLE, RVSES, TRA-HISONS, MEVRTRES, IMPOSTVres, empoisonnements, paillardises, Atheismes, & autres tres-iniques conversations, desquelles a vsé & vse iournellement le my Lorde de Lecestre Machiaueliste, contre l'honneur de Dieu, la Maiesté de la Royne d'Angleterre sa Princesse, & toute la Republique Chrestienne.

Traduict d'Anglois en François & mis en forme de Dialogue auquel le Legiste, le Gentilhomme, & l'Escolier sont introduits pour la plus facile declaration du present Discours.

M. D. LXXXV.





AV LECTEVR SVR cette image.

Et Ours (Amy lecteur) que tu vois tant syluestre,
Outrageux & selon, rempli de Cruauté,
C'est le Comte inhumain, le Comte de Lecestre,
Qui surpasse les Ours par sa serocité.

Iamais ne fut produict par le cours de nature.
Monstre plus detestable, ou qui fut plus afreux:
Vrayment il est formé de quelque porriture,
Comme a esté Pithon le serpent treshideux.

Ie croy que de Meduse il a prins sanaissance, Qui tout son chef portoit herissé de serpens: Souuent il s'est monstré ayant cette semblance, De vices tout couvert, de plusieurs aux despens.

Il a souvente sois par grande tyrannie Tormente l'innocent, le rendant souffreteux: Il a souvente sois par grande vilenie Les plus meschants renda de ses faits tout houteux.

C'est vn Tygre cruel, c'est vn Lion sauuage, Surpassant de Neron la rage & la sureur, Il a ce beau pays tout rempli de carnage, Ayant banny de soy les Vertus & l'honneur.

Sardanapale n'est a cestuy comparable, Bien qu'il portast le nom d'esclaue du plaisir, De tresorde luxure, & volupté damnable, Car elle est de cestuy le souhet & desir.

Cest Heliogahale Empercur de shonneste Nourrisson de Venus, monstre luxurieux, Combien qu'il sust venu du vice au plus haut seste De quiter a cestuy ne seroit paresseux.

De trahison cest Ours est la vraye sonteine, De laquelle en tous lieux sçait vser dextrement, En ayant en sa teste vne boutique plaine Et comme vn magazin en son entendement.

Quand tu le vois muny d'vne patte acrochante, Pense qu'il est Cacus le Larron dangereux, Lequel, en luy change d'vne mainrauissante Prend ce qui est d'autruy meschant & cauteleux.

Quand donc tu vois d'en hault cette main Vengeresse, Ne t'emerueille pas. Car le diuin courroux Pour tant d'iniquitez encontre luy s'adresse, Voul ant dedans son sang faire son bras tout roux.

Les bestes que tu vois ce monstre pour suiuans Par deuant & derrière & ce noircy corbeau, Et cest homme estonné, sont toutes pour chassantes, Qu'a ce pilier bien tost soyt lié d'vn cordeau:

A fin que le suplice de la iuste vangeance Que la terre demande, ayant en grand horreur Gest Ours pour ses forfaicts & cruelle puissance, Bien tost sur luy sa face & sans grande longueur.

A LA ROYNE D'ANGLETERRE.

Princesse engrandeur les autres surpassante,
Des muses le soucy, des graces l'ornement,
Vne Pallas seconde en gloire luisante
D'vn florissant esprit d'vn vif entendement,

Helas iettez voz yeux, dre sez vostre lumiere, Sur cet Ours effroyable & plein d'etonnement, Qui comme vn grand torrent & bruiante riniere, Ce qui vous est sacré viole meschamment.

Prenez, nous vous prions, lisez ce petit liure, Il contient ses beaux faicts ses grandes trahisons, Ses meurtres, ses de seins, par lesquels il vous liure Des assauts tous les iours & tient en ses prisons.

Mais vous qui de prudence auez le sainct vsage, Preuenez ce grand loup, enche snéz ce gros Ours Enseignez que Pallas plus que vous n'est pas sage, Rompant tous ses proiects en empeschant son cours.

Aux beneuoles Lecteurs.

ES Historiens (amis Lecteurs) ont accoustumé de coucher par escrit, non seulement les pereus & hauts faicts des plus vertueux mais austy les meschancetez & vices des plus meschans, expourtant les vies detestables de Nevon. Heliocabale, & d'autres Empereurs de telle etoffe se tronnent meslees parmy celles des plus excellens & signalez, afin que les Lecteurs considerans la gloire & renommee des ons, & l'infamie & deshonneur des autres, y puissent voir comme en vn miroir, tant ce qu'ils doiuent detester, & euiter, que ce qu'ils doinent louer & imiter: & voit on par experience, que ceux qui ne se lai sent attraire àla verte, par la contemplation de sa beauté es excellence, sont quelquefois destournez du vice, par la consideratio de sa laideur & turpitude. Ce qu'ayant considere ¿ Ay prins la hardie se de traduire d'Anglois en François & de vous presenter la vie du Comte de Lecestre, encores vinant, qui contestant en toutes sortes d'iniquitez auec les plus meschans qui onques ont esté, surmonte Heliogabale en paillardise, Neron en meurires & cruante, Sardanapaleenlaschere de coeur, Midasen conucitise d'auoir. & finablement Inlian l'Apostat, en sorcelleries, mespris de Dieu H atheisme: de sorte que l'on pourra bien croire, que le Diable mesme s'estant efforce de faire monstre de toutes ses vilenies, pour en espouuenter le monde, « choify ce bon Comte pour s'en seruir comme d'un magasin & boutique ou il estale des marchandises nouvelles, o monstrueuses, & afin de rendre ce sien mignon & fauory plus illustre e glorieux il l'a constitue son Lieutenant D' sonuerain protecteur des Puritains (secte d'Heretiques

en Angleterre, ramassee de la racaille, bourbe, & lie de l'heresie mesme) qui estans assez malheureux par l'impurete de leur doctrine, le sont encore danantage par les meschancerez & vilenies de leur chef es Capitaine. Si donques vous auez enuie de voir l'iniquité mesme (la sille aisnee de Sathan) en son naturel sans aucun fard, & masque de vertusregardezce bon my Lorde, co vous verrez la putain me fine, si laide, si difforme, & si monftrueuse, que sans point de doute vous en tirerez ce proffit, que dore senauant vous l'aurez en plus grand horreur & abo mination qui est tout le loyer & recompense que s'attens, de ceste mienne besengne: car quant à sa repentance et amendement de sa vie, il est si auant plongé au gouffre du vice, que i'en aybien peu d'esperance, tesmoignant l'escriture sainte, que, peccator cum in profundum venerit contemnit. c'est a dire, le pecheur estant vens au profond du peché mesprise Dieu & son salut : neantmoins ie l'admoneste en bon amy, d'auoir en recommandation son ame que Dien a si cherement rachetee, & se deftournant (le plustost qu'il pourra) du chemin de peché retourne a son bon sens, car autrement ie crains, ou que Dien le fondroye du ciel, ou que la terre l'engloutiffe sou bien que luy entre en desespoires damné en sa propre conscience se defface soy me sme, comme ont fait vne infinire de ses semblables, dont nous trouvons la memoire malbeureuse o infame par toutes bistoires tant divines que bumaines. Mais lai fant ce Comte se veautrer en son peche, ie vous toucheray en vn met le dessein de l'autheur elemien en ce discours: Il vous faut doncques entendre, qu'il est deduict en forme d'vne lettre missiue, escrite par un escolier de Cantabrige, a un sien amy, auguel il raconte tout au long vu familier deuis & colloque

qu'il a tenu auec deux autres, sur la vie desreiglee & detestable de ce Comte, en quoy (la matiere s'estant trai-Blee par dialogue) ils ont discouru bien amplement & par le menu de ses beaux faits, & chacun ayant prins son tour de luy donner des esperons, ils ont siviuement picqué le galant, que des ce temps la (a ce qu'on diet) il s'en est depiteusement tourmenté, ronflant de courroux & escumant de rage. Quant aux entreparleurs de ce dialogue ce sont vn Gentilhomme de la Cour, l'Escolier cy dessus nomme & vn Legiste, dont les deux premiers se monstrent euidemment estre de la religion, le troisiesme fait le Catholique, mais silaschement & si froidement, qu'à mon aduis l'Eglise Catholique ne se seruira iamais de tel Champion pour combattre ses ennemis. Toutesfois n'ayant rien troune en ce discours contreuenant a la foy Catholique (finon la Phrase seulement & la maniere de parler qui sent son Protestant) i'ay suiny la trace de l'au theur de pas à pas, sans y rien innouer ou changer: ou pour l'acheuer de peindre i'ay adioussé a la fin quelques autres siennes meschancetez, non moins veritables que vilaines, desquelles i'ay aprins quelques vnes des le téps dema premiere arriuee en Angleterre, oui ay bien demeuré a diuerses sois cinq ou six ans : les autres ie les ayrecuellies du rapport des gens de bien & d'honneur, tant de son pays que du nostre: Gen ayant de longue main garde vn memoire, i'en ay tissu vne narration continuee sans parler par dialogue pour eniter prolixité. Ne vous ennayez donques (le Eteurs) de lire ce discours que ie vous ay icy proposé en nostre langue, & si vous estes contraint quelquesfois de vous boucher le nezpour la puanteur des ordures de ce Comie, si est-ce que vous en aurez quelque recompense, y trouuant par endroits matiere qui vous

pourra bien faire rive. Mais afin que ie ne vous detienne plus longuement, priez Dieu (ie vous supplie) qu'il luy plaise de sabouté infinie enuers les pauures humains, d'a meantir la puissance, & les forces de ce monstre effroiable, & ayezen detestation le peché qui l'a rendu si monstrueux, odieux & abominable, & priez Dieu qu'il se re congnoisse, finalement prenez en bonne part ce mien labeur que i ayicy dedie a vostre plaisir & prosit, qui est cont ce que ie desire. A Dieu.

AV COMTE DE LECESTRE.

Eluy qui veult s'orner regarde son image Dans le miroir d'acter, ou bien de Christalin Qui le representant ne se monstre malin, Si tu te veux changer regarde cet ouurage.

En ses faicts cestuy la merite grand lonange, Et conioinct à la gloire, amasse grand honneur Lequel de son peché conceuant iuste horreur Pour suyure les vertus son esprit bien tost change,

Il euite la peine & le cruel supplice Qui est du tout puissant à toute heure apresté, Si tu changes tes faicts, le tien est arresté, Ayant le Dieu du ciel par ce moyen propice.

LETTRE ADDRESSEE A M. G. DEMEVRANT A LA RVE APPELlee vulgairement Gracius Streat,

A Londres.

Rescher amy, il y a enuiro dix jours que ie receu voz lettres, en date du neufiesme du pre-Cent, par lesquelles vous me sol licitez de rechef de ce que ie vous ay refusé du tout, comme i estoy n'agueres en vostre chambre, qui est de rediger par escrit les propos tenuz à Noeldernier passé, en ma presence, entre mon treshonnoré amy Maistre, en cest ancië Iurisconsul son hoste, touchat les affaires d'estat de nostre pays. Et voiat que ie suis si fort pressé tant par vos instantesprieres, que par vos bonnes en saines raisons de satisfaire à vostre vouloir & desir, & non seulement de condescendre à cette vostre volonté: mais aussi de consentir, que tels propos & discours soient mis en lumiere, & diuulguez secrettement, ainst que vous m'asseurez en auoir bien les

moiens, au lieu où vous estes pour le present il m'a semble propre, auant que passer outre, d'en parler & communiquer aux desusdits, ausquels l'affaire touche de plus pres, d'autant que lors que voz lettres me furent baillees, ils n'estoient pas loin de moy. Et combien que de prime face ie les aye trouué fortretifs & du tout contraires & repugnans à vostre opinion & demande, si est ce que leur ayant proposé voz raisons, & l'asseurace que vous promettez de tenir le tout secret, & d'autre part considerans qu'en ce discours il n'i a chose qui puisse offenser nos voisins, ny qui soit odieuse à nostre tresgracieuse Princesse & Patrie, mais au contraire voians que le tout tend au prousit & vilité de la Roine, & dupays, & sert d'aduertissement fort salutaire, pour euiter beaucoup de dagers manifestes, en prests de tomber sur eux, ils se sont du tout remis à moy, à la charge & condition, qu'ils n'en veulent auoir aucune cognoissance, ny conSentir à la publication de tels discours, craignans que quelques coups de baston leur vinssent des cendre sur les aureilles, si d'auanture ils venoient à estre reuelez, à quoy i espere que vous donnerez ordre, es pour-uoirrez à cet inconvenient, tant pour leur seureté que pour la vostre. Et faisant sin, ie vous asseure que dedans cinq ou six iours le tout vous sera mis entre les mains par escrit: es par vn moyen bien secret, sans que le porteur soupçonne aucune chose de ce qu'il porte. Dequoy il m'a semblé propre es expedient vous donner aduis auparavant. Ce qui vous suffira pour cette heure.

PREFACE DV COLLOQVE

& Discours mentionnez en la lettre cy dessus.

E V de temps deuant Noel dernier pas-se, vn graue & bien honorable gentil-Chomme (lefils duquel estoit lors mon disciple à Cantabrige) me pria de me trouuer auec mon escolier son fils, en vne sienne maison pres de Londres, pour y passer quand & luy les festes, pource que le gentilhomme auoit desia resolu de faire laisser au terme de Saint Hylaire ensuiuant, l'vniuersité de Cantabrige à son fils, pour le mettre en quelque lieu de Chancellerie, afin d'y suiure l'estude du droict municipal, suiuant la maniere d'Angleterre. l'acceptai volontiers sa priere, tant pour le regard des festes de Noel, que du subiect mesme, mais principallement pour l'amour de la compagnie. Car comme i'aime fort le ieune gentilhomme mon escolier, pour la grande apparence de religion, sçauoir, & vertu future en lui, ie porte aussi reuerence & honneur bien plus grand à son pere, pource qu'il est plus meurement & asseurement pourueu de tels ornements & vertus, & rempli de grande prudence, experience, & graue iugement aux affaires qui suruiennent au monde, & mesme en ce qui concerne nostre pays. Sur quoi, ie n'ai souuenance d'auoir iamais oui discourir personne plus certainement, auec plus grade amour & loiauté, & moindre passion que lui.

Cequi a faict que l'ay toussours prins vn singuliet plaisir d'estre en sa compagnie, & n'ai laissé passer aucune occasion pour en iouir. Dequoi s'estant apperceu, il s'est tenu plus asseuré de moi, qu'il n'a faict d'aucun autre de ses amis, comme

l'on peut voir par le narré qui s'ensuit.

Quand ie sus arriué en sadicte maison, pres de Londres, ie trouuai là, entre autres amis, vn vieil homme faisant profession des loix Angloises, lequel estoit venu de Londres, pour garder & celebrer à la maniere d'Angleterre, la feste de Noel, en ce mesme lieu, duquel plusieurs fois au parauant i'auois eu bonne congnoissance, pource qu'il hantoit fort le gentilhomme susdict mo amy, comme celuy auquel il se fioit beaucoup,& duquel il se seruon pour le faict de sa profession. Aussin'estoit il pas peu ayme, pour la bonne copagnie & conuersation d'iceluy, combien qu'il v eust, pour le regard de la religion, quelque difference entre nous & luy. Car bien que faisant profession des loix, il fust vn peu enclin à la papauté, & fust Papiste, ce a esté neantmoins auectelle modestie, & reservation de son deuoir enuers sa Princesse, Patrie & deportemens d'icelle, qu'il nous a toussours semblé donner parfaict & entier contentement, en cest endroict, bien que nous fussions de l'opinion contraire. Il n'a faict aussy aucune dissiculté, de protester souventesfois auec vne bien grande affection que combien qu'il eust plusieurs amis & parens de religion contraire à la sienne, sans regarder au saict de la conscience, qu'il laissoit à Dieu, il les illes aimoit ceneantmoins indifferemment, auec desir & affection grande, accompagnee de zele & loyauté, d'vser du devoir d'amitie en leur endroit & leur faire seruice tant qu'il pourroit. Il n'estoit opiniastre ou obstiné en ses opinions, & moins iniurieux ou medisant de parole (comme plusieurs de son opinion) mais estoit bien content d'ouir & entendre paisiblemét, tout ce que nous pourrios amener au contraire (ainsi que nous faissons bien souvent) & lire pareillement quelque liure que nous luy baillerios, pour son instructio. Parquoy cette bonne & modeste maniere de faire a induit ce bon Gétilhomme & moy à desirer d'auantage sa copagnie, & discourir auec luy de toutes choses qui aduenoient aussi librement, que s'il eust esté de nostre religion.

Or donc pour entrer d'orenauant en matiere, nous nous retirasmes tous trois enseble, vne apres dinée de la feste de Noel, en vne grande gallerie, pour nous recreer vn peu (comme nous faissons gleterre, dure souuentesfois, cependat que les autres iouoient insques au aux cartes, & passoient le téps en autre maniere) iour des Rois, & là, de fortune le Legiste ou Practicié tenoit en & les Seisa main vn petit liure nouuellement imprimé, Gentils-homauec ce tiltre, Defense de la Iustice publique fai- messiennene Ete n'agueres en Angleterre sur quelques Prestres cependant & autres Papistes, pour le crime de leze maiesté. maison ou-Et vn peu au parauant le Legiste l'auoit leu à part soyent leurs soy, & estoit desia prest de le serrer & mettre en sa amis. pochette. Mais le Gentil-homme mon amy, qui l'auoit desia leu tout du long, au parauant, quand & moy, le print encores vne fois entre ses mains,

& demanda au Legiste que luy sembloit d'vn tel

Le Legiste sit responce, que le liure, à son iugement n'estoit mal couché par escrit pour prouver aucus y denommez, estre en particulier coulpables, & pour persuader aussi en general, que tels Papistes lesquels tant dehors, que dedans le Royaume, s'esforcent de tout leur pouvoir, de maintenir & accroistre leur religion (car tous les Papistes ne le sont pas dist-il) desirent & par consequent brassent quelque changemet d'Estat. Mais si c'est tant avant & en tel degré, de propre trahison, qu'il est presumé & inferé en ce liure, ie pensequ'il soit vn peu dificile & pour vous & pour moy (pour le regard mesmes de quelque autre different qui est entre nous) d'en iuger & resouldre indisferemment.

Le Gentilh.

Certainement, ie ne suis pas de ceste opinion, car la raison est tousiours raison, & est prinse en payemet, en toute sorte de religion. Et pour mon particulier, ie vous peux protester, que ie ne porte aucune haine & malueillance à l'honneste Papiste (sil y en a aucun) pour l'erreur & deception de sa conscience, dequoy, entre quelques autres, vous pouuez bien porter tesmoignage. Il est bien vray qu'il m'est impossible de digerer & taire les complots & menees, qui se brassent contre l'Estat & la Republique de laquelle nous dependons tous, pourra beaucoup moins supporter telles choses, veu que de tous crimes, cestuy cy est le plus enorme, & auquel l'on doit le moins pardonner. Parquoy veu que vous accordez, en cet endroit,

que tant dehors que dedans le Royaume, le Papise en general, & en particulier, ceux qui sont codamnez, executez & nommez en ce liure, sont coulpables, coment pouuez vous entendre (comme vous faites) que ce liure presume & infere plus à l'encontre d'eux, qu'il n'est raisonnable de ce faire?

Mon bon Seigneur, ie ne suis pas icy pour exa- le Legiste. miner les actions de mes superieurs, ny pour defendre & soustenir les coulpables, ains ie souhaite plustost, que ceux qui l'auront merité, reçoiuent peine & punition conuenable à leurs demerites. Iedy ce mot, tant seulement pour expliquer & declarer ce que l'ay dit cy deuant, que ceux qui sont de religion differente à celle de l'Estat, sous lequel ils viuent, se penuent dire proceder & aller à l'encontre du mesme Estat en deux manie- Deux manieres: l'vne en negociant pour l'accroissement de res de proceleur dite religion ainsi differente:ce qui est tousiours directement ou indirectement contre l'E-Stat: directement, quand ladite religion contient quelque point ou arricle, qui contrarie au mesme Estat, comme parauanture vous voulez dire que la religion Romaine fait contre l'Estat present d'Angleterre, en l'article de la primace: & indire-Aement, pource que toute differente religion se diuise & separe aucunement de l'Estat, en ce qu'il n'ya homme qui ne soubhaite en son cœur, que le Prince & Estattienne sa religion, sil est possible, & par consequent ne trouue l'autre mauuaise, au regard de la sienne. En ceste manière non seulement ceux que vous appellez Papistes, se mes-

der contre l'Estat.

Directemens Indirectemes.

Puritains impetueux d'entre vous (desquels en affaires d'Estat & gouvernement, la diversité est afsez manifeste) pourront bien, à mon aduis estre dicts traistres, parce que chacun d'eux, de fait, l'eforce, à tout le moins indirectement, contre l'Estat, entant qu'il n'ya celuy qui ne mette peine, & s'employe de tout son pouuoirà accrosstre son party, desirant vn Gouverneur & Chef de sa religion. Et en cétarticle sont pareillement comprins les Huguenots en France & Flandres tous leurs Princes Catholiques: les Caluinistes (comme on des subiects, en les appelle) sous le Duc de Saxe, qui est Lutherien: les Lutheriens sous Cassimir, qui fauorise les Caluinistes: les Grecs & autres Chresties soubs le grand Seigneur de Constantinople, soubs le Sophi, soubs le grand Cham de Tartarie, & soubs autres Princes, qui n'accordent auec eux au fait de la religion. Tous ces subiets cy dessus mentionez desirent indubitablement & de grande affection, que leurs Princes & Estats soient de leur religion, & voudroient qu'ils fussent conformes à eux au fait de la conscience, changeat la religion qu'ils tiennent maintenant. Et par consequent, on les peut appeller traistres, suyuant ceste premiere maniere & sens, & tout ce qu'ils font & entreprennent, pour l'augmentation & aduancement de leur religion differente & cotraire (les diuisans de l'estat) tend à trahison. Et les Princes presupposans cela, ordonnent aucunesfois, qu'aucunes de leurs actios soient reputees trahison, & punies pour yn tel crime. Ce neantmoins, tant qu'ils se

Lacondition on Estas de differente religion.

DE LECESTRE.

contiennent dedans les bornes de ceste premiere La Secondo actuellement, comprend quelque pratique ou menée, contre la vie du Prince, ou contre l'Estar, par voye de rebellion ou autrement) nous ne les tenons pas proprement pour traistres, combien qu'ils fassent quelques actes appartenans à leur religion, pour lesquels, par les loix du Prince, de Foy & opinion differente & contraire, ils sont tenus pour traistres, & leurs actes & deportemens pour trahison: de sorte que pour venir où ie pretens, ie pense veritablement (Monsieur) que selon Conclusio du la premiere espece de trahison, tant le Papiste ze- precedent exlé, que les Puritains en Angleterre, se peuvent dire emple. & prouuer traistres : mais quant à l'autre espece (de laquelle nous parlons maintenant)il n'est posfible d'en parler tant precisement, pource que l'on peut ttouuer en chacune religion, des coulpables & non coulpables. Et comme ie ne sçauroy excuser en cet endroit tous les Puritains, aussi ne sçauriez vous condamner tous Papistes, posé que vous me reputez & quelques autres, pour tels que nous sommes.

le confesse que vostre distinction des trahi-Le gentilsons est vraye, & que l'apliquant aux Papistes & bomme. aux Puritains, come vous faictes, ce n'est pas sans raison, sil se trouue qu'aucuns d'iceux ne se contentent de l'estat moderne, comme il se peut faire qu'il y en ait. Ce neantmoins, ie pense quant à ma part, que ces deux especes de trahisons par vous amenees, sont plustost diuers degrez, que diuerses especes. Enquoy ie me rapporteray au iugemet de

nostre amy de Cantabrige icy present, lequel est mieux verse & entendu au sçauoir des distinctios Logicques. Toutes fois telle est mon opinion, que veritablement & de faict l'vne n'est qu'vn degré pour aller à l'autre, & ne different point en nature, mais plustost en temps, possibilité, ou opportunité. Car (comme vous auez monitré és exemples sus alleguez) puis que les Grecs, soubs la seigneurie du Turc, les autres Chrestiens, soubs autres Princes de differente religion, les Papistes & les Puritains (comme vous les nommez, & comme pour faire distinction, nous vserons maintenant de ce mot entre nous) en Angleterre, sont en leur cœur tellement repugnans & contraires au gouuernement moderne de leurs estats, ausquels ils sont subiects, & desirent tant auoir vn Prince & Estat de la religion mesmes qu'ils tiennent, il'ne faut pas douter qu'ils ne soient resoluz & deliberez d'employer toutes leurs forces & moyens, pour accomplir tels desirs, & de les effectuer s'il leur estoit possible, de maniere qu'estans maintenant au premier degré de trahison, ne leur defaut rien que l'occasion & opportunité de monter au second.

Le Legiste.

Vous dites vray, fil n'ya d'auenture autre occasion & circonstance de les en destourner.

Le Gentilhomme.

Er quelle occasion, & circonstance les pourra, ie vous prie, retenir & empescher de mettre en esse & ce qu'ils desirent tant, quand ils en auront le pouuoir, moyen & commodité?

Plusieurs le peuuent saire, & principallement (si c'est au pais de leurs naissance) la crainte d'estre

DE LECESTRE.

reduicts en seruitude soubs les nations estranges, les pourra destourner de telles entreprises. Comme nous voyons qu'en Allemagne, les Catholiques & Protestas se voudroyent ioindre & liguer ensemble, à l'encontre de quelque estranger, qui voudroit attenter quelque chose au preiudice de leur liberté. Ils en firétainsi cotre Charles Quint. Et n'y a pas fort log temps, que les Huguenots en France l'estans ay dez de nostre secours, pour faire stre à lestranla guerre contre le Roy, & voyans que nous nous ger est souvet estions desia emparez du Haure de grace, prests de occasió d'unio marcher plus auant, pour recouurer vne partie de nos Estats par delà la mer, ils se reconcilierent & Exemple de vinrent incontinent aux Catholiques François, la France. pour nous chasser de France, comme ils firent. En Exemple des Flandres pareillement, combien que les Caluini-Flamens. stes y euslent appelle Monsieur, pour defendre & maintenir specialemet leur religion, contre l'Hespagnol, nous voyons neant moins, comme aucuns des principaux d'Anuers, Gand & Bruges, ne se monstrerét pas trop pronts & faciles à le receuoir pour leur chef, & comme ils n'ont tardé à le mettre dehors, aussi tost qu'ils ont esté saisiz de la moindre peur & soupçon d'estre par luy assubie-Ctiz aux François. Et quant aux affaires de Portu- Exemple de gal, i'ay ouy dire, que pendant la derniere guerre Portugal. & contention pour la principauté, qu'aucuns des principaux Catholiques de ce Royaume, plustost que souffrir le Castillan eniamber sur eux, aymeroient mieux & se resouldroient de receuoir toutes manieres d'ayde, secours & support, voire de ceux de contraire religion, & encourir chan-

qu'on a de-

Exemple des Grecs & Latins.

gement en icelle, quel qu'il fust, ou autre inconueniet, qui par tel moyen leur pourroit aduenir, ains que permettre qu'ilsfussent renduz subiectsà leur voisin tant ambicieux. Le mesmes se voit en diuerses histoires des Grecs pour le jourd'huy, lesquels haissent tant le nom & seigneurie ou domination des Latins, qu'ils aiment mieux endurer, comme ils endurent iournellement, toutes calamitez, soubs le ioug du Turc, & autrement, que pour demander ayde & secours hors de l'Occident, se mettre en danger d'estre assubiettis aux Latins. De maniere que par ces exemples vous voyez, que la crainte, doubte & horreur d'estre subiects aux estrangers, peut retenir & empescher les hommes, en tous Estats, & par consequent, les Papistes aussi bien que les Puritains, en nostre Estat d'Angleterre, de passer à la secode espece ou degré de trahison, quoy qu'ils fussent bien auant entrez en la premiere, & eussent la commodité, le pouuoir, le temps, la volonté & l'opportunité de pratiquer la seconde, & la mettre en œuure.

l'Escolier.

Ie prins la hardiesse, en cét endroit, d'interrópre leur propos, pour dire, que cecy me sembloit tresclair, & que i'entendois bien maintenat ce que le Legiste vouloir dire au parauant, quand il affermoit, que iaçoit que l'on peust dire que la plus part des Papistes pratiquent en general contre l'Estat present d'Angleterre, en ce qu'ils s'emploient tat serieusemét, & sont tout ce qu'ils peuvent pour la manutention & accroissement de leur religion: au moyen dequoy ils encourent quelque espece de trahison, ce n'est pas toutes sois si auant, ny en tel degré de trahison propre, comme ce liure presu- Papistes ne me. Et quant à moy (disoy-ie) ie ne veux point som propreque le sussidif liure presume ou infere qu'en general proprement traistres, ains que ceux le sont tant seulement, lesquels y sont particulierement nommez, ou qui par les loix du païs, sont attaints, couaincus, condamnez ou executez. Mais que vous semble de ceux là (disoy-ie) lesquels y sont comprins particulierement?

Veritablement (respondit le Legiste) il me faudra parler de ceux cy, quasi en la maniere que i'ay deja dicte, à sçauoir qu'aucuns de ceux qui sont mentionnez au liure, sont euidemment tombez enla seconde espece ou degré de trahison, comme VVestmerland, Norton, Sauudert, & autres semblables. Mais quant à quelques autres (signammét les Prestres & seminaires qui n'agueres ont enduré) à ce que i'ay peu voir alleguer & plaider à l'heure de leurs accusations, ou à ce que ie leur ay ouy protester, à leur mort, ou que i'ay peu colliger de moymelme, par raison & iugement (pource qu'il n'ya Prince estrager, ny homme sage & de bon conseil, qui voulust onques commettre & encharger chose de si grande importance à tels instrumens) il ne se peut faire que ie ne croye necessairement, qu'aux plus sages & aduisez de nostre estat, lesquels auoient le maniemet de cette affaire, le premier degré de trahison, auquel indubitablement ils estoient tombez, fust suffisant, pour les faire mourir, principalement en vn temps si remply de craintes & soupçons, qu'est cettuy cy, à

ce qu'estans executez pour la premiere, ils ne sussent en danger de cheoir en la seconde, ny attirer autres à icelle: chose, peur estre, de laquelle, sur tout, ils ont eu dessiance.

l'Escolier.

Apres que le Legiste eut en cette maniere mis sin à son propos, ie me teu tout expres, pour presser l'aureille à ce que le Gentilhomme luy vou-loit respondre, lequel ayant sait deux tours, en se promenant en la gallerie, sans dire mot, s'arresta tout soudain, & iettant, auec grauité, sa veue sur nous deux, profera ces paroles.

Le Gentil-

Messieurs, quoy que soit de telle execution & iustice, de laquelle ce n'est affaire à nous de juger, ains nous deuons asseurer & persuader nous mesmes, que l'Estat a grande raison de faire comme il fait, & que souventes fois il luy est besoin d'estre aussi prompt à obuier aux inconueniens futurs, que de remedier à iceux estás deia aduenus. Toutesfois, il faut que ie confesse à tous deux, que sur aucunes considerations, lesquelles me viennét ordinairement en l'esprit, ces differents d'entre nous (lesquels vous appellez & dites prouenir de la diuersité de religion)me donnent beaucoup de peine & fascherie, à cause desquels, nous sommes cotraints vser des rigueurs & discipline, à l'endroit d'aucuns, lesquels autrement, nous voudroient parauanture nuire & grandement offenser. le sçay bien que la cause de cete controuerse est fondee sur vne maxime qui n'est pas facile à appointer, à sçauoir sur la conscience de l'homme, à laquelle en fin il obeit de volonté & affection, quoy que pour quelque temps, il puisse par le dehors dissimuler au contraire. l'ay fort bonne souuenance de ce que vous auez dict au parauant, de l'inclination douteuse & fort dangereuse, d'aucuns viuans mal contés en vn Estat de religion diuerse, principallement lors que de fait, ou selon leur opinio, ils sont rigoureusement traitez, & quand la punition particuliere de chacun est iugee s'estendre en general à la cause.

Ie ne suis pas ignorant & sçay bien que la mile- Bonnes conre pourchasse l'amitié, & que la seule opinion de siderations. la calamité d'autruy a de coustume d'esmouuoir l'affection de pitié & misericorde, voire mesmes enuers ceux qui sont meschans: car l'heur & la prosperité est toussours subierte à malice & enuie: & celuy qui souffre est estime auoir meilleur droit, & plus iuste cause, comme l'experience de diuers regnes, & les deportemes du Roy Edouard, de la Royne Marie, & de cette nostre fort gracieu se, souueraine Royne & Princesse de present, m'a suffisamment demonstré, touchant la suite de ces affaires. Et en fin, mes bos amis (dist il, parlant auec vne asseurance & affirmation grande) il faut que ie vous die franchement que ie pourroy soubhaiter de bien bon cœur, ou que nous fussions exépts de toutes telles diuersitez qui se voiét entre nous, ou qu'elles eussent lieu auec telle moderation & attrempance de part& d'autre, que l'Estat commu de nostre patrie, le regne heureux de sa Majesté, & la cause publique, n'é sussent endommagez ny en dager de subuersion. Mais de fois à autre il cessoit de parler, en se retirant vn peu à costé.

Le Legiste le voiant ainsi se taire, & se retirer, le

suiuit, & le prenat par sa robe, luy dit, par manie. re de passetemps: Tous les hommes ne sont pas de vostre humeur, car aucuns sont d'vn plus vif & moins poséesprit, qui sont bien aises de pescher tousiours en cau trouble, participans en cela du naturel des Mores noirs de la Guinee (desquels i'estime qu'ayez ouy parler, & pouuez en auoir Le natureles veu en ce pais) desquels l'exercice domestique est (comme aucuns escriuent) que l'vn chasse, prenne & vende l'autre, & que le plus fort fasse tousiours son profit, & tire argent de celuy qui est pour l'heure le plus foible. Mais si nous viuions maintenat icy en paix & vnion d'Estat, comme l'on fait en Alemagne, nonobstant la diuersté de religion. de maniere que l'vn ne seruit de proye à l'autre, à cette heure là les grands faulcons des champs (i'entens les fauorits & mignons du temps) n'auroient dequoy se paistre : ce qui seroit vn inconuenient, comme vous sçauez.

Vraiment, Monsieur, dist lors le Gentilhomme. vous tirez plus pres du but que vousne pensez, car si ie ne m'abuse, la vraye source de tous les desastres & maux desquels nous parlons, n'est autre chose, qu'vne proye, non pas en l'esprit de la Princesse &Estat (desquels indubitablement les intentions sont tresiustes & sainctes) mais en l'auare imagination, & subtile pensee & conception de celuy, auquel pour le present Dieu a permis, à cause de nos pechez, de tyranniser, & entreprendre sur la Roine aussi bien que sur l'estat. Et n'ayant luy mesme aucune religion, il se nourrit neantmoins de nos differents, pour la reli-

Le Tyran de l'Estat Aisgles.

maniere des

Moresdela

Guinas.

DE LECESTRE.

gion, afin de s'engresser à souhair, parce moyen là, & ruiner du tout le Royaume. Car là où suyuant la commune distinction maintenant receue de chacu, en commun deuis, l'on trouve trois notables differences & principales sortes de religio, en ce pais, desquelles les deux extremes, sont la religion du Papiste, & celle du Puritain, estant celle Trois sortes du Protestant religieux mise au milieu, cestuy cy de relegion en n'en tenant aucune, fait son profit de toutes trois: & comme il cerche vn diademe, par l'vn des extremes, & les despouilles par l'autre, aussi se sert il de l'authorité du troissesme, pour compasser les deux premiers, & de la contremine de chacun à part, pour renuerser ou bouleuerser tous les trois ensemble.

A quoy, ie fey responce. En bonne foy, mon-l'Escolier. sieur, ie voy bien maintenant là où vous tendez, estant tombé au lieu commun du propos & conference ordinaire que nous tenons en l'Universite. Car ie sçay bien que vous voulez parler du Comte de Lecestre, lequel pour le jourd'huy, par Le Comte de tout le Royaume, est le subject de tous plaisans Lecestre. deuis, & discours.

Ces discours ne sont pas tant plaisans que pi-le Gentill. toyables, respondit le Gentilhomme, si l'on considere bien toutes choses, & les circonstances d'icelles, si n'estoit que quelqu'vn prinst plaisir & s'esiouist de nos propres miseres, lesquelles (comme il y en a grande apparence) augmenteront & deuiendront plus grandes par son iniquité (si Dieu ne les destourne de nous) & par la particuliere malice de toute Angleterre, veu qu'il est seul, lequel probablement voire certainement doit estre la fatale destince & ruine de nostre Estat, & de la vraie religion, de laquelle par moiens indirects, il

est le plus grand ennemy qui soit au pais.

A la verité, monsieur (dist le Legiste) si vous parlez tant pour l'opinion que les protestans ont deluy, que diray-ie pour ses merites enuers les Papistes? lesquels, à ce que ie puis entendre, ne s'estiment ou pensent beaucoup tenus à luy, bien que pour son prosit particulier, il se soit monstré, pour quelques années leur amy, à l'encontre de vous autres, iusques à ce qu'à l'instâce de ses amis, specialement par my Lorde North (come le mesme my Lorde sen vante) il sut persuadé, par voye de police, sous espoir de plus gradgain, de passer plus outre, & se ioindre aux Puritains cotte nous, lesquels toutes sois, comme il est probable, il n'ayme pas plus que les autres.

Vous sçauez bien (dist le Gintilhomme) que c'est de l'amour de l'Ours, qui ne songe & ne s'aplique qu'à sa propre pace, de maniere que cestuy cy, qui n'est autre, ne fait que conuertirtoute chose à son prosit & auantage, & de la conuoitise & desir qu'il en a, il veut tout renuerser & culbuter, si bien tost il n'en est empesché & lié, come l'ours, par son museau ou babines: & pour dire ce que i'en pense, la cosideration m'en semble bien estrage, & telle que ie ne sçauroy penser (si en en atribue la raison à Dieu, pour la punition de nos pechez) comme il est possible qu'en vn Estat tant sage & vigilant, que le nostre, & en vn pais tant bien aprins, & quasi battude tels dagers, vn hom-

me de telle coplexion & esprit, que l'on scait qu'il est, tant ambicieux, superbe, faux, grad trompeur, zinsi nay, esseué & nourry des son enfance en trahison, descendu d'vne race de traistres, & en sa ieunesse acharné, par voye de cospiration contre le sang Royal des enfans du feu Roy Héry huictiesme du nom, & depuis accoustumé toussours aux menees & coplots contre le mesine sang, par la mort, occision & ruine de quelques autres : vn que l'on sçait & cognoist tant bié porter haine & seerette malueillance à sa Majesté, pour causes, qui ne receuront iamais reconciliation aucune, & rancune implacable à l'encontre des meilleurs & plus sages conseillers de son Altesse: vn tel, dis-ie tant odieux & à Dieu & aux homes, & tant remarqué & cogneu du plus petit & simple subiect du pais, à cause des enseignes publiques de son intétion pleine de tirânie, air esté sans aucune corradiction, soufert d'aspirer & exercer la tirannie, par voyes tresmanifestes, & se rendre maistre & Possesseur (comme maintenant il a fait) de la Cour, du Conseil de tout le pais, sans contredit aucun, & resistence, de sorte que rien ne luy defaut, sinon son plaisir seulement, & le iour desia conceu & arresté en son esprit, pour disposer à sa volonté de la Princesse, Coronne, Royaume & Religion.

Vous dites merueilles (disoy-ie) qui donnoit à l'Escolier. plusieurs grande occasion de sesbahir, desquels vous n'estes pas le premier ny le dixiesme : tous personnages de marque, lesquels i'ay oui discourir de cela, & se plaindre, de meime façon. Mais qu'en dirons nous?il n'y a personne, qui n'a-

tribue tout cecy à la singuliere benignité & tresbé naturel de sa Majesté, laquelle mesurat les autres selon sa sincerité heroique & Royale, ne scauroit facilement soupsonner un hôme tant redeuable à elle, comme est cestuy-cy, ny retirer sa cossance de la part qu'elle a coblé de tant de biensfaicts.

Il ne faut pas douter (dist le Gétilhomme) que cette gracieuse & benigne complexion de sa Majesté n'en soit la vraye cause & origine. Et comme cette complexió digne d'yne Princesse, merite en sa Majesté vne louange rare & tresgrade, ainsi est elle bien souvent fort suiette à plusieurs dangers, quand yn naturel tant doux & benin rencontre des personnages ingrats & ambicieux. Et cette observatió a possible esté cause que l'Ayeul & Pere de sa Majesté (deux tresgrands & renommez Princes) ont quelquefois soudainement retiré l'amitié & faueur grande laquelle ils auoient porté au parauant à aucuns de leurs subiects, con-Attuez en grand credit, honneur & reputation. Et en cét endroit sa Majesté se pourra aisement seruir de sa prudence, & excellente memoire, pour se reduire & ramener en son esprit plusieurs exemples des mesaduantures & dangers aduenus à plusieurs Rois & Princes, pour s'estre trop siez à aucuns, qui leur estoient obligez, & en fin se sont monstrez traistres enuers eux : ausquels le seul nom d'u Roiaume & le regne d'vne heure, est de plus grand poids, que tout denoir, obligation, honesteté ou bonne nature. Et à la mienne volonté que sa Majesté peust voir les continuelles craintes qui saississent les cœurs de ses subiects, ce pendant

DE LECESTRE.

que cestuy cy duquel nous parlons, est aupres de sa personne, sigrand, si apparent & fourny des moyens(si Dieu n'y met la main, par sa bonté diuine) pour occasionner la ruine & calamité du sang & nom Royal d'icelle. On n'oubliera iamais Monsieur le propos, ains demourera toussours engraue aux V V alingcœurs d'aucuns, lequel quelques anciens & gra-hais. ues personnages de ce Royaume, & vn Gentilhomme fort prudent, maintenant du Conseil de la Roine, tint vne fois à vn sien amy, touchant le presage & ferme opinion que le Pere mesme de sa Majesté auoit imprimee en son cœur, que la Presage dis maison de Iean Dudley Cheualier seroit auec le Roy Henry temps la ruine de la sienne & du sang Royal, & de la maison cette prediction de Roy estoit preste d'estre sou- de Dudley. dain aueree, come tout le monde sçait, sur la mort du ieune Roy Edouard, par le mesme Dudley pere du nostre, lequel, tout d'vn coup sit rant, que tous les trois enfans du feu Roy Henry son Mais ître, furent en danger d'estre à iamais priuez de la coronne. Et neantmoins au milieu de ces menees là, tant sanglantes & cruelles à l'endroit de la Májesté de la Roine regnante, & de sa sœur Marie defuncte (esquelles pratiques & menees ce bon compagnon s'entremessoit, & y mettoit les mains autant auat que son aage le permettoit)il escriuit lettres à la Princesse Marie, enuiron seize iours Dissimulatio deuant la mort du petit Roy Edouard (car com-du Traisfre, me il est à presumer, il sçauoit que le Roy aprochoit de sa fin) par lesquelles, pleines de flaterie & adulation, il luy promettoit toute loyauté & ag-

greable seruice, apres le trespas du Roy son frere:

n'vsant de language moins fardé & simulé, que fait maintenat ce bon Apostre son fils, à l'endroit de la Roine Elizabeth sa seur. Voila come le pere se porta lors enuers les enfans de son bon Roy & Souuerain, duquel il n'auoit esté moins esseué & agrandi qu'est pour le jourd'huy son fils par la Majesté de nostre Princesse. En ceste maniere il se monstra grand dissimulateur, lors qu'il complotta de ruiner toutes les deux sœurs. N'aurons nous donc pas iuste occasió, (helas!) de nous douter & reuoquer en soupçon, la loyauté de ce bon gentilhomme son fils? lequel par l'extreme ambition, & merueilleuse enuie de regner, ne cede en rien à son pere, ny à autre esprit du mode, aspirat & sesforceat paruenir à la gradeur, ains est beaucoup plus insolent, cruel, vindicatif, expert, puissar, subtil, fin & cauteleux regnard, que ne fut onques son pere. le trouve bo ce qui fut proposé par le Gentilhome susdit à son amy, & m'asseure que son coseil & aduis seroit fort aggreable au Royaume, & profitable à sa Majesté, à sçauoir que les deportemés de ce bon Comte peussent estre publiquemet epluchez & examinez, & fust permis à tous bos subiects de dire frachemet tout ce qu'ils pourroiet sçauoir cotre luy, come il estoit permis de ce faire, l'an premier du regne du Roy Henry huictiesine, contre le grand Pere de ce copagnon, Emod Dudley & l'an premier aussi du regne de la Royne Marie, à l'encotre de son pere, si cela auoit lieu, ie ne doute aucunemet, que si ces deux ses ancestres& predecesseurs ont esté trouuez dignes de perdre la vie, pour le crime de lése Maiesté, cestuy-cy leur

Monfieur VValliaghar.

Jea Dudley.

neueu, ou descendant d'iceux, ne fust jugé meriter Robert Dusemblable peine, & faire le troisiesme, en paren-dley. tage, duquel les trahisons surpassent de beaucoup

celles de ses ancestres.

Le Gentilhome ayat parlé en cette maniere, le Legiste ne dit mot, & se teut, pour vn peu d'espace de téps, se soubriat vn peu, & regardat ça & là, come sil eust esté à demy craintif, & comacea lors à dire ainsi. Messieurs, lisez vo, ou bié estudiez vo les statuts & ordonances, qui sont publices? auez vous pas ouy dire de preniso, fait au Parlemet dernier, pour la punitio de ceux qui parlet tat ouuertemét de telles gés que le my Lorde de Le cestre?

Ouy dea (respondit le Gentilhomme) i'ay ouy dire que my Lorde de Lecestre a esté fort soigneux &vigilat, pour auoir lors vne telle loy, a l'écontre de ces gras parleurs, sous esperance (come l'on peut péser) que par la protectió & sauuegarde d'vne loy & defense tant estroite & generale, sa Seigneurie pourroit demeurer pl'asseurce, coye, & tranquille, en son estre, exépte de la tépeste des lagues, lesquelles ont lors beaucoup parlé & discouru de plusieurs actes de sa Seigneurie, qu'il eust bié voulu estre tenus secrets & enseuelis soubs vn perpetuel oubly & silence. Come, pour exemple l'o parloit à cette heure la de ses mescontentemés & apprests, de rebellió, à cause de la premiere venue de Mosseur en Angleterre, des disgraces & re-Les assios d proches lesquelles il auoit receuës en Cour: de la Comte de Le mort, à cette heure là, toute fresche, & de recente s'efforçois de memoire du noble Cote D'esseu, & come cestuy encher, cy nostre luy print & enuahit si soudainement sa

veufue laquelle il enuoya ça & là, de maiso en autre, aux chaps, par voyes secrettes, afin de cacher le tout, de maniere qu'il ne paruint à la cognoissace de la Roine. Et ce bo Cheualier n'aiat pas seulement iouy d'elle au parauant, à son plaisir, pour assouuir son appetit desordoné & lubrique, mais aussi l'aiant mariee & remariee, pour le contentement de ses parens, il le nia toutesfois, par solennel serment, deuant sa Majesté, & la dessus feit & celebra la saincte Cene (tant ce braue champion est de bonne conscience) & en apres vsa de menaces, disant qu'il se vengeroit cruellement de ceux qui seroient si hardiz d'en parler seulement: de maniere que l'on ne doit trouuer estrange, que sa Seigneurie, pour cacher & tenir secret ce fait icy, aussi bien que plusieurs autres siens braues exploits, & actes memorables (qu'il ne vouloit estre publiez & manifestez au monde) ait esté si vigilate & soingneuse de faire publier vne telle loy, pour imposer silence.

lÆscolier.

Certainement il est bien probable, & est à presumer, disoy ie, que sa Seigneurie estoit en grande peine & perplexité, lors que l'on manioit les affaires de Monsieur, & qu'elles estoient sur le bureau. Il est à presumer qu'il feit à cette heure là beaucoup de choses (en proiettant encore dauantage) desquelles il n'a voulu que le monde ait tant cause & babille, aiant veu principallement ses desseins & complots venir à neant, & se resoudre en sumee. Cette année là, ie n'estoy pas soin de la ville de VVarvvict, lors qu'il retourna de la Cour fort malcontent, de maniere que l'on tenoit pour certain par tout le Rojaume que bien tost apres il deust prendre les armes, pour faire la guerre, si le mariage d'entre Monsieur & la Roine fust venu en auant, & se fust fait. Le bruit en couroit à Cantabrige, & en estoit commun par tout sur le chemin où ie me trouuois, & estoitchose merueilleuse de voir non seulement les contenaces & deportemés, mais aussi d'ouir les audacieuses paroles de ceux qui estoient de son party. Ce bon.my Lorde mesmes, estant en vn sien Chasteau appellé Tilluigvvorth, donna yn peu deuant à entendre, que cet affaire cousteroit la vie à plusieurs, auant la S. Michel ensuiuat: & my Lorde de V Varvvict & son frere disoit apertement, estant assis en table à Grenvviche (en la presence de monsieur Henige, (si e ne me trope) que ce mariage de la Roine ne se deuoit supporter, lesquelles paroles estans vne fois diuulguees (desquelles madame la Comtesse sa femme fur desplaisante) furent receues & depuis proferees de la bouche de chacun petit compagnő entre les seruiteurs, en defense de sa Seigneurie contre la Roine. L'on despechoit tant de courriers, allans ça & là, & couras par tout, l'on parloit tant des forces de Casimir & autres Princes, tous prests (comme l'on disoit) de s'offrir à son ayde & secours, pour la protection du Roiaume & de la religion à l'encontre des Estrangers (pource que l'on pretédoit cela en estre la cause) l'on comptoit tant de ses partisans & complices, qui luy deuoiét tenir la main (desquels il monstra luy mesme vn Catalogue à quelques vns de ses amis, pour leur consolation & soulagement) ceux là qui fauoriMeßeigneurs le Thresorier, le Chambellä & le Comretolleur.

soient le mariage estoier tant mesprisez & disgraciez, nommément deux ou trois Conseillers, que l'on estimoit la cause de tout, & pour cette cause estoient ils remarquez, pour en estre chastiez à la rigueur, afin d'intimider & espouuater les autres. On parloit de tant de lettres escrites, & surprinses tout à propos, qui demonstroient qu'il y auoit de grandes forces prestes, & tant d'autres choses complotees & designees (le tout ne tendant à autre fin qu'à vne guerre ouverte) que ie commenceay à auoir peur bien grande, & me soubhaitay estre de retour à Cantabrige, pource que i'esperoy, y estant, que ma robe d'Escolier m'excuseroit de la necessité de cobattre, ou si elle ne m'excusoit, en ce cas, i'estoy resolu en moymesme, de suiure Aristote, qui prefere tousiours le Lion à l'Ours, m'asseurant bien aussi, que si l'on venoit à debattre la querelle, sa seigneurie n'auroit pas gueres meilleur succes en cette entreprinse, qu'autrefois son pere auoit eu d'yne autre aussi mal fondee. Et pourtant m'asseuroy-ie d'autant plus, que ie scauoy de quelle intention estoient plusieurs de ses complices, lesquels estoient deliberez de l'abandonner au besoin, si l'affaire fust allee plus auant. Entre autres vn Vicepresident ayan, esté pour suppleer au lieu d'vn autre qui estoit abt sent, pour gangner des amis, disoit secretementpres de Ludloir, que si l'on venoitaux mains, pour debattre cette affaire, il suiuroit sa Maistresse, & delaisseroit son maistre parmy les espines.

Monsieur Hibbot.

> le croy veritablement, Monsieur (dist le Gentilhomme) qu'il s'en trouuoit bien d'autres, qui

eussent suiui cet exemple. Car combien que ie sache que les Papistes fussent de sa part, les plus remarquez, & suspects en cette affaire, à cause de leur tant manifeste volonté & inclination enuers Mosieur, & que par consequent, pour abaisser & aneatir le credit & estime de la chose mesme, ce gentil champion & desfenseur de religion sit courir le bruit, que la cause de sa Majesté n'estoit autre que celle des Papistes (comme auoit faict deuant luy, son pere, en vne semblable entreprinse) bien que ce fust par faintise & dissimulatio, ainsi qu'il nous demonstra manifestement à l'heure de sa mort, lors qu'il confessa & declara haut & clair, sans aucune saintise, qu'il estoit Papiste: il ne se trouua neantmoins personne, par tout le Roiaume, tant simple fut il, qui du premier coup ne sceust descouurir cette ruse, faintise & mechancete paliee. Et si ie ne me decoy, il n'y auoit pas vn bo subiect, lequel voiant sa Majesté tenir l'vn des partis, ne se voulutioindre à elle contre l'autre, tant grand & puissant fut il. Ce qu'il eust fait d'autant plus volontiers, que la controuerse mesme si'entens le mariage de sa Majesté auec Monsieur frere & heritier futur de la corone de France) fust iugee par les meilleurs, plus aduisez & loiaux Protestans du Roiaume, estre honorable, conuenable, aduantageule, voire melmes necessaire à nostre Republique Angloise, par lequel moyen, come par vn remede & antidote tres singulier & soudain, toutes nos maladies tant dehors que dedas les pais, pouuoient tout d'vn coup, receuoir guarison, tous ennemis estrangers & conspirateurs domestiques se B iiii

pouuoient écarter, tous desferens, craintes & dan? gers assopir & du tout estraindre. La France eust asseurément esté nostre: L'Hespagne en eust eu grande peur : l'Ecosse cust esté paisible, nos competiteurs domestiques, en Angleterre en eussent tremblé: & quant au Pape, il eust eu beau se messer de nos affaires, nos differents, pour la religion, cussent esté ou moindres, ou au pis aller, n'eussent esté plus grands qu'ils sont pour le present, pource que Monsieur estant Papiste fort moderé, sans se monstrer vehement en ses opinions, se contentoit de conditions fort raisonnables pour soy, & ses gens tant seulement, en lexercice de leurs religion, & fait de leur conscience, de maniere, qu'à la verité, il y auoit assez grande apparence, qu'auec le temps, on l'eust peu gangner & attirer à l'Euagile (moyennant la grace de Dieu, & la grade prudence & vertu de sa Majesté) comme autres sois le Roy Ethelbert Gentil & Payen, deuins par le moien & sagesse de la Roine Berthe sa femme, le premier Roy Chrestien des Anglois. Au comble de laquelle felicité, si le Seigneur, par sa grace & benignité, eust adiousté ce bien, qu'ils eussent engédré & procreé des enfans de leurs corps & sang Roial (ce qui se pouvoit faire lors que ce mariage commancea à estre traité) nous eussions indubitablement esté les plus heureux qui soient souz le tiel, & d'abondant, nous eussions parauanture moienné l'auancement & establissement de l'Euagile, par toute l'Europe, ce que nos freres de la France ont bien consideré, & en auoient bonne esperance. Mais ce Tiran icy duquel nous parlos,

a pour son profit particulier priué le Roiaume de tous ses biens singuliers, presens & à venir, tant inre, que in spe, craignant qu'au moien d'vn si grad bien pour la patrie, son ambition fust reprimee, & ses ruses & trahisons, descouuertes. Il a en outre mis tout son effort de nous rendre ennemi mortel ce grand Prince, lequel a pourchasse auec tant d'honneur & confiance, l'amour & bienueillance de sa Majesté, qu'il ne se trouua iamais Prince qui ait fait le semblable, exposant par deux fois son corps au danger de la mer, & de ceux là qui malicieusement luy portoient enuie en Angleterre,

pour l'amour de sa Majesté.

Quand vous parlez de Monsieur, ie ne puis que ie ne sois grandemet esmeu, tant a cause de ces co- Le Legiste. siderations que vous auez fort bien couché, que pour le regard de quelques autres, & principallement d'vne, enquoy vous me iugerez parauanture partial (ce que veritablement ie ne suis) l'alleguant pour l'amour du repos& bien de ma patrie. Donques cette mesme consideration est que par le mariage de Monsieur auec nostre Noble Princesse, outre l'esperance d'auoir lignee (qui estoit le principal) il y auoit grande apparence & probabilité, qu'au cas de la religion s'en peust moienner entre vous & nous en cest Estat, quelque vnio, ou à tout le moinsquelque petite permission & exercice d'icelle, comme nous voions pratiquer cela és autres pais & contrees, pour leur grand bien & repos. Et certainement cette permission eust assopi & entierement suprimé tous inconveniens & perils, & aneanti les desseins des Princes estrangers,

& eust pareillement empesché & couppé broche à beaucoup de complots & menees qui se peuuet faire & attenter au Roiaume: là où maintenat par cette bresche auec la France nous demeuros tous seuls (come il me semble) sans quelque grade vnio ou amitié d'ailleurs: Et quant à nos differens domesticques, ils deuiennent plus grads, impetueux & factieux qu'ils n'ont encores esté par le passé. A raison dequoy & autres occasions, desseins menees & pretensions, se font de jour en autre des praticques tirees de plus loing, plus dangereuses & deseiperces que iamais, ce pendant qu'vn chacun tire ou la commodité, ou la necessité du téps & de l'Estat à son profit & au antage : principalement à cette heure que tout le monde se persuade que sa Majesté (à cause des trauerses & destourbiers que l'on a toussours donné pour empescher ses nopces) n'est pas en train de laisser au roiaume ce ioyau & thresor tant precieux & de si long temps fort desire de tous ses subiects, à scauoir des heritiers procedans de son propre corps, & estoc Royal.

Appellez vous cela doner destourbier & empescher, que d'aneantir toutes les offres treshonnorables & auatageuses de mariage, faictes à sa Majesté s' dist le Gentilhomme) Certainement vous deuiez à mo aduis, vser de quelqu'autre mot plus propre pour mieux exprimer la nature d'vn acte si meschant, par lequel seul quand bien il ny en auroit point d'autre, ce malheureux homme a plus endommagé sa Republique qu'il n'eust fait, sil eust occis & massacré vne infinité de subiects, ou eust

vsé par trahison de toute autre maniere d'hostilité en faueur de l'ennemi iuré. Il me peut bien souuenir de quatre traicts à ce propos, lesquels ce bon compaignon de Comte a empesché tous, Le premier touchant le Roy de Suede: le secod pour sa Mariages de l'Archeduc d'Austriche: le troisses me pour le ma-empeschez. gnanime Henry 3. à present Roy de France: & le quatriesme pour Monsieur son frere & heretier de sa coronne à venir, dont nous auons parlé. Ie laisse en arriere plusieursautres motifs secrets que quelques autres grands Seigneurs ont à mesme propos donne à entendre à sa Majesté: & pource que ces quatre sont cogneuz de tout le monde, ie les allegue & propose tat seulemet. Tous lesquels ce Dauusici n'a moins soigneusemet destourbez & empeschez, qu'ils ont esté serieusemet poursuiuis des parties. Et pour comencer aux trois premiers poursuiuats, il est tout certain que ce braue Cote les a renuoiez, non par quelque valeur de sa personne, ains par protestation & serment qu'il estoit luy mesme fiancé à sa Majesté. Ce quell'a bien entendu de la bouche du Cardinal de Chastillon, estant present au premier traicté qui se faisoit pour le regard de Monsieur maintenant Roy de France: dont le pauure Cardinal bié tost apres paia le tribut & folle enchere, pource qu'il fut (comme l'on iuge) empoisonné par le moien de cet homme de bien. Ce neantmoins il feit lors courir par tout, ce bruit entre ses amis, fussent ils estrangiers, ou du pais, qu'il estoit siancé à la Majeste & que par consequent, tous autres Princes, tant grands fussent ils luy deuoient ceder en cet

endroit. Et quand il sceut que le Roy de Suede n'adioustoit pas grande foy à tous ces bruits, ce bon compaignon pour la satisfactió d'autres auec son priuado & familier, pour controuuer & faire preuue de ce qu'il pretédoit, mais en façon la plus mal seate & desloiable d'ont l'on ouit iamais parler, chose laquelle pour le deuoir & office ie suis contraint passer sous silence, pour l'honneur des parties y touchees. Comme ie suis force de celer son dist privado, sale, & vilain, bien qu'autrement pour si deshonnesteré & vilenie il merite bié d'es stre publié & manifesté à tout le monde. Mais monbon Seigneur, ie m'asseure a bonne souuenance & de l'homme & du suiet. Et combien qu'il n'y eust homme sage & aduisé alors, lequel cognoissant bien l'humeur du my Lorde, n'eust grad soupçon de la fauseté & de ce que tant arrogamment il affermoit, concernant tel contract auec sa Majesté: si est ce qu'aucuns tat dehors que dedans le pais en pourroient (peut estre) auoir quelque opinion. Mais depuis n'agueres par son mariage Lecestre seco-ia assez cognu auec sa mignone Midame Lettice veufue du feu Comte d'Essez, il declare à tout le moins ses deportemens impudents & desloyaux enuers sa souueraine, en cet endroit.

le Comte de lamne luy nesme d'imusdence.

e Legiste.

Quantà ce rapport & bruit, ie scai bien que par plusieurs années il a esté commun & auere de plusieurs, toutesfois les plus aduisez n'en firent pasgrand cas, le voiant sortir de sa boutique seulement & diuulgué de sa part. Aussi n'estoit il guere croiable que la Maiesté aiant refusé des plus nobles cheualiers & princes de toute l'Europe, voulut faire choix d'vn personnage de si bas lieu comme est Robert Dudley, noble seulement de deux lignees, & toutes deux souillees pour auoir eu les testes tranchees sur vn tronc: De laquelle execution luy mesme (y estant condamné selon les loix pour ses demerites, comme les registres publics en sont soy) n'est autrement exempté que par le pardon & grace obtenu de la Roine, ces iours passez. Et quant à la veusue du seu Comte d'Essez. Ie m'esmerueille sort (dit le Legisse) que vous l'appellez sa semme, veu que le droit Canon demeure encore en vigueur en ce Roiau-

me, en cas de mariages.

Ah (dit le Gentilhomme se souriat) vous l'entendez ainsi, pource qu'il a procuré que le feu Cote son mary, fust empoisonné à son retour d'Irlande. Il vous faut penser que le Docteur Dale veut en tel cas vser de dispense, comme il a fait (suiuant le comandement de ce bon my Lorde) auec son Medecin Italien, le Docteur Iulio pour le faire auoir deux femmes ensemble, pour le moins la chose fut permise & supportee par tous les deux publiquement, Comme scait tout le mode, ce que ne fur contre personnages de plus bas estat & estoffe que monsseur l'Archeuesque de Cantorbe pour lors, la ruine duquel prelat estoit principalement pourchassee par ce tyran, pour auoir resisté à sa volonté, en vne requeste si brutale. Mais quant à cette controuersie, à sçauoir si le susdit mariage est valable ou non, ie la laisse pour estre cy apres debattue entre le jeune seigneur de Deubighe son fils & Monsieur Philippes Sydney

son nepueu, auquel la chose touche de plus pres, pour estre en branle & danger de perdre vn bel heritage, si yn tel mariage auoit lieu:ce qu'aucuns disent estre contreuenant & contraire à toute raifon, non seulement pour le regard de l'adultere & homicide precedent entre les parties, mais aussi pource que ce bon Comte de Lecestre estoit pour le moins fiancé à vne autre Dame auparauant, laquelle est encore enuie (dequoy Messieurs Edouard Diar, & Monsieur Emond Tilucy tous deux courtisans pourront bien tesmoigner) & auoit consommé telles fiancailles par generation & procreation d'enfans. Mais tout cecy (comme i'ay dit)se doibt rapporter à vn autre temps, pour estre debattu entre ceux là qui cy apres auront plus d'interest en cet affaire. Pour le present ie vous veux aduertir d'vne chose tant seulemét, asçauoir, que n'espluchez pas tant curieusement toutes les actions de ce bon Seigneur, quand il est question des femmes ny en ce qui pourra concerner leurs mariages & leurs maris. Car en premier lieu sa Seigneurie a ceste fortune singuliere que quand il detire la bonne grace & faueur de quelque Dame, celuy (quel qu'il soit) qui se trouue au chemin pour empescher son cours & volonté, a la fortune & destin de mourir bien tost, pour l'accomplissement de son desir. Comme pour exemple, quad sa Seigneurie viuoit en grande esperance d'espouser la Royne, & sa femme luy sembloit (à son aduis) empescher quelque peu la lumiere. Il ne feit que l'envoier vn peu à quartier en la maison de son seruiteur Foster de Cumuer prez

d'Oxenforde, où dedas peu de jours apres, sa mauuaise fortune fut de cheoir du haut en bas d'vne montee, & ainsi se ropre le col, mais sans endommager le chaperon toutesfois, qui luy demeura ferme sur sa teste: Mais Monsieur Varney (lequel Sire Richard selo la charge qu'il en auoit) demeura là auec elle Varney. accompaigné d'vn seul serviteur, & envoyatout expres tous les seruiteurs de la pauure Dame mal gré eux au marché distant vne lieue de ce lieu là, vous pourroit bien dire auec son seruiteur comment elle finit ses iours. Ce seruiteur estant de fortune pris apres pour auoir commis quelque crime ou Felonie (selon la maniere de parler des Anglois) sur les frontieres des Gaules come pour la descharge de sa conscience, il voulust publier & manifester la maniere du meurtre susdit, il fut secretement depesché dedans la prison. Et Monsieur Varney mesme son maistre venant enuiron le mesme temps à mourir à Londres, s'escria effroiablement, & blasphemant Dieu dit à vn gentilhomme d'honneur que ie cognoy, & ce vn peu deuant sa mort, que les diables d'enfer le deschiroient & mettoient en pieces. La femme aussi de Balde le bouteiller parent de la dame, declara & descouurit tout le fait vn peu deuant sa mort. Mais pour retourner d'où nous sommes partiz telle fut la bonne fortune de Monsieurnostre Cote d'estre sans sa femme à l'heure mesme qu'il pésa la chose luy deuoir tourner à son profit & souhait. Long temps apres il deuint amoureux d'vne autre Dame de laquelle i'ay desia fait mention,& lors il cut la fortune mesme & pareille pour luy, à

sçauoir que le mary de la Dame mourut bien tost d'vn reume extreme & en passa le pas (come l'on feit entédre) mais (comme disent quelques autres) c'estoit d'vn caterre artificiel qui luy estoupa le conduit, & empeschant l'haleine, le suffoqua. La mesme auenture luy auint en la mort du Comte d'Essez come i'ay desia racoté) & ce à telle heure qui luy vint le mieux à propos. Car comme ce bo Côte d'Essez fut en chemin pour tourner d'Irlad, en intétion de prédre vengeace du deshoneur que ce braue my Lorde luy auoit fait en son absece d'a uoir engrossé sa femme, dont il eut vne fille: Nostrechapion de Lecestre qui craignoit plus l'espec d'vn tel aduersaire qu'il ne feit pas son honneur propre) aiant ouy parler du retour de ce Comte, trouua moien de faire vn amy ou deux luy tenans come d'Es- compaignee sur le chemin : & entre autres il pratiqua & eut à sa deuotion deux seruiteurs du Cote à sçauoir Crompta (si son nom ne m'abuse) son sommelier & Lloide son secretaire, lesquels nostre bo my Lorde entretint apres. De façon que le Comte d'Essez mourut sur le chemin d'yn extreme flux de ventre & dyssenterie causee certainement de quelque recepice Italien, comme tous les amis dece bon & vaillant Comte d'Essez sassurent. Ce recepice fut composé par vn Chirurgien Italien, comme l'on croit, qui estoit nouvellemét venu d'Italie au my Lorde, homme expert & bié seur en tel art, duquel si la bonne Dame eut plustost eu cognoissance & se fust servie de luy, elle n'eust eu que faire de demourer tant trisse & desolee en la maison, n'y d'auoir si grade peur du retour

2' Empoisonnement du Sez.

tour de son mary au pais, ains eut peu laisser le petit enfant se reposer dedas son ventre, lequel elle fut forcee de desfaire cruellement & contre nature pour auoir la maison nette à l'arriuce de son bon homme de mary. Et il ne faut que vous vous esmerueillez que toutes ces personnes icy soient mortes de diuerses sortes de maladies exterieures, car c'est par le moyen & excelléce de l'art Italien, pour lequel le docteur Iulio & ce chirurgien ont esté tant soigneusement entretenus par nostre bon my Lorde, lesquels vous feront mourir vn homme de telle sorte de maladie que vous voudrés, par les instructios esquelles sa seigneurie est maintenant sans doute bié experte & sçauate. principalement adioustant à ceux cy le conseil de son docteur Baily, homme fort entendu & bien verlé (comme il semble) à cet art. Car ie l'ay autresois oui en vn acte public, à Oxésort, en la presence mesme de ce bon my Lorde de Lecestre (si ie ne m'abuse) maintenir & defendre par voye de dispute, que l'on pourroit en telle façon temperer & bailler quelque poyson, que lo ne s'en aperceueroit du commencement, & que neaumoins le bouquo ne perdroit pas sa force de tuer la personne empoisonnee en apres au temps prefix & ordonné. Lequel argumét pleut assez à sa seigneurie(come il ost à presumer) & pourtant sur choisi pour estre debattu en son audiéce, si ie n'abuse de sa presence ce iour la. De maniere qu'il n'importe pas beaucoup (quant à la chose mesme) si l'vn se meurt d'vn flux de ventre & l'autre d'vn caterre, ains cela demonstre plustost le grand sçauoir &

LAVII

La mort du Cardinal de Chastillon. sciéce de l'ouurier. Ainsi le Cardinal de Chastillon ai at decouuert ce bon Côte de Lecestre à sa Majesté (comme a esté dit) & partant apres de Lôdres vers la France pour l'affaire du mariage susdit, mourut en chemin à Catorbes d'une sieure chaude, & parainsi l'on a trouué que l'argument de monsieur le Docteur Baily est veritable, à scauoir que l'on pourra donner à quelqu'un une poison pour le faire mourir à un jour presix & limité.

l'Escholier.

A ce propos le Legiste hausse sa veuë vers le Ciel & m'en estat aussi moymesmes fort estonné, ie m'auisé à péser a ce qui auoit esté dit du Comte d'Essez duquel le cas (pour vous dire la verité) m'a plus esmeu que tous les autres, pource que c'estoit vn bon gétilhomme qui auençoit gradement l'Euangile, estoit vn vray patron & support aux predicants & escholiers, & en particulier s'estoit mostré en quelques choses fort benin & liberal enuers moy & quelques autres miens amis: & pourtant ie disoy que ce m'estoit chose tresfacheuse d'ouir parler & penser à vne mort si subite & indigne pratiquee par tels moyens en vn personnage tant renommé. Et d'autant plus cet acte m'a esté fascheux & grief, que de fortune i'en ay entendu parler à certains particuliers par le recit d'vn quidam Irlandois appellé Lee, d'vn qui s'appelle Honies, & d'autres qui estoiet en la maison de Penteneil marchant demeurant sur la greue du port en la ville de Deueling, où le meurtre fut comis. La chose fut executee specialemet par Cropto sommelier, à la suscitation de Loyde, comme desia il a esté dit, & là, à l'instant mesme & auec la

mesme coupe (presentee par maniere de gracieuseté & courtoisse par le Comte) sut aussi empoisonné vne Damoiselle nommee Alice Draycot, gentilfemme, honeste, & à laquelle le Comte portoit bonne affection: laquelle partant de la vers sa maison (qui pouuoit estre loing de Deueling de neuf lieues) accompagnee du susdit Lee, deuint fort malade sur le chemin, & auec tourments & peines extremes, augmentees de beaucoup de vomissemens, elle cotinua ainsi sans cesse, iusques à ce qu'elle rendit l'esprit : ce qui fut & aduint le Dimache prochainemet precedant la mort du Comte, qui la suivit le Védredi ensuyuar. Quand elle fut morte, son corps s'ensta merueilleusemés & deuint fort diforme & hideux à veoir. Ce que le bon Comte aiant entédu le lendemain, fut fort fasché de cét accident, & dit deuant tous ses seruiteurs, Helas pauure Alice, la coupe n'est prepare pour toy, combien que le malheur ait voulu que tu en aies gousté. Le ieune homme aussi (le pere duquel est maistre d'Eschole des enfas de la chapelle de la Roine) estat lors page du Comte d'Essez & accoustumé de faire l'essay de son bruuage (cobienque depuis il ait esté entretenu auec quelques autres par le my Lorde de Lecestre, pour mieux desguiser & masquer l'affaire) par l'essay qu'il feit lors de la coupe composee (bien qu'en fort petite quantité, suyuant la maniere comme vous sçauez)a esté en danger de sa vie, mais pour estre ieune en eschappa à la fin auec la perte de ses cheueux tant seulement : dequoy le Comte festant aperceu & ayant copassion du ieune hom-

me, demanda à boire vn peu deuant sa mort, & prenat la tasse en sa main, beut à Honnies, disant, ie bois à toy mon Robin, n'aies peur, car c'est vn meilleur breuuage que n'estoit pas celuy duquel tu feis l'essay quand nous fusmes empoisonnez tous deux, ce qui t'a fait perdre tes cheueux, & me fait perdre la vie.Le ieune Honnies a rapporté ces peroles du Comte son maistre en plusieurs endroits, & recitees deuant plusieurs gentilshommes de remarque, depuis son retour d'Irland: & le susdit Lee Irlandois, comme il passoit par Angleterre pour aller en Frace, ayat esté present à la mort de la susdite Alice Draycot, auec quelques autres seruiteurs du Comte a rapporté, & ces seruiteurs aussi, comme ils font encores constament là où ils le pourrot faire en asseurace sans creinte de la vengeance de Lecestre, le mesme que nous auons ia macionné: de façon que la chose est toute claire & maniseste sans aucun doute, bien que l'indignité soit extreme, vile & insuportable, qu'vn tel personnage ait esté ainsi à la veue d'vn chacun meurtry & occis sans punition quelconque. Quel Seigneur tant grand soit-il, scauroit estre en seureté dedans l'Angleterre, si l'on endure vn tel acte? Ou quel personnage d'honneur & valeur exposera sa vie à tous dangers pour faire seruice à sa Majessé, si en la fin il en reçoit telle recompence? Mais excusezmoy fil vous plaist (Mosieur) ie vous en prie, car ie suis parauanture trop vehement en ce cas de mon maistre, Patro, & l'vn des grands Seigneurs du Roiaume, & pourtant ie vous prie de poursuiure le propos que vous auez encommencé.

Mon intention estoit de vous faire recit encores d'autres (dist le Gentilhomme) lesquels ce braue Comte de Lecestre a par mesme moien & ruse desfaits, & le plus proche de rang & ordre (comme ie pense) fut Messire Nicolas Trogmarton, personnage duquel pour vn long temps (come scait tout le monde) le Comte s'est serui pour l'opposer aux procedures de monsieur le Thresorier, lors Messire Guillaume Cicile, personnage qui n'a iamais esté agreable à Lecestre, soit pour le regard de son vieil maistre le Duc de Sommerset, soit pour autant que la grande prudence, zéle & tinguliere loyauté enuers le Royaume de ce Seigneur, ont toussours semblé empescher beaucouples dessins de cestuy cy. Parquoy aiant entendu que ces deux cheualiers au bout de quelque temps s'estoient secrettement reconciliez, & que monsieur Trogmarton pourroit (à sonaduis) descouurir sa vie & ses deportemens, (chose qui pourroit aucunement tourner au preiudice de ses ntentions) ayant d'abondant conceu quelque maltalent secretà lencontre de luy, pource que estant Embassadeur en France il auoit escrit à sa Majesté comme il auoit ouy dire à la table de monseur de Montmorancy, que la Roine d'Angleterre pensoit se marier auec son palfrenier, il inuita le susdit Trogmarton à souper auec luy en sa maison à Londres, & à l'heure mesme de souper s'en alla à la Cour, disant que sa Majesté l'anoit fait appeller soudain, il contraignit toutefois le gentilhomme d'occuper & tenir sa place en table & y estre serui en mesme faço qu'il auoit

L'empoisonsement de massive Nirolas Throgmarten.

accoustumé d'estre luy mesme. Mais le pauure gentilhomme n'eut pas occasion de se vanter beaucoup de l'honneur que le Comte luy faisoit: Car de quelque chose qu'il y mangea, il luy print vn vomissement estrange & incurable, dont il mourut: le iour precedant sa mort il declara à vn sien cher amy toutes les circonstances & causes de sa maladie, laquelle il affirmoit certainement proceder de poison qui luy auoit esté baillee en vne salade à souper, l'escriant par maniere d'inucctive fort serieusement cotre la cruauté & disposition sanglante du Comte, & l'affirmant estre le plus malheureux, dangereux & desloyal homme qui fust soubs le ciel, mais c'estoit trop tard veu qu'il auoit desia pris l'amorce & appast mortel.

Tout cecy ne tend à autre but que de monstrer le bon heur de cet homme de bien, de voir mourir & trousser à la malle ceux la mesmes, lesquels pour certaines occasions il ne vouloit demourer en vie. Et quant à son art d'empoisonner il est maintenant tel & sestend si loing, qu'il en fait peur à tous ses ennemis, & à vn bon nobre de ses amis, tant en Angleterre qu'ailleurs: & si l'on sça-Chambellan. uoit combien il en a despeché & tué en cette maniere, ce seroit chose esmerueillable voire presque incroiable à la posterité. Le seu Comte de Sussex n'estoit pas sans scrupule & doute plusieurs années deuant sa mort de quelque dragme desia receuë qui le rendit incurable. Et par vne grande prouidence de Dieu fur decouuert à ce bo gentilhomme Monsieur Simiers que l'on poursuiuroit la fin de sa vie par tel art & bouquon, le-

Le my Lord

Monsieur Similers.

quel ne profitant en rien (comme par la prudence & garde qu'il se donnoit il auint) il sut conclu & arresté par Lecestre de l'assaillir par violence, & voye de fait, dont par occasion ie parleray plus

au long cy apres.

Il m'a aussi esté dit & raconté par aucuns des seruiteurs de feue madame Leuox (laquelle come l'on sçait bien, estoit descendue du sang Roial du costé d'Ecosse, & par consequent ne plaisoit pas beaucoup à Lecestre) comme long temps deuant sa maladie & mort, ce bo seigneur print la peine de l'aller voir en sa maison à Hacqueney, poussé d'vne amitié extraordinaire, là où il deuisa en secret log téps auccelle. Mais à grade peine fut il sorti du logis, que la pauure Dame se trouua saisse d'vn nement de ma tel flux de ventre, que l'on n'y peur onques re-dame Leue x medier, l'espace de temps qu'elle demoura en vie. Ce qui feit croire à elle mesme & à tous ceux qui estoiét à l'étour d'elle, que le my Lorde de sa grace luy auoit pourchasse sa mort & despesché lors qu'il estoit auec elle, dequoy il ne faudra qu'ex2miner les femmes qui luy feirent seruice en sa maladie, comme aussi Fouler qui lors auoit la charge principale de sa maison & affaires, & depuis a esté entretenu de Lecestre mesme. Mallet aussi estrangier de naissance, homme sobre, d'vn grad zele & religion, & autrement doué de bonnes qualitez, en pourroit dire quelque chose en cet endroit (comme l'estime) s'il en estoit enquis. De façon que ce bo my Lorde est bié mieux versé en cette belle science & art d'empoisonner, qu'il n'est'à prier Dieu, & y semble prendre plusgrand plaisir. C iiii

Quant au second point ja mentionné, concernant ses mariages & contracts auec les femmes, il ne vous faut pas esbahir si sa Seigneurie est quelque peu diuerse, variable & inconstate en soy mesme. Car tout ainsi que pour son profit, son appetit & paillardise (en laquelle selon le iugement de tout le mode il surpasse de beaucoup non seu-· lement Sardanapale & Neron, mais aussi vn Heliogabale mesmes)sechäge à plaisir, il change aussi de femmes & mignonnes, en tuant l'vne, déniant tout à plat l'autre, se seruant de la troissesme pour quelque temps, & flattant la quatriesme. Et pour cette cause, ses termes & pretesions ne luy defaillent iamais (ie vous en asseure) des contracts, precontracts, postcontracts, procontracts, protracts, & retraicts. Pour exéple, apres auoir massacré sa premiere femme, & par ainsi deslié le contract, lors il se vouloit bon gré malgré, faire mary de la Royne, & consequemment rembarrer tous les grands princes prealleguez en vertu de son precotract. Mais depuis que la lubricité le poussa de se trouuer en vn autre lieu, il ne feit dissiculté au-Postcotracts. cune de cotracter apres & passer vn postcontract, auec vne autre dame de laquelle il eut deux enfans,à scauoir vn fils & vne fille encore viuants. Et depuis lors que sa concupiscence (laquelle ne sarreste ny soule iamais) l'incita de changer de viande, resolut en soymesmes de faire retraict de ce postcorract, (bien qu'il fust aussi bien consomme que le lict & la bible le pouvoit faire, & de commencer quelque certain protract (ce qui n'estoit qu'vne continuatio de jouissance d'elle pour

Contract.

Precontraff.

Retraicts.

Protracts.

quelque temps) auec la veufue d'Essez. Mais pour clore la bouche à nos contracts, & enteruer la Sinagogue auec quelque honneur (pource que par vn personnage de grande excellence en Angleterre ces deux femmes de Lecestre ont esté plaisemment & ingenieusement appellees ses viel & nouueau testaments) il a esté content de faire bailler à la premiere quelques mille liures de gros de la monnoie d'Angleterre, en argent comptant, auec quelques autres petites recompenses (ainsi abusoit il de la pauure Dame en façon la plus pitoiable du monde, pour s'adonner du tout à la derniere, laquelle toutefois il traicte ainsi que nous voyons, ores confessant, ores niant & ores dissimulat le mariage, pour garder tousiours quelque place vuide, à quelque nouveau surcontract auec vne autre quand loccasion s'y presentera.

En bonne foy Monsieur (disois-ie) ie n'ay de ma l'Escholier. vie onques ouy ny leu choses semblables à celles que vous racontez, bien que de mon temps i'aye leu beaucoup de choses de la lubricité & appetit desordonné d'aucuns outrageux & par trop excessis en ce genre de peché, nommément de ceux desquels vous auez dessa fait mention, & sur tous de l'Empereur Heliogabale qui surpassoit les au-varius Helios, & de la diuersite & varieté de vilenie & des-liogabalus. honnesteté en cette brutalité charnelle, sur appellé Varius. La mort duquel a esté qu'estant à la sin odieux à tout le monde, & pourtant occis par ses propres soldats, il sut traine par les rues de la ville comme vn chien, & ietté dedans les retraits & priuez publics, auec cét epitaphe. Hic proiectus sus

indomita & rabida libidinis catulus. Le petit chié de lubricité indomptable & enragee est ietté icy dedans. Lequel epitahe se pourra aussi d'aduenture accommoder quelque iour à ce nostre Comte de Lecestre (lequel vous appellez l'Ourson ou petit Ours) s'il marche tousours & suit le train en-

commencé, & meurt selon qu'il a deserui.

Mais quelle pitié est ce (monsieur) qu'entre nous autres Chrestiens, mesmement en vne republique si bien gouuernee & tant religieuse comme est la nostre, vn tel excez & desordre soit toleré & souffert à l'endroit des femmes mariees en vn sainct veu, que nous lisons qu'entre les gentils & Ethniques, moindres fautes que celles cy, en melme espece de peché ont esté rigoureusement punies, non pas en la personne du transgresseut seulement, mais aussi en toute sa race laquelle a esté du tout exterminee pour la meschanceté d'vn d'icelle. Comme les Romains ont fait à l'endroit des Tarquins. On lit pareillement és croniques de nostre païs qu'vn Roy qui s'appelloit Edrein passe six cens ans, fut priué de sa coronne & sceptre pour offences beaucoup moins scandaleuses que ne sont pas celles du Comte.

Il me souvient bien de l'Histoire (dit le gentilhomme) & par la ie coniecture facilement qu'il y a grande difference entre ces siecles la du passé & le nostre d'aujourd'hui, veu que pour lors vn Roy portat le sceptre, ne pouvoir eschapper sans estre puni quand il n'eust commis qu'vn ou deux outrages & forfaicts tant seulement, là où maintenant vn suiet qui n'est que depuis l'autre iout esseué d'entre ceux de mediocre estat à ceste grandeur où nous le voios, court à bride auallee apres son plaisir en toute licence & liberté de viure, en seureté, sans crainte aucune ou de Dieu ou des hommes: il n'y a femme d'autruy (de laquelle sa lubricité ardente voulust abuser) qui se peut garder de ses pattes, ny mary qui peut lui resister ou se sauuer de sa violence, s'il se monstroit malcontent, ou ne vouloit consentir à ses actions. Et si ie faisoy mention particuliere de tous les bons maris lesquels il a tourmentez en cette sorte, & pour autres semblables voluptez, ce seroit chose insupportable. Caràla mode des bestes surieuses il a tousiours la violence & force conjointe à sa concupiscence. Aussi ne tient il regle aucune en sa lubricité sinon la seule suggestion & instinct de sa sensualité mesme. Le parentage, allience ou quelque autre lien de consanguinité, quelque ce soit, religion, honneur ou honnesteré, n'ont aucun lieu en son appetit outrageux & desordonné. Il iuge comme legitime & loisible pour le temps, tout ce qui luy vient à gré. De maniere que soit elle cousine, alliee, femme d'amy, ou fille, ou autre quelconque sie me tais tout expres pour sauuer son honneur de celles qui luy sont plus proches parentes) pour ueu qu'elle luy plaise & contente son œil, il faut necessairemet qu'elle condescende à ce qu'il desire. Il ne fait non plus de difficulté d'entrerenir la mere auec deux ou trois de ses filles ensemble, ou l'une apres l'autre, qu'il fait de mager la poule auec son poussin, il n'y a pas deux femmes d'honneur & grandeur aupres de sa Ma-

ures de gros font trois mil liures de la monnoye de France.

jestécie ne parle pas à l'auenture, ains suiuat le recit de ceux qui sçauent beaucoup) laquelle il n'aye par voyes presentes solicité à sa lubricité. Et nese contentant pas de la grace qu'il a peu trouverentre ces grades dames, il est descendu plus bas, pour cercher sa proye entre les gentils-femmes de la Trois cens li-grande chambre de sa Majesté, faisant plus grand offre pour en attirer aucunes à sa deuotion, que Lais n'auoit communement (comme ie pense)en la ville de Corinthe, donnant trois cens liures de gros pour vne nuit, ou il faut encore quelque chose suppleant outre plus. Car il à rapporté luy mesme(tant vn homme impudat se soucie peu de son honneur) qu'il a fait offre à vn autre de plus grad lieu & degré, de cent liures de rente par an, auec tout & autat de bagues & ioyaux que la plus part des femmes du train de sa Majesté portent en Angleterre, ce qui estoit vne grande amorce pour allecher celle qui auoit dessa exercé tel trasse & marchandise, & n'estoit que le refus d'vn autre. Mais ce bon my Lorde n'est pas trop scrupuleux en cét endroit, ains pour satisfaire à son appetit est content quelque fois (comme l'on dit) d'amasser les miettes quand il a faim, voire entre les lauadieres mesmes de la Royne, ou en quelque autre lieu plus bas. Et bien que le Seigneur par sa grande benignité pour son bien (sans doute) s'il se pouuoit retirer & reuoquer de sa meschancete l'ait visité par quelque chastimét en ce monde ici, en ce qu'il luy a rompu le ventre de tous les deux costez de ses entrailles, ce qui le menasse de sour à autre d'vne misere & pourriture, & mesmes en çe

qu'il a enuoyé au petit enfat qu'il a eu de la veufue d'Essez (estant le fils de peché) vne tant estrage calamité du mal caduc en son enfance : ce qui pourra bien tesmoigner l'iniquité du pete & de la mere, & des natures de tous les deux, gastees & consommees en saleté & vilenie. Ce neaumoins il ne sen amende point, ains suyuant la coustume de tous paillards inueterez en leur mal & quasienyurez en leur ordure, il est auiourd'huy plus lubrique que jamais, & plus adonné à induire les femmes à telle folie par voye de coniuratio, sorcelerie, & autres moyens semblables: & bien que (quant à luy mesme) l'aage & la nature desia consommeele domptent quelque peu & le retirent malgré luy de l'acte venerien mesme, le vouloir neantmoins ne luy defaut aucunement. Ce qui se monstre par l'onguent Italique, lequel il feit faire il n'ya pas fort long temps par vn sien Chirurgien, ou plustost Charlatan de ce païs la, par la vertu duquel onguent (come lon dit)il peut auoir la commodité de mouuoir sa chair à toutes heures, pour garder son credit, quoy qu'il puisse faire dauantage pour satisfaire autrement. Vn sien medecin a pareillement raconté à vn Comte d'Angleterre, que ce noble Comte de Lecestre son maistre auoit vne bouteille au cheuet de son lict, d'vn breuage qui luy coustoit dix liures de gros la pinte, pour ce mesme esfect. Mais où somes nous tombez (Messieurs) ainsi à l'imporueu? I'ay honte d'auoir fait recit d'ordure si puante & vilaine.

Et non pas sans cause (disois-ie) sin'estoit que l'Escholier. nous sommes icy tous seuls, là où personne ne

nous scauroit escouter. Parquoy ie vous prie que nous retournions au propos duquel nous nous sommes vn peu esloignez. Car quand vous auez parlé de la fille qui naquit à Lecestre, de la Dame susdicte, au chasteau de Dudley, il m'est souuenu d'un conte assez plaisant touchant tel affaire, quo ie vous reciteray à present (bien que ce soit vn peu hors du lieu conuenable;afin de vous destourner vn peu plus loing, pour ne toucher cette puateur de bourbier & ord fumier dans lequel nous nous lomes trouuez pour suiure ce my Lorde vn peu trop auat à la trace & par les sentiers de ses actios. Parquoy pour le vous narrer ainsi que la chose est auenue, la fortune m'a esté telle que d'auoir depuis quelque moisen ça la cognoissance d'vn quidam Ministre, qui est maintenat decedé, qui estoit celuy mesme duquel l'on se seruoit auditchasteau de Dudley pour l'accomplissement de quelques ceremonies sacrees à la naissance de la susdicte fille du Comte de Lecestre, au mesme lieu où le tout fut en telle sorte disposé & ordonné par la finesse du pere, qui estoit, que pour recueillir la moisson & par ainsi tenir l'enfantement de la Dame accouchee plus secret & couuert, la Dame mesme du chasteau, afin que les commeres peus-Ient plus librement auoir accez en ce lieu, faignit estre grosse, & apres vn long & extreme trauail d'enfant estre accouchee d'vn coussinet (comme de fait elle estoit) & quelque peu apres l'on aduisa de mettre en vne hiere vn petit fardeau de drapeaux pour faindre que c'estoit vn petit enfant qui fast enterré (le ministre susdict faisant l'éterrement en forme des oraisons & ceremonies accoustumees aux enterremens des enfans de grande Maison) dequoy auat qu'il mourust il se repétit fort & eut grand remors de conscience, non sans grandement detester une impossure tant cotreuenante à toute religion, executee par le commandement de Lecestre en tel cas.

Sur ce le Legiste se printà rire à bon escient aussi bien du traict controuvé que du ministre qui l'auoit executé, & dit. En bone soy, si les contracts du my Lorde ne sont plus sermes, ains sont accompagnez de tant d'infirmitez, sinesses & eschappatoires, ie seroy bié marry qu'il eust espou-

fé ma fille.

Mais encores aimeroy-ie mieux (dit le gentilhommejestre pour vn temps sa femme que son hoste, principalement sil auoit en main son Chi-

rurgien ou Medecin Italien.

Il est vray (dit le Legiste) car il n'empoisonne pas ses femmes, dont ie me suis quelques sois esbahy, mesmement sa premiere semme, & m'esmerueille pourquoy il ayma mieux la faire mourir par violence maniseste que par quelque dro-

gue confortatiue venant d'Italie.

L'on en pourra amener (dit le gentilhomme) diuer ses raisons, premierement, pource que lors il n'estoit pas si scauant & bien versé en ces practiques Italiennes, & n'auoit pas prez de luy des Medecins & Chirurgiens tant à propos. Aussi péfe-ie que veritablement il n'auoit le cerueau tant confirmé en meschanceté qu'il a eu depuis. Car vous scauez bien que les hommes ne deuiennent

pas desesperez & perdus le premier iour, ains se laissant petit àpetit seduire à la mechanceté, non sans quelque doute & trouble de sa conscience au commencement, de maniere que lors, iaçoit qu'il fust contét que sa femme fust despeschee, pource qu'à son aduis elle empeschoit aucunement ce qu'il auoit dessigné en son esprit, si n'estoit il pourtant de cœur tant endurcy & cruel que d'ordonner en particulier en quelle maniere le meurtre seroit executé, ains ayma mieux laisser cela à la discretion & volonté du meurtrier : secondement il est assez probable qu'il enchargea à messire Richard Varney quand il l'enuoia executer le fait, d'essaier premierement à la faire mourir de poison, & si cela ne reussissoit à son souhait, la despescher lors en quelque maniere que ce fust. Ce que ie ne coniecture pas de moymesme, ains le prouve & certifie par le rapport de monsieur le docteur Baily, qui lors demeuroit à Oxenfort (homme d'autre complexion que n'est pas le docteur du mesme nom, qui se tiet à cet' heure pres du my Lorde de Lecestre) & y estoit professeur ordinaire lisant en medecine. Cedocte & graue personnage a racoté pour chose du tout certaine, quel'on auoit conspiré & deliberé à Cumuer d'époisonner la pauure Dame vn peu deuant qu'elle fust tuce, ceste deliberation fut prise & complottee en cette maniere, les cospirateurs mesmes qui l'auoient en garde la voiant pensiue & triste (comme celle qui preuoioit de loing par autre traictement qu'on luy anoit fait, que sa mort estoit proche) commencerent à luy persuader, que telle triftelle

stesse procedoit d'abondance de melancholie & autres humeurs, & pourtant luy conseillerent de prendre quelque breuuage: mais quand ils la virent du tout resolue de ne suiure tel conseil, comme celuy duquel elle se doutoit, soupçonnant tousiours le pis, ils enuoierent vn iour au desceu d'elle querir le susdit Docteur Baily, le priants de vouloir induire la Dame à prendre quelque petite potion & breuuage de sa main, & qu'ils enuoleroient querir son Ordonnance à Oxenfort, pensant y adiouter quelque chose du leur pour le soulagement de leur maistresse, comme sur iustes causes le Docteur s'en doutoit, voiant principalement la grande importunité de ces gens la, & que la Dame n'auoit pas grad besoin de medicament: & pourtat il leur refusa tout plat de ce faire, craignant(comme il l'adit) si apres d'auenture ils l'eussent empoisonnee sous couleur de sa potion & ordonnance, on le feit prédre en apres pour couurir leur meurtre. Il est bien vrai que ce bon Doceur sestoit bien asseuré que si cette inuention ne leur seruoit, elle n'eschapperoit pas la violence de leurs mains, comme il auint apres. Et la chose fut en ceste sorte imprimee dedans l'entendemét des plus auisez de l'vniuersité d'Oxésort, à causes de ces presumptios tant violentes & pregnates, & d'autres coniectures assez probables, à sçauoir (comme disoit tout le monde) à cause que l'enqueste de Couronneur l'auoit trouuce & pronocee auoir esté meurtrie, & qu'elle fust soudainement sans aucun höneur & solennité enterree au lieu mesme de Cumer: ce qui sur reprouué en

court comme chose faite inconsiderement & fans discretió, que pour faire cognoustre au monde la grade amour qu'il luy auoit portee de son viuat, & combien la perte d'une dame si vertueuse luy venoit à contrecœur. Ce bon seigneur de mary ordonna qu'elle fust desenterree & mise en terre de rechef en vn lieu plus fameux, à içauoir en l'Eglise de l'Université d'Oxenfort auec grande solennité & pompe, & que le docteur Babington, lors chapellain de ce bon my Lorde faisant le sermon Funebre à son enterrement le couppa par deux fois en sa parole:car voulant recommander la memoire de la Dame à l'assistance tant piteusement morte, il dit meurtrie tant pitoiablement.

La troissesme cause de la mort de cette dame se pourra bien attribuer à la coplexion & naturel de Monsieur son mary, lequel est hardy & violent là où il n'y a point de resistance & chose à craindre (come naturellement font tous couars) & au contraire, la où il y a apparence de difficulté & danger il est plus propt d'essaier & sonder toute chose par art, finesse, trahison, & ruses: parquoy voyat que la pauure dame sa femme n'estoit pas pour faire grande resistance à ceux là qui se deuoient presenter pour luy rompre le col, il fut d'autant plus hasté de venir ouuertement à vn tel acte sans

autrement desguiser le fait.

Mais quant aux hommes qu'il a empoisonnez pource qu'ils estoient pour la plus part cheualiers tant valeureux qu'il eut aussi tost mangé le fourreau que de tirer son espee sur eux en public. Il a esté à la mode de tous miserables & lasches poltrons, de les faire mourir par tromperie & par les mains d'autruy, ce qu'il a aussi tasché faire allieurs à quelques autres personnages de valeur, quad il a eu peur de les rencontrer en chap clos pour cobatre mains à mains, come vn cheualier doit faire.

Les ruses desquelles il a vse à l'édroit de ce noble Comte de Sussex en plusieurs querelles qu'ils ont eu enséble, sont notoires à toute l'Angleterre, come sont aussi les pratiques sanglates, lesquelles il a moyennees & brassees à l'encontre des autres. Mais entre vne infinité de telles siennes mences il n'y en a point de plus odieuse & desplaisante à toutes sortes de persones que celles la desquelles il vsa contre mosieur Simiers estranger & embassadeur:lequel premierement il voulut faire mourir de poison, come desia il a esté dit. Et voyat que cela ne pouvoit venir à l'effect desiré, il ordonna qu'vn sien seruiteur appelle Tider (comme ayant Meurtre & bien veu il confessa apres) le tuast au sortir de la attentécont porte de son Iardin, aux freres prescheurs (comme Monsieur d on appelle encore ce lieu là) à Greuerriche où il Simiers emb estoit lors logé. Mais se trouuant aussi frustré de sadeur bour ce qu'il attendoit icy, (pource que contre son ef- Monsieuren perace le gentilhome fut bié pourueu & equippé pour se defendre)il seit auec quelques brigants de Flusling& autresescumeurs de mer qu'il pratiqua, promettre de l'éfondrer & submerger auec quelques autres gentils-hommes Anglois ses amis qui l'accompagnoient à son retour en Frace. Et bien qu'ils fussent pareillemet frustrez de leur attente en cette menee là, ne l'ofant pas assaillir de peur qu'ils eurent de quelques nauires de sa Majesté

Angleter

lesquelles pour rompre ce dessein & complot eurent charges expresses de le faire passer en seureté sans aucun destourbier & empeschement, ce neantmoins les sudits gentils hommes Anglois surét chassez & pour suiuis par l'espasse de quatre heures par ces pirates la mesmes à leur retour en Angleterre. Ce que Monsieur Rairley scait sort bien pource qu'il y estoit present, & deux de ces brigants mesmes qui leurs donnerent ainsi la chasse à scauoir Clarté & Harris ont cosessé depuis tout

le complot & menee.

Le Comte d'Ormonde a pareillement declaré autrefois & le veut encores face à face, à ce bon my Lorde de Lecestre toutesfois & quantes qu'il en sera semond, que lors que nostre braue Comte & luy eurent debat ensemble à cause dequoy il fut en danger d'estre appellé au combat (chose qui le feit trembler y pensant seulement) il chercha premieremet tous les moiens à luy possibles de le faire mourir secrettement, faisant offre & promesse de cinq cens liures de gros à celuy qui le voudroit tuer, & apres voiant telle practique ne fortir à effect, il luy donna assignation du combat aiant toutefois suborné son serviteur Rillegre & l'aiant gangné pour le faire tuer sur le chemin mesme par où il falloit que le Comte d'Ormont passast, afin de le despescher d'vn coup de Caliure auant que venir au lieu assigné pour le combat. Et combien que cet assainat proiecté ne vint à effet pource que le differét se passa entre les deux Comtes deuant le jour de l'assignation, ce neantmoins Reillegre fut recompensé & depuis placé

par Lecestre en la chambre priuce de sa Majesté pour s'estre monstré tant prompt & affectionné de faire yn tant sidele seruice à son maistre.

L'appellez vous tant fidele (dis-ie) vraiement vn acte si meschant ne meritoit à mon aduis vn tel auancement: & tout ainsi que ie seroy bien marry que beaucoup de ces Italiens ou autres se messant de cet art s'approchassent trop de la Cuisine de sa Majesté, aussi voudrois ie que tels siens champions cruels & sanglants fussent moins par luy colloquez & placez en la chambre priuee de son Altesse. Combien que parauanture ce gentilhomme ici en particulier en changeant de place & maniere de seruice, il a aussi change de pensee & volonté, estant mieux instruit en la crainte du Seigneur. Mais en general il faut que ie die qu'il ne scauroit apporter autre chose que grand preiudice & dangier à nostre noble Princesse & au Royaume, de voir qu'aucun particulier quel qu'il soit (principalement vn tel que tout le mode pense estre cestuy cy) paruienne à vne telle au-Aorité & commandement tant absolu en Cour que de pouuoir mettre pres de la personne de nostre Princesse, qui est le chef, le cœur & la vie mesme du pais, telles gens que bon luy semblera & non pour quelque chose qu'ils aient deseruy à l'endroit de la Princesse, ains en son endroit tant seulement, de façon que leur loyauté estant plus obligee & tenue à celuy qui les a auencez qu'à Amicipatio leur souveraine, ils ne servent que de guet pour tion de la per espier sa Majesté en faueur de luy qui les a fait sonne de sa mettre en tel ranc & honneur: & à la verité par Majesté.

le moyen d'iceux ne faisant que ietter des rets, chaines & autres liens inuisibles à lentour de la personne laquelle sur toutes il pretend seruir, il serre & enserme sa princesse dedas vne seure prison, bien qu'elle soit douce & ne se puisse sentir.

Aussi n'est pas cét art d'aspirer, de nouuelle impression, ou ne semble estrange à quelcoque qui est experimenté aux affaires du passé: pource que du comencement de tout gouvernemet il a tousiours seruy comme d'vn sentier frayé & battu à tous ceux qui ont tasché de se faire les plus grads. Vous lirez dedans les histoires tant sacrees que profanes, estrangeres que domestiques de toutes nations, Royaumes, Contrees & Estats, comme ceux qui pensoient surmonter les autres & gouuerner tout à leur Fantasse, ont mis cecy pour le premier fondement & de leurs desseings & proiects, sçauoir de gaigner & posseder les cueurs de tous ceux la qui estoiet en office & charge aupres du chef, suyuant en cela l'exemple de celuy lequel aiant proiecté en son esprit d'auoir quelque grade ville à savolonte, n'ose pas luy faire guerre ouuerte, ains gaigne secrettement à sa deuotion tous les gros Bourgs, Villages, Chasteaux, Forteresses, Bouleuers, Rempars, Rivieres, Chemins, Ports & passages a l'entour d'icelle, & par ainsi sans coup ferir, ou tirer seulement l'espec à l'encontre d'elle pour la forcer, il la rend esclaue & subiette pour obeir a son vouloir. Autant en feirent tous ceux de l'Empire Romain lesquels de vassaux, comencerent à estre grands princes & à mettre hors & chaffer les Empereurs mesmes. Ainsren ont fait

tous ceux la lesquels és autres Roiaumes se sont monstrez tyrans enuers leurs princes. Et en nostre pais mesme les exemples sont fort clairs & euidents de Vortiger Horolde, Henry de Läclaster, Richoard de Vvarine, Richard de Glocester, Iean Northumbellande, & de plusieurs autres lesquels par ce moyen principalement ont priué leurs princes legitimes de leurs sceptres & corones. Et pour dire seulement vn mot ou deux du dernier pource qu'il estoit pere de nostre Comte. Est il pas plus que manifeste à toute l'Angleterre que premierement il ruina ce bo Duc de Somerset en attirant à sa deuotio les seruiteurs & amis mesmes du Duc: & puis apres se feit il pas possesseur & quasi seigneur de la personne du Roy, luyfaisant premierement sans aucune honte desheriter ses deux sœurs Royalles & puis abregeant ses iours en maniere assez notoire & cognuë, & tout cecy pour auoir sceu manier & attirer à soy les principaux qui estoient en authorité aupres de ce ieune prince. Parquoy (Monsieur si ce bon my Lorde de Lecestre a melme dessing en sa teste, & pense en soymesme (selon l'opinio commune des hommes) de liurer mesmes escarmouchespour la couronne par le moyen de la maison de Hunrington contre la lignee du Roy Henry septiesme en general, que feit son pere deuat luy sous pretexte de la maison de Suffolk à l'encotre des enfans de son maistre le Roy Henry huitiesme en particulier: il a grande raison de suiure les mesmes moyens & plateformes, de planter & asseoir aucuns personnages signalez & à sa fantasse prez de sa Majesté, Car veritablement le coplot de son pere n'estoit pas vuide des inuentions ny des preparations subiettes & ingenieuses pour paruenir là où il pretédoit, n'eust esté que Dieu seul, les a toutes renuersees à l'instat mesme, come il pourra aussi faire de
celles de son fils nonobstat toute la diligence dot
la prudence des homes pourra vser au contraire.

A ce propos le gentilhomme adiousta, que le my Lorde de Lecestre dit ilait resolu en soimesme de tirer quelque iour tout droitau diademe d'Angleterre, soubs couleur du tiltre de Huntington, la chose est assez apparente d'elle mesme & sera encore mieux esclarcie & prouuee cy apres. Mais ce pendant ie vous demonstreray, pour vostre meilleure instructió comme ce bon my Lorde de Lecestre a tresbien suivi ou plustost outrepassé la platesorme de son pere, en sentretenant de tous les seruiteurs, amis & sorces de sa Majesté pour sen seruir à l'heure presixe pour execution, & ce pendant pour preparation.

Les moyens Et forces de Lecestre. Et pour commencer à la chambre priuee toute prochaine de la personne de sa Majesté, ils sont pour la pluspart ses creatures (pour vser de sa phrase de parler) c'est à dire ils sont tels qu'ils se recognoissent estre colloquezen tel lieu de par luy & dependre de luy: quant aux autres il les tiet tellement en bride, ou par voie de flatterie, ou par crainte, qu'il ny a pas vn qui soit tant osé & hardi que de luy contredire en ce qu'il commande ou resuse à luy obeir. Et son regne est tant absolu en cette place (comme il est aussi aux autres endrois de la Cour) que rien ne se peut passer sans

estre approuué de par lui, on n'oseroit rien dire, faire ou signer, dont il n'ait esté preallablement aduerti en particulier, on ne peut rien presenter à la Roine, soit par voie de requeste, supplication, plainte, ou autrement (si ce n'estoit par quelque conseiller de sa Majesté) s'il ne lui vient à gré, & si d'auenture l'on fait autrement & il en est aduerti(comme il sera tout à l'heure) celui qui aura ainsi delinqué est asseuré d'en porter la peine: de maniere qu'il tient quasisserrees & closes les oreilles de sa princesse & les langues de tous les seruiteurs de sa Majesté tellement attachees à sa ceinture qu'il n'y a pas vn qui ose sonnermot pour l'offenser, bien que la chose soit fort veritable & qu'il importe beaucoup à la faire entedre à sa Majesté. Ce qui a esté bien experimenté touchant son mariage dernier auec la Dame Lettice d'Essez: Car bien qu'il fut par deux fois celebre à sçauoir la premiere dedans son Chasteau de Rillingiroth,& puis dedans celuy de Vvarestred en la presence de son frere le Cote de Vvaruick, du my Lorde, Nortz, de Messire François Ruooles & quelques autres, & que ce fut cognu & manifeste à toute la Cour, sans parler du iour mesme, du lieu, des tesmoins & du ministre qui les a conioincts ensemble, ce neantmoins il ne se trouua personne qui osast ouurir la bouche pour en faire participante la Roine, iusques à ce que monsseur Simiers le descouurit à sa Majesté (ce qui fut cause qui luy porta hayne & malueillance) & ceux la ne l'oserent encore faire de plusieurs iours apres, pour la crainte qu'ils auoiet de Lecestre: Subiection fort

derogante à la Majesté & honneur & qui apporte grand danger à tout Prince quel qu'il soit, de se laisser mener à la fantasse d'vn sien subiet, pour entendre ou n'entendre rien que ce soit des choses lesquelles se faisant dedas son Royaume sont cogneues mesmes aux plus petits subiects, de la vient que l'on ne peut obtenir aucune despesche d'affaite que ce soit en Cour, si l'on ne luy a premierement communiqué le tout, & ne diray seulement ou il faut qu'il en soit remercié, mais aussi qu'il participe au gain & profit qui en peut venir. Et comme telle chose tourne au preiudice bien grand du suppliant poursuiuant quelqu' affaire en Cour elle faict aussi bien plus grand tort à la benignité, honneur & seureté de la Princesse & de la liberalité de laquelle cet homme icy se paist tout seul & se renforce despouillant sa souueraine de toute grace remerciment & bienueillance qui luy est deue pour icelle, & dequoy il s'ensuit que personne ne seauroit paruenir à quelque chose en Cour, tant loial seruiteur & bien meritant de sa Majesté puisse il estre, s'il n'est de la faction & suitte de ce bo my Lorde, personne ne se peut auancer sil ne luy plaist, & est pousse par luy:personne ne trouve grace s'il n'est fauorisé de luy, personne ne sçauroit viure en estime & raport de sa vie sil ne reçoit tel bien, sil n'en iouit & le recognoist de luy, de sorte que toutes les faueurs, graces, dignitez, auancemens, richesses & recompenses que sa Majesté depart ou que le Roiaume peut fournir sont quasi affectees à ce bo Seigneur, & dependent de luy pour luy pourchasser amis

& fauteurs priuez, a fin d'auenser son party seulement & fortifier sa faction: de maniere que si par ces moiens ell'est deuenue grande (comme de fait ell'est)il ne vous en faut pas esbahir, veu que les richesses & biens d'une telle republique qu'est la nostre ne luy font que seruir du prix pour l'achapter, ce que n'ignorant pas luy mesme, il y coforme son esprit en toutes ces procedures: & en premier lieu sur la confiance qu'ilen a, il est deuenu tant insolent, impetueux & superbe, sans pouuoir en sorte quelconque commander à sa cholere, que personne ne le sçauroit endurer, soit elle conceue à iuste cause de sa part ou non. Car quad il a commencé de hair quelcun par nues & simples coniectures seulement, ce qui luy est fort ordinaire, l'ambitio estant toussours mere de soupçon, ce neaumoins il les poursuit de cette façon & d'vne cruauté tant implacable, qu'il faut necessairement que la partie desloge, ne pouuant longuement iouir de sa place: ce qui nous seroit bien facile à demonstrer par les exemples de plusieurs lesquels il a chassé hors de la Cour, sur quelque desplaisir & haine qu'illuy a pleu conceuoir contre eux, sans autre chose quelcoque, estans cognus pour grands Zelateurs de l'Euangile: Come estoit Messire Hierosme Borres, Mosseur Scot & beaucoup d'autres que l'on pourroit nommer.

Cette insolence est accompagnee (comme naturellement il auient en tel subiet) d'une façon de proceder tresabsolue & peréptoire en tout ce dot il luy plaist disposer, sans respecter raiso, ny ordre, ce qui est du droit, soubs ordonnance, constume,

accort, ou autre chose semblable: A quoy neantmoins les grands princes mesmes ont coustume d'auoir egard en la disposition de leurs affaires. Pour exemple, c'est vne coustume fort anciene & louable entre les seruiteurs de la maiso de la Roine, que quand quelque place d'office plus haut est vacante, celuy qui par ordre de succession est plus prochain & a donné tesmoignage suffisant de sa valeur & capacité en la place plus basse, est appelle à telle place vuide (si ce n'est par quelque occasion extraordinaire) afin que personne n'estat bié experimeté ne soit du premier coup colloque en telles places plus hautes au preiudice des autres & du prince mesme, qui par ce moien ne seroit pas bien serui. Laquelle coustume fort raisonnable & bonne estant mesprisee & reiettee par ce Braue my Lorde icy, il assiet à son plaisir & colloque és lieux plus hauts toutes sortes de ges qui luy viennent à gré. Mais que le naturel & inclination des parties luy plaisent & qu'il sente leurs dons, bien qu'ils ne soient nullement capables de tel office, & n'aient doné aucune coniecture, ny fait preuue de leurs suffisances & preud'hommie en quelque office inferieur. Ainsi fait il hors de Cour par tout ailleurs où les affaires se doiuet expedier par ordre, election, ou degré, come és vniuersitez en elections des escolliers & chefs des colleges, comme entre les Ecclesiastiques pour les dignitez de leurs Eglises, entre les officiers, Magistrats, Seneschaux & procureurs des reuenus : entre les Schirifs ou Vicontes & Cheualiers des Prouinces, Bourgeois du Parlement, Commis, Juges, Justiciers de la paix

desquels plusieurs en chacune Comté doiuet porter sa liuree) auec autres offices des gens Lays. En tous ses offices tant ecclesiastiques que seculiers le vouloir de nostre Comte obtiét le lieu de raison, & ses lettres ont la force des loix. Et n'y a pas vn, soit il Magistrat ou homme priué en tout le Royaume d'Angleterre qui n'ose plustost refuser à sa Majesté ce qu'elle demande par ses lettres pour causes iustes & raisonnables (parce que son Altesse se laisser au commandement des lettres de cestuy-cy son subiet, lequel ne se contente d'aucune excuse ou satisfaction quelconque, ains veult la seule execution de son commandement, soit raisonnable ou iniuste.

A quoy vient respondre le Legiste disant, vous me peignez vraiement & me representez à cette heure(Monsieur) le patron & modele bien estrage d'vn potentat en cour: & est à presumer que l'estranger mesme lequel en son liure imprimé, appelle nostre estat Rempublicam Leicestrensem la Republique du Comte de Lecestre sçait beaucoup de ses affaires. Mais pour ne departir encore hors de la Cour, ievous asseure que parces cossideratios lesquelles vous auez proposé ie comence maintenant à coprendre que son party doit estre grad & & forten la mesme Cour attendu qu'il a tant de moyes d'accroistre, enrichir & encourager iceluy, & est tant garni de forces pour abbatre & ruiner tous ses aduersaires. Ie voy bien que ceux la qui l'appellent le cueur & la vie de la Cour ne sont pas destituez de raison.

Lecestre aper le chef de la Courd' An gieterre.

Ceux la (dit le gentilhomme) qui l'appellent le cœur, sur peu d'occasion d'auantage le voudroiét aussi appeller le chef, & pourtant ie m'esmerueille pellé le cueur, de ce qui pourra rester pour sa Maiesté quand ils l'auront despouillé de la vie du cœur, & du chef en son Royaume, mais c'est chose toute certaine qu'il a la Cour auiourd'huy à sa deuotion & presque en mesmestermes que son pere l'auoit au téps du ieune Roy Edouard, & par mesmes menees, ia à Dieu ne plaise que la chose demeure en mesme estat. Car nous sçauos bien ce qui pour lors auint au chef. Et si vous demandez quelque euident signe & demonstrance de la puissance & faueur laquelle son fils a en mesme place, reduisez vous vn peu en memoire (s'il vous plaist) le temps que sa Majesté pour occasions tresiustes & raisonnables ne feit que retirer quelque peu le visage & faueur laquelle elle luy souloit monstrer. Toute la Cour fut elle pas à l'instat mesme mise quasi mutinee? chacun ne monstra il pas signe de mescontentement, excepté bien peu qui depuis ontbien payé l'interest de leur iove tant courte? Trouuerent il pas tous les iours muétions nouvelles, faisans que les vns fussent à genoux deuant sa Majesté, les autres pleurassent & se lamétassent, les autres vsassent de quelques menasses en maniere bié couuerre, les autres de persuasions d'amour, quelques vns du profit, ceux cy d'honneur, ceux la de necessité se ioignants tous ensemble pour le faire rappeller & remettre en sa premiere faueur & dignité? Et ont ils iamais laissé sa Majesté en repos iusques à ce qu'elle sut condescendue à ce qu'ils demandoient?

Or donc considerez vn peu (ie vous prie) que si lorsqu'il estoit disgracié il a eu ceux la de sa factió tant asseurez pour luy, quelle asseurance pourra il auoir maintenat en sa prosperité apres tant d'annees de fortification & ranfort? En quoy (comme il est à presumer, il n'a pas esté paresseux ny negligent, veu qu'en matiere de police c'est quasi la premiere maxime touchat la fortification, de faire telle fortresse imprenable, la quelle a esté autrefois en danger d'estre perdue. Dequoy vous auez exemple en Richard Duc d'Yoik du téps du Roy Henry fixiesme, lequel aiant vne fois esté entreles mains du Roy pour s'estre soubmis à la misericorde, & apres remis en sa liberté, lors que pour ses demerites il deuoit mourir, meit si bon ordre à fes affaires de la en auant qu'il ne fut iamais possible au Roy de le surprendre pour la seconde fois, ou le rauoir plus en son pouuoir pour luy faire dommage, ains se rendit fort assez pour abattre le Roy & exterminer sa maison. Par ce que nous auosdit, il appert assez quelle est sa puissance en la Cour, maiso & chabre de sa Majesté, mais si nous voulons encores passer vn peu plus outre iusques au conseil de nostre princesse, nous ne le trouuerons pas moins fortifié, ains plus asseuré encores. Car bié que la prouidéce diuine nous ait esté telle que cette treshonorable assemblee de Coseillers n'aiamais esté degarnie de deux ou trois des plus aduisez, graues & experimetez aux affaires de nostr' Estat, lesquels ont espié & remarqué du comé cement les tresperilleuses procedures & deportemens de cestuy ci. Ce neatmoins quad ils viuoiét

tous ensemble (car il y en a deux desia morts; & leurs places sont maintenat occupees de ceux qui sont à sa deuotion)ils ne peuret onques reformer par authorité, tout ce qu'ils ont descouuert, tant grande estoit la puissance & force de ce seigneur. Et quant au reste du banc & table de cette assemblee, combien que ie ne face doute aucune qu'il n'y en ait plusieurs qui du profond du cœur detestent ses actions (comme il y en auoit dutemps du susdit Roy Edouard ausquels les desseins du pere de nostre Comte despleurent grandement, mais n'estoient pas assez hardis de luy faire resistance) toutefois les Conseillers de present pour la plus part se voient luy estre tellement affectez & conioincts en particulier, l'vn pour luy estre frere, l'autre pour estre son beau pere, son parent, son alié, son amy, son obligé, son compagnon & complice, & partisan en faction, qu'il n'y a pas vn qui l'opposera luy à la bresche, personne n'est si hardi que de resister à ce qu'il aura dessigné, ains chacun cedant plustost à la force de sa vogue, le laisse. passer à son plaisir tout ce que d'vn vouloit arresté il pourra faire. Et de ce suiet (si le respect d'aucuns lesquels ie ne puisnomer, ne m'épeschoit) ie pourroy alleguer des exemples bien estranges, no seulement en affaires qui concernét les subiects & hommespriuez (comme estoient ceux là de la forest de Surciden, de Deubigh de Rillingirorth, de ses belles pastures pres de Soirtham vilainement pourchasses de l'Archeuesque de Cantorbe, du my Lorde Barkley, Messire Iean Throgmarton, mosseurRobuison, & d'autres semblables) esquels ceux

ceux la du conseil mesme qui n'estoient pas trop contens de ces façons de faire se sont mostrez les moins hardis d'y contreuenir, mais aussi en chosesqui touchent directemet la courone & dignité Royale, l'Estat & Republique & la seureté & cotinuation d'icelles. Car il ne fait pas seur à aucun du conseil de sa Majesté, ou estant autrement en authorité de s'informer ou prédre notice des erreurs & meffaits du my Lorde de Lecestre sans sexposer au dager extreme de ruine. Pour exemple au commencement de la rebellion en Irland, quand mố susdit my Lorde sut en disgrace, & cósequemment (à son opinion) en estat mal asseuré en Angleterre, il ne luy sembla inconuenient & mal à propos, pour sa plus grande asseurance d'auoir aussi quelque intelligence en celle part, pour tous euenemens, ce qu'il feit. Dont on a trouué si bo tesmoignage & preuues sur vn des premiers de marque qui y furet tuez (come personnages treshonnorables de leur cognoissance mesme m'ont asseuré) quecela seroit bastát & assez suffisat pour toucher la vie d'aucu subiet en ce paisou en quelque autre estat Chrestie, sinon de ce bo my Lorde de Lecestre qui est subiect sans subiection: & que pensez vous, y auoit il vn si hardi que d'en prédre cognoissance, ou d'auouer qu'il auoit tant veu? Celuy qui la pris en Irlad osoit il la bailler à telle partie à laquelle ell'appartenoit plus ? ou ceux qui l'ont receue en Angleterre (car la chose vint aux mains des plus grads) oserent ils en vser pour le bié de leur princesse & patrie?nenny vraimét. Car si l'vn eut soupçonné tantseulement qu'ils

auoiét veu telle chose, ce ne leur eust esté moins dangereux qu'il fut autrefois à Acteod'auoir veu Diane toute nue auec ses Nimphes. Le cas duquel est maintenant tant commun en Angleterre que rien plus, come les exemples de plusieurs demonstrent fort bien, lesquels pour auoir malheureusemét cogneutrop de secrets ont esté amenez bié tost à fin malheureuse. Car nous entédons parler d'vn Saluator estrager duquel Monsieur de Lecestre s'est longuemet serui en affaires vn peu bas & actions deshonnestes. Lequel depuissie ne sçai pas pour quel demerite cela luy deuoit aduenir) a enduré la fortune bien aspre & cruelle. Car estát depuis n'a gueres auec ce bon my Lorde dedans son estude enuiron la minuit (si mes aduertissemens ne me trompet)il sen alla en sa chambre,où le matin ensuiuant il fut trouué occis dedans son lict. Nous auons aussi ouy parler d'vn quidam appellé Douughtie qui fut soudainemet pendu par le Capitaine Drake sur la mer, & que cela fut executé par charge donnee (comme lon iuge) deuant son partemet hors d'Angleterre pource qu'il sçauoit trop des secrets de ce bon Comte.

L'esté dernier passé vn quida nommé Gates sut aussi pendu auec quelques autres, au gibet de Tiborne lieu sameux pour auoir vollé & destroussé quelques voicturiers. Ce gates auoit quelque peu deuant esté despésier de ce bon my Lorde & (come il disoit) auoit mis beaucoup de son argent propre pour faire sa prouision, estant encore en tel credit & saueur chez luy, que l'on n'estimoit homme viuant auquel ce bon Seigneur eut com-

munique de plus grands secrets qu'à luy, sur quoy il est à presumer qu'il se sia vn peu trop en osant commettre cette vollerie, pource que la faueur de ce my Lorde s'estend le plus à telles actions. Or estant pris & en danger d'estre pendu pour cet acte, il eut recours à son bon maistre pour protection (suiuant la façon moderne) à fin d'e-Ître supporté comme plusieurs autres de moins merite auoient esté deuant luy en cas plus enormes & punissables par le moyen de sa Seigneurie. Le bon Comte sit respondre à son seruiteur & cher familier en toute douceur, le paissant de belles paroles, l'asseurant de sa vie quoy que par quelque apparence exterieure la forme du droit passast contre luy. Mais Gates se voiant desia condamne'à mourir pour luy mettre la corde au col ne restoit plus que la seule parole du Magistrat laquelle se pourroit executer à l'instant, & lors qu'il seroit trop tard pour enuoier à Monsieur son Maistre, & se souuenant aussi de peu d'assurance de sa parole par ses deportements precedens à l'endroit d'autres (choses que le pauure Gates sçauoit trop bien) il trouua fort expediant pour la solicitation de son affaire de s'aider aussi de quelques autres amis, bien qu'ils ne sussent si puissans que son maistre, lesquels sans faintises s'emploians en toute diligence en faueur du pauure condamné, trouuerent l'entreprise bien plus difficile que l'on ne pensoit: pource que ce bon Maistre de my Lorde ne luy porta tant sen faut aucune faueur, (au contraire de ce qu'il auoit promis) que mesmes sous main, d'vn grand soing

diligence & vehemence, & par moiens auxquels l'on ne pouuoit repugner desquels iceluy aiant la loy de son costé estoit bien fourny, il auença sa mort, en saçon que le pauure condamné estoit sans aucun espoir d'eschapper. Ce qu'entendant bien & le croiant aussi facilement de sa part, pour l'experience & cognoissance qu'il auoit du bon naturel de son maistre, il dit qu'il se doutoit tousiours d'un tel tour consideré l'argent que ce bon Maistre luy deuoit, & qu'il avoit esté trop priué auec luy en ses ordures & saletez. Lesquelles ils eut sur l'heure toutes manifestees deuant tout le monde, n'eust esté qu'il craignoit d'en estre trop chastié par des tourments & par vne mort hastiue auec extreme cruaute s'il leust fait & pourtant il n'en a rien dit sinon à vn bon gentilhomme de marque auquel il se sioit beaucoup: ie n'ose pas dire son nom icy pour quelque cause, il comence toutefois auec vn H. Et i'espere en brief par le moyé d'vn mien amy de veoir tout ce que Gates luy a racoté, ce que ien'ay pas encore veu, n'aiant iamais parlé au gentilhomme qui garde la copie de toute la narration, bien que ie sois bien asseuré de la verité detout ce que l'ay, ainsi que la chosse passoit, declare en substance.

En bonne foy (disie lors) ce seroit grand doml'Escholier. mage que telle copie fust perdue, car il est vraisemblable qu'il y aura declaré beaucoup de choses rares & incognues puis qu'il estoit quasi vn de ses prinados ou familiers, estant fort priné auccluy en tels affaires mesmes & qu'il sestoit seruy de luy come d'instrument pour les executer.

Ie la veux auoir (dit le Gentilhomme) quoy qu'il couste bié que ce ne sera si tost que ie le voudrois, pource que celuy qui la me doit pourchasser est maintenant au pais occidental & ne pense estre de retour par deça de quelque mois encore. Mais si tost que ie le verray ie ne cesserayiamais iusques à ce que suiuat sa promesseil l'ait tiree pour moy.

Mais où est l'euidente approbation (adioustay-l'Escholier. ie) qui fur trouuee en Irlad soubsignee de la main de ce braue Comte, laquelle personne n'ose poursuiure, auouer & regarder tant seulement,

qu'est elle deuenüe?

Veritablemet (dit le Gentilhome) on m'a doné à entendre qu'elle est demeuree en seure garde pour estre amence & produite quand il plaira à Dieu tellement disposer le cueur de sa Majesté que de prester l'oreille aussi bien à ceux la qui l'acuseront qu'à luy mesme en jugement. Et ne faut que vous pensiez la chose mesme estre estrange, ou qu'il n'y ait beaucoup d'autres choses lesquelles en mesme sorte sont reseruces pour vn temps à venir voire entre les mains des grands personnages & qui sont esseuez en dignité. Car veu que l'estat present de sa puissance est tel, & la tempeste de sa tirannie si grande & aspre, que personne ne pourroit resister à la rage d'icelle, sans peril treseuident. Pource que de sa Majesté mesme par la douceur de sa bonne & Roiale nature, il tire tout ce qu'il dessigne ou par deception, flatterie, information faulse & iniuste, ou par requeste, pretension, importunité violente & trop pregnante, afin que par ce moyen il rembarie tous

ceux lesquels il veut acabler. Il ne se faut pas esmerueiller si plusieurs des meilleurs & plus sideles subiets du païs, cedent au temps present & se taisent en quelques choses lesquelles autrement ils penseroient estre obligez de manifester & descouurir. Et en cette sienne maniere de proceder iln'ya pas long temps qu'vn mien amy, homme de reputation & sage m'a raconté en secret vn tesmoignage de la bouche de l'vn des plus nobles & graues conseillers que l'Angleterre ait porté depuis plusieurs Ciecles. l'entens le feu my Lorde Chambellain auec lequel mon susdit amy se trouug vn jour tout seul en sa maison à Londres enuiron vingt iours auant sa mort, & deuisa vn peu samilierement de cette chose & autres semblables, comme auec vn vray pere de sa patrie & republique, disant qu'apres plusieurs complaintes de la part de diuers personnages qui auoiet descouvert leurs doleances aux conseillers de sa Majesté. Ils veirent que l'on n'en prenoit cognoissance de cause. Le susdit my-Lorde Chambellain se detournant & retirant quelque peu de l'eaue. (Car il estoit assis pres du bort de son estang, pour voir prendre & pescher quelques brochet ou carpe) dit à mon amy, il ne s'en faut pas esbahir Monsieur (dir il) car qui estce qui s'oseroit s'entremesser des affaires du Comte? ie vous diray(dit-il)icy asseurement entre vous & moy qu'il y a vn des plus sages, graues & loiaux Conseillers que l'Angleterre porte (voulant dire Monsieur le Thresorier) lequel a en sa garde des choses escrites de la main propre de Lecestre qui

Le propos de Monsieur le Chambellain souchant Lecestre. sont suffisantes à le faire pendre s'il osoit presenter tels escrits à sa Majesté, ou sa Majesté en faire iustice quand ces choses la lui seroiet presentees. Mais à la verité (disoit il) le temps ne permet ny I'vn ny l'autre, & pourtant est peine perdue de supposer à luy. Telles estoient les paroles de ce noble personnage par lesquelles vous pouuez considerer si Lecestre est fort au Conseil pour le iourd'huy, ou non, & s'il s'est suffisamment fortissé en tel lieu. Mais maintenant si vous voulez laisser le conseil en repos & escarter tant soit peu vostre veuë par les champs & ietter vos ieux sur tous les endroits du pais, voº ne le trouuerez moins fortisié en ces quartiers la, que l'auez dessa veu en cour & Coseil, & verrez manifestemet que le coplot de cestui cy n'est pas fol ou maladuisé, ains excellément inuété & fort bie fondé voire tel qu'é toutes ses proportios il est correspodat & couenable.

Considerez donc (sil vous plaist) les endroits & parties principales de ce païs qui sont les plus commodes pour les affaires de guerre, pour la commodité & exercice des armes, pour la force, pour l'opportunité, pour la liberté du peuple, pour estre les plus essoignez de la presence & regard de la princesse: ie dis les endrois & quartiers qui sont les plus commodes pour entreprises soudaines sans danger de surprise, comme sont le Nord, l'occident, ou Noest, le païs des Gaules, les isses qui enuironnent quasi tout le pais & diuers autres lieux dedans le Roiaume, sont ils pas tous au iourd'huy à sa deuotion? Sont ils pas tous suivant ses dessings & moiens entre les mains de

E iiii

ses amis & aliez tant seulement?ou pour le moins en la puissance de ceux qui par autres traicts sont

de mesme complot & intention que luy.

Le Comte de Huntin gin.

my Lorde Hunsden.

my Lorde Gray.

La ville de vorbe a pour president & chef celuy qui sur tous est le plusproche pour commander en telle place, qui luy est propre & allié, son plus cher amy, chef de sa faction & competiteur manifeste pour briguer le sceptre d'Angleterre. La forteresse de Barquic à pour capitaine l'Oncle de sa femme, du quel luy & Huntington son beau frere sont tresasseurez comme de celuy, qui en téps conuenable, pourra autant auancer leurs complots, qu'autre qui soit en Angleterre. En Giules celuy qui y commande & est le chef sous la Princesse, est son beau frere: & celuy qui d'vne amitié & inclination naturelle le peuple affecte le plus, & est Comte de Penbroc, est aussi à sa deuotion tant pour, luy estre alié pour le mariage de sa niepce fille de sa sœur que pour autres circonstances assez cogneues. Le pais occidental ou Noest est soubs le gouvernement du Comte de Bedford, personnage du tout adonné à sa fa-Aion & celle des Puritains En Irland gounernoit n'agueres celuy qui estoit choisi pour estre comme l'organe & instrument principal de tous leurs complots tant pour le regard de sa faueur & affection enuers leurs desseings, que pour quelque mescontentement secret de sa Majesté & estat present à cause de quelques propos malplaisans & recompense indigne de son seruice: mais à la verité pource qu'il est cognu d'vn naturel trop fier & chaud & impatient pour attendre le bastiment & crection de la Republique nouuelle laquelle les premiers & prochains competiteurs pour leur gain particulier ont pourtraict & peint au vifà luy & autressemblables plus plaisante que

le paradis terrestre mesme.

Cestuy cy donc est le Hector, c'est vn autre Aiax ordonné pour l'entreprinse quand l'heure viendra. Cestuy cy doit estre vn autre Richard de Vuarinc pour gaigner la couronne à Henry neufiesme de la maison de vorte comme l'autre Richard abbatit & deposa Henry sixiesme de la maison de Laclastre & y mit en sa place Edouard. quatriesme, duquel le Comte de Huntington deduit son tiltre à la courone. Parquoy il est bié requis que ce champion soit entretenu deiour à autre (comme nous le voions estre maintenant) en quelque charge & action belliqueuse, afin que son experience, puissance & credit puisse mieux croistre & que lors qu'il en sera heure il puisse auoir des soldats à son commandement. Et quat à la premiere charge que n'a gueresil eut en Irlad, tout ainsi qu'il n'eut pas esté r'apellé, sinon pour l'execution de quelqu'autre complot secret, en Escosse ou ailleurs contre les plus proches heritiers ou possesseurs presens, pour l'auancement de leurs desseins, aussi vous pouuez vous bien asseurer, que pour le temps futur, ce pais la sera fourny d'vn ferme & seur amy de Lecestre & de sa faction, comme il est desia de messire Iean Parette son tresgrand amy & frere juré en toute boté. En l'Isse de Vvight ie confesse que Lecestre a perdu vn grad amy & seruiteur fidele par la mort

LAVIE

du Capitaine Horsez. Mais la perte est desia recompensee par la succession d'vn autre en sa place, duquel il n'est moins asseuré qu'ilestoit du premier, ains sy fie d'auantage à cause du lien d'affinité par sa femme. Les deux Isles de Gerses & Geruses sont en la garde de deux siens amis & obligez, dependents de luy: l'vn pour estre grandemét adoné aux procedures des Puritains, L'autre pour luy estre maintenant alié à cause du mariage de Dame Isabeau sœur de sa femme, estants toutes les deux filles à Messire François Rooles, ou pour le moins à la bonne Dame sa femme: & pour luy estre en cette maniere deuenu compaignon & beau frere, la où par cy deuant il n'estoit que son seruiteur. Voila les cless, forteresses boulleuers principaux au dedans & dehors & à l'entour du Roiaume, lesquels estans en la possession de Lecestre (come la verité est telle)il se pourra asseurer du corps au dedas, auquel ce neatmoins (come il a esté demostré) la preparation deuë & couenable pour la force ne defaut, aiant à sa volonté outre toutes les aides & supports dessa mentionnez)les cheuaux de sa Majesté & escuirie, à raison de son office: ses armes, Artillerie, & munition à cause de l'office du Comte de Vvariuic son frere. La tour de Londres auec le thresor qui est dedans, par le moien du Lieutenat Messire Ouuin Hopton son serviteur iuré estant aussi prest de le receuoir & de luy fournir de toute chose (si l'occasió s'y presentoit) qu'autres fois estoit vn sien predecesseur à l'édroit de só pere, du regne du Jeune Edouard pour effect semblable cotre la sœur de sa Majesté.

38

Quantà la ville de Londres mesmes, le plus simple homme de tout le Royaume considere bien combien grande y est sa puissance, & ce qu'il pourroit faireau besoin par l'aide de quelques vns des chefs qui commandent quasi aux bourgeois & populace, & par l'instigation de son fol de recordeur Fleterroorde, auec autres siens partisans. Comme aussi en toutes les autres villes, ports & bourgs d'importance par ceux lesquels il a mis & colloquez pour luy faire seruice aggreable en ses desseins, par des iusticiers de la paix auec autres, lesquels par toutes les cotrees quasi du Roiaume portent sa liuree (comme il est ja mencionné) & sont à son commandement & assignation & seruice, ausquels si vous adioustez ses forces & munitios en particulier, lesquelles il a en so chasteau de Rillinguuortx & ailleurs ioint aussi celles de Huntington aussi auec leurs amis, complices, & compaignons, vous trounerez bien qu'ils ne font pas des paresseux en leur preparatif & appareils.

Quant à l'inclination du seigneur d'Huntingto l'Escholier. pour l'auancement de cette querelle, il n'y a personne à mon iugemét (dis-ie) qui s'en doute. Mais s'il est question de ses forces particulieres, bien qu'elles puissent estre bonnes, pour chose que ie sache au contraire, specialement à sa maison d'Asshebz distante enuiron vingt cinq mils de Rillinguuortx la où il m'a esté dit depuis quelques annees passes qu'il auoit des munitions pour fournir cinq mille hommes, ie pense qu'ils sont beaucoup moindres que ne sont pas celles de Lecestre, lequel est estimé en auoir fort grande quantité, &

ce en diuers lieux. Et quat à son chasteau de Rillinguuortx suiuant le rapport de gens de bon iugement, & entendement meur, il y a au dedans dequoy fournir dix mille soldats de toutes choses necessaires pour homme & pour cheual, outre toute autre sorte de munition, armes & artillerie (lesquelles choses y furent menees sous pretexte de triomphe lors que sa Majesté y alla, & ne furent iamais ramenees depuis) & outre la grande abondance d'argent comptant, qui y est (comme l'on dit) pour quelque grand exploit qui sera fait dedas le Roiaume. Et ie scai bié que ce lieu estoit tellement estimé de plusieurs par plusieurs annees passees, que lors que sa Majesté sut griefuement malade en sa maison de Hampton Court, & en danger de mourir, vn Gentilhomme de la Cour vint au my Lorde de Huntington, & lui dit que pour autant qu'il estimoit sa Seigneurie estre pro chain heritier apres le decez de sa Majesté, il lui voudroit presenter vn moien de grand support & aide pour venir à bout de son intention apres la mort de sa Majesté, & que c'estoit la possession du Chasteau de Rillinguuortx (car alors ces deux Comtes n'estoient pas encores grands amis n'y confederez ensemble comme il sont maintenat) & que l'estant saisi du Chasteau, il lui demonstra la grande richesse qu'il possedoit pour la poursuitte de sa querelle. L'offre fut trouué bon & la chose mesme iugee de grade importance, & acceptee auec maintes graces rendues. Mais sa Majesté aiant aprespar la prouidence de Dicu recouuert sa santé a empesché l'accomplissement de

l'accort: & Monsieur de Huntington aiant occasion de se ioindre en amité auec Lecestre, auoir
plus grand egart à son prousit que à la seureré de
son ami (ce qui auient ordinairement, en tels perpersonnages & cas) descouurat le tout à celui qui
n'oublia pas en apres de tourmenter iournellement par moiens secrets ce pauure gentishomme
pour le conseil qu'il auoit doné, iusques à ce qu'il
l'eut rengé au pauure & piteux estat que tout le
monde le voit, encores que plusieurs ne sachent
pas la vraie cause de sa disgrace & infortune.

Le Legiste luy vint respondre en cette manie? re, en bonne foy (dir-il) vous me descouurez de grands misteres, voire tels que ie les ignorois du tout, ou pour le moins ne les ay ie pas considerez particulierement en cette sorte au parauant. Dequoy il ne se fault pas beaucoup esmerueiller puisque mon estat & practique des loix ne permet que ie hante grade compagnie, & quand d'auenture ie me trouue quelques fois en la compagnie, de ceux qui me pourroient sur ce dire beaucoup de choses, ie n'ose pas m'é enquerir ny prester l'oreille à celuy qui de soimesme commence d'en parler, craignant que si d'auéture tel propos estoit en apres decelé ie n'en patisse souleur d'autre chose. Mais quant à vous qui n'estes pas suspect pour le fair de vostre religion, vous auez bien plus grand priuilege & d'escouter & de parler en tel cas ce que ceux de mó estat & vacation ne peuuent faire. Il est bien vray que i'ay entendu auparauant vne chose, à scauoir, que ce grand my Lorde de Lecestre est estimé par toute

l'Angleterre, estre Dominus fac totum, comme celuy qui est d'vne excelléce infiniemét grande par des-sust tous les autres d'vne authorité absolue: dot le comandement est terrible, le desplaisir sort dagereux, & la faueur toute puissante. Et quant à son vouloir, bien qu'il ne soit pas suiuat le droit, son pouvoir toutes sois est vn passedroit, & par dessus la loy, de saço que nous autres Legistes & ges de practique en tous cas de cotrouerses & causes qui no viennét entre les mains, n'auos moindre egart (par maniere de dire) à son inclinatio que les astro logues ont de coustume d'auoir à la planette dominante, ou les mariniers au pol Arctique.

Car comme ceux la qui singlent sur mer, dressent leurs cours selon la situation & conduitte de l'estoile qui les guide au pole. Et comme les astrologues qui composent les Almanachs, predisent & pronostiquent les choses futures suivant l'aspect de la planette dominante pour la saison. Ainsi conduisons nous la barque de nos Clients & selon l'aspect & inclination de ce grand Seigneur de Lecestre, nous leur predisons ce qui doit aduenir en leur procez: & pour cette cause si tost que nous auons ouy quelque fait propose', nous auons accoustumé de demander auquel des partis de ce bon Seigneur pourra porter plus grãde faueur (car en tous procez & querelles d'importance il est pour la plus part pour l'vne partie ou l'autre) ou si l'on pourra sonder son intention en tel affaire & suivant telle instruction nous faisons coniecture au plus pres & voions qu'elle en sera l'yssue. Mais cecy est vn peu hors de propos (messieurs) & pourtant pour reprendre nos pre-

mieres brisees, ie dis que combien que ie n'eusse premierement entendu parler de la fourniture & prouisiós particulieres de ce bo Seigneur & de ses amis en tel lieu, & en tel lieu, toutes fois le voiant reputé seigneur general par tout le Royaume, & auoir à son commandement toutes ces commoditez & forces en particulier de sa Majeste desquelles vous auez desia fait mention, & mesmes toutes les autres qui sont au Royaume & desquelles vous n'auez fait mention aucune (car en brief il a tout) ie n'ay peu faire que ie ne l'estime (comme il est) vn Prince puissant de nostre Estat, pour toute prouision necessaire, pour defendre ou offenser, ou plutost le seul Monarque de nostre noblesse, estant de soymesme suffisant pour donner peine & encombrier à sa Princesse, sil estoit malcontent, principalement à cause de la grande quantité de deniers (lesquels par les plus auisez sont appellez les nerfs de guerre)dont selon le iugement de tout le mode il est mieux fourny pour le iourd'huy, que ne fut iamais subiect de nostre pais par cy deuant, ou sera pour téps à venir, tất pource qu'il a par banque d'argentier dehors le Royaume, que pour le grand amas qu'il a dedans ses coffres au dedans d'iceluy. De sorte qu'estant moimesme au parlement dernier quand l'on parloit de l'octroy de subside, apres qu'vn quidan eut en faueur de sa Majesté allegué plusieurs bonnes raisos pour persuader l'indigéce & faute d'argét qu'elle deuoit auoir, & que par consequant elle auoit besoin de l'assistance de ses loiaux subiects en cet endroit, vn autre de bonne reputatio qui estoit assis aupres de moy me vint dire en l'orcille

tout bas. Ie troune bonnes ces raisons icy amenees & suis contant de paier ma portion d'argêt, mais aussi quant au besoin d'argent que sa Majesté peut auoir, ie pourrois faire la mesme responce que s'on feit autresois à l'empereur Tibere en pareil cas: Abunde ei pecuniam sore, si à liberto suo in societatem reciperetur. que sa Majesté auroit assez d'argent pourueu qu'vn de ses seruiteurs luy daignat faire part du sien, voulant par ce seruiteur entendre ce bon my Lorde de Lecestre lequel doit necessairement bien mieux estre sourny de tresor que sa Majesté, pource qu'il amasse serre toutce qu'il peut recouurer, & quat à ses despens il se fait desiaier par la bourse de sa Princesse.

Vous auez dit beaucoup Monsieur (adiousta le Legiste) & en telle matiere qui touche de bié pres tat sa Majesté que la Republique, & en consciéce si i'estois pour plaider au barreau en faueur de ce ho my Lorde ie ne sçay lequel de tous ces points & membres ie pourrois nier, mais quant à ce que vous mencionnez en la premiere partie du profit qu'il fait de la faueur de la Roine aussi bien dedas que dehors le royaume c'est chose toute claire du gain qu'il en fait au Royaume, veu que tout ce qu'il a ne luy est acquis autrement, que par l'opinio de la faucur que sa Majesté luy a porté & porte: Et plusieurs le vont trouuer aiant les mains garnies de grands presents plustost à cause de l'opinion qu'ils ont que par sa faueur il les peut endommager (fil ne reçoit leurs dons) que pour quelque persuasion qu'ils aient de luy, en esperant qu'il fera quelque chose en leurs affaires. Ilvous

Il vous souuient (ie n'en doute point) de l'histoire de celuy qui sit offre à son Prince, d'vne grande rente annuelle, pour obtenir de luy ceste faueur, seulement qu'il luy sust permis de s'approcher tous les iours de sa Majesté, s'asseurant que par l'opinion de consiance & faueur secrette que le peuple voudroit iuger luy estre portee par le Prince, il regaingneroit facilemet sa rente & encores deux sois autant. Parquoy Monsieur de Lecestre receuant iournellement de sa Majesté plus grands signes de saueur que n'est pas cecy, & n'estant pas mauuais marchad pour accommoder le contract à son plus grand prousit, ne peut qu'il ne gaingne beaucoup au Royaume, par le moyen de sa faueur.

Et quant à son lucre par mesme moyen hors du Royaume, ie laisse à penser aux autres quel il peut estre depuis le commencement du regne de sa Majesté, les temps duquel, & l'estat de toute la Chrestienté estants tels, que tous les Princes & grands Seigneurs noz voisins ont esté contraints aucunes-fois d'éployer l'ayde & grace & faueur de son Altesse: esquelles negociations & poursuittes l'on n'a pas accoustume comme vous sçaue z, d'oublier ceux-là lesquels par leur credit peuuent ou auancer ou retarder

leurs affaires.

En particulier ie pourray bien dire ce mot, que i'ay ouy dire à plusieurs François, qu'alors que le traicté se faisoit entre la France & l'Angleterre, pour la restitution de Calais à nous de rechef, en la premiere année du regne de sa Maje-

sté, lors que les François estoient en grade detresse & misere, & le Roy Philippe leur resusoit le pays resolument si Calais n'estoit restitué aux Anglois (où à telle sin il auoit dessa enuoyé les ostages François) les François mesmes, dy-je, racontent que ce bon Seigneur de Lecestre leur sit grand plaisir en cette necessité pour son don (lequel vous pouuez bien estimer n'auoir pas este petit pour chose de si grande importance,) & sit tant que la paix sut arrestee entre les deux Royaumes, laissant Calais aux François, acte (pour en dire la verité) le plus deshonneste & lourd qu'vn Cheualier pouvoit saire contre sa

patrie.

C'est peu de chose en luy (dit le Gentil-homme) car en ce il n'a pas fait autre chose, sino come le Christ a pronocé des Iuifs, à scauoir qu'ils cobloient la mesure de leurs pechez, des pechez de leurs peres. Et si vous lisez l'histoire du téps du Roy Edouard, vous trouuerez tout certain & clair que le pere de cestuy-cy védit Boulongne aux François par mesme ruse. Car on la liura aux François par voye de composition sans necessité ou raison que conque, le vingtcinquiesme iour d'Apuril, l'an quatriesme du regne de ce ieune Roy: lors que le duc Dudley son pere eut mis le protecteur & oncle du Roy en prison dedans la Tour de Londres: & debouté du coseil du Roy ceux qui bon luy sembla, specialement les Comtes d'Arundel & de Sovvthampton: & par ainsi s'empara de tout le gounernement du pays, pour vendre, voler, &

disposer tout à son plaisir. De sorte que c'est chose naturelle & qui vient de pere en fils à ce bon my Lorde de faire trassque de l'estat, veu que son pere grand Emond estoit aussi marchand en telle qualité.

C'est vne mauuaise race de marchand's pour la republique (dit le Legiste) mais ie vous prie (Monsieur) dit il, esclarcissez moy vn peu mieux la nature des licences desquelles vous auez par-lé & l'eschange aussi des terres auec sa Maiesté, si vous le pouuez exprimer plus apertement: Car ces choses icy ne sçauroyent qu'apporter vn gain tresgrand & excessif, & sur tout la voye de gaigner en offensant sa Majesté, ou par la mauuaise grace d'elle, car ce me semble estre vne inuention surpassante tout deuoir & raison.

Vous vous abusez (dit le Gentil-homme)car vous sçauez que apres la pluye vient le beau temps, & que la reconciliation suit la noise. Car chant garny de si grands & pregnants moyens en Cour, (comme il a esté demonstré) il s'asseure tousiours de sa reconciliation auec la princesse, laquelle ils ne laisserot iamais en repos, iusques à ce qu'elle ait condescendu. Cela acheué il faut necessairement que sa Majesté, en signe de parfaicte amitié de sa part ottroye à ce bon Seigneur quelque demande ou requeste, laquelle il atousiours toute preste à presenter. Et ceste requeste obtenue ne sera pas de si peu de cas qu'elle ne suffise abondamment à recompenser ses amis qui luy ont pourchassé sa reconciliatio, laissant aussi vn bon lopin qui demeurera pour

luy mesme. Et ceste practique luy est maintenat si commune & ordinaire, qu'elle est remarquee par tout le Royaume, le prenant en sort mauuaise part, de ce que l'on abuse de la douceur de sa Majesté en façon si contemptible &

indigne de sa grandeur.

Car si son altesse ne se trouve mal contente enuers luy toutes les fois qu'il tasche de gaingner par ce moyen, lors il cherche vne occasió autre pour se monstrer estre malcontent d'elle, de façon qu'il faut necessairement que ceste reconciliation qui luy apporte si grand prousit, soit faicte par quelque moyen, & ce souuentesfois pour son prousit. De ceste mesme rule & fa con de faire il se sert fort bien en inuitant sa Majesté aux banquets, & à sa maison, la où si elle yvient, il faut qu'elle luy donne & ottroye sa requeste, dix fois autant que pourroit monter tous les fraiz qu'il auroit faict. De sorte que Robin faict le courtier & tous ses affaires, & tire de sa Majesté, par tous les moyens dont il se peut auiser tout ce qu'il peut, insques à la derniere maille. Quant à l'eschange aussi des terres qu'il faict auec sa Majesté, i'ay esté desia à mon opinion ouuert & sans dissimulation. Toutes fois pour vostre plus grade satisfaction, ie vous demonstreray encores plus amplement, comme ce bo Seigneur se porte bien autrement en ses negociations.

Sçachez donc qu'apres auoir obtenu de bones terres, qui de toute ancienneté auoyent tousours esté annexees au domaine de la Cou-

ronne, & à son plus grand proufit disposé d'icelles, en la maniere susdicte, il y alla pratiquer le mesme des plus maigres & inutiles terres, des Lecestre trom quelles il iouit, (Dieu sçait comment) soit pour pe la Royne, les avoir acquises par violèce, extorsion & op- ge des terres. pression des plus pauures, soit pour auoir maintenu & defendu quelques tiltres d'autruy, qui n'estoient gueres bons, ains iniustes plustost, soit pour auoir supplanté de pauures Gentilshommes simples & mal auisez, les induisant de le faire leur heritier, soit pour quelque autre fas cheux & mal fondé tiltre, ou par quelques moyens que ce soit, (car il est fort experimenté en ces affaires la, sans se soucier beaucoup du comte qu'il en doiue rendre quelque iour.) Ayant donc en ceste façon acquis ces terresicy, & les ayant essayé à l'accoustumee, pour en tirer & succer tout ce qu'il peut, (les baillant à ferme à ceux la qui ne gaigneront pas grande chosesur le marché)il s'aduise de sa practique ordinaire, & s'addressant à sa Majesté, fait eschange de ces meschantes terres, aux meilleures qu'il peut trouuer au domaine Royal, afin que ce faisant, sa Majesté soit forcee à defendre ses mauuais tiltres à telles terres, & qu'il puisse auoir plus grand moyen d'emplir ses coffres des proussits, & reuenuz qu'il aura tirez, iusques au dernier denier de toutes les deux terres ensemble.

Quant à ses licences & permissions, il vous faut entendre, que premierement il obtint licence de sa Majesté, de faire transport de quel- te de Lecestre. que bon nombre de draps hors du Royaume:

chose qui eut apporté grand dommage, voire la ruine mesme aux marchands subiets, s'ils n'eussent rachaptee & retiree telle licence des mains de ce bon Comte à grandes sommes de deniers: de façon que ceste licence seule luy apportoit vne grande richesse, au dommage & perte de tous marchands, qui trassquoyent en ceste sorte de marchandise. Apres ceste licence & permission, il en eut vne autre de faire aussi transporter des bastons & bois propres à faire des tonneaux & barils, & autres choses semblables.

Pour la troissesme fois il procura en maniere de monopole, la permission & licence d'amener au Royaume des vins doux, huiles, raisins de Corinthe, & autres marchandises semblables, desquelles le gain est inestimable. Il obtint aussi la forfaicture de tous les vins que l'on védoit en Tauerne, outre le prix ordinaire, auec permission de doner puissance aux Tauerniers & autres d'en vendre par dessus le mesme prix. Et en ceste trasicque il s'est seruy du Capitaine Horsey pour instrumet, tirant & amassant par ce moyen vn thresor inestimable & rente annuelle plus grande qu'on ne sçauroit croire, de tous les Tauerniers dedans le Royaume. Adioustez à ces permissions là, encores vne autre, pour des soyes & velours : laquelle toute seule (comme l'ay ouy dire à plusieurs marchands)seroit suffisante d'enrichir monsieur le Maire de Londres, auectous ses Escheuins, quad ils auroyent tous fait banque-routte. Quant à sali-

cence & pouuoir d'alienation des terres, (comme en partie i'ay desia declaré) elle ne luy apporte seulement vn gain excessif, mais luy sert aussi d'vn fouet bié aspre, pour tourméter ceux à qui il en veut, par tout le Royaume. Car veu que sans ceste licence & autorité personne ne peut acheter, vendre ou transporter quelques terres, lesquelles on pourra en sorte quelconque tirer à sa teneur, comme tenues du prince, in Capite, en chef, (ce qui se peut faire pour le iour-d'huy communement de toutes terres, & fiefs,) il intente proces, & fait venir en controuerse tout ce qu'il veut, tant claire & euidente la chose puisse estre, & souz ceste couleur il ne s'enrichit seulement sans mesure, mais aussi prend vengeance là où bố luy semble, sans garder aucun ordre.

Le Legiste, apres s'estre teu quelque peu, en mordant ses leures, comme celuy qui se trouuoit aucunement estonne d'vne telle narration, dit ainsi. A la verité ie n'ay iamais ouy compter tant de choses si manisestes, apparentes, & odieuses, d'aucun qui ait oncques esté en nostre republique. Et m'esbahy sort de monsieur de Lecestre, qu'il ne se laisse aucunement esmouuoir & destourner de la fortune de son pere grand, qui eut la teste tranchee au commencement du regne du Roy Henry huictiesme, pour moindres offences & en nombre, & en grandeur de peché, en mesme sorte commisses soubs le regne du Roy Henry septiesme. Car on l'estimoitestre l'inuenteur de ces exactios & gries,

Emond Dud-desquelles le peuple auoit esté chargé sur les de/Lecestre, decapité.

ley peregrand derniers iours du mesme Roy. Et ce neatmoins il eut grand pretexte & couleur de raison pour sa defense, entant que toutes ces exactions là se faisoyent au proufit & vsage du Roy, & non pas pour son particulier, bien que pour certain il yauoit aussi sa part. Stovve en ses Chronicques tesmoigne, que ce pendant qu'il sut prisonnier dedans la Tour de Londres, il escriuit vn liure bien notable, qui s'intituloit l'arbre du bien public, lequel liure le susdict Stovve (comme il dict) bailla à ce bon my Lorde de Lecestre. il y a fortlong temps. Et en cest endroiticy ie ne puis, que ie ne soy esmerueillé, pour quoy Monsieur de Lecestre, si le liure est si notable, que Stovve l'afferme, ne l'a pas fait imprimer & mettre en lumiere pour la gloire de ses ancestres.

Peut estre, dit le Gentil-homme, que les secrets contenuz là dedans sont tels, que mon dit Seigneur trouue bon de s'en ayder tout seul. & de serrer le fruict cueilly d'vn tel arbre en sa mai son à part, sans en faire part aux autres. Car si par l'arbre du bien public descrit au liure de seu Emond Dudley son pere-grand, est entendule prince auec sa race, & si par les fruits qui se doiuent cueillir de tel arbre il veut dire, richesses, honneurs, grandeurs, & auancements mondains, il ne faut douter, que tout ainsi q come Notableinter Emond autheur du liure estoit sçauant & bien

pretation de

l'arbre de E. experimenté en telle practique, aussi n'ont pas mond Dudley ses deux nepueux Ican & Robert oublié à bien

45

estudier & practiquer le mesme subiect, ains ont plustost de beaucoup surmonté & surpassé l'autheur mesme leur pere, puis que l'vn en a cueilly & amassé tant aigrement, que d'auoir presque rompu & arraché les grandes braches, par la trop grande conuoitise qu'il auoit de tout emporter. L'autre arrache & assemble encores d'vne telle rapacité pour luy & les siens, quel'on doute, & pourra lon à iuste cause douter, que quand ils auront taillé tout ce qu'ils pourront de l'arbre de leur grand pere Emond, ie veux dire la race de Roy Henry septiesme, ils ne failliront d'arracher & emporter la souche mesme comme du tout inutile, & planter en sa place vne autre racine & tronc nouueau, à sçanoir la lignee d'Huntington, pour se repaistre des fruits nouueaux de leur nouuel arbre, & par ce moyen contenter leurs appetits, pour quelque temps, iusques à ce que de cueilleurs ils deuiennent arbres, ce qui est leur but, pour se paistre du tout à leur discretion.

Et quoy qu'il en soit, on ne sçauroit nier que les ensans de cest Emond Dudley, n'ayent appris par ce liure & par autres moyens, à cueillir & amasser plus sinement que ne sit pas le pere mesme qui en estoit autheur. Car premierement il sit estat de cueillir pour son prince, bien que meschamment, mais ces gens icy ses ensans demonstrent assez qu'ils ont cueilly pour eux mesmes, & encores bien plus meschamment que ne faisoit leur pere. D'auantage le pere Emond, bien qu'il se sust approché de l'arbre, si

estoit il toutesfois content de se tenir tousiours debout à terre, & de se seruir de l'arbre,selon que la commodité se presentoit: mais ses enfans ne faisas point de cas de telle faço de cueillir en seureté, veulét par force moter sur l'arbre, pour en arracher, tailler & emporter à leur bon plaisir. Et come en ce second point le fils Iean Dudley estoit plus fin, que lonpere Emond, ainsi en vn troisieme poinct le petit fils Robert a surmoté en finesse tous les deux. Parce que voyant la mauuaise issue de ces deux ses ancestres qui l'ot precedé, il a aduisé de faire si bonne prouision, de bonne heure, & des'en fortifier & engraisser en telle sorte, (en quoy les autres deux ses predecesseurs ont failly) qu'il ne se veut plus mettre en danger d'estre forcé rendre compte de ses deportements.

En bonne foy Monsieur (dit le Legiste) ie vous remercie bien fort du plaisant discours qu'auez faict de l'arbre de Messire Emond Dudley, touchant la Republique. Et à la verité, ce bon Com te de Le cestre est (suiuant vostre opinion) le plus sçauant de toute sarace, & vn bien expert Logicien, qui peut tirer tant de conclusions, fort propres & commodes pour soymesme, hors des antecedents si dangereux de ses ancestres.

Il ne faut pas s'esmerueiller de cela, dit le Gentil-homme, pour ce qu'il est maistre es Arts, & Chancelier mesmes de l'Université d'Oxéford, là où il a planté & assis, comme vous sçauez, de bons esprits & experts Logiciens à son commandement, où il n'apprend seulement l'art & reigles de recueillir & assembler finement, mais Lecestre maiaussi la practique mesme, comme i'ay desia tou-stre és arts & ché en passant, veu qu'il n'y a pas vn College, ou seant Logiautre chose comode dedas le pourpris de ce lieu là, desquelles il n'ait osté & arraché tout ce qu'il a peu amasser, soit par art, ou par violence.

Quant à l'vniuersiré d'Oxenford, disoy-ie, L'Escolier. pour autant que ie suis moymesme estudiant, & ay bonne congnoissance de l'uniuersité de Cantabrige, & de plusieurs Escolliers de celle d'Oxenford, ie vous en pourroy assez parler, mais en fin le tout tend à ceste conclusion, que par ce qu'il y est Chancelier, tout espoir du bien est quasi annullé & aboly en ceste vniuersitélà, & par sa protection, il y a trop grande apparence, qu'elle tombera en decadence & ruine. Et, pour dire la verité, s'il n'y auoit autre chose pour demonstrer la difference qui se trouue entre luy & le Chancelier de nostre vniuersité.lequel il ne peut supporter, parce qu'il se voit de tous costez surmonté de luy en tout honneur & vertu, cela vous deuroit suffire, de contempler tant seulement l'estat present de toutes les deux vniuersitez, desquelles ils sont gouuer-

Pour la vostre iene veux pas dire beaucoup de chose, craingnant que lon ne m'estime par auenture parler par assection. Laissant donc, cóme lon dit, la chose parler pour elle mesme, cósiderez, se vous prie, vn peu les fruits du iardin, & par iceux vous iugerez bien mieux de la diligence du iardinier.

neurs.

Regardez moy vn peu les Eueschez, Cures, & chaires des predicants d'Angleterre, & confiderez d'où toutes ces sunctions, & places ont esté principalement sournies pour l'auancemet de l'Euangile. Et de l'autre costé contemplez bien les Pepinieres des Papistes à Rome & à Reims, auec les Colleges des Iesuistes, & autres compagnies des Papistes de là la mer, & marques d'où toutes ces gens là sont pour la plus-

part fortiz.

Les prestres & Iesuistes executezicy à mort au Royaume, auec les autres qui sont ou en prison, ou demeurent çà & là cachez, sont ils pas tous quasi de ceste vniuersite là ? Ie ne le dy pas potir disgracier les bons qui y demeurent, ou qui en sont issuz pour trauailler à la vigne du Seigneur, mais pource que la plus grande partie de ceux qui y ont estudié de ce nostre temps ont abandonné l'université, pour le faict de leur religion, ou se transportans hors du Royaume, ou se mettans au service des Seigneurs & Gentils-hommes, ou portans le seul & nud no d'estudians es loix, ou en Medecine, sans grandement proufiter en leur estude, ou sans aucunement auancer le seruice de l'Eglise ou Republicque Angloise?

Et d'où, ie vous supplie, prouient tout cecy, sinon à cause que le principal gouverneur d'icelle vniversité est luy mesme Atheiste, & occupe la place seulement pour en faire son gain & sa proye? De ce il avient que tout bon ordre & discipline Scholastique y est renuersé & enfrainct, & que toute ferueur d'estude est esteinte, que les leçons publiques ne sont pour laplus part frequentez: Que les tauernes & cabarets sont tant hantez, que les habillements des Escoliers sont deuenuz monstrueux : Et que les statuts & bonnes ordonnances tant de l'vniuersité en general, que de chacun College & lieu d'exercice en particulier, sont casses & annullees au bon plaisir de ce bon Compte leur Cheualier, sans auoir esgard ou à la coustume, ou à la raison mesme au contraire. Les principaux & autres officiers des Colleges sont mis hors & deboutez à sa discretion, & les bourses affectees aux Escolliers, sont ouvendues, ou disposees par ses lettres, ou par celles de ses seruiteurs & fauoris. On n'y peut rien auoir à ceste heure sans argent, les bourses & places de l'vniuersité se vendent maintenat, ny plus ny moins que lo vend des cheuaux au marché de Suuithfeld à Londres: De façon que les bons & vertueux ne sont pas receuz, & les bons compagnons & rustians sont admis, gens tous faicts pour faire seruice à monsseur de Lecestre apres en toutes affaires qui peuuent suruenir.

Et quant aux bails à ferme des terres, bois, pastures, prieurez ou autres benefices, desquels l'vniuersité en que lque maniere peut disposer, Mon bon Seigneur & ses seruiteurs les ont tât bien visitez en decoupans, retranchans & tondans les superfluitez, qu'ils n'ont pas laissé grade chose dequoy ceux qui viendront apres se

puissent paistre.

Et afin que ce peu de reste ne soit perdu, il a tousiours ses espions sur le lieu pour guetter, & si quelque petit morceau s'offre, pour l'en aduertir de iour à autre. Il s'est serui en cest endroit de la diligence principalement de deux Medecins, à sçauoir de Baily & de Culpeper, estans tous deux cognuz pour Papistes vn peu deuant, mais à ceste heure de mesmereligion auec Galen, & par ainsi plus correspondans à l'humeur de mon Seigneur. Car sa Seigneurie desire toussours estre garnie de diuerses sortes de gens, pour la diuersité des affaires, ausquelles il les doit employer, comme de ces deux icy pour estre ses agents en l'vniuersité, de Dee & Allen Atheistes tous deux, par leur art de coniuration & prediction des choses futures : de Iulio l'Italien, & de Lopas le Iuif pour empoisonner, & pour destruire l'enfant dedans le vetre de sa mere: De Verveyt pour meurtrir : de Digbé pour macquerellage, & ainsi d'autres pour autres exercices, desquels sa Seigneurie est coustumiere de se recreer.

Parquoy pour retourner au lieu d'où nous sommes partiz, il est tout maniseste que Monsieur de Lecestre sçait comme il peut faire son prousit de l'université, aussi bien que des autres endroits du Royanme. En laquelle, comme ie l'entends, il se porte pour Seigneur autant absolu, que s'il estoit Roy, plustost que Chancelier d'Oxensord. Car il s'attribue bien d'avantage, qu'il ne sçauroit faire, quand il seroit sondateur general & particulier de tous les Colle-

ges & autres maisons d'exercice, dedans l'uniuersité, personne n'estant si hardy, que de luy contreuenir, ou rompre la moindre parolle ou signification de sa volonté, sans encourir danger extreme, saçon de proceder plus conuenable à un Phalaris Tiran de la Sicille, ou à quelque Barbare de la Tartarie, qu'à un Chancelier d'une université de gene de sans de

d'vne vniuersité de gens doctes.

Quant à l'indignation de ce bon my Lorde, (dit le Legiste) à l'endroit de ceux qui ne se veulent pas rapporter à son iugement & opinion, i'en pourray tesmoigner suffisamment moymesme, parce qu'ayant eu aucunesfois occasió de m'entremesser à la vuidange & composition des affaires entre mon Seigneur & quelques autres,i'ay veu par experience, que ceux là se sont tousiours trouuez mieux, qui se sont mois Opposez à son vouloir, nonobstant le merite de leur cause.Car come vne grande & impetueuse riuiere, tant plus qu'on luy veut empescher son cours, plus elle s'éleue & déborde, & à la fin repousse plus violentemét tout ce qui luy fait resistance: ainsi ce nostre Cote estant le plus grand & puissant Seigneur de ce Royaume, & accoustumé de faire tout à son vouloir, ne peut endurer que aucun luy contredie, ouluy resiste aucunement, encor qu'on le fist pour la defense de sa personne. De cecy r'ay veu les exéples & controuerses de la Foreste de Svovvden & de Denbighe en Gaules, de killingvvorth, de Drayton, &autres, ou les parties qui se pensoient iniustemét traictees, eussent esté bien heureuses de codescendre du commencement à la volonté de sa Seigneurie, sans plus long procez. Car ce fai-sant, ils eussent euité beaucoup d'encombriers, de despens, desplaisirs, & afflictions qu'ils ont encouruz à leur ruine, à uecla perte de leursvies à aucuns, pour s'estre opposez à son desir, & à la sin ont esté contraincts de se souzmettre à son vouloir, auec des conditions bien plus maigres & desauantageuses que celles, desquelles on leur auoit faict offre du commencement.

Chose à la verité deplorable à contempler, mais il n'y a remede, pource que telle est la volonté & complexion de ce bon my Lorde.

C'est vne belle & noble complexion (dit le Gentil-homme) à sçauoir, qu'il me faudra luy quitter mon saye, s'il le demande, & ce vistemét aussi, de pœur que, si ie tarde, ou en fais dissiculté, il neme force de luy bailler, & le saye & le pourpoint ensemble, pour la penitence de ma tardiueté. l'ay autresfois leu des Tirans semblables, qui ont esté autrepart au monde: mais ces bonnes gens là ont tousiours eu sin correspondante à leur vie. Ce qui doit aussi (comme il est à presumer) auenir à ce bon Comte, veu le peu d'espoir qu'il nous donne de son amendement & correction, & consideré que Dieu ne laisse pas communement telles enormitez couler sans punitio, tant en ceste vie presente, qu'en l'autre auenir.

Mais ie vous prie Monsieur, puis que nous sommes tombez à propos des oppressions ia mentionnees, desquelles on parle tant par tout Royaume, qu'il vous plaise de prendre la peine de me vouloir declarer la substance de tel subiect. Car bien qu'en general vn chacun le sçache, & deteste en son cœur, la tyrannie du faict, toutesfois nous autres qui viuons çà & là aux champs ne l'entendons pas si bien & distinctement que vous autres qui vacquez à la practique des loix, & auez veu & entendu tout le

procez de la matiere.

Le fair de Billingvvorth & Denbigh, respod le Legiste, ne sont pas grandement differents en substance & maniere de proceder, cobien qu'il y ait difference du temps, de lieu, & d'importance. Car la Seigneurie de Denbighe au pays de Denbighe. de Nord Gaules est belle & de grande consequence, y ayant, comme i'ay ouy dire, presque deux cens Gentils-hommes, qui en sont, pour vser de la phrase Angloise, francs tenants ou tenementiers. Ayant donc mon Seigneur obtenue ceste belle Seigneurie, il y a long temps, dés lors qu'il comença à leuer ses cornes, par voye du don que la Royne luy en fit, les tenemétiers du lieu, considerans l'estat present des choses, & ayans bien entendu la complexion assamee de leur nouveau Seigneur, firent vne bourse commune entr'eux de quelque mille liures de gros d'Angleterre, pour luy en faire present à sa premiere entree. Laquelle somme, bien qu'il la receust, car il ne refuse rien qui soit, luy sembla de gros montoutes sois bien petite, & n'en sit pas grand cas, tent à la sompour la satisfaction de son appetit. Parquoy il 3 cens & 33. ne s'efforça pas seulement d'en tirer le plus esens 20 solz.

Mille liures

d'argent qu'il peut faisant des bails à ferme, & autres proufits semblables, mais aussi il voulut forcer les tenants francs, de hausser la rente ancienne de la Seigneurie, qui n'estoit que de deux cens cinquante liures de gros par an, selon qu'il l'auoit receue mesmes en don de sa Majesté, & d'en payer de la en auant la somme de huit ou neuf cents liures par an. Parce, come il disoit, qu'il auoit trouué quelque v ieil roole, par lequel il pouuoit demonstrer, que du temps passé celle Seigneurie auoit payé tant de rente ancienne, & que pourtant il vouloit contraindre les tenants du present d'accroistre leur rente, suiuant celle, & au prorata du passé, chose qui leur sembla contreuenir à la raison. Toutesfois mon Seigneur voulut par force, que la chose fust executee, & en fin les contraignit de ceder à sa volonté, au grand dommage & appauurissement de tout ce pais là.

Il a procedé en mesme saçon contre les tenants de Killingvvorth & à l'enuiron: Car ayant aussi receu en pur don de sa Majesté la mesme Seigneurie & Chasteau au prorata de vingt & quattre liures de rente par an, plus ou moins, il en a faict maintenant plus de cinq cents liures, soubs pretexte d'un autre vieil roole trouue de grande fortune, (comme l'on dit) dedans quelque trou de muraille (tant bonne est sa fortune de trouuer tousiours de ces vieils rooles pour son prousit) en vertu duquel il a despouissé les tenants à l'entout du lieu, de leurs terres, bois, pastures, & communautez,

pour s'en faire des parcs, chasses, & autres commoditez à la ruine de mainte bonne famille qui en estoit alimentee auant que ce goulu mist

le pied en ce pais là.

Mais le faict touchant la forest de Syovyden, surpasse tous les autres, tant pour la finesse, que pour la cruauté de laquelle ce bon Compte avsé. La tragedie fut telle. Il auoit entendu par le recit de ses espions, lesquels il a par tous les endroicts du Royaume en grand nombre, qu'il y auoit vne belle & ancienne forest au pais de Vvordgaulet, qui est enuironnee de plusieurs lieux aboutissans.

Car estant situee quas au millieu du pais, elle commence aux montaignes de Svovvden (dont elle porte son nom) en la Compté de Caruaruan, & s'estend de tous costez iusques aux frontieres de diuerses autres Com-Quand mon Seigneur le Comte eut ouy ces nouuelles, il conceut des l'heure mesmeen son esprit, que ce luy seroit vne fort bel-

le proye.

Parquoy se trouuant bien tost deuant sa Majesté, il luy sit entendre, qu'elle estoit souuentesfois trompee par l'vsurpation de ceux-là qui habitoyent sur les bornes de ses forests, chose à laquelle lon deburoit necessairement mettre ordre. Et pourtant supplia sa Majesté de luy faire don de telles vsurpations tant seullement, lesquelles il pourroit trouuer sur la Foreste de Sovvden, ce qui luy fut tout sur l'heure ottroyé.

Ayant donc trouué vn tant bon commencement pour l'auancement de son proiet, il choisit bien tost des commis à sa poste, les enuoyant vers ce pais là de Gaules auec mesme Commission & authorité qu'vn Empereur, tesmoin en est Suetonius, souloit bailler à ses Magistrats, quand ils prenoyent congé de luy pour s'en aller à leurs gouvernemens. Scitis quid velim, & quibus opus habeo? Vous sçauez ce que ie veux auoir, & de quoy i'ay besoin. Laquelle instructio estant bien remarquee de ces beaux Commis, ils n'ont rien obmis pour la mettre en executió. De façon qu'estans desia arriuez au pais de Gaules, par les moyens qu'ils ont inventé de faire l'vn accuser l'autre, ils ont en peu de teps trouué que tout le pais à l'enuiron dedans les limites de trois ou quatre Comtez estoit comprins dedans le compas & circuit de la forest, & souz ceste couleur se sont saiss de ces endroits la, pour mon susdict Seigneur de Lecestre. Sur quoy, comme tous les habitans fort estonnez de la nouveauté d'vn tel fait, attendoient l'ordre que ce bon my Lorde y deuoit mettre, sa Seigneurie se trouua tant éloigné de vouloir refuser la moindre part ou piece de ce que ses fideles Commis luy auoyent presenté, qu'il tascha d'estendre les bornes d'icelle forest encore plus outre, & les faire passer vn bras de mer pour entrer dedans l'Isle d'Anglesoy, pour coprendre aussi tout ce pais là dedans le pour pris d'icelle forest. Ce qu'estant bien remarqué du populaire mesme, & voyant qu'il ne gaignoit

DE LECESTRE

rien de s'escrier & tant plaindre contre ceste sienne Tyrannie, il arresta & conclud, d'ennoier quelque nombre d'entre eux à Londres, pour en faire remonstrance à la Royne, ce qu'ils ont fait. Choisissant d'entr'eux quelque douzaine des Gentils-hommes des plus habiles aucc maints autres du menu peuple du pais de Llyn, pour negocier & mener ceste affaire. Lesquels estans arriuez à Londres, & ayans presenté en toute humilité requeste à sa Majesté, pour obtenir soulagement & reformation en vne tant grande oppresse des pauures, receurent response à la suscitation de mon bon Seigneur de Lecestre, qu'on leur feroit iustice, moyennant que le menu peuple se retirast chacun chez luy, & que les Gentils-hommes tant seulement demeurassent pour solliciter la cause commune. Ce qui ne fut plustost accordé & executé, que tous ces pauures Gentils-hommes furent mis en prison, & y gardez par vn bon espace, & furent apres renuoyez à Ludloire lieu plus renomé du pays, pour y auoir l'amende honorable & porter des escritteaux comme pariures, & receuoir encores autre punition d'infamie, pour s'estre plaints du Comte. Lesquelles punitions toutesfois furent apres, par l'intercession & grade poursuite des parties & de leurs amis, tournees en amende pecuniaire & grandes sommes d'argent, lesquelles ils ont esté con-Grade oppres trains payer, & encore de composer auec mon sion. Seigneur de Lecestre pour le urs terres & possessions, les recognoissants estre à luy, & pour-

G iii

Dont il est auenu que non seulement ces Gentils-hommes particuliers, mais aussi tout le pais à l'entour ont esté & sont encore quasi du tout ruinez & perduz. Car la participation de ceste iniure s'estend si auant, & est tant generale en ces quartiers là, qu'à grande peine trouucrez vous personne qui en vienne, qui ne sente encores le mal d'vn si grand tort: estant par tel moyen ou appauury & ne cessiteux, ou du tout perdu & ruiné.

De saçon que ie vous asseure, que la hayne de tous ceux de ces quartiers la est tant vniuer-selle & vehemente à l'encontre de ce bon Cote: qu'à mon iugemét, chose ne sut iamais creée de Dieu, qui sut tant odieuse à celle nation, que est le seul nom de Monsieur de Lecestre. Ce que n'estant pas incongneu à sa Seigneurie, i'estime qu'il ne se hastera par trop d'y aller demeurer, ou d'y enuoyet ceux de sa posterité.

Quant à sa posterité (dit le Gentil-homme) ie pense qu'il n'a pas grande occasion d'en estre Seignent, pource que Dieu permet volontiers & donne ordre, que les biens & honneurs acquis & gardez, comme sont les siens, ne donneront iamais grande peine au troissessme heritier. Quant à soy-mesme, ie confesse à la verité (que la chose estant telle que vous la dictes) il a grande raison de s'absenter de ce pays-là; & de saire cesser ses bastiments ia commencez à Derbighe, comme il a dessa sagement faict, à ce que ie puis entendre. Car c'est cho-

DE LECESTRE.

se fort perilleuse d'estre hay vniuersellement La fin des Tyrans.

d'vn peuple & nation.

Et si l'estoy' en sa place, ie penseroy' bien souvent à la fin de Neron. Lequelapres toute sa gloire & pompe, d'vne fureur & cour-Neron. roux populaire fut iugé à auoir la teste mise dedans vn pilory, & d'estre ainsi foueté & battu de verges & courroyes, iusques à la mort. Ou ie craindroy' plustost l'issue de Vitellius troissesme Empereur depuis Neron: leques Vitellins. pour sa meschanceté & Tyrannie à l'endroict du peuple qu'il auoit accablé, fut à la fin, (lors que la fortune commença à luy tourner le doz) prins, & mené tout nud hors de son palais par le peuple mesme, & tire auec des crochets de fer fichez dedans sa chair, fort ignominieusement par les rues de la ville, (où il fut tout remply de la boue & fange que lon iettoit sur luy, eut son menton soustenu d'vn aiguillon fort picquant, a fin qu'il ne iettast la veue en terre, ou cachast son visage. Et en cest equippage sut en fin mené au bord du Tibre, & apres infinies playes receues d'un peuple par trop enragé & furieux fut ietté dedans la riniere.

Tant implacable & obstinée est la rage d'vne multitude, quand elle est vne fois prouocquée, & trouue la commodité de se venger des iniures receues. Et tant pesante est la main de Dieu sur les Tyrans en ce monde icy, quand il plaist à sa Majesté diuine de prendre vengeance

d'eux.

l'ay autresfois leu dedans Leander en sa description d'Italie, qu'en Spoleto, si ie ne m'abuse, ville capitale de l'Ymbrie, il y auoit vn Tyra bien estrange, lequel au temps de sa prosperité contemnoit toutes sortes de gens, sans exempter personne qui tomboit entre ses mains cruelles, s'estimant assez asseuré, de n'estre iamais semond à rendre compte de ses forfaits en ceste vie presente, & ne se souciant gueres de l'autre vie future. Mais voicy Dieu qui soudain luy vient renuerser la roue de sa felicité, le liurat entre les mains du peuple. Lequel s'estant sais de son corps, le despouilla tout nud, & l'attacha ainsi à vne planche au grand marché de la ville tout pres d'vn feu auec des tenailles apprestees, faisant publier & proclamer à haute voix, Que puis que ce criminel ne pouvoit autremét satisfaire pour tant d'iniures manifestes qu'il auoit commises, chacu de ceux à qui il auoit fait mal, viendroit en son rang, & des tenailles chau des la toutes prestes, arracheroit tat de sa chair, qu'il suffiroit pour satisfaire à l'iniure receue. Ce qui fut executé, iusques à ce que le miserable fust mort, & encore apres, comme le mesme autheur tesmoigne, le peuple continua sa vengeance sur sa pauure charongne.

Mais pour retourner à mon propos, consideré que sa Scigneutie ne se soucie pas beaucoup de tels exemples, & est maintenant deuenu si outrecuidé que de ne faire conscience aucune de faire tort & violence aux pais & communautez entieres: Ce ne seroit que peine perdue

de parler de ses procedures à l'endroit des particuliers, lesquels ne sont pas si forts pour resister, que est vne multitude de peuple. Et toutesfois, ie vous pourray bien asseurer, que tant de choses, & si piteux actes de sa Tyranie en mesme espece, se decouurent tous les iours, qui n'indui sent pas seulement toutes gens de bien d'auoir pitie & compassion de ceux qui les endurent, mais aussi d'auoir en horreur & detester celuylà, qui ne cesse d'exercer telles meschancetez de iour en autre.

Et pour vous en donner quelques exemples, qui est celuy tant endurcy de cœur, qui ne fust esmeu de grand desplaisir, & auquel par maniere de dire, le cœur ne saignast, considerant le piteux estat d'vn pauure Gentil-homme appellé Robinson, duquel a desia esté faite mention, de la Comté de Stafforde. Cestuy-cy estant ieune Gentil-homme assez accort & gentil, & fort affectionné à la religion, & mesme aorné d'autres vertuz, fut recommandé par son pere (Gentilhomme qui soubs la conduicte du Comte de Marnic frere de cestuy nostre Comte mourut au Haure de grace au sernice de sa Majesté) expressement à la bonne grace, faueur & proteaion de ces deux Comtes, mesmement à cestuy cy de Lecestre: & dés saieunesse sit tousiours seruice à son frere, & seruant a consumé la plus grande partie de ses biens. Ce neantmoins lors que les terres & biens du pauure Gentil-homme, furent hypothecquees & obligees à vn marchand de Londres pour quelque

argent emprunté à interest pour son entretenement au seruice susdict : Ce bon Comte plus sinement que couvertement, soubs couleur d'vn appellé Ferris, se saisit de son tiltre concernant les mesmes terres: Et l'ayat ainsi entre ses mains, ne cessa iamais de poursuiure le pauure Gentil-homme en toute extremité iusques à le faire mettre en prison & condamner à la mort, & encores molester vn sien beau frere nommé Harcourt auec ses autres parents & amis, pour l'enuie & desir, que ce bon Cote auoit de iouir des biens du pauure Robinson: mais soubs pretexte toutesfois, que de la part de Robinson (se defendant contre ceux là, lesquels le Comte auoit enuoyé pour le ietter violentement & par force hors de possession de ses biens) yn homme fut tué Que diray je d'autres infinis, lesquels il a en ceste sorte fort mal traictez, Comme vn Richard Ley, pour luy oster le manoir & domaine de Hooke Vvorton, si le nom du lieu ne me trompe, vn Messire Louys Griuell, lequel il tascha de despouiller de tous ses biens, tout d'vn coup, si son complot eut sorty effect, vn George Vvitney, a l'endroit de Messire Henry Leigh, en le forçant de quitter son office de Contreroolleur de Vvoodstoc, lequel il tient par lettres patentes du Roy Henry septiesme? & vn my Lorde Barklez, lequelil contraingnit quitter ses Seigneuries & terres à Monsieur le Comte de Vvaruic son frere, lesquelles terres auoyent demeuré en la paisible iouissance des ancestres dudict Seigneur Barklez par l'espace

de deux cents ans sans aucune interruption, & contredict. Que diray-ie de la tyrannie insupportable laquelle il a exercee contre le feu Archeuesque de Cantorbe, pour l'amour du Docteur Iulio, en vne caule tant vilaine & deshóneste? de ce qu'il sit contre Messire Iean Throgmarton, auquel il abregea les iours, par les ennuis & fascheries lesquelles il luy a tousiours pourchasses, pour le bon & loyalseruice qu'il a fait à sa patrie & à toute la lignee du roy Hery contre le pere de ce bon Côte, du temps du roy Edouard, & de sa sœur la royne Marie? De ce qu'il fit contre plusieurs de la famille des Laues, pour la malueillance qu'il portoit à vn seul ia mentionné, à cause de l'offre qu'il auoit fait de liurer le chasteau de killingvvorth? Et ce qu'il a fait pareillement cotre aucuns de la famille des Gyffords & d'autres pour la querelle du mesme Throgmarton, (car c'est le naturel de ce bo Cote, de vexer & tourmenter toute la race, ou parentage qui est aucunement conioint ou allié à la partie à laquelle il veut mal.) Et pour abreger que diray-ie de la persecution continuelle de laquelle il a tourmenté Messire Dreir Drurrie, & plusieurs autres courtisans tant homes que femmes? Cen'est que peine perdue (come i'ay dit) de parler de ceux icy, & de plusieurs autres, lesquels souffrent tous les jours des injures: consideré que sa Seigneurie ne se soucie point de tel recit, & quant aux affligez & iniuriez, ils n'ont pas grand espoir d'estre soulagez ou aucunemét relaschez de leurs griefs, ainss'attédroiét bien que leur oppression en seroit augmentée.

Parquoy, pour retourner là où nous auons commence, vous voyez bien par ceste petite narration, quel, combien grand, & de quelle qualité, est ce Comte de Lecestre, pour le sourd'huy en l'estat d'Angleterre. Vous voyez, & en partie pouuez colliger de ce que nous auós desia amené, ses richesses, forces, finesses, & naturel. Ses richesses sont excessives en toutes sortes pour vn homme priué, & doiuent necessairement estre bien plus grandes, que personne ne sçauroit facilement imaginer, à cause des moyens infinis qu'il a eu de si long temps pour gaigner & amasser. Ses forces & puissances sont absolues, estants si tres-grandes tant en Cour, que par tous les endroits du Royaume, que l'on n'y peut resister en sorte quelconque, comme il a esté demonstré. Sa finesse pour dessendre & corroborer icelles forces par force & par fraude, par mines & par contremines, par tranchees Bouleuerts, flanquiers & rempars, au moyendes amis, ennemis, alliez, seruiteurs, familiers & dependants, ou par quelque autre sorte ou qualité de gens qui luy peuvent faire service. Safinesse, dy-je, en ses exploits icy, est bien rare & singuliere. Sa disposition & naturel à cruauté, meurdre, trahyson & tyrannie, & par consequent, pour attaindre à la Souueraineté de comander aux autres, est treseuidente & manifeste. Ie vous laisse donc à penser, si sa Majesté maintenant regnante, la vie & prosperité de laquelle le Seigneur par sa benignité nous vueille garder, n'a pas iuste occasion de craindre, au

regard de ces choses recitees seulement, quand elle n'auroit autre chose en particulier pour couaincre l'intention trop ambitieuse qu'il a de

monter plus haut.

Il ne faut pas douter (dit le Legiste) que ces choses que vous auez recitees, ne soyent grandes & bien dignes de consideration, quand il est question de chose tant importante, qu'est la Couronne & sceptre d'vn Royaume. Et nous auons veu par exemples, que la moindre de ces quatre, desquelles vous auez fait mention, ou plustost quelque petite branche d'aucune d'icelles, a este suffisante pour donner iuste cause de soupçon, destiance, ou ialousie, aux plus auisez & sages princes, à l'endroit des subiets beaucoup plus asseurez, que par aucune raison ne sçaurions presumer estre ce bon Comte de Lecestre. Par ce que la seureté d'vn estat & Prince, ne consiste pas seulement en la promptitude & habilité de resister aux entreprises & attentes ouuertes, lors que elles se descouurent, mais aussi, voire d'auantage, selon l'opinion de ceux qui se messent des affaires d'estat, en quelque soin & diligence, preuoyant, pour preuenir à toutes possibilitez & apparences de peril ou surprinse. Car il n'y a Prince du monde, qui selon ce qui auient communement, se vueille mettre volontiers à l'arbitrage d'vn autre, quelque confiance qu'il puisse auoir de luy, pour decider, s'il aura sa Couronne, & par ainsi, s'il demeurera Roy, ou non, veu que le desir de regner est si grand, qu'il ne respecte aucun paren-

tage, debuoir, loyauté, amitié, ny focieté aucune. Ie ne sçay pas vrayement, si i'exprime suffisamment ma conception, mais ie voudroy' bie dire (pour le moins) que veu que chasque prince a deux poincts pour s'asseurer de son subiect, l'vn entant qu'il est fidele & n'a pas volonté de nuire à son prince: L'autre en ce qu'il est debile & n'a pas le moyen & commodité de le faire: Le premier poinct est tousiours de plus grande importance que le second, & par consequent y doibt on plus regarder & aduiser, en matiere de police, pour ce que le vouloir se pourra changer au plaisir de l'homme voulant, mais la puissance & habilité ne se change pas si tost & facilement.

Veu donc, selon ce qui a esté desia par cy deuant amené & declare, que Monsieur de Lecestre s'est saisi de toutes les forces, puissances & nerfs du Royaume, a tiré le tout à soy, & s'est fortisié en telle façon qu'on ne luy peut resister, comme il semble, vous auez grande raison de dire que sa Majesté pourra à iuste cause soupçoner vne telle sienne grandeur, pour ce que si son vouloir correspondoit à son pouuoir, c'est chose toute certaine que sa Majesté ne seroit pas en trop grande seureté.

L'Escolier. Ne dictes pas ainsi(dy-1e) car en tel cas vrayement ie ne me fiercy' pas beaucoup de son vouloir, dequoy il y a en tant de façons si grande apparence, qu'il est d'vne ambition & conuoitise insatiable. Ieseroy' d'aduis que la commodité & moyen ne se presentent pas encores, à

cause du temps, du lieu, de la force, ou de quelque autre circonstance, plustost que de penser que le vouloir luy defaille en rien, puis que non seulement le desir qu'il a de paruenir au but de la Souueraineté, mais aussi encore son in tention & desseins en cest endroit sont suffisamment declarez (à mon aduis) par ce quenous auons en particulier deduit de ses forces & coplots. Ce que (s'il vous plaist auoir la patience d'ouir l'argument d'vn Escollier) ie vous demonstreray par vne maxime de nostre Philosophie. Car s'il est vray ce qu'Aristote afferme: Il n'y a aget si simple au mode, qui n'adresse son trauail à quelque fin. (Come l'oyseau ne fait pas son nid, sinon pour y habiter, & esclorre ses petits) & ne fait pas cecy seulement, mais aussi accommode tousiours son œuure selon la proportion de la fin à laquelle il tend, (comme le renard quandil fait son cachot ou trou large, il nous donne à coniecturer, que son intention est d'y tirer force proyes: Il faut donc que selon toute probabilité & raison nous pensions, que vn agent si sage & politicque qu'est mon Seigneur de Lecestre en son endroit, n'ignore pas la fin de tous ses complots & preparatifs desquels il vse. l'entends vne fin conuenable & correspondante en quantité à ses preparatifs. Laquelle fin ne peut estre moindre ny plus mediocre, que la Souuerainete supreme, veu que sa provision & fourniture tendent à ce but là, & correspondent du tout à vne telle attente.

Car qui veut dire sa maniere d'affieger quasi si diligement la personne de la Princesse? d'occuper quasi les chemins & passages à l'entour de sa Majesté?son insolence en Cour? Sa singularité au Conseil ? Les preparatifs violents des forces qu'il fait par tout au pais? Que veut il dire d'enrichir amfi ses complices? de fortifier & confirmer sa faction d'vne grandeabondance d'amis de toutes parts. Que veut il faire, dy-je, par ces choses icy & maintes autres, que vous auez bien noté & recité desia, sinon demonstrer son intention & desseins d'attaindre à la Souveraineté? Et que signifiquent ou predisoyent ces choses mesmes, en son pere par du passé, sinon cela mesme que maintenant elles nous demonstrent au fils? Ou comment est il possible que nous pensions le fils estre d'autre intention es actions mesmes, que n'estoit deuat luy son perc, les traces & vestiges duquel il finit?

Il me souvient bien d'auoir ouy dire souventessois à plusieurs anciens & graues personnages à Cantabrige, comment du temps de ce petit & ieune RoyEdouard le Duc de Northumbelland pere de cestuy nostre Comte de Lecesstre estoit soupçonné en general de tous d'auoir au cœur ce que puis apres il descouurit, specialement quand on le veit conioin et & allié à la maison de Sussolk, & que par telle alliance de mariage il se sit chef de la faction. Ce neantmoins pour autant qu'il estoit puissant, & faisoit tousiours protestation par tout où il se trouvoit

DE LECESTRE

trouuoit, & quand l'occasion se presentoit, d'yne grande amour, debuoir, & soin singulier enuers son prince & sa patrie, personne ne l'osoit accuser ouvertemet, insques à ce qu'il fut trop tard de faire teste & ressser à ses forces, ce qui aduient communement en telles affaires. Le mesme se pourra maintenant voir & iuger clerement és deportemens de mon Seigneur de Lecestre son fils, (bien que, ie ne m'en doute, il pretend & proteste en mesme façon à sa Majesté, comme sit le pere, à son frere le Roy Edouard) specialement à ceste heure apres la ligue & association ouuerte qu'il a fait auec la faction & party de Huntington, laquelle ne s'oppose moins, soubs la protection de cestuycy à tout le lignage du Roy Henry septiesme, quant au droit & tiltre de la Couronne, que fit la maison de Suffolk soubs la conduicte de son pere aux enfants mesmes du Roy Henry huitiesme.

Vous auez raison de dire (adiouste le Gentilhomme) qu'elle ne s'oppose moins que sit l'autre, veu qu'elle le fait bien plus. Par ce que ie ne trouue qu'au regne du Roy Edouard, (bien que le complot se brassoit de ce temps là,) la maison de Sussolk osast oncques pretendre tiltre ouuertement à la prochaine succession, mais à ceste heure, la maison de Huntington se se tant à la force & faueur de ses adherens & complices, qu'elle ose bien complotter, pratticquer & pretendre tout d'vn coup, ne craignant pas de mettre en auant son tiltre par tout où quel-

qu'vn de ses amis se trouue.

Et ne craignent ils pas le statut & l'ordonnáce tant rigoureuse en ce poinct (dist le Legiste) qu'elle le fait trahison de iuger & decider de tels tiltres?

Ils n'ont que faire de craindre (respond le Gentil-homme) puis que leur party est si fort & espouuentable, que personne ne les ose accuser: consideré aussi que telle ordonnance ne sut publice à autre sin, sinon de clorre les bouches aux vrays & legitimes successeurs, ce pendant que ces gens icy seroient tout deuoir de dresser souz

main leurs embusches & preparatifs.

Or, ie ne veux pas beaucoup debattre auec vous (dist le Legiste) le droit que mon Seigneur de Huntington pretend à la Couronne, pour ce que la chose est sussifiamment cognue à veuë d'œil par tout le Royaume. Comme lon sçait aussi fort bien que pour le iour-d'huy monsieur de Lecestre est quasi le seul & principal maistre & desenseur de telle querelle, iaçoit que par cy deuant passees sont quelques annees, il sut grad aduersaire & ennemy iuré du complot. Toutesfois i'ay ouy aucuns de ses amis en deuisant de ces choses icy, nier sort & serme quelque point ou deux, lesquels vous auez touché, & sem blez y adiouster soy.

Le premier est, que quoy que ce soit de l'intention de Monsieur de Lecestre pour aider son amy, quand le temps le requerra, il ne pretend

rien à la Couronne luy mesme.

Le second est, que non obstant tout cela, lon

pourra complotter pour le faict de la Couronne apres le decez de sa Majesté, ce neantmoins que lon ne desseigne rien en tel cas, sa vie durat, & pour la verification de ces deux points, ils amenent ces raisons.

Quant au premier point, tout le monde sçait fort bien que monsieur de Lecestre ne sçauroit pour soy mesme pretendre aucun tiltre à la Couronne, soit par consanguinité, alliance, ou autrement: Et que pour le second, sa Seigneurie n'a nulle occasion de se plaindre comme malcontent du gouuernement present, & ne sçauroit esperer d'estre plus grand & éleué, quand le Comte de Huntington seroit Roy des demain, qu'il est maintenant par la faueur & grace de sa Majesté: ayant tout le Royaume (com-

me il a esté demonstré)à sa deuotion.

Quant au premier de voz deux points, (dist le Gentil-homme) il n'importe pas beaucoup, si monsieur de Lecestre, cerche la Couronne pour soymesme, ou pour son amy, veu que par toutes les deux voyes il tasche d'auoir tout à sa voloté. Et bié que maintenat, pour euiter la mal ueillance & haine du monde, il nous donne à entendre, comme vn renard bien sin, que son intention n'est que de courir auec les autres, & aller à la chasse auec Huntington, & les autres leuriers en mesme champ. Ce neant-moins il semble assez vray semblable, qu'il iouerra son tour d'ours, quand lon viédra faire division de la proye, & en prendra la meilleure part pour soy mesme.

Voire la chose est si apparente, que les gens mes mes de son train & faction, les quels vous appellez ses amis, bien que deuant le monde, pour excuser ses deportements & couurir tout leur complot, ils nient & doibuent nier son intention estre telle que nous la disons estre: pensent ce neantmoins ailleurs, esperent, & squand bien le contraire, & ne sont aucune dissiculté de le dire aussi en secret, & quand ils sont retirez à part ensemble, ils n'ont autre propos de plaisir

pour se recreer.

Les propos mesmes de l'vn de ses plus fideles & bien aymez Conseillers, le my Lorde Nord sont bien congneuz, lesquels propos il tint à son asseuré Poolie, sur la reception d'vne lettre qui luy estoit enuoyee de la Cour, touchant quelque indignation que sa Majesté auoit conceue à l'encontre de luy, pour estre tesmoin du second mariage de Lecestre, auec la Dame Lettice (bien que lon sçache qu'il n'estoit pas ignorant du premier) à Vycansteed: De laquelle indignation ce my Lorde Nord ne faisant pas si grand comte, que selon raison vn subiet deuoit faire du mal contentement de sa Souucraine, dist, que quant à luy il estoit resolu en soy-mesme ou d'enfondrer, ou nager auec monsieur de Lecestre, lequel (dist il) si lon vient jamais à brouillerles cartes, (pour vser de ses propres paro. les)emportera tout seul, (ie n'en fay aucune dou te) les boucliers.

Le propos aussi de messire Thomas Laiton à Messire Henry Neuile, comme ils se pourmenovent vn iour ensemble sur la terrace à Vvindelisore, ne sont pas mis en oubly, quad apres auoir longuement discouru de leur Royaume si heureusement conceu en leurs entendemens, Layton luy dist, qu'il ne doubtoit point, qu'il ne le veist vn iour tenir le mesme office en ce lieu là de Monsieur de Lecestre, que Monsieur tenoit maintenant de la Royne:voulant entendre le bon office de Connestable de Vvindelisore, auec tous les honeurs & prerogatiues qui en dependent, lequel office est maintenant exercé par le susdict Neuile, comme Lieutenant du Comte de Lecestre. Ce que Layton dit tout expres pour demonstrer qu'il s'asseuroit quasi de veoir Monsieur de Lecestre quelque iour Roy, car autrement telle asseurance seroit temeraire & folle, ne pouuant iamais estre effectuee & accomplie.

A mesme propos tendoient quelques paroles de la Damoiselle Anne Vvest, sœur de la susdite Dame Lettice, proferees vn iour en la grande châbre de sa Maiesté à Madame Anne As kevv, lors que Robert Kvvoolez, frere d'icelle Anne Vvest, eut d'vne mauuaise grace, & par desdain dansa deuant la Royne en la presence des François. Laquelle sienne façon de faire, pource que sa Majesté la prenoit & estimoit proceder d'vn vouloir & propos deliberé, tant pour ce que la presence de ces estrangers luy desplaisoit, que pour la querelle de sa sœur dame Lettice d'Essez, il pleut à sa Majesté de luy reprocher son faict, y adioustant quelque mot ou deux par

H iij

colere, (ce que sa follie auoit bien merité) comme s'il eut ainsi fait par despit, de ce que la bonne vieille dame sa sœur, (ie tempere & mitige vn peu ses paroles) estoit forcee de s'absenter de ce lieu la d'honneur. Lesquelles paroles come vn peu picquantes, la plus ieune sœur Vvest ne pouvoit supporter en la sorte que elle deuoit, sans se pouuoir t nir plus longuement elle dist tout en colere à sa compagne susdicte Propos contre Askeir, qu'elle ne doutoit pas de voir vn 10ur

la Royne.

la personne de sa sœur, la quelle la Royne maintenant iniurioit & blasmoit tant, (car ainsi plaisoit il à cette damoiselle de baptizer les paroles picquantes de la Royne) assise en sa place au throsne, comme celle, qui pour ses rares vertuz & qualitez, meri toit mieux vne telle grandeur que ne faisoit pas l'autre. Et combien que ces propos contreuenas à tout debuoir, fussent bien ouiz & reprouuez de plusieurs de la compagnie, toutesfois ne se trouuà pas vn (comme i'ay ouy dire à plusieurs Courtisans) quien osast parler à sa Majesté, craignant que monsieur de Lecestre, prinst vengeance de ceux qui l'auroient rapporté, quand la chose seroit publice & diuulguee. Voyla touchant l'opinion & propos secrets des amis mesmes de monsieur de Lecestre, qui ne se peuuent tenir de faire ouuerture de leurs conceptions & iugements en cet endroict, en temps & lieu conuenable, non obstant la leçon qui leur est donnce de dire tout le contraire en publie, pour tromper ceux là qui veulent adiouster foy aux belles paroles toutes faincles &

desguisees, à l'encontre d'une demonstrance de raison toute euidente & manifeste. le dy cela demonstrance de raison, par ce que, quand il ny auroit aucun de ces signes & indices, aucun de ces preparatifs, & de ces propos & detections publiez par ses amis qui sçauent bien son cœur, toutes-fois par la seule force de raison ie pourroy amener trois arguments tant seulement, lesquels seroient suffisans pour persuader & satisfaire à quelque homme d'entendement, que que Lecestre Monsieur de Lecestre souhaite mieux & pense tasche de se premierement à son particulier en cet affaire. faire Roy soy-Lesquels trois arguments par-ce que lie vous mesme. voy attentifs, ie ne feray pas grande difficulté de proposer succinctement sans m'arrester à Le premier plus long discours. Le premier argument ne se- argument. ra autre chose que la seule consideration de la nature & qualité d'ambition, laquelle, comme Le naturel vous sçauez, est telle, qu'elle n'arreste iamais son d'ambition. cours, ains passe tousiours de degré en degré, & tant plus elle gaigne, tant plus elle veut aller en auant, s'estimant tousiours plus digne & habille d'acquerir d'auatage. Et en nostre subiet mesme lequel no traictos maintenat, il auiet tout ainfi que nous le voyos auenir en celuy qui negocie par vn autre sien amy au fait d'vn mariage. Car come celuy qui parle à quelque belle & riche dame en faueur de son amy: se voiat desia en la bone grace de la dame, comence à conceuoir du merite de soimesme, & par ainsi esperer bié comunemétdu succez qu'il pourroit auoir en sa fa ueur, faisant semblant de parler pour son amy. H iiij

Ainsi auient il à plus forte raison, quand il est question d'obtenir quelque Royaume ou principauté. Car celuy qui se voit de telle puissance que de pouvoir mettre la Couronne sur la teste d'vn autre, s'avancera bien vistement pour moter encore plus haut au prochain degré, & au lieu de la bailler à l'amy, tant cher qu'il luy puisse estre, il la prendra pour soymesme, puis que la charité de telles gens de bien se dispose coustumierement de telle maniere que, suivant le prouerbe, elle commence toussours à soymesme.

Outre plus l'ambition est d'elle mesme ialouse, soupçonneuse & craintiue, specialement quand elle est accompaignee d'vne conscience chargee de coulpe, & de plusieurs crimes & enormitez deshonnestes, desquelles elle ne voudroit pas estre muitee à rendre comte, ou estre subiette à quelqu'vn qui pourroit de son authorité, quand bon luy sembleroit, rechercher sa vie & actions. En quoy, puis que Monsieur de Lecestre a si grande occasion d'accroistre sa crainte, comme il a esté ia demonstré par le recit de ses deportements si meschans & execrables:Il n'est pas vray semblable, qu'il se remette iamais à la courtoisse & discretion d'vn autre, pour faire en particulier, passer deuant luy come son auditeur ses comptes, ausquels il ne peut en sorte quelconque satisfaire: ains se rapportera plustost à la grosse somme en general, pour s'acquitter tout d'vn coup, en se faisant chef auditeur & maistre de tous comptes, quant à sa part, en ceste vie presente, quoy qu'il luy en

puisse aduenir en la vie future, de laquelle telles complexions & humeurs que sont les siennes,

me se soucient pas beaucoup.

Le second argument se peut bien colliger de la disposition particuliere de ce bon Seigneur nostre Comte. de laquelle seule (telle est sa nature toute nostre controuerse & debat se pourra beaucoup esclaircir. Car ceste sienne complexion est tant encline à la Royauté, & supreme grandeur, que depuis le premier iour qu'il entra en faueur, il s'est tousiours employé d'y paruenir. Premierement en s'efforçant ouuertement de se marier à la Royne, & par ainsi d'attirer la Couronne à soymesme & à sa posterité. Secondement, voiant que ceste attente ne luy venoit à souhait, il donna à entendre, comme il a esté desia recité, qu'il estoit secrettement espousé à sa Majesté. En quoy, comme ie vous ay desia declare qu'il s'est porté pour la satisfaction d'en estranger, ainsi faut il qu'à sa grande honte & deshonneur, il ramene en memoire maintenant le spectacle lequel il sist en secret, pour persuader vn des plus honorables Conseillers de sa Majesté en cest endroit.

Ce qu'il sit tout expres, à sin que si sa Majesté eut eu quelque fortune en sorte quelconque, lors il peut auoir la commodité d'intituler quelqu'vn de ses bastards, desquels il a grand nombre, comme lon sçait, en plusieurs endroits du Royaume, legitime successeur à la Couronne, soubs pretexte de ce secret mariage l'à contracté auec sa Majesté, pretendant & saignant

tel bastard estre engendré de sa Majesté en mesme mariage. En quoy les tesmoins ne luy manqueroient pour deposer tout ce qu'il voudroit. En troissesme lieu, quand il aperceut que cette invention estoit auth subjette au danger, pour ce que lon luy pouuoit plus facilement nier tel contract secret, qu'il ne luy estoit possible de le prouuer & auerer apres la moit de la Royne, il s'aduisa d'vne autre inuention nouuelle pour fortifier encore sa cause, c'estoit de faire mettre ces deux motz [issue naturelle] dedas le statut de succession pour la couronne, contre tout ordre & coustume de nostre Royaume, & contre le stile des loix coustumieremet observées en toutes ordonnances & statuts de tel subiet. Ce qu'il a desseigné tout expres à cette fin, que sa Majesté venant à moutir, il eut moyen de faire legitime & capable de la Couronne d'Angleterre, quelqu'vn de ses bastards, (desquels il a quantité engendrez de la multitude des iuments, qu'il entretient en diuers lieux) l'affermant estre de l'issue naturelle de sa Majesté & luy. Car onne scauroit excogiter autre raison, pourquoy les mots accoustumez & vstez de toute ancienneté en tel suiet, à sçauoir [issue le gitime] autoyent este si finement changez en sissue naturelle] à fin de n'exposer seulement, par ce moyen tout nostie Royaume aux contentions, debats, & querelles nouuelles, touchant la succession, mais aussi souiller (tant qu'il luy est possible) l'honneur Royal de sa Souueraineté, la benignité & bonté de laquelle il n'a que trop sentie & expeperimentee. En quatriesme lieu, qu'apres quelque espace de temps, voyant tous ses des-seins, menees, & ptatiques quasi descouvertes au monde, il changea tout incontinent d'aduis & façon de proceder, se tournant d'vn autre costé vers les Papistes & faction Escossoise, en pretendant le mariage de la Royne prisonniere.

Mais ne trouuant pas vn succez en cette deliberation, qui luy donnast parsaist contentement, ioinst que ce pendant vne commodité nouvelle d'autre mangeaille se presentoit, il se rangea (pour la cinquiesme raison) au party de Huntington, ne pensant moins, certainement, à son particulier prousit, en ce complot, que sit son pere, quand il s'allia & ioignit à la maison de Suffolk. Et pour demonstrer que ceste alliance ne l'empesche point de songer à son prousit, il a puis n'agueres proietté bien secrettement encore vne sois de marier son sils intitulé Seigneur de Denbighe à la ieune Arbella.

De façon que par ces raisons icy succinctement alleguees, nous pouvons bien iuger & veoir, que son inclination tend du tout au sce-

ptre & Royaute du pais.

Et bien que par droict, tiltre, & race du sang, il ne puisse, comme vous dictes, iustement s'attribuer tiltre, n'y a vn Royaume, n'y a quelque maisonnette, veu ou le bas estat, ou la desloyauté, & grandes trahisons de ses ancestres.

Ce neantmoins, soit pour le regard de son estat & puissance moderne, soit pour l'arrogante ambition & subtilité fraudulente qui luy viénent naturellement comme de pere en sils, il a si bien prousité en son estude, que de s'estre mis en possession premierement du gouvernement supreme soubs autres couvertures, & puis apres d'auoir moyen pour disposer du tiltre à son bon loisir.

Mais pour venir au troisiesme argument, ie dy encores d'auantage, que la nature & estat de la chose mesme ne permet pas que Monsieur de Lecestre aille à la bonne foy & tasche sincerement de gaigner la Couronne pour le Comte de Huntington, veu principalement qu'ils ont passé tant d'annees ensemble en malueillance, desplaisir & inimitié. Et combien que pour l'heure & commodité presente, elle soit quelque peu couuerte & supprimee, si est-ce que la raison & experience mesme nous enseigne, que quand ils viendront apres à negocier & traicter ensemble de quelque chose de poix, & que la ialousie sera entremeslee parmy les autres circonstances de leurs actions, il n'est possible, que la premiere inimitié demeure longuement assopic, ains croissant plustost, il n'est possible qu'elle ne deuienne plus grande qu'elle n'a iamais

Nous auons veu & experimenté la verité de mon dire par les exemples d'une reconciliation qui s'est faiche entre le pere de nostre Comte de Lecestre, & le Duc de Sommerset estant lors gouuerneur & protecteur du ieune Roy Edo- Danger d'vn uard son nepueu, & entre Richard duc de york amy reconci-& Emond Duc de Sommerset gouvernat souz lie. le regne du Roy Henry sixiesme. Lesquels ducs de Sommerset s'estans tous deux reconciliez à leurs anciens fins, & ambitieux aduersaires, furet par iceux bien tost apres ruinez & destruits. A quoy, ie m'asseure, que Monsieur de Lecestre prendra bien garde, pour se ioindre en amitié par voye de reconciliation auec Huntington, apres vne si longue discorde, & ne se monstrera pas si despourueu d'entendement, que de faire son souverain, celuy là qui n'est maintenant dependant de luy. Car il se souuient trop bien de l'issue & succez de mon Seigneur Stanley, qui donna ayde au Roy Henry septiesme, pour ob- Exemple d'atenir la couronne. Du Duc de Buckingham, qui mitie mal reen fit autant pour Richard troisielme, du Com-compensee. te de Vvaruic, qui fit Roy Enouard quatriesme, & de trois Perciers qui sirét monter au sceptre Henry quatriesme. Tous lesquels grands Seigneurs par quelques occasions suruenues apres furent recompensez & remunerez de la most, par les princes mesmes, ausquels ils auoient autresfois fait, si grands plaisirs, de les auancer à la Principauté. Ce qu'ils ne firent pas sans raison, selon ce que le Seigneur Machiauel Conseiller de mon bon Seigneur de Lecestre affer-Maxime de me, pource que tels Princes ne peuuent iamais Machianel. apres satisfaire suffisamment à tels amis, pour vn si grand bien receu. Et que par consequent, craignent que par desplaisir ou mescontente-

mentils ne fissent autant pour vn autre contre eux, qu'il auoient desia fait en leur faueur à l'encontre d'autres, c'estoit le plus seur de les recompenser en sorte, qu'ils n'eussent iamais moyen de s'en plaindre apres. Parquoy ie ne me sçaurois aucunement persuader que monsieur de Lecestre se mette jamais en hazard du mesme succez à l'endroit de Huntington, ains pensay-je qu'il suiura plustost le dessein & chemin de son pere enuers le duc de Suffolk, duquel sans doute, il ne pensa iamais faire plus grande estime, que de s'en seruir seulement comme de converture, soubs laquelle il peut monter soymesme iusques au plus haut degré d'honneur, & puis apres, quoy que fut deuenue l'estat mesme, la teste du duc de Suffolk n'eust iamais peu eschapper sin semblable à celle qu'elle cut. Car si la Royne Marie ne l'eut fait trancher, le Roy Iean de Vvorthunbelland n'eust failly de ce faire au mesme temps, comme sçauent fort bien tous ceux là qui ont eu quelque cognoissance de ses fins & rusez deportements Et quelle opinion secrette nuntington a encore de Lecestre (non obstant ce signe exterieur de dependance) ie l'ay entendu de la bouche d'vn des serviteurs Il vent dire signalez de ce Roy là, tant Hastif, qui estoit a-Huntington gent pour luy à Londres. Lequel tombant vn iour en propos du tiltre de son maistre, dist qu'il l'auoit ouy par plusieurs fois se plaindre en secret à la Comtesse sa femme, qui est sœur de Lecestre, comme celuy qui craignoit fort, qu'à la fin son beaufrere ne luy fist tort, & pretendist

quelque tiltre & droict pour soy mesme.

le voy donc bien (dist le Legiste) par ce que dernierement vous auez deduit, que ces deux Seigneurs sont sçauants & bien experimentez tous deux en l'art de dissimuler. Mais quant à ce que vous auez amené par deuant, vrayement i'ay ouy plusieurs de bon esprit & iugement affermer que le duc de Vvorthumbelland, coceut des menees & pratiques assez estranges en son esprit pour tromper le duc de Suffolk (qui ne le resembloit aucunement en finesse) & par ce moyen attirer la couronne à sa propre maison. Et entre autres pratiques desquelles il s'aduisa, lon pense qu'il se resolut du tout en son esprit, de se marier à madame Marie (l'ayant vne fois entre ses mains) & bailler en mariage Elizabeth maintenant regnante a quelqu'vn de ses enfans (silon eust trouué expediét de le laisser en vie,) & par consequent debouter Suffolk & toute sa lignee auec punition condigne de ses deportements tant audacieux en cet endroit.

A la verité(disoy-je) c'eut esté vn stratageme grand, s'il eut esté essectué. Mais ie vous prie, monsieur, comment se pouuoit il lors marier à Madame Marie, puis qu'il estoit dessa marié à vne autre?

Ah! (dist le Gentil-homme) vous parlez à la mode des Escolliers. Comme si Monsieur de Lecestre, n'eust eu sa semme viuante, lors qu'il commençea premier à pretendre mariage vers la Royne. Ne vous souuient il pas encores de l'histoire de Richard troissesme.

Amhition comme à l'heure mesme qu'il eut iugé & troufait out licite ué meilleur pour l'establissement de son tiltre, Se reut des de se ioindre par mariage à sa propre niepce, la-

quelle sut depuis semme du Roy Henry septiesme, il sit secrettement courir le bruit que sa femme estoit morte, laquelle tout le monde scauoit bien estre lors viuante & en bonne santé, bien que soudain apres elle fut veue morte. Ces grands personnages, quand il est question de choses de si grande importance, qu'est la Royauté, péloiét estre prinilegiez, & dispensez de disposer des corps des femmes, de leurs mariages, vies, & morts, comme il leur semble pl' expedient & conuenable pour le temps. Et que Triumuirat, pensez vous, ie vous prie, de ceTriumuirat nou-

commence entre Lecestre, Talbor, Grla

ueau, car il faut que ie l'appelle ainst, bien qu'vn des trois, n'est pas homme, ains Virago, conclu Comsesso de depuis n'agueres pour la ieune Arbella, ie vou-Sheevrsberie droy' dire le mariage entre le petit Seigneur de Derbighe, & la petitefille de Lenoux, d'où le beau pere, mere grand, & oncle de ceste Royne nouuellement designee, ont desia conceu en leur entendement vn regne singulier & triomphant. Mais que pensez vous qu'il en sera? n'y a il rien du vieil complot du Duc Iean de North-

umbelland mesle parmy cestuy-cy. Vrayement, Monsieur, dit le Legiste, si ce que vous dites est vray, ie vous asseure que l'on pretend assez de matiere par tel complot. Et en premier lieu la femme & le fils brassent quelque

Je Comte de chose grande contre le vieil Abraham qui leur Sheeirsberie. est mary & pere, & à la bourse grande & bien

garnie,

DE LECESTRE.

garnie, & en second lieu le fidele Robert brasse se quelque chose encore plus grande, contre sa meilleure maistresse. Mais ils penetrent encore tous ensemble plus auant contre les desseins & practiques de l'Hastif Comte, lequel d'une cu-Hunsington pidité & par maniere de dire, soif trop grande, cerche un Royaume, & semble auoir esperance (si l'on alloit à la bonne foy) d'estancher bien tost sa soif par l'aide de ces bonnes gens icy.

Mais pour dire la verité, chacune partie cuide tromper l'autre, & pourtant il est vn peu difficile de iuger quelle partie en fin emportera le

prix du ieu.

Mais quoy qu'il en soit, dit le Gentilhomme, ie suis d'opinion que Monsieur de Lecestre se veut seruir & de ceste pratique & encores de beaucoup d'autres, pour faire poser le sceptre à la fin sur sa teste. Et qu'il ne veut seulement employer Huntington pour repousser l'Escossois, & Arbella pour repousser Huntington, mais aussi qu'il seroit bien content de s'aider du mariage de la Royne emprisonnee, si elle estoit en sa main, pour frustrer tous les deux de leur esperance, & de quelqu'vn des trois ensemble pour debouter sa Majesté, maintenant regnante, come aussi il seroit bien content de s'aider de l'authorité de tous les quatre pour la faire cheoir sur luy mesme, & de plusieurs autres mences, inuentions & pratiques, lesquelles les simples gens ne comprennent pas encore. Et quoy que ce soit de l'apparence, que ces deux Comtes alliez & conjoints ensemble donnent au monde

I

d'estre d'accord & de faire egalle partie entre eux: ie suis neantmoins d'opinion qu'en fin l'vn trompera l'autre. Et Hastings (à ce que ie voy)quand lon viendra à la messee, ne doibt pas attendre meilleure fortune de l'Ours, qu'autres fois son ancestre eut du porc Sanglier. Lequel s'estant seruy de luy, premierement pour meurtrir le fils & heritier du Roy Henry sixiesme, puis pour massacrer & ruiner les fideles amis du Roy Edouard cinquiesme, & par ainsi luy faciliter & rendre ouuert le chemin à son vsurpation, pour tous ces seruices il le fit à la fin mourir dedans la Tour de Londres, le iour & à l'instant mesme, que plusieurs autres furent massacrez dedans le Chasteau de Pontfract, suivant son conseil. De façon que là où le pris du ieu n'est moindre chose qu'vn Royaume, les ioueurs mesmes ne respectent en rien ny la foy, ny la bonne compagnie, ny le beau ieu. Et ce suffira pour le premier poinct, à sçauoir, si monsieur de Lecestre, pense à son particulier prousit ou non, au regard de Huntington.

Quant au second point, à sçauoir si l'entreprinse se doibt faire du viuant de sa Majesté? la chose n'est pas si doubteuse à celuy qui sçait, ou peut imaginer en' son esprit, combien grand tourment le delay & procrastination d'vn royaume apporte à celuy, qui d'vne cupidité & faim intolerable attend tousiours apres, craingnant que chacune heure ne cause quelque alteration au preiudice de ce qu'il a desia conceu par vn espoir arresté. Nous voyons bien souuent que

l'enfant a grand peine sçauroit patiemment at tendre la mort de son pere, lequel toutes fois se Consideratios lon nature il est forcé d'aimer, & sçait aussi que notables. selon la mesme nature il doibt laisser ce monde icy deuant luy, & qu'apres sa mort il est asseure de jouir de ce qu'il desire. Et qu'aussi l'euenement dangereux luy est plus certain, si du viuat du pere il tasche d'y paruenir meschamment. Toutes ces quatre considerations sont indubitablement de grande force & efficace, pour cotenir vn enfant dedans les bornes d'office, & brider son desir: & toutesfois ne sont suffisantes quelques fois pour resister à l'appetit desordonné pour regner.

Mais que dirons nous là où nulle de ces quatre considerations restraint l'appetit? ou celuy qui est en possession n'est pas pere, ou le possesseur doibt selon nature suruiure celuy qui attend sa mort, ou la mort du present possesseur doibt apporter quant & soy maintes disficultez à l'entreprinse, là où durant sa vie la chose se pourra facilement expedier & acheuer, souz les aisles & authorité du mesme possesseur:penserons nous qu'en tel cas l'homme ambitieux vueille surmonter sa passion, & perdre sa commodité? Quant à ce qui est desia allegué en faueur de mon dict Seigneur, entre les raisons de ceux qui defendent sa cause: à sçauoir que son estat present est si prospere & heureux, qu'il ne le sçauroit attendre meilleur en sa prochaine alteration & changement, quel qu'il fut, ce n'est pas grande chose en la conception d'vn esprit

lequel a tousiours l'œil & le cœur fiché sur la chose, laquelle il espere, mais n'en iouit pas encores, & non sur ce qu'il possede desia, tant bo

soit il. Et sur tout en matiere d'honneur & d'authorité c'est une reigle infallible, que le refuz d'yn degré que l'on aura brigué, afflige & tourmente plus la partie qu'elle ne prend de consolation de cinq desia en sa possession. L'histoire du Capitaine Amas confirme euidemment ce que nous disons, lequel estant le plus grand Seigneur soubs l'obeissance du Roy Assuerus, apres auoir racomté à ses amis toute sa pompe, richesses, gloire & felicité, dist que tout cela ne Hest. 5. luy estoit rien, iusques à ce qu'il eust à son desir, pris vengeance de Mardochee son ennemy. Et de ce il aduient communement, qu'entre les plus grands en authorité l'on trouue plus grand nombre des malcontents: lesquels mettent leur prince & patrie en plus grand danger.

> Quand les Perciens se ioignirent à Henry de Bolingbrok contre Richard second leur Souuerain legitime, ils ne le firent pas pour n'auoit esté respectez & agrandis, car ils estoient grandement auancez par le mesme Roy, & possedoyent les trois Comtes de Northumbelland, Vvorcestre, & Stafford ésemble, & encore iouissoient de plusieurs autres dignitez & offices

d'honneur.

Parcillement quand les deux Vveiriles entreprindrent de se liguer auec Richard de York, pour deposer leur tres-benin Prince le Roy Henry sixiesme: & puis au contraire pour de-

Ce fut Henry 45du nom.

bouter Edouard quatriesme, cela ne procedoit pas de faute d'auancement, estans tous deux Comtes de Sarisburie & de Vvaruic, & mesmes Seigneurs de plusieurs lieux notables, mais ils se laisserent guider d'une vaine imagination de ie ne sçay quelle fortune à venir, par laquelle telles gens sont communement conduits: Et ce neantmoins ils n'auoient aucun sentiment au nez pour gaigner la Royauté pour eux mesmes, comme a cestuy cy pour le pousser plus auant.

Si vous dictes, que ces Seigneurs sus mentionnez haissoient leur Souuerain, & parainsi estoient induits à pourchasser sa ruine, ie pourray respondre le mesme de ce bon Seigneur viuant, bien que de tous hommes viuans, il n'y ait pas vn ayant moindre occasion d'ainsi faire

que luy.

Mais telle est la nature de la meschante ingratitude, que là où elle est plus redeuable & desdaigne d'estre obligee, sur le moindre mescoté- La haine, intemét qu'elle sçauroit imaginer en soy, elletour-gratitude, & ne vne obligation double en vne triple malice. Propos contu-Ce qu'il a demonstré apertement au temps de melieux de Le la petite disgrace qu'il eut, lors que deuant ses Majesté. amis il ne fut pas content d'auoir seylement amoindri, vilipendé, & abbaisse les biens faits inestimables receuz de sa Majesté, mais aussi n'eut point de honte de luy reprocher ses bons seruices & merites, & la tancer de parolles assez picquantes d'ingratitude, pour n'auoir pasconsideré & recompensé tels services selon leur

merite. Laquelle sienne facon de faire, ioin & sa soudaine preparation pour se rebeiler, & pour assaillir sa personne & dignité Royalle, sursi peu de fonds & occasion, monstroient assez quelle affection & volonte il porte au cœur, à sa Souveraineté, & ce qu'elle doibt attendre de luy, si en l'offensant, elle tombe vne fois en ses furieules pattes, puis qu'vne telle fumee de desdain & mespris ne pouuoit sortir sinon hors d'vne fournaise ardante de malice & haine couuee là dedans. Et à la verité c'est vne chose esmer ueillable de considerer ce que vne legere reproche, on plustost la seule imagination de quelque petite trauerse pourra faire dedans vn cœur fe-Ign, superbe & desdaigneux. Le souuenir d'estre pour lesquel- deceu du mariage, lequel il pretendoit & desiles Lecestre roit tant auec la Royne sa maistresse, demeure hait la Royne profondement fiché dedans son estomach, & le pousse tous les jours à vengeance. Ce que faict aussi le desdain de quelques reproches, paroles picquantes & disgraces, lesquelles il a quelques fois receues, principalemet celle de son dernier mariage, laquelle luy donne d'autant plus d'ennuy & de fascherie, que la craincte & danger a esté grand, qu'elle luy apportoit à lors, & fit entrer sa vefue en vne frenaisse tant manifeste, que la bonne Dame ne se peut tenir par l'espace de plusieurs mois apres de crier & vser d'exclamations contre sa Majesté, & n'est pas encore refroidie, ains demeure comme ennemie iuree à cause de telle iniure ne bougeat de pres deson Amadis pour le pousser & exciter à vengeance, quand l'occasion se presentera. Et vous pounez

Les causes

iuger combien la suiettion d'vne femme peut faire, quand elle trouue quelque humeur superbe & facile à plier à sa volonté. Et le pouuez iuger, en vous reduisant seulement en memoire l'exéple de la duchesse de Sommerset, laquelle contraignit le duc son mary de faire trencher la teste à son frere, pour luy coplaire à sa ruine tou te enidente, comme il sceut non log téps apres, mais ce fut trop tard. Pour donc conclure & resoudre, sans plus longue dispute: veu que lon a tant manifesté en cest endroit: que le desir de regner est si tresgrand, & le delay de la iouissance si fascheux, qu'il y a si belle esperance & possibilité du succez, si la chose est attentee souz la bonne fortune & authorité des competiteurs. veu aussi que les plateformes sont si bié couchees, les preparatifs tant avancez, les fauteurs si bien fourniz, & le temps si propice, & que de l'autre costé, le tout pourra tomber en grad hazard pour dilayer, & estre quasi sans danger, si lon se haste, l'estat & condition des choses estat bien balance & pesé, voiat aussi que les liés d'of fice & deuoir sot desia tellemet ropus de la part des conspirateurs, que les causes de haine sont si manifestes, & que ceux là qui prouoquent les autres à l'execution sont si puissans & diligens, come les femmes, la malice, & l'ambitio ot coustume d'estre. Considerces (dy-je) & bien pesees toutes ces circonstaces cy, il est plus q probable qu'ils ne veulent pas laisser la commodité couler & eschaper de leurs mains, veu specialemet que par l'Architipe & modelle lequel ils suiuét

I iiij

(i'entends la conspiration de Vvorthumbelland & de Suffolk, au temps du ieune Roy Edouard)ils ont appris qu'en ce point l'on commit quelque erreur lors, qui gastoit & renuersoit tous leurs desseins, c'estoit la procrastination & differer de quelques choses iusques à ce que le Roy fust mort, lesquelles ils debuoient executer en son viuant. Car si ce pendant qu'ils complottoient & brassoient leurs menees (lors qu'el les n'estoient pas encore publices au monde)ils se fussét saisis de deux sœurs souz pretexte d'authorité Royalle, (chose qui leur estoit lors bien facile) & eussent despeché quelques autres affaires, auant que faire mourir le ieune roy, tous leurs desseins indubitablement (selo le discours de taison)eussent sorty effect. Il faut donc par consequent presupposer que ces gens icy (qui ne sont pas mal auisez en leurs affaires mesmes) se donneront bien garde de tomber au mesme inconvenient par trop dilayer, voire melmes qu'ils s'asseureront du tout, & batteront le fer tandis qu'il est chaud, comme le prouerbe commun les enseigne.

On ne peut nier par raison (dit le Legiste,) qu'ils ne soyent fournis de beaucoup d'aydes, pour faire tout ce qui leur plaist à ceste heure, soubs la faueur presente, credit & authorité de sa Majesté, lesquelles leur defailliroient apres son trespas, lors qu'vn chacun seroit plus libre, quant au fait de son obeissance supreme, à cause du statut publié pour l'incertitude du proche successeur. Et pourtat, quant à moy, ie leur vou-

DE LECESTRE.

drois plustost conseiller de faire grande estime de sa vie, par ce qu'ils ne sçauent pas trop bien quelle issue leurs complots & desseins pourrot

auoir apres sa mort.

Ils en feront le plus qu'ils pourront (dist le Gentil-homme) pour leur proufit, mais quant à ce qui doibt suiure apres, selon probabilité, les exemples des Roys Edouard 2. & Richard 2. & Henry 6. & Edouard 6. nous en aduertissent suffisamment, les vies desquels ont esté prolongees iusques à ce que leurs morts ont semblé estre plus proufitables aux conspirateurs, & no plus auant. Et quant au statut, duquel vous parlez, qui estoit procuré par eux mesmes, pour establir l'incertitude du prochain & vray successeur, (là où tous noz statuts & ordonnances du passé souloient estre faites pour la declaration, esclaircissement & certaineté de tel successeur) il y a vn Prouiso, comme vous sçauez, qu'il ne durera plus long temps que la vie de sa Majesté regnante, c'est à dire, à la verité, qu'il ne durera plus longuement, qu'ils seront tout prests pour mettre vn autre en sa place. Car alors pour certain, nous verrons vn bel edict, portant expressement que Monsieur de Huntington seul est le plus proche heritier & successeur à la couronne, auec vn faisseau de cordes pour pendre tous ceux là qui oseront seulement ouurir la bouche pour le nier.

A ces paroles le vicil Legiste se recula quelque peu, comme celuy qui en sut aucunement estone, & commença à faire la croix en l'air, à sa mo-

L'Escolier.

de, sur quoy nous nous prismes à rire, & lors il dist. Veritablement, messieurs, ie ne pensoy que aucun eut conceu & imaginé si mal de ce statut, que moymesme. Mais à cette heure ie voy bien que ie ne suis pas seul malicieux. Pour ma part, il faut que ie vous confesse, que toutes les fois que ie ly ce statut icy, ou en pense, (ce que par occasiós diuerses ie fay souvent)ie me trouue bien ennuyé & tourmenté en mon esprit à cause des crainctes, lesquelles ie conçoy de l'intention & fin du statut quant à la patrie, & de l'intention & vouloir secret que pourrot auoir ceux là, qui l'ont procuré pour l'auancement de leurs complots, contre le Royaume & la vie de sa Majeste regnate. Ce qui me rend encore plus douteux, pource qu'en tous noz registres & records de noz loix vous ne trouuerez pas vn seul exemple, (à ce que ie me peux souuenir) de telle invention, touchant l'incertitude du vray & legitime successeur, pour ne le vouloir auoir cognu au monde, mais au contraire en tous aages, estats & temps, [specialement depuis le regne du Roy Richard premier du no Jvous trouuerez des statuts, ordonnances & prouisions pour l'esclaircissement & declaration de la chose, comme vous auez desia bien remarque. Parquoy ceste nouuelle & inusitee police, ne peut qu'elle ne soit accompagnee de quelque estrange & peu accoustumee intention, & Dieu par sa misericorde & grande benignité vueille, que l'issue n'en soit tresestrange & contraire à toute expectation. C'est chose toute claire & eui-

DE LECESTRE. dente desia à veue d'œil d'vn chacu qu'il n'y eut iamais pais au monde, reduit en danger plus apparent de ruine & destruction entiere, qu'est le nostre pour le iour-d'huy souz couleur de ce nouveau statut. Car là où ne se trouve Gentilhome de si petite qualité par tout le Royaume, qui ne sçache aucunement deuiner quel heritier il doit auoir, & les tenementiers aussi & fer miers coniecturer bien tost qui leur doit estre nouueau Seigneur, il va bien autrement quant au tiltre de la tres excellente & noble couronne du Royaume, de laquelle tous autres estats du pais dependent, auquel il n'est permis ny à sa Majesté de sçauoir ou dire le nom de celuy qui sera son prochain successeur, ny aux subiets d'imaginer à qui selon droit la succession & Souueraineté future doit appartenir. Iniure trop grande & insupportable en chose de si grande consequence. Car, helas! que deuiédroit ce pais icy de nostre naissance, si Dieu nous priuoit vne fois de sa tres-excellente Majesté? que deuiendroiét, dy-je, nos vies, nos estats, & tout nostre Royaume, par vn tel desastre? y a il aucun qui se peut promettre vn seul iour de plus long repos, paix, possession, vie, ou liberté dedans ce nostre Royaume, que Dieu nous fera la grace qu'elle puisse regner sur nous? & bien que nous soub. haitions le sien regne estre long, la raison toutefois no° dit que selo le cours de nature il ne sçau roitestre de fort longue duree, & que par mille accidents il peut estre abregé & racourcy. Et sera doc nostretresnoble Royaume, qui se doit

perpetuer & durer pour nous & pour la posterité, en bransse, & dependra seulement de la vie de son Altesse, qui n'est ny trop ieune, ny de trop bonne santé & disposition de corps?

le n'estoy pas loin il y a enuiron six ou sept ans, quand messire Christophle Hatton fit en vne grande assemblee vne fort belle & eloquente harangue, laquelle fut apres, comme ie pense, imprimee, lors que celuy, qui par erreur, comme l'on iugeoit, eut deschargee son harquebuse cotre l'esquif de sa Majeste, bleçant aucuns là dedans en sa presence, fut absouz & exempt du gibbet. En laquelle harangue il declara & demonstra auec grande esticace le grand & inestistimable dommage que le Royaume eut receu, si sa Majesté, ou par tel accident, ou par quelque autre moyen nous eut esté ostée. Il proposa deuant les yeux d'vn chacun quelle division, dissension, & effusion de sang s'en fut ensuiuie: quels dangers fataux en apparence tomberoiét sur nous, lors qu'vne si triste iournee aduiendroit, auquel temps personne ne seroit asseurce de sa vie, de ses biens, de sa femme, ou de ses enfans, personne ne sçauroit où s'en fuir & retirer, quel party il deuroit suiure, ou en quel endroit il pourroit cercher repos & viure en seureté. Et, comme toute l'assistance & copagnie lors presente concedoit qu'il auoit dit vray, & non tout ce que l'on pouuoit dire sur vn tel suiet, les affaires se portans en telle sorte, ainsi, à mon sugement, plusieurs aians ouy tel propos de la bouche d'vn Conseiller qui auoit aussi bonne occasion de sçauoirl'estat de sa patrie, commencer ét à penser en eux mesmes, quelle punition pourroient meriter ces gens là à l'endroit de l'estat & republicque, lesquels premierement pour auoir empesché le mariage de sa Majesté, puis pourchasse ce statut pour dissimuler & faire incertain son prochain heritier à la couronne, auoiét reduit le Royaume en dangers si euidents & ineuitables. Car chacun pensoit & consideroit en soy mesme, que la chose mesme, la quelle encore toute seule empeschoit ou retardoit plustost ces dangers & miseres exprimees en la susdicte harangue, nous doibt necessairement quelque iour defaillir, c'est à dire, la vie de sa Majestéregnante. D'où vient il donc, (disons-nous) qu'a vne calamité si generale, laquelle nous doibt necessairement suruenir deuant que soit long temps, & pour chose que nous sçauons, peut aue nir demain, l'on ne pouruoit aussi bien, que de loin on la preuoit?

N'y a il remede, sinon de courir tous de noftre bon gré à nostre ruine & per dition? & par la faueur ou crainte d'vn tas d'ambitieux aspirans à la grandeur, trahir nostre patrie & le sang de tant de milliers d'innocents qui viuent de-

dans le Royaume?

Car dictes moy, ie vous prie, Messieurs, si sa Majesté (à laquelle Dieu donne heureuse vie & longue) va mourir demain, comme selon la condition de nature & fragilité humaine, elle nous pourra abandonner bien tost: Que voudriez vous faire? Quel chemin voudriez vous prendre? ou quel party ou chef sçauroit aucun bon

subiet du Royaume suiure?

Ie parle du bon & simple subie qui va à la bonne foy sans aucune fainctise, qui suiuant la lettre exterieure de ce statut trompeux & fraudulent, (ie l'entends en la conception secrette des sins & cauteleux aspirants) sera pris ce iour là tout soubdain, & s'estant bien estonnee de la contention inesperee qui se fera pour la courone, sera reduit à mille perils de son corps & bies, lesquels ne sont pas maintenat cossiderees de ceux qui sont en plus grand danger que eux. Et cecy au regard de la Republicque, & de la patrie.

Mais quant à sa Majesté, pour le bien & salut de laquelle tel statut est pretendu, il apporte indubitablement beaucoup plus grands dangers, qu'autre deuis aucun, duquel ils ayent

encores vse.

Caricy soubs couleur de restraindre & tenir court les droits & tiltres des vrais successeurs, (les deportemens desquels sont neant-moins volontiers plus calmes & moderez, que ne sont pas ceux la des vsurpateurs) ils se sont fournis d'vn moyen pour couurit & auancer, sans contreroole aucun leurs coniurations & complots: veu qu'il n'ya personne, tant grand & puissant soit il, qui se peust opposer en cest endroict, sans soupçon qu'il ne soit d'intention de le demander pour soy mesme.

De maniere que ces gens icy s'estants d'vn costé armez de l'authorité & force de la fortune presente, & de l'autre costé appuyez sur le pretexte de ce statut, pourront à leur aise trauailler & comploter en seureté, comme ils sont, selon ce que vous auez dessa bien demonstre.

Et quand leurs fondations & preparatifs leront prests, a l'heure que vous voulez: lon ne peut nier que la vie de sa Maiesté ne soit à leur discretion, soit qu'ils la veulent abreger, soit qu'ils s'en veulent encores seruir pour leur plus grande commodité, comme certainement ils en disposeront, suiuant la coustume de telles gens en tels affaires.

Il est bien vray que leur pouuoir est aucunement bridé & non du tout absolu en vne chose, à sçauoir, quand il est question, ou de prolonger les iours de sa Majesté en tel estat & condition qu'elle est, ou de continuer en sa faueur & bonne grace enuers eux, à leur bon

plaisir & contentement.

De laquelle chose il est à presumer qu'ils auront bonne & deue consideration, craingnans que par quelque accident soudain & inesperé, ils ne soyent surprins du tout à l'imporueu &

sans y penser.

Ie vous pourray bien certainement asseurer (dist le Gentil-homme) qu'ils y pensent soin-gneusement, & ne sont pas d'aduis de se laisser preuenir par accident ou mesauenture aucune qui puisse aduenir, ains veulent estre prests & setenir sur leurs gardes en tous euenemens & fortunes. Et pour ceste cause, ils auancent & hastent leurs preparatifs, à ceste heure

mesme, plus qu'ils n'auoient encore faict, enuoyans çà & là leurs espions & agents par tout pour esprouuer & confirmer leurs amis, donnans le mot du guet qui leur est commun, se plaingnans de toutes parts de noz Euesques & Clergé au party protestant, & detout l'estat present de nostre Religion irreformee, comme ils l'appellent, agrandissans seulement le danger des Papistes, & de la faction Escossoise: mettans en auant & prononçans maintenant haut & clair que sa Majesté est hors de temps de porter enfants, & par consequent ils inferent, que puis que Dieu n'a donné meilleur succez à deux femmes l'une apres l'autre en cest endroict, il ne seroit plus conuenable, qu'vne troisiesme femme ensuiuist, recommandants & louants iusques au Ciel la loy Salicque de France, par laquelle îlest desfendu aux femmes de succeder en la Royauté.

Lequel propos, bien qu'il semble estre semé tout expres au preiudice de la Royne prisonniere d'Escosse, & autres de la lignee du Roy

Henry septiesme.

Ce neantmoins tout le monde veoit assez elair tendre aussi bien à la disgrace & insussi-sance de la personne mesme de la Royne regnante, que de celle des autres qui la pourront suiure: Et par ainsi est mis en auant tout expres pour haster & auancer la deliberation & complot principal, lequel i'ay desia esclaircy & declaré.

Quant

Ouant au reste des choses desquelles vous auez parlé, (disoy-ie sur ce propos) il est assez commun, pour tomber tousiours en deuis entre eux mesmes, hormis seulemet le mot du guet, lequel n'est pas trop bien cognu à plusieurs, comme ie pense, (Monsieur) si i'estoy le premier qui vous racontasse l'histoire, comme peut estre ie suis. Car à la Le mot du verité ce mot là est venu à estre entendu de moy guet des conpar vne fortune qui n'auient gueres souuent, spirateurs. (comme lors ie vous disoy) la chose mesme estant dite & declarce par vn Baron de leur propre faction à vn autre de mesme estat & religion, non pas de mesme opinion en ces choses & affaires desquelles nous parlons. Et pour autant que ie suis prié de ne nommer le second, qui m'en a parlé en secret, il me faudra aussi taire le nom du premier, ce que ie ne voudroy pas faire autrement, mais non pas le temps & lieu où il l'a ra-

Vous faites bien en cela (dist le Legiste), mais ie vous prie de me vouloir faire entendre, pour le moins, ce mot du guet, (sil y en a aucun tel) pour mon instructió & aide, quad il sera besoin. Car ie vous asseure que ce que ce bo gentilhome a parlè de cordes, m'a tellemét intimidé & espounaté, que si quelcun venoit sonder mon inclination en ces affaires, ie luy respondroy à propos selon son intention, si e sçauois ce mot du guet pour les cognoistre. Car sur tout, sie ne voudroy pas estre

pendu pour les querelles des Roiaumes.

compté.

Le mot du guet est (respond-ie) estes vous ar-Estes vous restez, ou non? Si vous respondez, ouy, vous sem-arrestez.

LAVIE

blez entendre ce qu'ils veulent dire, lors ils sçauent que vous estes de leur faction, & par consequent deuez estre reputé pour tel, quant au maniement de leurs affaires pour le temps à venir. Mais si vous trebuschez & faillez à respondre, pour n'entendre pas bien le mystere caché, (comme fir ce bon Seigneur là, imaginant en son esprit que par telle interrogation il vouloit dire sa teligion, laquelle estoit cognue estre bonne & arrestee en l'Euangile) lors vous estes incontinét desconuert par telle responce, ou de n'estre de leur parti, ou de n'estre qu'vn ieune nouice, non encore suffisamment instruict, & pourtant celuy qui vous fera la demande, ira tout à l'instant rompre le propos, pour vous en detourner, & comancera à parler d'autres choses iusques à ce que l'occasion se presente en apres pour vous persuader, ou pour vous instruire vn peu mieux en telle affaire. Mais quant à ce bon Seigneur le Baron duquel ie vous ay parlé, apperceuant iceluy par la demande, que quelque chose deuoit estre cachee là dessous, s'arresta aux paroles, & ne vouloit que le demandeur fen retirast changeant de propos (comme il voulut faire) mais l'inportunant fort le forcea en fin de luy interpreter le vray sens & subiet de la demande qui luy sembloit tant obscure. Ce qui a esté la premiere occasion (que ie pense) de faire venir en lumiere & cognoistre tel secret, bien qu'apres en leurs Cenes publiques lesquelles se font par toutes les Comtez à l'enuiron, la chose ait commécé à estre plus commune & diuulguee principalemet entre les estrangers, qui y habitent

maintenant (comme vous sçauez) en fort grand nombre dedans ce Roiaume, tous lesquels (disent ils) sont des-1a faits les plus asseurez de cette saction, & tous prests pour y assister auec grandes forces en toutes occasions.

Bon Dieu(dist le Legiste) combien il y a de mysteres-& secrets parmy le monde, desquels nous autres simples gens ne sçauons rien, & encore les soupeçonnons moins. le n'eusse iamais pensé ce mot du guet de moy mesme, & quant aux grandes & frequentes assemblees qui se font soubs couleur de leurs Cenes, bien que d'elles mesmes, elles ayent esté comme choses no accoustumees, subjettes à soupçon, ce neantmoins ie n'en ay iamais conceu tant que ie fay à cette heure, ny des estrangiers, qui sont icy dedans le Royaume logez & entrerenuz en sigrand nombre, que nos Artisans par tout s'en pleignent tous les iours. Mais ie voy maintenant la raison du tout fondee indubitablement sur vne grande police pour tel deuis. Et par ce ie voy aussi que la maison de Huntington pousse bien auant pour le pris de ieu, & presse fort pour l'empoigner. Ce que pour vous dire rondement ce que i'en pense, ne me plaist point: tant au regard de la bonne affection que ie porte à toute la lignee du Roy Henry, laquelle est en danger par ce moien d'estre despossedec, qu'en contemplation de la calamité & misere, laquelle ie preuoi deuoir necessairement tober sur nostre pais, si ce que Huntington pretend soraiamais à effait en nostre Roiaume. Car le drsit, lequel Huntington pretendà la Couronne

estant deriué du tiltre de Clarence seulement en la maison de York deuant l'vnion de toutes les deux maisons ensemble, suscite & fait reuiure la vieille querelle entre les deux maisons de York & Lanclaster, en laquelle le sang Anglois a esté autressois en si grande abondance espandu, & beaucoup plus se pourra maintenant espandre, si la mesme contention ia si heureusement composee & esteinte est remise sus. Veu que maintenant la controuerse des tiltres seroit accompagnee de celle des religions, disserend qui par desfus tous les autres est le plus dangereux.

Vous touchez maintenant, Monsieur, (dist le gentilhomme) chose vraiement de grande consequence, voire telle, que de la nommer seulement le cœur me tremble. l'ay bien souuenance de ce que Philippes de Comines dedans son histoire rapporte de la calamité de nostre pais causee par la contention entre ces deux maisons distinguees l'vne de l'autre par la rose rouge & blache, iaçoit que dedans leurs armoities elles pouuoient toutes deux porter à iuste cause la couleur rouge auec vne espee ardente dedans vn champ noir, pour demonstrer l'essusion du sang & grade mortalité qui sut en nostre pais, d'vne si triste, cruelle & sanglante contention.

Ie ne veux pas m'amuser icy pour coucher par escrit les particularitez d'vne telle tragedie marquees & recueillies par le mesme de Comines, bien qu'estranger à nous autres, lesquelles il a veu luy mesme pour la pluspart, cependant qu'il à suiui les Cours du Duc de Bourgogne & du Roy

Louis vnziesme de France, qui estoient du mesme temps, principalement la description pitoiable de quelques grands Seigneurs de nostre Roiaume, lesquels entre autres miseres furent contraints de demander leur pain en pais estranger. Ce que i'ay noté & marque moy-mesme en lisant les affaires de nostre pais, est suffisant de me faire auoir en horreur la memoire de ce temps là, & craindre toute occasion qui nous pourroit mener à la mesme fortune pour le téps à aduenir. Consideré qu'en mon jugement, les guerres Ciuiles de Silla & Marius, ou de Pompee & Celar Romains, les seditions des Guelphes & Gibilins en Italie depuis, n'apporterent tant de maux à l'Italie, qu'à fait cette icy à nostre pauure pais d'Angletetre. Auquel pais, à cause de la contention entre les deux maisons de York & Lanclaster seize ou dixsept batailles arrangees ont esté données en l'espace de cent ans, à sçauoir depuis l'onziesme ou douziesme an da regne du Roy Richard second, lors que cette querelle comença iusques à la treziesme annee du regne du Roy Hery septiesme. Au quel temps en retranchat celuy qui pretendoit le meilleur tiltre de toute la maison de Hútington, à sçauoir le ieune Edouard Plantagenet Comte de Vvaruic fils & heririer de George Plantagenet Duc de Clarence, la contention fut tresheureusement assopie & du tout esteinste, en laquelle tant de batailles ont esté (comme i'ay dit) données entre les freres & habitans mesmes de nostre nation. De façon que pour icelle querelle,

111

neuf ou dix que Rois qu'enfants des Rois furent tuez, massacrez & depeschez, outre quarante que Comtes que Marquis & Ducs de marque, & infinis Barons, Cheualiers auec autres gentilshommes & Capitaines, & du menu peuple vn si grand nombre, que par les particularitez que nous en trouuss par escrit, presque deux cents mille hommes demeurerent sur la place. Car en vne seule bataille liuree par le Roy Edouard quatriesme, la onnes pres de Cronique fait mention que de deux costez trente cinq mille, sept cens & onze hommes furet occis, outre plusieurs qui furent blecez & faits prisonniers, pour estre depechez apres à la volonté du vainqueur conquerant. Et en diuerses batailles depuis, dix mille hommes furent tuez en chasque bataille, comme en celles de Barnet & de Tukef. burie qui furent donnees toutes deux en la mesme annee.

'a basaille redcaster le our des Raneaux.

> Voyla les maux que nostre pauure patrie a soufert en ce temps là à cause de cette malheureuse & sanglante contention, laquelle ne se pouuoit iamais assopir & finir, si no par la tresheureuse conionctio de ces deux maisons là ensemble soubs le Roy Henry septiesme, ny par ce moyen tout seul (comme la Chronique nous enseigne) iusques à ce que l'Estat trouuast bon & conuenable de retrancher (selon ce que i'ay recité) l'issue masse du Duc de Clarence, qui auoit causé diuers inconueniens & perils au Roy susdit Henry septiesme, bien qu'il futt en prison. Par la sœur duquel, Huntington tout factieux qu'il est, tasche maintenant de renouueller la mesme contention, auec des pe

rils bien plus grands aussi bien pour le Roiaume, que pour la Majesté de sa Princesse maintenant regnante, que l'on ne veit iamais par cy deuant.

Et quant au Roiaume, le danger y est tout euident, en ce qu'il fait place aux competiteurs estrágers de la maison mesme de Lanclaster, plus puissants & habiles pour defendre leur tiltre par l'espee, que ne fut iamais aucun de ce lignage là deuant eux. Et pour considerer le peril eminent à sa Maiesté, il se peut facilement coniecturer, veu que le mesme tiltre en la personne du susdit Platagenet Comte de Vvaruic fut si dangereux & fascheux à son pere grand, spar lequel elle tient le sien)qu'il fut par deux fois contrainct de prendre les armes pour la manutention de son droit contre tel tiltre, lequel fut lors auancé & preferé par les amis de Clarence à celuy du Roy Henry mesme, comme est aussi le tiltre de Huntington pour le iourd'huy plus estimé de sa faction, que n'est pas celuy de sa Majesté, bié que soit iniustement.

Quant au tiltre de Huntington au regard de celuy de sa Majesté, ie n'en diray rien (adiousta le Legiste) parce que selon raison ie ne voy par quel pretexte du mode, il se puisse pousser si auat, puis que sa Majesté est descendue non seulement de la maison de Lanclastre, mais encore deuant lui viét treseuidemment de la maison de York mesme, comme de la fille aisnee du Roy Edouard quatriesme, qui estoit le frere aisné d'icelle maison. Là où Huntington pretend son droit par la fille seulement de George Duc de Clarence frere puissé. Il est bien vray, que ie vous doy confesser, que si

Les Ance-Aresde Hunsuigton, defquels il tire esté trabistres pour la pluspart.

le tiltre dudit Comte de Vvaruic estoit meilleur que celuy du Roy Henry septiesme, ce qui est du tout repugnant à la verité, bien que plusieurs aiet attente de le defendre par le trenchant de l'espee, lors sa Majesté feroit tott à Huntington au jourd'huy. Bien qu'à la verité les trahisons desquelles ses Ancestres en bien grand nombre (desquels So tiltre avoir il tire tout son droit à la Couronne) ont esté attaints & conuaincuz, luy pourroient suffisammét respondre en cét endroit, quand autrement son tiltre seroit bon.

> Mais ie sçay bien qu'oultre cecy, ils s'aident encore d'vn autre deuistiré hors de l'escolle du Roy Richard troisiesme, lequeltascha prouuer que son frere aisne le Roy Edouard quatriesme sut bastard, & que par consequent toute sa lignee tant masse que semelle, estoit incapable de la succession. Lequel deuis bien qu'il soit digne qu'on sen mocque, comme il fut mocqué, & vilipédé des sa premiere inuention: Toutesfois comme ce Roy Richard eust trouué lorsvn quidam Docteur, qui Sappelloit Sharr, qui n'eust honte de le publier & defendre en vne exhortation publicque qu'il feit à la croix sainct Paul à Londres, & comme Ican de Northumbelland pere de monsieur de Lecestre cust trouvé divers predicants de son téps pour mettre en auatle tiltre de Suffolk, & abbaifser le droit des filles du Roy Henry son Maistre, tant à Londres qu'es vniuersitez de Cantabrige & d'Oxenford & ailleurs, cotre tout droit & raison: Ainsi ne doute-ie pas, que ces gés ici ne trouuassent bien tost & des Sharres & des Sandes &

DE LECESTRE.

autres semblables pour exalter le tiltre de Claréce en le preserat à tout l'interest & droict du Roy Henry septiesme & sa posterité, si l'occasion s'y offre. Chose de grande importance & fort considerable de la part de sa Majesté, quant à moy ie ne suis pas deliberé de m'y arrester maintenant, ains de poursuiure ce point là seulement touchat la maison de Laclaster suiuat ce que i'ay proposé.

Car tout ainsi que cette treshonnorable, legitime & heureuse coionction des deux maisons aduersaires en la personne du Roy Henry septiesme & sa femme a mis sin à l'effusion du sang Anglois entre eux mesmes, & nous apporta la paix tant desiree, de laquelle nous auos tousiours iouy depuis par les regnes de leur tresnoble lignee, il est aussi fort à craindre, que ce complot & dessein nouueau pour retrancher le reste d'icelle lignee, & pour ramener le tiltre entier à la maison de York seule, ne nous plonge plus profondement que iamais en vn abysme de discorde ciuille, & nous fasse come vn amorce à tous Princes estrangers: Consideré qu'il y en a pour le jourd'huy aucuns d'entre eux, lesquels ne sont pas (comme ic disoy) de petite puissance, qui pretendent estre les plus proches heritiers du costé de la maison de Lanclaster, & par consequetne semblent pas vouloir quitter & abandonner leur droit, si l'huis est vne fois ouuert au debat & contention en cet endroit, en abolissant & exterminant la lignee du Roy Henry septiesme, en laquelle seule les clefs de toute concorde demeurent assemblees & lices:

Et combien que ie sache bien, que ceux qui

sont du party de monsseur de Huntington ne fesont pas grand cas du tiltre de Lanclaster, comme de celuy qui n'est pas si bon ny si iuste de beaucoup que celuy de York, (& de ma part ne suis pas deliberé de l'aduouer grandement, comme il est à cette heure, n'estant pas de moymesme fauteur des tiltres forains) toutefois ceux qui sont indifferents & sans affection, ont à considerer come il a esté reputé & prins par le passé, & comme il pourra encore estre reputé pour le temps à aduenir, si d'auenture quelque debat se leuoit en cet endroit, combien de grands personnages de nostre Roiaume se sont offerts à mourir pour la manutention d'iceluy, combien de serments & de loix ont esté faites & receues par tout le Roiaume pour sa defense & protection à iamais à l'encontre de l'autre maison de York, combien de Rois valeureux d'icelle maison & race ont porté la couronne & sceptre d'Angleterre, à sçauoir les quatre tresnobles du nom de Henry l'vn apres l'autre, le quatriesme, le cinquiesme, le sixiesme, & le septiesme, lesquels tant en nombre, qu'en gouuernement, saincteté, & courage ne cedoient en rien(s'ils ne les excedoient beaucoup)à ceux là de l'autre maison & lignee de York depuis la divisió de deux familles.

l'anciene reputation de la maifon de Lanciaster.

L'on doit aussi considerer, comme vn grand & special signe de la faueur & affection que tout le païs d'Angleterre portoit à la maison de Lanclasser, que Henry Comte de Richemond, bien qu'il ne descendist que du dernier sils & de la troisses-me semme de Iean de Gand Duc de Lanclaster,

estoit tellement respecté pour ce tant seulement, que tout le Roiaume d'vn consentement vniuersel fust d'aduis de le r'appeller du banissement & le faire Roy, en deposant Richard troisses me de la race de York lors commandat, à la charge teulement qu'iceluy Henry print à femme la fille de la maison contraire, tant grande estoit pour lors l'affection des cœurs Anglois enuers la lignee de Lanclaster, pour la grande prouesse des Rois de cette race là qui auoient commadé en la Roiauté, pour bo ou mauuais que fust leur tiltre, lequel ie ne suis pas maintenant pour discuter, & debatre, ains pour donner seulement à penser, quelle faueur & parti le mesme tiltre trouuoit autrefois dedans nostre Roiaume, & par consequent demonstrer combien dangereuse pourra estre cy apres la contention pour tel tiltre, veu que maintenant le reste d'iceluy est pretendu estre tout entier & vn estranger trespuissant & grand, chose que nous autres Legistes iugeons coustumierement estre de fort grande importance, pour authoriser le tiltre d'aucun en cas d'yn Roiaume.

Vous autres Legistes n'estes pas destituez de l'Escholier. raison en cela (dis-ie) quoy que ce soit de vossire droit: Car si vous voulez examiner la succession des gouvernements depuis le commencement du monde insques auiourd'huy, ou entre les Gentils, les suifs, ou les Chrestiens, vous trouuerez que l'espec a tousionrs esté meilleure que demy tiltre, pour acquerir, establir, & desédre vn roiaume. Ce qui me rend plus estonné & quasi abbattu, en vous oiant discourir en telle sorte des

contentions nouvelles & des tiltres forains accopagnez de telles puissances & forces, de la part de ceux qui y pretedent interest. Chose qui ne içauroit estre que fort perilleuse & (par maniere de dire) pernicieuse à nostre Roiaume, si iamais elle viennent au point, tant pour la diuision qui doit estre dedans le pais, que pour la diuersité des parties estrangeres de dehors. Car comme le Prince, lequel vous entendez, ne fallira point (selon toute probabilité) de poursuiure son tiltre auec toutes ses forces, si l'occasion se presente. Ainsi l'affaire d'Estat & de la police pourra inciter les autres princes voisins à l'empescher en telle entreprinse, tant qui leur sera possible. De sorte que par ces moiens icy nous deuiendrons vne autre Iudee & Israel entre nous mesmes, nous entretuants & troublans l'vn l'autre de l'espee. Et quat aux Princesestrangers, nous serons comme estoit du passé l'Isle de Salamine aux Atheniens & Megariens, & comme celle de la Sicille a esté depuis aux Grecs, Carthaginois & Romains: & comme de nostre temps le Roiaume de Naples a esté aux Espagnols, François, Allemans & Venitiens: c'est à dire vn appast pour s'en paistre, & vn pris de ieu ou plustost vne proye pour les combattans.

Parquoy ie prie le Seigneur de destourner de nous toutes occasions de telles calamitez: & vous supplie, monsieur, que puis que nous sommes tombez en propos de ces choses icy, il vous plaise prendre encores la peine de me descouurir & escalaireir vn peu mieux le fondement de ces controuerses, qui ont esté si long temps assopies

& en repos, entre les deux maisons de York & Lanclaster puis qu'il y a maintenant si grande apparence qu'elles se douvent renouveller: Car bien qu'en general i'en aye ouy beaucoup, en particulier toutes fois ie ne les comprens pas, oubien i'ay oublié la premiere source de telle querelle, & beaucoup plus l'estat de leur tiltre en droits particuliers pour le jourd'huy, comme choses quelque peu esloignees de mon estude & profession.

La controuerse entre les deux maisons de vork & de Lanclaster print son commencement du fait (dist le Legiste)en l'issue du Roy Edouart troissesme, qui finit ses iours il y a plus de deux cents ans, mais l'occasion, pretexte ou cause de la mesme querelle, commença entre les enfans du Roy Héry troisiesme qui mourut cent ansdeuat. Ce Roy Henry laissa deux fils, Edouard qui luy succeda au Roiaume, & sappelloit Edouart premier, pere l'Origine de grand de Edouart troissesme, & Emond appellé, la Maison de pour auoir esté bossu, le dos courbé Comte de Lanclaster, & premier fondateur de cette maison 12.L'heritage de cestuy cy tomba apres en la quatriesme descente sur vne fille nommee Blanche, laquelle fut mariee au quattriesme fils du Roy Edouard troisiesme, appelle Iean de Gand, pource qu'il naquit en la ville de Gand en Flandre, qui par le moien de cette Dame Blanche sa premiere femme, deuint Duc & heritier de la maison de Lanclaster. Et pour autant que son fils Henry de Bolinbrok (qui fut apres le Roy Henry quattriesme) pretendoit entre autres choses que Emond le dos courbé pere grand de sa mere Blanche fust

fils aisné du Roy Henry troisselme, & à tort debouté de la succession Roialle, à cause de son dos courbé, il osta par force le Roiaume au Roy Richardsecond neueu du Roy Edouard troisiesme par son fils aisné nommé le Prince des Gaules, & le transporta à sa maison de Lanclaster, en laquelle il a demeuré par trois lignees entieres, iusques à ce qu'Edouard Duc de vork descendu du frere puisné de Iean de Gand, pretédant droit à la couronne par le tiltre de sa mere grand, qui estoit fille & heritiere de Lionel Duc de Clarence frere aisné du mesme lean de Gand, l'osta par force à Henry sixiesme du nom, & troissesme de la maison de Lanclaster, comme nous auons declaré, pour l'approprier à la sienne de York En laquelle non sans grands encobriers, troubles & brouilleries deux Rois seulement regnerent, iusques à ce que toutes les deux maisons furent vnies & conioinctes ensemble en la personne du susdit Roy Henry septiesme & en sa mort.

De ce que nous auons amené, vous pouuez voir clairement come les enfants de Iean de Gad Duc de Lanclaster quatriesme sils du Roy Edouart troissesseme pretendoient droit à la Couronne par Emond le dos courbé, deuant les enfans de tous les autres trois sils du mesme Roy Edouard troissesseme, bié qu'ils sussent descenduz des frères aisnez, dont nous parlerons plus amplement cy

apres.

Or ce Ican de Gand n'auoit que quatre enfans qui nous ont laissé apres leur sin deux sils & deux silles. Le premier & aisné de ses enfans sut Henry de Bolinbrok Duc de Lanclaster, qui osta la couronne au Roy Richard second son Cousin Germain, comme il a esté fait mention, & la transsera premier en la maison de Lanclaster, en laquelle elle domoura par deux lignees apres luy, à sçauoir en son sils Henry cinquiesme & en son neueu Henry sixiesme, lequel sut apresmassacré auec son sils & heritier vnique Henry Prince des Gaules, & par consequent toute cette lignee la de Héry de Bolinbrok esteincte: par Edouard quatriesme de la maison de york.

Le second sils de Iean de Gand sut Iean Duc de Somerset engédré de Catherine Sumford sa troisiesme semme, ce Iean icy eut vn sils appellé Iean, & ce sils eut vne sille appellee Marguerite: laquele estant son heritiere sut mariee à Emond Tyder Comte de Richemond, & eut Henry Côte de Richemod, qui sut apres par le tiltre de sa mere le Roy Henry septiesme, la lignee duquel dure

encore.

Les deux filles de Ican de Gand furent mariees aux enfans de Portugal & de Castille, à sçauoir Philippe engendree de Blanche Heritiere à Emod le dos courbé, comme il a esté dict de ja, sur Mariee à Ican Roy de Portugal, duquel les Rois de Portugal depuis sont descendus & les autres princes qui ont pretendu ou pourront pretedre droit à ce Roiaume là. Et Catherine engédree de Constance Heritiere de Castille, sut mariee à Henry Roy de la mesme Castille en Espagne, de laquelle le Roy Philippes est aussi descendu. De saço que nous voions clairemet, ou le reste de la maison de

Lanclaster reside, si la lignee du Roy Henry septiesme estoit esteincte, & quel pretexte les princes estrangers pourront auoir pour nous subinguer & vaincre, si Monsieur de Huntington, ou du viuant ou apres la mort de sa Majesté leur ouurira la porte, pour debouter les autres de la lignee du Roy Henry, & par ainsi ramener le tiltre à sa seule maison de York. Ce qu'il pretend, sur ce que ie vous vay dire maintenant. Le Roy Edouard troisiesme, eust plusieurs enfans, & toutesfois ne parlerons nous à cet' heure que de cinq tant seulement, desquels trois estoient aisnez de lean Gand, & l'autre plus ieune le premier des trois plus viels estoit appellé Edouard le Noir Prince, qui mourut deuant son pere, laissant yn seul fils nommé Richard, lequel apres estant Roy & appelle Richard second, fut deposé sans aucuns enfans, & apres fut occis par son cousin germain Henry de Bolimbrok Duc de Lanclaster fils de Iean de Gand, comme il a esté dit, & ainsi finit la lignee du premier fils du Roy Edouard troissesme.

Son second fils s'appelloit Guillaume de Hat-

feld, qui mourut sans aucuns enfans.

Son troissesme sils estoit nommé Lionel, & sur Duc de Clarence, duquel la sille & Heritiere vnique nommee Philippe sur mariee à Emond Mortimier Comte de la Marche, qui en eut vne sille nommee Anne, laquelle estant la seule heritiere de Mortimier son pere, sur mariee à Richard Plantagenet Duc de York sils & heritier de Emond de l'Angley premier Duc de York, & cinquiesme sils du Roy Edouard troissesme, & frere puissé

puisné de Ican de Gand. De sorte que cet Emond de l'Angley se peut appeller le premier de la maison de vork, tout ainsi que Emond le dos courbé fut celuy qui premier donna commencement à la maison de l'Anclaster.

Or cestui de l'Anglei aiant vn fils appellé Richard, qui fut marié à la susdite Anne Niortimere heritiere vnique de Leonel Duc de Clarence, ioignit deux lignees & deux tiltres ensemble, à sçauoir celle de Leonel, & la sienne propre, c'est à dire les tiltres de deux freres, estant Leonel troisiesme, & Emond cinquiesme fils du Roy Edouard troisiesme, comme a esté desia declaré. Ce qui fut cause, que l'enfant engendré de ce mariage fut appellé du nom de son pere Richard plantagenet Duc de vork, se voiant puissant, & la premiere lignee du fils aisné du Roy Edouard troisiesme estre estaincte par la mort du Roy Richard second, voiant aussi Guillaume de Hattefeld second fils mort sans enfans, demanda la couronne pour sa maison de York, par le tiltre de Leonel troisiesme fils dudict Roy Edouard. Et combien qu'il ne peust venir about de ce qu'il demanda en sa vie, pource qu'il fut tué en la bataille de Vuakefeld donnee contre le Roy Henry sixiesme, son fils neantmoins Edouard en fin la gaigna, & fut appellé Edouard quatriesme.

Ce Roy Edouard venant à mourir laissaucuns enfans nommement deux fils, Edouard cinquiesme & son frere, qui furent apres massacrez tous deux dedans la Tour de Londres, comme sera demonstré. Il laissa aussi cinq filles, asçauoir, Elizabeth, Cicile, Anne, Catherine, & Briget, desquelles la premiere sut mariee au Roy Henry septiesme, la derniere sut Religieuse, & les autres trois furent espousees à diuers maris selon leur qualité.

Il eut aussi deux freres, le premier s'appelloit George Duc de Clarence, lequel selon ses demerites (comme il est à presumer) sur executé à mort par le commandement du Roy, & son procez approuué par acte du parlemet. Cestui cy laissa deux enfans: vn fils appellé Edouard Comte de Vvaruic, qui fut apres mis à mort par le Roy Henri septiesme, sans laisser aucune lignee de son corps, il laissa aussi vne fille nommee marguerite, Comtesse de Sarisburie, qui fut marice à vn gentilhomme de moien estat appellé Richard Poole, duquel elle eut enfans Mosseur le Cardinal Poole qui mourut sans s'estre iamais marie, & Henry Poole qui fut attainct & conuaincu du temps du Roy Henry huitiesme, comme sut aussi la mere. cet Henry Poole estant executé laissa vne fille laquelle fut apres baillee en mariage au Comte de Huntington, par laquelle le Comte de Huntington(duquel nous parlons maintenant)pretend son droit & tiltre à la Couronne: voila l'effect de tout son tiltre & droit pretendu. Le second frere du noy Edouard quatriesme fut nichard Duc de Clocestre, lequel apres le decez du Roy Edouard son frere, fit massacrer ses deux fils, qui lui estoient nepueux dedans la Tour de Londres, & s'empara de la Roiauté lui mesme. Et sut apres tué par le Roy Héry septiesme en la bataille de Bosuuorth sans laisser enfans ou lignee de son corps. De fa-

con que le roy Henry septiesme descendant, come il est demonstré, de la maison de Lanclaster, par le dernier fils de Iean de Gad engendré de sa troisselme femme, & s'estant marié à Madame Eli4 zabeth fille aisnee du Roy Edouard quatriesme de la maison de York, ioignit tresheurensement les deux maisons ensemble, & par ainsi meit fin à toutes ces cotrouerles qui furent menees pour pretédre tiltre à la Couronne. Or ce bon Roy Henry septiesme eut trois enfans, desquels la lignee & posterité dure encore pour le jourd'hui. Premierement il eut Henry huictiesme, duquel nostre Souueraine regnante à present est bien heureusement descendue, & est la dernière viuant de celle premiere lignee la. Secondement il eut deux filles, dont la premiere & plus aisnee nommee Marguerite fut par deux fois Marice. En ses premieres nopces elle eut pour Mari Iaques Roy d'Escosse, & de ces mariages sont directement descendus la Roine d'Escosse maintenant viuante prisonniere, & son fils. Ce mariage estant fini par la mort du Roy Iaques son mari, elle fut remarice à vn Seigneur Escossois appelle Archibald Douglas Comte d'Anguissie, duquel elle eut vne fille nommee aussi Marguerite, laquelle fut apres Mariee à Matthias Steuuard Comte de Leuoux, le fils duquel appellé Charles Steuuard fut mariee à Elizabeth Candishe fille de la Moderne Comresse de Shreuusburie, & d'elle a laissé vne seule fille nommee Arbella pour son heritiere vnique, de laquelle nous auos dessa parlé en passant. Voila touchant la lignee d'Escosse descendue de la pre-

miere & plus aisnee fille du Roy Henri septiesme. La seconde fille du Roy Henri sepriesme nommee Marie fut aussi mariee par deux fois: pour son premier Mari elle eut Lois douziesme Roy de France, duquel elle n'eut point d'enfans, & apres son decez, elle eut pour son second, Charles Brandon Duc de Suffolk, auquel elle porta deux filles, asçauoir Françoise, par laquelle les enfans du Comte de Hartford pietendent droiet à la courone, & Elenore, par laquelle la lignee du Côte de Darbie pretend droi aussi, comme sera declaré. Pource que Françoise la premiere fille de Charles Brandon par sa femme Marie Roine Douairiere de France, fut marice au Marquis de Doriet, lequel apres la mort du Charles Brandon son beau pere fut cree Duc de Suffolk par le droit de sa femme, & fut apres decapité soubs le Regne de la Roine Marie pour sa conspiration auec le pere de Monsieur de Lecestre. Elle porta trois filles au Marquis son Mari, ascauoir Ieanne, qui fut espousee au frere de Monsieur de Lecestre, & declaree Roine apres la mort du Roy Edouard sixiesme, pour lequel acte elle & son mari furent tous deux executez : Catherine sa secode fille, qui eut deux fils encore viuats par le Comte de Hartford, & Marie sa troissesme; qui ne laissa aucuns enfans. L'autre fille, que Charles Brandon eut de la susditte noine Douairiere de France, appellee Elenore fut marice à George Clifford Comte de Comberland, & laissa vne fille au Comte son Mari nommee Marguerite, qui fut espousee au Comte de Darbie, laquelle vit encore & a enfants du Comte. Voila quant au tiltre de la maison de Suffolk descendue de la seconde fille du Roy Henri septiesme marice (comme il a esté demonstré) en secondes nopces à Charles Brandon Duc de Suffolk. Parquoi vous voiez manifestemet combien il y en a qui pensent leurs tiltres meilleurs & deuoir preceder celui de Monsieur de Huntington, si droit, iustice, raison, ou consideration des affaires domestiques peuuent obtenir lieu en nostre Roiaume, ou si telles choses ne sont respectees, vous ne sçauriez faire que vous n'imaginiez au moins, cobien de grads Princes dehors le Roiaume sont (comme il est à craindre) pour s'attaquer à la lignee de Huntington pour la preeminence, si la chose reuiet iamais en debat en deboutant la race du Roy Henriseptiesme, ce que Dieu ne vueille.

Monseigneur de Huntington n'est pas si pres que ie pensoy, soit qu'il deboute la race du Roy Henri septiesme, ou non. Car s'il a forclos cette lignee lors lui fauldra il entrer au combat auec tiltres forains de la maison de Lanclaster, & sil ne la forclost point, lors en toute probabilité & apparence de raison, & selon les loix mesmes aussi (comme vous auez dit) la succession des deux silles du Roy Henri septiesme (lesquelles vous distinguez par les deux noms d'Escosse & de Sussolit)doit necessairement estre aussi clairement preferee à luy & à sa lignee descendant seulement d'vn frere du Roy Edouard quatriesme, comme le tiltre de la Roine qui regne maintenant precede le sien, pour

L iii

autant que toutes les deux maisons d'Escosse & de Suffolk, & sa Maiesté ensemble s'appuient sur vn mesme fondement ascauoir l'union des deux maisons & tiltres ensemble en la personne du

Roy Henri septiesme son pere grand.

t 11 -

Cela est vrai (dit le Gentilhomme) & assez manifeste à chacun, & pourtant il ne faut pas douter, que l'on ne pense bien faire tant cotre sa Majesté, si l'occasion s'offre, que contre les autres qui se fondent sur le mesme tiltre. Mais l'estat de sa Majesté (le Seigneur en soit loué)est tel pour le iourd'hui, qu'il ne fait pas trop seur pour eux de pretendre tant contre elle que contre les autres, quoy qu'ils en pensent. Et que de fait ils doiuent vraiement deseigner plus contre sa Majesté, que contre tous les autres, la raison est bonne, par ce que la presente possession de sa Majesté empelche plus leurs desirs, que ne font tous les autres en semble auec leurs pretensions futures: Mais (comme i'ay dit) il n'y fair pas seur pour eux, aussi ne seroient ils pas bons politiques sils declaroient ouvertement leur intention à l'endroit de sa Majesté.Le meilleur expedient doncques, dont ils se sçauroient aduiser pour le present, est d'abatre les La finesse des autres, & de reserver sa Majesté pour le dernier

sa Majesté.

conspirateurs coup & acheuement de leur ieu. Et c'est pourquoi pour tromper ils veulent faire semblant de mettre grande difference à cette heure entre le tiltre de sa Majesté & les autres qui descendent pareillement du Roy Henry septiesme, aduouants l'vn, & desauouants l'autre, bien que le pere de Monsieur de Lecestre preseroit autresois le tiltre de Sussolk à cestui cy

de sa Majesté, & forceast tout le Roiaume de le confermer par serment, tant variable est la police des hommes qui l'accommodent au temps ou plustost se servent eux mesmes de tout temps &

saisons pour paruenir où ils pretendent.

Il me souuient bien (dis-ie) de ce teps là du Duc Eschollier. de Northumbelland pere de Lecestre, & comme i'estoi present à la publication d'aucuns de ses edits & ordonnances faites à cette fin. Et me suis fort esbay comment il est possible que Monsieur L'inconstance son fils qui lors se messoit de ses affaires (comme ie vous scauroi bien demonstrer) se puisse auiour- cestre. d'hui entremesser des complots du tout contraires, ne preferant seulement le tiltre de sa Majesté à celui de Suffolk (en quoy toutesfois il a raison, pource que l'vn luy est plusprofitable que l'autre) mais aussi vn autre tiré de bien plus loing. Mais vous m'en auez donné quelque raison, en ce que les temps sont chagez, & qu'il y a des autres complos en main, qui luy pesent d'auantage. Parquoy laissant ceci à la consideration des autres, auquel il toucha, ie vous prie Monsieur, (pource que ie sçai bien que vous auez beaucoup couerse auec leurs amis & adheras, me vouloir declarer, qui sont ces barres la & obstacles lesquels ils auoiet, pour empescher les maisons d'Escosse & Suffolk descendantes des filles du Roy Henry septiesme, de succeder à la Couronne d'Angleterre apres le decez de sa Majesté, qui est la derniere de la lignee du mesme Roy de par số fils le Roy Heri hustiesme, car à mon aduis la chose semble estre fort claire.

Ils ne sont pas destituez de barres & obstacles

& mutabilité de Le-

LAVIE

Obstacles exsre les maifon d'Escosse & de Sussolz.

Contre Arbella. contre tous ensemble, (dist le Gentilhomme) lesquels ie vous reciteré par ordre, en la facon mesme, qu'ils m'ont esté alleguez. Et en premier lieu, vous scauez, qu'il y a trois personnes en la lignee d'Escosse, qui peuuet pretedre droit, c'est à dire la Roine & son fils par le premier Mariage de Marguerite, & Arbella par le second. Ie n'ai rien oui contre le premier mariage, mais contre les deux personnes qui en sont descendues i'ai oui alleguer trois obstacles & empeschemés. Le premier est, qu'ils sont estrangers nez hors du Roiaume, & que par consequent ils sont incapables de succession là dedans. Le second est comme par le testament du Roy Henri huitiesme authorisé par deux Parlements ils sont deboutez. Le troisiesme pource qu'ils sont ennemis de la religion mai renant receuë de nous autres, & pourtant de uent estre rembarrez.

Contre le second Mariage d'icelle Marguerite auec Archebald Douglas, duquel Arbella est descendue, ils alleguent qu'icelui Archebald eut vne autre premiere semme viuante lors qu'il espousa la Royne Marguerite, laquelle semme vescut loguement apres, & que par consequent ce mariage auec Marguerite n'estoit pas legitime, ni les enfans qui en surent engendrez.

barrer la lignee de Suffolk: Car en premier lieu ils disent, que Charles Brandon Duc de Suffolk, eut vne qui fut cogneue estre sa femme viuante, encore lors qu'il espousa Marie Douairiere de France, & que par consequent madame Françoi-

Contro la maison de Suffolz.

se, & sa sœur Eleonor descendues de tel mariage ne pouuoient estre filles legitimes de Charles Brandon & de la Roine Marie qui ne pouuoit estre sa femme. Et c'est tout ce que ie leur ay ouy dire contre la succession de la Comtesse de Darbie descendue de madame Eleonor. Mais quant aux enfans de monsieur le Comte de Hartford, qui descendent de Françoise fille aisnee, ie leur ay oui amener deux ou trois empeschemens de bastardise, outre celuy du premier mariage. Car premierement ils certifient que Henry Marquis de Dorser, lors qu'il espousa madame Françoise auoit desia pour semme la sœur du viel Comte d'Arundel, laquelle viuoit lors, & a vescu plusieurs années depuis aiant prouisson de douaire hors ses rentes, iusques à l'heure de sa mort, & que par ainsi tel mariage ne ponuoit rien valoir.

Secondement, que Catherine fille de Françoise par le Marquis de Dorset, (de laquelle le Comte de Hartsord a eu ses ensans) estoit legitimement mariee au Comte de Penbrok viuant maintenat, & que par consequent elle ne pouuoit auoir lignee & hoirs legitimes, par quelqu'autre durant la vie du Comte. Et en troissesme lieu ils disent encore que la sussité Catherine ne sut iamais legitimement mariee au dit Comte de Hartsord, ains luy portoit ces ensant là, comme sa concubine. Ce qu'ils affirment estre jugé, arresté, & enregistré en la Court de l'Archeuesque de Cantorbe sur quelque examen deuement sait, suiuant l'ordonnance & volonté de sa Majesté regnante. Et c'est en esset tout ce que je leur ay oui autre-

fois alleguer touchant ces affaires icy.

Escholier.

La façon de faire de Lemaison de Suffolz.

Vous auez dit beaucoup (dy-1e) si le tout se peut auerer. Mais ie ne me sçauroy tenir de rire en passant, d'ouir monsieur de Lecestre trouuer & approuuer tant d'empeschemens de bastardise cestre anec la maintenant en la lignee de madame Françoise, laquelle autrefois, quand leanne sa fille aisnee fut espousee à son frere, il auançoit & preferoit en legitimation à toutes les deux filles du Roy Héry huictiesme. Mais pour retourner à nostre propos, ie sçauroi volontiers quels fonds de verité ces allegations par vous deduites peuvent auoir, & quel empeschement elles peuuent donner à la succession: Car vraiement ie ne les ay iamais en-

core oui alleguer si distinctement.

Le Gentilhomme seit responce, que nostre ami le Legiste scauoit mieux resoudre vntel doute, s'il luy plaisoit parler sans salaire, bien qu'en quelques points alleguez vn chacun (disoit il) cognoissant l'estat ou gouvernement comund'Angleterre, en puisse facilement dire son opinion. Comme au cas de Bastardise il n'y a aucun doute (si les faits se peuuent auerer par preuues) que les bastars ne peuuent pretendre aucun droit legitime en la successió & heritage. Ce qui par auanture se doit aussi entédre en cas des forains nez hors du Roiaume, bien qu'en ce point icy ie ne suis pas tant asseuré, toutesfois l'experience m'enseigne que les forains nez hors de ce Roiaume en païs estrage ne peuvent facilement demander des heritages icy en Angleterre, mais i'ay ouy des grandes disputes au contraire, & telles qu'à la verité

elles surpassoiet ma capacité. Et s'il plaisoit à nostre amy le Legiste icy present de nous esclaircir la chose encore vn peu mieux, ie seroy bien content de ma part de luy prester l'oreille attentiuement.

Le Legiste luy respondit, ie vous diray tresuolontiers, monsieur, ce que i'en pense en tout ce qu'il vous plaira me demander, ce que ie seray encore plus volontiers en cet endroit, comme en la chose, dont par occasion de conference assidue,

i'ay quelque cognoissance.

Sçachez doncques que les empeschemes & obstacles lesquels ces gens alleguent contre la succession des sœurs du Roy Henry huictiesme sont de deux sortes, come vous voiez. L'vne cogneue & approuuee par nos loix, comme vous auez bie dit, si la chose se peut prouuer & auerer. Et c'est l'illegitimation & tache de bastardise, par lequel empeschement ils taschent de desauouer & rendre incapables toute la race de Suffolk, & Arbella aussi estant de la seconde maison d'Escosse. Par quoy il ne viendra beaucoup à propos d'en parlericy, puis que toute la controuerse gist en matiere du fait seulement, pour estre prouué ou reprouué par recors & tesmoignages. Ie diray toutefois vn mot en passant, qu'aucuns de ces taches de bastardise desia mencionnees sont fort apparentes, & n'y a rien plus comun, & sont aduouees pour choses veritables de plusieurs viuans encore. Mais ie m'en rapporte à ceux là qui y peunent auoir plus grand interest, & sont en danger d'estre plus endommagez, si la chose est trouvee veritable.

Les autres empeschemens & barres que l'on oppose seulement à la Roine d'Escosse & son fils, sont trois en nombre, comme vous les recitez, à sçauoir, naissance foraine, le testament du Roy Henry, & le fait de religion. Desquels ie suis content de dire quelque chose, puis que vous le demandez, bien que la chose soit desia tant publice par liures mis en diuers languages delà la mer (à ce que ie puis entendre) que l'on n'y seauroit plus adiouster. Toutesfois quant à ce que i'ay oui par voie de conference sur ce subiect, debatre & resoudre entre quelques Legistes plus sçauans que moimesme, ie ne ferai point de dissiculté de vous en faire le recit: Mais auec protestation toutes fois que tout ce que ie diray ne soit entendu autremét dit, que par voie de reciter les opinions d'autrui, n'estant pas mon intention d'encourir la peine du statut, pour affirmer ou aduouer le tiltre d'aucune personne que ce soit, à la couronne d'Angleterre.

Pour commencer doncques à la naissance foraine, il y a quelques vns qui veulent maintenir, que c'est vne reigle generale de nostre droit de pais, que personne foraine ou estragere ne puisse heriter d'aucune chose en sorte quelconque dedans le Roiaume. Chose laquelle à la verité ie ne iuge estre dicte en vn sens si general, sur quelque fonds de droict. Car ie n'ay iamais encore peu voir aucune reigle tant generale: Et ie sçay bien que l'on peut alleguer plusieurs exemples en plusieurs cas au contraire. Et de ce qui est couché en termes expres au septiesme & neusiesme an du Roy Edouard quattriesme, & en l'onziesme &

quatorziesme du Roy Henri quatriesme, il apert manisestement, qu'vn estranger pourra acquerir des terres en Angleterre, & aussi heriter en vertu de sa femme s'il espouse vneheritiere, de façon que cette reigle commune, dont ils parlent, se doit restraindre d'vne telle generalité, & se limiter dedans les boines du propre heritage tant seulement, suiuant laquelle interpretation & sens i'accorde, que de toute ancienneté nos loix ont porté, & portent encore expressement au jourd'huy. Que personne nee hors de la subjection du Roy d'Angleterre dont le pere& mere n'auroient esté sous icelle subiectio du teps de sa natiuité, ne peut auoir ou demander heritage dedans le païs Subiect comme heritier d'aucu. Et cette reigle de nostre loy commune est recueillie quasi mot à mot d'vne ordonnance faicte par le Roy Edouard troisiesme le 2. an de son regne. Qui est le seul & vnicque passage qui se peut auec efficace alleguer hors de nos loix contre la succession des estrangers en tel sens & cas, que cettuici que nous traictons maintenant.

Et combien que le droist commun de nostre la Roine d'E pais soit ainsi en general, ce neantmoins les amis cosse comre la du tiltre Escossois diront haut & clair, que par maxime sufcette ordonnance ou reigle qui en est tiree leur tiltre à la Couronne d'Angleterre n'est en rien amoindri ou empesché, ce qu'ils taschent de mostrer par plusieurs raisons manifestes & de pois, desquelles les principales & plus pregnantes sem-

blent estre celles cy suiuantes par ordre.

En premier lieu c'est chose ordinaire, & vne regle generale de noz loix Angloises, que nulle

Raisons pour

regle, axiome ou maxime de droit tant generale soit elle peut toucher ou obliger la coronne, si ce n'est expressement exprimé & contenu dedans telle maxime, par ce que le Roy & coronne ont de grands privileges & prerogatives par dessus l'estat & affaires des subiets, & que leurs differences sont bien grandes en matiere de droict.

Pour exemple. C'est vne maxime generale & commune des loix d'Angleterre, que la femme apres le decez de son Mari iouira de la tierce partie de toutes ses terres & rentes, & ce neantmoins la Royne ne iouira pas de la troissesme partie de la coronne apres la mort du Roy son mari. Chose qui appert manifestement par experience, & se peut demonstrer par la loy de l'an cinquiesme & 21. du Roy Edouard 3. & de l'an 9. & 28. du Roy Henrisixiesme. D'auatage on tient pour vne reigle generale, que le mari apres la mort de sa femme iouira de tous ses biens pour sa vie, comme tenementier par courtoisse, mais cela n'a lieu tourefois en vn Roiaume. Outre plus l'on obserue pour vne reigle generale, que si vn homme meurt saisi de quelque terre en sief simple, laissant des filles seulement, qu'en tel cas ses terresseront egalement divisees entre ses filles, ce qui n'avient pas en la coronne, où la fille aisnee succede en tout. comme le fils. Encore c'est vne reigle commune és loix d'Angleterre, que l'executeur testamentaire aura tous les biens meubles du testateur: ce qui ne se voit auoir lieu toutesfois en la coronne.

Le mesme se practique en maints autres cas que l'on pourroit reciter, esquels l'on voit clairement que la coronne est privilegiee par dessus autres personages, & qu'elle ne pourra estre subiette à aucune regle tant generale qu'elle puisse estre, sans que l'on en face mention expresse en la loy. Ce qui ne se trouve pas en la regle & statut preallegué, ains tout au contraire (comme sera cy apres demonstré) il est fait mention expresse, pour la prerogative de ceux qui descendoient du sang Roial.

La secode raison est que la demande & tiltre de la coronne ne se peut en bon sens comprendre sous les paroles du statut preallegué, deffendant aux Estrangers la demande d'Heritage ou succession dedans la subiection d'Angleterre, & ce pour deux respects. L'vn pour ce que la coronne mesme ne se peut appeller heritage de subiection ou sous subiection, par ce qu'elle n'est pas tenue d'aucun superieur en terre, ains immediatement de Dieu. L'autre, pour ce que ce statut là traitte seulement & veut parler des Heritages qui viennent par descente à quelcun comme heritier d'iceux. (car i'ay desia monstré que les forains peuuent posseder terres dedans le pais par voye d'aquisition)Et lors (disent ils) la coronne est chose incorporee & ne descend pas selon le cours & obseruation commune des autres heritages priuez des particuliers, ains va par succession à la maniere des autres choses qui s'incorporent & des vniuersitez. En signe de quoy, c'est chose toute asseurec & claire, que nonobstant que le Roy soit plus fauorisé en toutes ses actions que quelqu'autre personne, il ne peut toutesfois aneantir par droit ses lettres patentes à cause de sa minorité, (comme sont enfants & heritiers sous aage) ains sera tousiours dit estre d'aage legitime au regard de sa coronne, tout ainsi qu'vn prieur, Curé, Vicaire, Doyen ou quelqu'autre personne incorporee, ne se pourront aucunement dire mineurs ou en bas aage, selon le droit en consideration de leurs comunautez.

Chose qui fait vne grande & maniscste disserence au cas par nous proposé, d'auec le sens du sus sus fus dit statut. Pour ce qu'vn prieur, Doien ou autre personne incorporee estans Estrangiers non naturalizez, pouuoiét tousiours de temps de paix demander terres en Angleterre pour le regard de leurs communautez nonobstant le mesme statut cui la loy comune alencontre des estrangers, comme il appert par plusieurs exemples qui sont couchez dedans nos liures, & par vne ordonnace publice sous le regne du Roy Richard second apres l'Edit sus allegué du Roy Edouard troissesme son pere grand.

La troisselme raison est, que dedans le susdit statut du Roy Edouard sont expressement exceptez de ladite reigle generale les enfans du Roy, c'est à dire la lignee & posterité du Roy, comme le mot, enfant, signifie en France, Portugal, Espagne, & ez autres païs, & seló ce que le mot Latin, Liberi, veut communement dire en droit Ciuil. Aussi ne nous est-il pas permis de restraindre les mots françois du mesme statut (ENFANS DV Roy) aux enfans du Roy au premier degré tant seulemet, scome sont aucus, pource que la sterilité de

1.lib.ff.de

de nostre langue Angloise en cer endroit ne nous donne point d'autre mot pour l'exprimer) ains plustost nous faut entendre par ces mots la, aussi bien les Neueux & autres descédants du Roy ou du sang Roial, que ses enfans propres engendrez de son corps. Car ce ne seroit pas chose contreuenante à la raison seulement, mais aussi pour s'en mocquer, d'imaginer que le Roy Edouard voulust par telle ordonnance desheriter ses Neueux propres, sil en eut eu aucus nez hors de sa subiectió (come il en pounoit bié anoir alors) ses enfans estans souuent hors d'Angleterre, & le noir Prince son fils aisné aiant deux enfants nez de là la mer) Et par consequent il est fort probable que cette reigle ou maxime establie contre les forains, ne se doit estendre en sorte quelconque à l'encotre des descendants du Roy ou du sang Royal.

Leur quatriesme raison porte, que lon ne doit imaginer que le Roy Edouard & ses enfans lors viuants quand tel Edict sut fait voulussent qu'aucun de leur race sust par droit sorclos de l'Heritage & succession de la Corone d'Angleterre, pour estre né hors du païs en lieu que ce sust . Car autrement il n'est pas croiable qu'ils eussent voulu tant espandre leur sang propre és païs estranges, comme ils seirent, pour bailler leurs silles en mariage aux estrangers, & par autres moies. Car Leonel troissesme sils du Roy sut marié à Milan, & Iean de Gand le quatriesme sils bailla ses deux silles Philippe & Catherine aux ensans de Portugal & de Castille, & sa niepce à Iea Roy d'Escosse. Et Thomas de Vvoodstock le plus ieune maria

ses deux filles l'vne au Roy d'Espaigne, & l'autre au Duc de Bretaigne. Ce que sans doute (estans sages princes & si proches du sang Roial) ils n'eus-sent iamais fait, s'ils eussent imaginé en leur esprit, que ce faisant leur lignee deust perdre droit & tiltre à la coronne d'Angleterre, & pourtant il appert clairement que tel obstacle n'estoit lors en essence ou (par manière de dire) en imagination.

Leur cinquiesme raison consiste en plusieurs exemples, par lesquels est demonstré, que divers grands personnages aussi bien devant la conqueste, que depuis, estants nez hors toute obeissance & subiection à la Coronne d'Angleterre, ont ce neantmoins esté receuz à la succession de nostre Coronne, sans que l'on leur ait opposé leur naissance hors du pais. Devant la conqueste la chose est toute maniseste en la personne du ieune Edgare Etheling natif de Hongrie, & rapellé en Angleterre par son Oncle grand Edouard le Confesseur, du consentement de tout le Royaume, l'Euesque de Vvorcestre estant comme Ambassadeur envoyé pour le ramener auec son perenommé Edouard le Forbany.

Depuis la conqueste, il est tout euident en E-stienne & Henry le second, qui estant nez tous deux hors la subiection & Seigneurie Angloise, & engendrez de parents qui à leur natiuité n'estoient pas de la subiection d'Angleterre, surrent ce neantmoins receus tous deux & coronez Rois d'Angleterre Le seune Arthure aussi Duc de Bretaigne par sa mere Constace Duchesse de Bretaigne qui sut mariee à Geosfroy sils du Roy

Henry le secod, fut declaré par son oncle Richard Polidor. lib. le premier (quand il prit la route de Ierusalé) auec 15 flores hile consentement de tout le Roiaume, prochain storiar. anno. & apparent heritier de la Coronne d'Angleterre, nonobstant qu'il fust né en Bretaigne hors la subiection d'Angleterre, & ainsi fut il iugé & reputé par tout à lors, bié qu'apres la mort du Roy Richard son oncle, l'autre oncle Iean le priua cruellement, comme Tiran qu'il estoit, du Roiaume & de la vie ensemble. Pour laquelle tyrannie & iniustice trop grande il fut detesté de tout le monde tant dehors que dedans le Roiaume, & en toute apparence, griefuement chastié & puni de Dieu par tresapres & maintes sortes des calamitez & plaies qui tomberent sur luy & sur le Roiaume condescendant à son vsurpation. Il appert doncques euidemment par ces exemples ici quelle a esté la pratique de nostre pais de temps en temps, en ce cas ici de naissance foraine, laquelle pratique est la meilleure interpretation de nos loix Angloises, lesquelles dependent principalement de la coustume, ioinct que l'aduersaire ne sçauroit amener vn seul exemple au contraire,

Leur sixiesme raison contient le jugement & opinion mesme du Roy Héri septiesme & de son Conseil, lequel se trouuant vn iour en consultation auec ses Conseillers, touchant le mariage de Marguerire sa fille aisnee en Escosse, aucuns du Conseil amenerent cette doute, à sçauoir, Qui pourroit auenir, si d'auéture toute la lignee masse du Roy venoit à defaillir, & par ainsi la successió estoit devoluë aux enfants & heritiers de la sus-

M ii

dite Marguerite, come elle est maintenat? Auquel doute ce sage & tresprudent prince respondit sur l'heure, que si telle chose auenoit, cela ne sçauroit apporter preiudice aucun à l'Angleterre, estant la meilleure & plus grande partie de toute l'Isle, ains que cela seroit plustost auantageux & profitable, en ce que par ce moien l'Escosse seroit attirce à l'Angleterre, à sçauoir la plus petite à la plus grande, tout ainsi que du temps passe il auint en Normandie, Aquitaine, & en quelques autres endroits de la France. Laquelle response ostoit tous doutes, & satisfaisoit abondamment à ceux du Conseil qui auoient mis la chose en doute, comme tesmoigne Polydore Virgile qui viuoit alors & a redigé par escrit les choses plus signalees & memorables de ce regne, la suiuant les instructios mesmes que le Roy lui bailloit. De façon que nous ne voions aucun doute ou question meuë en cet' endroit ou du Roy, ou de son Coseil, touchant la naissance foraine pour empescher la lignee de madame Marguerite sa fille de succeder au Roiaume d'Angleterre, Chose qui n'eut pas esté mise en oubli en une assemblee tant sage & docte, discourant du subiet de ce mariage là, sils eussent imaginé tant seulement qu'aucune loy du pais fust au contraire.

Voila six de leurs principales raisons pour demonstrer, que par les mots ou sens de nostre loy commune, & par la coustume ou pratique de nostre Roiaume, vn forain & estranger ne peut estre debouté de son droit à la Couronne, lors qu'elle luy vient par descente legitime en sang & en suc-

cession.

Mais en cas particulier de la Roine d'Escosse & de son sils on adjouste encore vne autre raison ou deux, pour demonstrer que veritablement & de fait ils ne sont pas forains à l'Angleterre, non seulement au regard de leur assidue & continuelle mistion auec le sang Anglois depuis le commencement, specialement de nostre temps, la mere grand & mari de la Roine estans natifs d'Angleterre, & par consequét son sils engendré d'vn anglois, mais aussi pour deux autres raisons.

La premiere est, pour ce, que l'Escosse est reputee de nous tous Anglois (quoy que les Escossois mesmes le nous nient) pour païs subiet à l'Angleterre par voye d'homage fait & recogneu par beaucoup de leurs Rois par plusieurs fois, & que par consequent la Roine & son sils estans nez en Escosse, ne sont pas nez hors de la subiection d'Angleterre, & ainsi ne sont pas forains à nous

autres.

La seconde raison est, par ce que le statut sus dit du Roy Edouard troisses me publié contre les sorains le vingteinquies me an de son regne, est intitulé. De ceux qui sont nez par delà les mers. Et au texte du mesme statut le doute est meu des enfans nez hors de la soy & hommage ou subiection Angloise dela les mers, par lesquelles paroles on ne peut entendre l'Escosse, par ce qu'elle est portion de la terre de l'isse dedans les mers. Et tous nos vieils recors en Angleterre, qui parlent du service qui se doit faire dedans les deux païs, ont communement ces mots en latin, infra quatuor maria, ou en françois, dans les quatre mers. Par

lesquels mots se doit necessairement entendre aussi bien l'Escosse, que l'Angleterre, & ce peut estre à cause de la raison prealleguee touchant la subiection de l'Escosse par voye d'hommage à la Corone d'Angleterre. Et pour ce regard, peut estre, le tout n'a esté d'ancienneté reputé qu'vne Seigneurie, & par consequét personne nee en Escosse ne doit estre iugee ou prinse pour soraine à l'Angleterre. Et ce nous sussira pour le premier point touchant la naissance foraine & estrangere.

Quant au second obstacle obiecté ascauoir, le testament du Roy Henri huitiesme authorisé par le Parlement du pais : par lequel ils affirment que la maison d'Escosse est forclose & deboutee de la succession d'Angleterre, Il n'est pas vsay du tout qu'elle en soit deboutee, ains qu'elle est seulemet demise de son rang, & posee apres la succession de Suffolk. Car en ce testament la pretendu(car nous demonstrerons qu'il n'i en auoit point de tel) le Roy Henry dispose ainsi, qu'apres ses enfans propres(si d'auenture ils venoient à mourir sans heritiers)la couronne passera aux heritiers de ses niepces Françoise & Elenor filles de sa sœur puisnee Marie Rome Douairiere de France, & en cas qu'elles deussent aussi mourir sans enfans, lors la succession retourneroit aux proches heritiers. De façon que nous voions que la lignee de Marguerire d'Escosse sa sœur aisnee n'est pas du tout excluse & reiettee, ains reculee seulement & démise de son rang & place, pour attendre ce qui luy pourra auec le temps demeurer de la race de la plus ieune sœur. Et sur ce poinct icy nous auons à consideres (à mon ingement) quelques choses cotre ces pretendans mesmes. Premierement que suiuant l'opinion du Roy Henry la susdicte reigle pretendue de naissance foraine ou hors du Roiau me n'estoit pas empeschement sussissant contre l'Escosse. Car s'il l'eut trouué tel, il en eut indubitablement tait mention en son testament susallegué, & par ainsi eut debouté & reiettéentierement cette maison, mais on ne trouue rien de cela audict testament.

Secondement, s'ils approuuent ce Testament icy, par lequel la Coronne est assignee à l'Escosse apres la maison de Suffolk, il s'ensuiura, (veu que selon leurs affirmations mesmes, toute la maison de Suffolk est forclose par la tache de bastardise) l'Escosse doibt necessairement, seux mesmes en estats Iuges)estre prochaine heritiere, & par ainsi au lieu d'estre auacez par ce testamét du Roy Héry, ils se trouveront bien reculez consideré qu'il les oppugne en tout, sinon en ce qu'il prefere la maison de Suffolk à celle d'Escosse. Et pourtant ie pense, Monsieur, que vous m'esprouuez en quelque chose, touchant leur opinions en alleguant ce Testament du Roy Henry. Carà mon aduis, il n'y a pas vn de la factio de Mosseur de Huntington qui vueille alleguer ou passer le tesmoignage de cetestament, ou beaucoup insister dessus, & que c'est plustost quelque amy de la maison de Suffolk qui en parle, en faueur de laquelle maison (comme ie pense)il a esté premierement forgé.

Il peut bien estre (dit le Gentilhomme) & ne vueil pas opiniastrement affirmer le contraire, pource qu'il est bien dissicle de juger quelque

M iiij

fois de quelle factió peut estre celuy qui discourt sur les affaires. Mais s'il est ainsi comme vous dites, ie me suis fort esbahy que le pere de Lecestre apres la mort du Roy Edouart n'en ait fait aucune mention en faueur de la maison de Suffolk en l'autre testament, lequel il publia lors, comme fait par le Roy Edouard mesme decedé, pour preferer Suffolk à ses propres sœurs?

La cause est toute maniseste (dist le Legiste) pource qu'il ne faisoit paspour son dessein, lequel tendoit expressement à desauouer & desheriter les deux filles du Roy Henri, & auancer la maison

de Suffolk.

Voila vn grand & notable changement, (dift le Gentilhomme) que le tiltre tant auancé & exalté n'agueres du pere par dessus tout ordre, droit rang & degré, soit maintenant tant abbaissé du fils comme s'il ne meritoit d'estre aucunement respecté, ains plustost d'estre foulé aux pieds pour estre bastard, & par ainsi non tant vallable que l'ó estime. Parquoy vous voiez combien est veritable ce que ie vous ay dit à sçauoir, que la race des Dudleis est bien experimentee & scauante au fait de la trassicque, scachant faire son prousit de toutes choses, des hommes, & dutemps. Et comnie nous auons desia veu deux testaments alleguez, l'vn du Roy le pere, & l'autre du Roy son fils, estants tous deux dommogeables aux vrais successeurs: Ainsi comme plusieurs bons subiets à craindre fort & douter, que nous pourrons par auenture voir en brief vn troissesme nouueau testament de sa Majesté pour intituler Huntington

La mutabilité de la mai-Son de Dudley & exterminer tout le sang du Roy Henri, & ce deuant que sa Majesté puisse penser de sa maladie: en quoy ie prie le Seigneur que ie ne soy prophete. Mais pour venir au sussitie testamét du Roy Henri. Certes i'ay oui dire souuentessois, que ce n'estoit que chose controuuee, ou pour le moins telle que ne se pouuoit auerer par aucune preuue, & qu'il estoit descouuert, reiecté, & disgracié du temps de la Roine Marie. Mais ie sçauroi volontiers ce que vous autres Legistes en pensez.

Il ne se peut nier (dist le Legiste) qu'en l'an vingt huictiesme, & trente sixiesme du regne du Roy Henri, sur la consideration de quelque doute que le Roy mesme sembloit auoir touchant l'ordre de succession de ses enfants, & pour oster toute occasion des controuerses à l'endroit de ceux qui estoient les plus proches du sang Roial. Tout le Parlement donnoit authorité au Roy de debattre & decider telles doutes soimesme auec son docte & sage conseil, qui sçauoit mieux les loix du pais & les tiltres que les autres du sang, pourroient iustement pretendre, adioustant que ceux que le Roy declareroit ou par ses lettres patentes seellees, ou par son testament & derniere volonté legirimemet fait & soubligne de sa propre main deuoir estre ses heritiers & successeurs, seroient receus pour bons & legitimes. Sous pretexte dequoy vn peu apres la mort du Roy Henri fut monstré vn testament auec la marque du Roy & les noms de quelques tesmoins, auquel testament la succession de la coronne apres les enfans du Roy est (come il a esté dict) assignee à ses niepces Françoise & Eleonor filles de sa sœur puisnee.
Laquelle assignatió de la coróne estant quasi vn
pur don au preiudice du droict de sa sœur aisnee,
& aussi de ses deux niepces Françoise & Eleonor
mesmes, (lesquelles sont omises, & leurs heritiers
seulement intitulez) fut iugee contraire à toute
raison, droict, & nature, & par consequent n'estre
pas sorti hors de la boutique d'vn prince si sage &
aussé, que l'on sçauoit le Roy Henri estre, ains ou
du tout forgé, ou pour le moins telle clause estre
adioustee & interposee par quelqu'autre, & la
marque du Roy auoir esté mise apres sa mort, ou
lors qu'il gisoit dessa comme mort sans l'vsage de
ses sens & raison: Et en ce nous ne sommes pas
destituez des raisons & preuues treseuidentes.

Car premierement il n'est pas croiable que le Roy Henri voulust oncques contre droict & raison desheriter la lignee de sa sœur aisnee, sans aucun profit ou interest qu'il en deust tirer, & par ainsi donner tresapparente occasion de guerre & discorde Ciuile dedas le Roiaume, veu qu'en cas d'injure si manifeste & notoire, voire en chose de si grande consequence, l'authorité du parlement ne fait pas beaucoup contre le vray & legitime heritier. Ce que l'on a bien veu du temps passé, durant les contentions du Roy Henri sixiesine, d'Edouard quatriesme, & de Richard troissesme, lors que les parlements diuers & tout contraires tenuz contre le proche heritier ne furent gardez plus longuement, que iusques à ce que l'autre auroit moien d'y relister. Et quant à nostre affaire present, quand il n'y auroit autre chose quelconque pour le retarder de faire vn tort si manifeste à sa sœur aisnee, cette cogitation à tout le moins l'eut peu arrester, qu'en donnant exemple d'ainsi supplanter & frustrer la lignee de sa propre sœur aisnee en vertu de quelque testamét, ou sous pretexte du parlement, les autres pourroient prendre occasion de mettre hors & desposseder ses enfans mesmes sous couleur semblable, comme nous voios le Duc de Dudley auoir fait bien tost apres par vn testament faux, fait sous le nom du Roy Edouard sixiesme. Tant prests & prompts escoliers se trouuent quelquefois, pour facilement apprendre des leçons si meschantes.

Secondement les messeances & absurditez couchees au dit testament pretendu sont en trop grand nobre, & trop grossieres pour passer par l'a-Les absurdilébic d'vn tel Prince & vn coseil si sage, qu'auoit tez du tessa. le Roy Henri: Car pour en reciter aucunes, quel mem presedu le chose sçauroit on iuger plus redicule & digne estre du Roy de moquerie à tel Roy de bailler la coronne aux Henry. hoirs des ses niepces Fraçoise & Eleonor & non à quelqu'vne d'elles mesmes? En quoy auoient elles offense, pour faire que leurs hoirs iouiroient de la coronne en vertu de leur tiltre, & non elles mesmes? Et si les enfans du Roy Henri fussentvenuz à mourir du viuant de ladite Dame Françoise, qui deuroit en tel cas posseder le roiaume deuant elle, puis que sa lignee estoit constituee prochaine heritiere? Et toutesfois par ce testament icy elle n'y sçauroit pretendre tiltre, ains s'estant marice à Adrian Stoles son palefrenier, elle deuoit permettre que son fils (s'elle en eust eu aucu)

iouist de la Coronne, & par ainsi Adrian d'vn seruiteur & Palefrenier, sust deuenu le grand maistre

& protecteur d'Angleterre.

L'autre clause aussi, par laquelle le Roy oblige ses propres silles de se marier du consentement & volonté de son Conseil, ou autrement de perdre le benefice & fruit de leur succession est aussi lourde & absurde que l'autre. Car les silles de ses niepces assauoir de Fraçoise & Eleonor s'elles en auoient, ne sont pas comprinses soubs telle clause & condition.

Tiercement on peut alleguer plusieurs causes & arguments de droit, pour demonstrer que ce testament pretendu n'est pas vallable & autétique encore que nous fussions asseurez que le Roy Henry eust esté de telle intention & vouloir. Premierement en ce qu'il contreuient à l'intention & vouloir du parlement, qui a voulu bailler authorité tant seulement pour l'esclaircissement & declaration du vray tiltre & non pour le donner embrouillé & messé en telle sorte à la ruine de tout le Roiaume. Secondement par ce qu'il n'y a aucune copie legitime & autentique de tel testament qui demeure pour tesmoignertel vouloit du Roy, ains seulement quelque roole enregistré en la Chancellerie, qui n'est pas suffisant en chose de si grande importance, il n'y a aucuns tesmoins du conseil priué du Roy, ou des grands seigneurs du pais qui soient soubscrits ou qui aient signé au mesme testament (chose conuenable en cas de tel le consequence) ains le meilleur tesmoin qui y est nommé futmessire Ican Gates, la fin miserable

duquel est cognuë à chacun du pais, il n'y a aucun notaire public, ny approbati ode tel testamét faite deuant quelque Euesque ou en Cour legitime requise en tel affaire, il n'y a examé des tesmoins, ny autre solennité deue & necessaire pour authoriser la chose. Mais ce qui importe le plus est que le Roy n'a samais mise sa main au susdit presendu testamet, ains son sein y a esté apposé par quelqu'autre, ou apres sa mort, ou quand il eut perdu tout sentiment & memoire. Ce que le my Lorde Pagot estant du priué Conseil de la Roine Marie au comencemet de son regne, descouurit premier de so propre vouloir, esmeu à ce faire de l'instinct de sa conscience: Confessant deuat toute l'assemblee du conseil de la Roine premierement, & apres deuant tousles estats assemblez en parlemét qu'il auoit cognoissance du fait, & en estoit en partie coulpable (y estant attrait par l'instigation & force de l'authorité d'autres) mais qu'apres inspiré des meilleurs & plus saincts mouuemens il detestoit le fait & praticque. Ainsi de son franc vouloir ce bonseigneur descouurit & decela fort honorablement le tout, comme feit aussi Messire Edouard Montagne grand iusticier du Roiaume qui auoit assisté à l'affaire quand elle sut faite,& vn quidam appelle Guillaume Clark (qui fut celui mesme qui meit la marque ou sein ordinaire du Roy au papier, & est nommé entre les autres tesmoins pretenduz) confessa toute la faulseté, & obtint pardon de la Roine de ce qu'il auoit offése en cet endroit. Sur quoy la Roine Marie auec son Conseil feit incontinent casser, & annuller, &

rayer le susdit roole enregistré en la Chancelerie. Et depuis ce temps là enuiron l'onziesme ou douziesme an (si ie ne m'abuse) du regne de sa Ma jesté regnante, par occasion de quelque liuret lors semé ça & là secrettement pour l'auancement de la maison de Suffolk soubs couleur de ce pretendu testament du Roy Henri, le feu Duc de Norfolk, le Marquis de Vvincestre lors Tresorier de Angleterre, les Comtes d'Arundell & de Penbrok auec quelques autres tous morts, & le Comte de Penbrok viuant encore auec monsieur de Lecestre mesme (si e ne me trompe) & quelques autres Tous ces Seigneurs (dis-ie) se trouuerent vn iour ensemble, i'ay bonne souuenance du lieu ou ce fut pour consulter de cet affaire. Et apres vne bié longue conference sur ce testament pretendu, & maintes raisons & preuues amenees pour demostrer qu'il ne pouuoit estre vrai & autentique.Le viel Comte de Penbrok, protesta qu'il auoit esté auec le Roy Henri en sa chambre depuis le premier iour de sa maladie iusques à l'heure de sa mort, & que par cela il se pourroit bien asseurer que ce n'estoit que chose faulse & controuuee. Intention des

En fin il sut proposé, qu'ils s'en allassent tout seigneurs de droit de ce lieu là où ils estoient accompagnez des autres grans Seigneurs publiassent & denoneosse hermere tassent en pleine rue à la croix de Chepside la roine d'Escosse estre manifeste heritiere. En quoi ce bon Seigneur de Lecestre (comme ie le prens) se monstra lors aussi prest que quelqu'autre, bien que maintenant pour son prosit, il s'est quelque peu tourné d'yn costé, & vouldroit retourner de-

Lecestre se sourne de sous costez.

declarer la

manifeste.

Royned'Ef-

main d'vn autre pour son plus grand profit & comodité. Et iaçoit que pour quelques raisons & causes, qui leur estoiet mieux cognues ils ne passerent lors plus outre à l'execution de leurs deliberations & entreprises. Toutesfois Monsieur de Penbrok viuant maintenant pourra bien tesmoigner que ie dy vrai, & que son feu pere lors Comte de Penbrok luy dist ouvertement devant les autres Seigneurs, qu'il l'auoit amené en cette afsemblee & lieu, pour l'instruire de telle verité, & pour l'encharger de la tesmoigner & la defendre aussi par le trenchant de son especisil en estoit besoin)apres sa mort. Et ie sçay bien que l'honneur & noblesse de ce Seigneur est telle, qu'il ne sçauroit facilement mettre en oubli vn aduertissemet tant noble & digne d'vn grad Seigneur. Et ce nous sustira quant au second obstacle pretendu contre la maison d'Ecosse souleur de ce testament controuué sous le nom du Roy Henri.

Quant au troissessme obstacle pour le fait de la religion, il n'est pas general à tous. Pource qu'il n'y a qu'vne seule personne entre tous les competiteurs de la lignee du Roy Henriss ma memoire ne me trompe) qui peut estre notee de soupçon de religió disseréte à celle de l'Estat present d'Angleterre. Laquelle personne toutessois (comme l'on sçait bien) ce pendant qu'elle gouvernoit dedans son rosaume d'Escosse a permis liberté de conscience, & franc exercice de religion à ceux la mesmes qui estoient de religion contraire à la siene, sans exception aucune. Et bien qu'elle ne l'eust fait, ie ne voy pourtant comme suivant l'ordon.

nance des loix, ou la practique de nostre temps) la diuersité en religion puisse empescher les vrais & legitimes heritiers de la iouissance de leurs possessions en quelque estat ou degré des hommes particuliers, & beaucoup moins quand il est question du tiltre d'vn Roiaume. Lequel est toustours en cet endroit (comme il a esté dessa declaré) preferé & priuilegié par dessus tous tiltres & droits priuez.

Ce que l'experience de plusieurs contrees & pais nous enseigne pour le jourd'huy. Car en Alemagne nous voions, qu'entre vn si grand nombre de princes tant diuisez de religion, chacun succede au tiltre & estat, qui lui est affecté selon droit, sans resistace aucune pour le regard de sa religio.

Les exemples aussi de sa Majesté regnante & de sa sœur deuant elle sont clairs & euidens en cet endroit. Lesquelles estans bien cognues estre de differente religion, & tout le Roiaume diuisé és opinions d'icelles, ont ce neantmoins toutes deux chacune en son temps du consentement general du pais esté receues à leur heritage legitime, sans resistance ou contradictio aucune, sinon que quelque tas de traistres s'est opposé au droit de la premiere, & en elle, au droit de sa Majesté qui regne pour le present, & ce non pour le fait de la religion, (comme la confession de leurs chessa descouuert depuis) mais pour l'ambition & conuoitise de regner, qui les y poussoit. Monsieur, frere & heretier presomptif du Roy de France est (come sçait tout le monde) recogneu, fauorizé & receu pour successeur à la coronne de ce Roiaume là, de tous les protestans maintenant au pais, nonobstant que l'on sache bien qu'il est d'opinson di-

ferente à leur religion.

Et quant à Monsseur de Huntington mesme, n'est-ce pas chose toute certaine qu'il est d'vne religion differéte & diuerse à celle de l'estat present d'Angleterre? Et que sil estoit Roy des auiourd'hui il changeroit du tout le gouuernement, ordre, condition & estat de la religion maintenant obseruee & establie dedans le Roiaume? Mais, comme ie disois vn peu deuat, si d'vne ou de plusieurs familles vne seule personne est coulpable, ou peut estre aucunement attainte de quelque chose, en quoy auront les autres offense? voulez vous estre si riguoreux que de vouloir ietter toutes les familles dehors pour le mal qu'vn seul aura fait? Et pour parler plus particulierement, si le premier de la lignee du Roy Henri apres sa Majesté regnante, peut estre attaint en cette maniere, voulez vous que les autres en soient endommagez? Et pourquoi seroit le Roy d'Escosse son fils qui suit apres sa mere, (pour parler selon equité) forclos & debouté pour sa religion? Tous les autres qui selon nature, ordre & degré sont prochains par descente, sont ils pas aussi protestans?

Quant au ieune Roy d'Escosse, (disois-ie) en l'Escholier. bonne foi i'ay tousiours, pour ma part, eu grande esperance de luy, non seulement pour l'opinion que l'on a communement de tels excellens ieunes princes qui sont nez pour iouyr des Roiaumes, mais aussi pour ce que i'ay entendu de iour à autre, qu'il estoit nourri & instruit en toute erudi-

N

tion, exercices dignes d'vn prince, & en la vraie religion par des hommes rares & vertueux fort sussilians d'vne telle charge. Dont i'ay conceu bon espoir en mon esprit, qu'il pourroit non seulemét deuenir auec le temps voisin honorable & vtile à vous autres pour la plus grande asseurance de l'Euangile en ces quartiers ici: Mais aussi, le cas auenant que Dieu nous priuast de sa Majeste sans lignee de son corps, il pourroit estre moien par sa succession d'vnir en concorde & gouuernemens les deux Roiaumes ensemble, Chose que lon a cerché par cy deuant auec le prix du sang de plusieurs milliers d'hommes, sans qu'on y ait peu attaindre.

Mais puis n'agueres le monde a commencé (ie ne sçay coment, ny sur quel fondement) à ne penser bien de luy, pour ce que le bruit court par tout qu'il est enclin à estre Papiste & ennemi des procedures de sa Majesté. Ce qui lui est vne ingratitude trop grande (s'il est vrai) consideré les grands supports & aides qu'il a toussours eu de sa Ma-

jesté depuis sa naissance.

Estes vous donc si simple & peu auisé (dist le Gentilhomme) que de croire tout ce qu'on vous raporte en cet endroit? Sçauez vous pas qu'il est fort expedient pour Monsseur de Lecestre & sa factió, que sur tout ce ieune prince soit toussours tenu en la mauuaise grace de sa Majesté & de ce Roiaume icy? Vous sçauez bien qu'il n'eust iamais esté possible à Richard Duc de Glocestre d'vsurper & prendre l'authorité du Roy, comme il seit, s'il n'eust premierement persuadé au Roy Edou-

ard quatriesme son frere de hair son autre frere le Inuention de Duc de Clarence, qui luy empeschoit fort le che- mettre le ienmin pour aller où il pretendoit, & que sur tout il ne Roy en desiroit, à sçauoir la possibilité & moien de se sai- la Royne sir de la Coronne, chose digne degrande conside- d'Angleserre.

ration en l'affaire duquel nous traitons.

Car quant à la religion de ce ieune Roy d'Escosse, c'est une chose toute manifeste aux gés raisonnables, qu'il ne sçauroit qu'estre de soi-mesme enclin à la meilleure aussi bien au regard de son education nourriture, instruction, & couersation auec ceux de la vraye religion, que de ses actions precedentes, ce que par ses Edicts, gouvernemét, & deportements priuez il a declaré. Mais ces gens icy, qui ne sçauroient moins profiter, que par le bien & auancement de luy ou de quelque autre de cette race là, ne cessent de iour à autre par tous moiens, voies, complots & fascheries couuertes, tant qu'il leur est possible, de le forcer ou de ne trouuer tant bonne nostre religion, ou à tout le moins d'en estre soubçoné de ceux de nostre Roiaume, qui autrement seroient de ses meilleurs amis, ou s'ils ne le reduisent à ces termes icy, ils le contreignent par extreme necessité & crainte de sa vie, d'auoir recours aux autres princes estrangers, qui pourront plus nuïre & endommager cet estat.

Et c'est pourquoy ils subornét & induisent aucuns de leur assemblee & faction, gens seditieux & mutins qui exercent le ministere d'Escosse, (mais du tout indignes d'vne vocation tant excellente) à faire des insolences & brauades à leur

Les insoleces co- procedures intolerables d'Escosse enwers leur Roy.

Roy & prince, que ne sont pas seulement meschantes, mais aussi insupportables. Car il ne peut rien faire, sans qu'ils l'examinent en pleine chaire, despredicants comme s'il vouloit aller à la chasse, quand il leur plaist qu'il se trouue à leurs presches, s'il disne ou soupe à telle heure, en tel lien ou aucc tels qui ne leur plaisent, s'il ne reçoit qu'vne couple de cheuaux, ou quelque autre present qui luy sera enuoié de la part de ses amis & parents de là la mer. S'il salue ou traite courtoisement quelque messager venant d'eux, (comme vous scauez que les princes de leur courtoisse & douceur ont acoustumé de faire, voire quand telles gens viendroiet de leurs ennemis (ce que lon a veu souuent & est fort loué en sa Majesté d'Angleterre) S'il se porte familierement enuers quelque Embassadeur qui ne leur est pas agreable. Ou si(pour abreger) il dit, ou signisse quelque chose que ce soit, qui ne plaist à leur honneur, tout incontinét, comme seditieux Tribuns du peuple, ils se prennent à escrier en public, & montans dedans la chaire, d'où la parole du Seigneur se doit annoncer, vont exciter le menu peuple à se mescontenter, outrageant leur Souuerain de paroles tant piquantes en termes si aigres, mal seans & sans aucune reverence, par vne maniere du tout insolente de contreroler celuy qui doit commander, que i'ay honte de les reciter. Iugez donc & balancez vn peu (ie vous prie) en vous mesmes, que feroit sa Majesté & son graue Conseil en Angleterre, si nostre clergé se portoit en telle sorte à lencontre d'eux.

Il ne faut point douter (disois-ie) que tels esl'Escholier.

prits mutins ne fussent punis en nostre Roiaume. Ce que ie dy n'agueres à leur tresreuerend & digne prelat & primat l'Archeuesque de Sainct André, me trouuant de fortune en sa compagnie à Londres, ou il estoit venu suiuant le commandement de son Roy (comme il disoit) pour quelques affaires qu'il auoit à nostre Roine & son Conseil. Car deuisant auec lui de ce desordre des Ministres en Escosse, il le m'a confesse auec vne grande fascherie d'esprit, disant qu'il en auoir presché lui mesme deuant le Roy, detestant & blasmant diuers de leur chefs, & que pour auoir ainsi fait, il estoit desia fort odieux à leur faction tant en Escosse, qu'en Angleterre. Mais il adiousta, que tout ainsi, qu'il auoir dessa rendu la raison de son fait à nostre Roine, si vouloit il aussi en brief faire le mesme à Monsseur de Beze & à toute l'Eglise de Geneue, en y enuoyant les articles des procedures de lui & d'eux, protestants que les porcedures & façons de faire de ces gens la mutins & corrompus estoient tresscandeleuses, seditieuses & pleines de peril, aussi bien à l'endroit de la personne du Roy son Maistre, que de tout le Roiaume, estans quasi suffisantes d'elles mesmes d'aliener le ieune Roy de toute affection enuers nostre religion, quand il verra les chefs & principaux professeurs d'icelle se porter sans aucune reuerence, & sans aucun egard de leur deuoir vers luy, comme ils font.

C'est la chose laquelle sur tout ces gens icy, qui sont les competiteurs de ce ieune Roy, desirent, (dist le Gentilhomme) esperants que par ce moié

ils luy pourront pourchasser grand' malueillance & danger tant en Escosse, qu'en Angleterre. Et pour cette cause ils ont practicqué tant de conspirations & tricheries auec ses propres subjects contre luy, pensans que par tel moien ils mettront les vns en dessiance & haine des autres, & par consequent seront tant, qu'en fin le Roy sera en danger d'estre massacré des siens. Et en ce complot ici, ils se sont portez d'yne telle dexterité, l'ont manié & desseigné si couvertement, & d'vne si grande finesse ont conduit l'execution de plusieurs choses, qu'il pourroit sembler à la verite apparent au ieune Roy, que tout le complot des trahisons contre son Roiaume & personne vient d'Angleterre, afin de le rendre par ce moien ialoux de nostre estat, & nostre estat aussi de luy, & tout cela pour leur profit particulier.

Aussi n'est ce pas invention nouvelle de monsieur de Lecestre, de mettre gens de bien, pour son
gain & prosit, en peril & en la disgrace de l'estat
sous autres couleurs? Car ie vous pourrois bien
raconter diverses histoires des stratagemes de son
esprit & invention en mesme sorte, dont l'vn estoit bien different de l'autre en proiet, & dessein
& toutes sois tendans tous à vn mesme but. I'ay
vn ami encore viuat, qui estoit autres sois du train
du viel Comte d'Arundel, & en bon credit, & qui
par ce moien, a eu occasion de negocier auec le
feu Duc de Norsolk en ses plus grandes affaires
deuant ses troubles. Cestui ci auoit de coustume
de faire recit par la bouche du puc, des choses sort
estranges, touchant les tricheries & actes du tra-

histre de mosseur de Lecestre enuers luy, qui ne pensoit autre chose qu'à cercher sa ruine, ce qu'il à en fin bien demostré, bien que le Duc, lors qu'il racontoit ces choses mesmes ne se dessiast pas tat de sa malice. Bref le sommaire de tout ce que le Duc racontoit, se pourra comprendre ainsi en effect. Que Lecestre aiant grande enuie d'abattre le Duc, afin qu'il n'eust personne plus grande que luy mesme pour empescher ce qu'il brassoit, & sur tout conuoitoit & conuoite encore, par vne infinité d'inuentions & ruses, meit à la fin en la pensee du Duc le mariage de luy auec la Roine d'Escosse, ce qui fut apres l'occasion de sa ruine. Et il ioua son personnage de traistre si dextrement en cette menee, y poussant le Duc d'vn costé, & le surprenant de l'autre, que Iudas mesme ne iouoit pas son personnage plus finement, quand il soupa auec son maistre, & sapprochoit tant de lui que de mettre sa cueillier dedans le mesme plat, luy osant premier demander qui c'estoit qui le deuoit trahir, pensant de le faire luy mesme cette l'Impudence nuict là, comme il demonstra bien tost apres souper, quand il vint comme vn Capitaine accopagné d'vne bande de conspirateurs, & auec vn baifer sous couleur d'amitié, liura son maistre entre les mains de ceux là lesquels il sçauoit bien, chercher số sang & mort. Ce bố Comte de Lecestre en feit de mesme au Duc de Norfolk, quant à l'art de trahison, bien qu'il y eust grande disserence d'innocence entre les parties trahies. Ce que ce fidele amy de Comte sit principalement vne fois, lors que sa Majesté estoit au Chasteau N iiij

de Basing en la Comté d'Hampton, là où le Duc attendoit pour auoir audience, estant indifferemment deliberé de soimesme ou de poursuiure, ou de laisser son entreprise dudict mariage, pource qu'il commençoit lors à soupçonner que la chose ne plaisoit pas beaucoup grandement à sa Majesté. Ce bon Comte doncques le trouuant ainsi en bransle, luy vient con-Duc de Nor-seiller, que pour chose quelconque il ne delaissast ce qu'il auoit encommencé, ains perseuerast iusques au bout, l'asseurant par plusieurs sermens & protestations, que sa Majesté seroit & deburoit estre induite à y condescendre & le trouueroit bon, malgré qu'elle en eust, & qu'il vouldroit luy mesme seeller celle deliberation là de son sang: Et que l'on ne debuoit endurer que sa Majesté fist tout à son vouloir en cet endroit, adioustant plusieurs autres propos à ce mesme effect, lesquels le Duc tout sur l'heure recitoit à mon dict amy, en mettant bien souuent la main à son sein, disant. l'ay ici dequoy m'asseurer suffisamment de la loiauté de monsieur de Lecestre, n'entendant pas seulement les propos dont il a esté fait mention, mais aussi quelques lettres lesquelles ce bon amy de Comte luy avoit escrites à ce mesme effect:comme il auoit aussi fait a vn autre personnage de plus grande importance au Roiaume. Mais la chose venant apres en la cognoissance du monde, il trompa bien finement la Roine, en luy monstrant vne coppie reformee & corrigee de la susdicte lettre, pour la lettre mesme.

Les propos de Leceftre au folk.

Mais pour sçauoir comme il s'acquitta de sa La Royse promesse, en traictant auec sa Majesté pour le tropee de par Duc, ou contre le Duc, en cet affaire, sa Majesté Lecestre. seauroit mieux dire, & l'euenement & yssue mesme l'a demonstré. Car le Duc trouuant la comodité non long temps apres de parler à sa Majesté estant lors en vn autre lieu, & aiant receu respoce bien differente, de celle qu'il attendoit sur l'asseurance des promesses de Lecestre, se retira à Londres, où la nuict mesme ensuiuant il recent lettres de Lecestre & de messire Nicolas Throgmarton à l'instigation de Lecestre, (car ils estoient lors amis ensemble & de la mesme faction)qu'il eust à se retirer presentement au pais de Norfolk: Ce qu'il feit, pour mettre fin à tous les complots & entreprinses de Lecestre, qui ne taschoit, que sous ombre d'vne amitié faincte plonger son amy dedans vn tel abisme de soupçons & disgraces, qu'il ne luy fust iamais possible de s'en retirer, comme de fait il ne peut ains y demeura suffocqué & noié. En quoy vous voiez aussi sa subtile & Machiaueliane ruse, dont il a esté desia fait mention, de pousser les hommes à attenter quelque chose, par laquelle ils puissent encourir danger, ou demeurer tousiours en soupçon & disgrace. De laquelle rusee practicque il a longuement vse, & sen sert encore tous les iours à l'encontre de ceux lesquels il veut destruire. Et pour n'aller trop loing à chercher des exáples. Que vous semble il de la ruse dont il l'est auisé, il n'y a pas long temps, pour surprendre vn amy qui a bien merité de luy, Messire Christosle

Hatton, touchant l'affaire d'vn appellé Hall son prestre. Car scachant que ce prestre estoit attainct du cas mesme d'vn Arden (qui fut executé comme traistre,) Ce bon amy du Comte vient persuader à monsseur Hatton qu'il deuoit enuoier hors de chez soy & faire cacher ce prestre, Ce qu'il feit tout ex pres pour tirer & enuelopper son ami aux lacqs du mesme danger, comme Messire Charles Candissie pourroit bien declarer, sil luy plaisoit, estant luy mesme participant de ce complot pour ruiner le susdit Cheualier Hatton. Et à cette intention & menee plus que Satanique tendoient (ie n'en doute pas si la chose cust esté bien & deuement examinee) quelques lettres surprinses n'agueres à Paris, lesquelles enuoiees d'vn quidam qui s'appelle Aldred demeurant à Lion, mais de present à Rome, s'addressoient à vn quidam nommé Henry Vmpton seruiteur de susdict Messire Christosle. Esquelles lettres monsieur Hatton est dict estre en si grand credit & faueur à Rome, qu'il ne scauroit estre en plus grand, quandil eust este vn des plus grands Papistes en Angleterre.

Que veulent dire tous ces pernicieux coplots desseingez n'agueres contre le Comte de Shrevesburie l'en de la plus ancienne & grande noblesse de nostre Roiaume? Que veulent dire les practiques & menees que l'on brasse contre luy auec ceux là mesmes qui luy sont les plus prochains quant au lict & sang? Que veulent dire les faux & trescandaleux bruits semez depuis n'a gueres de son desloyal deportement enuers sa Maie.

sté & son pais touchant la grande prisonniere qui luy est baillee en garde? Toutes ces iniures icy recitees tendent elles à autre fin à lendroit de ce noble Comte, que pour le prouoquer vn peu à quelque impatience, & par ainsi le presser à faire ou dire quelque chose, qui puisse ouurir l'huis à sa ruine? le pourrois encore faire recit de plusieurs autres choses, touchant les deportemens de Lecestre enuers autres grands seigneurs de la noblesse de nostre Roiaume, lesquels viuent sa & là au pais, fort iniuriez & mal contents de son insolence, vers eux, bien que pour le regard de sa puissance presente, ils ne s'osent plaindre de luy. Et certes ie ne puis que ie ne sois fort esmerueillé, quand ie considere le peu de compte qu'il fait de toute la noblesse ancienne de nostre Royaume, comme il la contenue, s'en raille, & la disgraciee, Ce qui est toutes fois ordinaire à ceux là qui taschent à d'vsurper, afin qu'ils naient personne, qui ne recegnoisse prendre son commencement & auancemet d'eux. Cela n'est pas seulement propre aux vsurpateurs (dict le Legiste) mais aussi à tous les autres qui de bas lieu & race sont esleuez aux grandeurs, de se monstrer communement contempteurs vsans de contumelie & insolence à l'endroit de ceux qui sont descendus de quelque race plus noble & ancienne. Ce que le pere de cestuy cy demonstra bien clairement, quand n'estant qu'vn cerf endouiller ou du premier cor, (comme vous sçauez) il ne fit que par comtemnement insupportable mespriser les autres seigneurs des plus grandes & an-

ciennes maisons du pais, comme il appert de ceux là mesmes de la noblesse lesquels de son temps il meit soubs les pieds, & par les railleries desquelles ordinairement, il vsoit, se recreant contre le Duc de Somerset & autres. Mais entre autres mocqueries en cet endroit, comme il estoit vn iour assiz en table (ce qu'vn Conseillier lors present m'a raconté) il print occasion de parler du Comte d'Arundel, lequel il n'auoit lors seulement debouté du rang qu'il tenoit au conseil, mais l'auoit aussi mis prisonnier dedans la Tour de Londres, estant (comme l'on sçait bien) le premier & plus grand Côte du Royaume. Et pour autant que ce mesme Comte se monstroit aucunement triste & ennuyé à cause de l'estat auquel il se voyoit pour lors (dont il ne se falloit pas emerueiller, veu qu'il se voioit en vne telle prison, & enfermé dedans les pates d'vn ours tant effraiable) il pleut à ce braue Duc de se recreer quelque peuà sa propre table du desastre & misere du Comte, comme ie disois. Et pour en entrer en propos, il demanda aux Seigneurs & gentilhommes lors presents, quelles armoiries & deuise le Comte auoit. Et aiant entendu par les responses de tous qu'il auoit le cheual blanc, Ie le pensois (dist il) & non sans iuste cause. Car tout ainsi qu'vn cheual blanc si long temps qu'il est bien pensé dedans l'estable deuient sier, restif remuant & courageux, ne se pouuat tenir de saulter dessus les autres cheuaux qui s'approchent de luy, tousiours hennissant, & empelchant les autres qui sont à l'entour de luy, aussi quand il est hors

de son estable chaud, & non tant bien pense ny tant à son aise qu'il auoit de coustume d'estre, lors chasque petit garson luy peut monter sur le dos & le picquer à son plaisir. Et en cette maniere se porte maintenant (disoit il) Monsieur d'Arundel. Ce propos orgueilleux & fier sembla fort estrange à ceux qui lors estoient presents, & non digne de sortir de la bouche d'vn homme de iugement contre l'vn des plus grands Seigneurs du

pais, le voiant en calamité.

Mais yous vous fussiez bien esmerueillé d'auatage (dist le gentilhomme) si vous eussiez veu ce que ie veis apres, asçauoir comme iceluy Duc se porta en façon la plus contemptible & abiecte que vous veistes oncques enuers iceluy Comte d'Arundel à Cantabrige & sur le chemin vers Londres, lors que le Comte auoit la charge de le prendre & emmener prisonnier. Si ie vous disois, comme il se meit à genoux deuant le Comte, comme il pleuroit, comme il prioit iceluy mesme de luy vouloir estre bon Seigneur, lequel il auoit nonlonguement deuant tant mesprisé & vilipendé, vous diriez que luy mesme pouuoit aussi bien estre comparé à son cheual blanc, que l'autre. Tou- La pusillanitesfois en ce pointicy, iene veux pas excuser ny mité co peu l'vn ny l'autre, ny aucun de ces grands Seigneurs de courage du pour la pluspart, lesquels sont si fiers & superbes Duc Dudley en leur prosperité quand ils sont en vogue, qu'ils en son aduersont facilement induits à contemner tous les autres, ne consideras pas que quand la fortune leur commence à tourner le dos, ils sont d'esprit du tout abattu & estonné. Et ainsi fera, sans doubte,

Monsieur de Lecestre en tel cas, bien que maintenant en la vogue & grandeur qu'il a, il triomphe sur tous, ne se souciant point auquel ny à com-

bien de gens il fasse tort & iniure.

Escholier.

Ie vous en croy bien Monsieur (dis-ie) car nous auons desia preuue & experience suffisante de la force & constance de mon Seigneur en aduersité. Son bas & abiect deportement en la disgrace qu'il eut dernierement pour son mariage à bien declaré ce qu'il vouloit faire en chose de plus grande consequence. Sa façon de flatter ceux là mesmes lesquels il haissent le plus, ses propos seruiles & indignes de sagrandeur, auec des larmes fainctes & simulees sont bien cognuz au monde. Lors qu'il monstroit toute amitié à Messire Christosse Hatton, l'importunoit & par maniere de dire forçoit de vouloir accepter le don, qu'il disoit luy vouloir faire du grand & honorable office de Chambellan de Chester, faisant semblant de le vouloir resigner tout à l'instant, & à celle sin, cela fut cause, que l'autre croiant sa parole commensoit faire ses apprests (non sans grand despends) pour s'inuestir du mesme office, bien que ce bon Mylort ne pensoist rien moins, comme l'effect le demonstroit en apres. Car la presente tempeste de sa disgrace estant passee, il pleut à sa Seigneurie d'accomplir & auerer le Prouerbe Italien, parlant de ceux qui en danger font vœu à quelque sainct, Scampato il pericolo, gabbato il Sancto. Le danger eschappe, la sainct est trompé. Lors & en telle necessité personne de tout le Royaume ne fut tant honorce, louce & seruie de luy que le feu noble

Chambellan, & le bon Seigneur Tresorier encore viuant, auquel vn iour il escriuit vne lettre pleine de toute finesse & dissimulation, & d'vne grande ruse la feit bailler en la veue de sa Majesté, mais en telle maniere que de faire semblant que l'on ne vouloit pas qu'elle fust apperceue d'elle, afin que sa Majesté eust plustost occasion de la de-

mander à voir, ce qu'elle feit.

Car ma damoiselle Françoise Havvard (à laquelle ce stratageme fut fait) iouant finement son personnage, feir offre de bailler cette lettre à Mösseur le Tresorier pres de l'huis de la chambre de retraicte, comme il sortiroit de la presence de sa Majesté. Et pour mieux attirer l'œil & attention de sa Majesté à la lettre, elle laissoit cheoir le papier auant que toucher la main du Thresorier, ce qui fut cause que sa Majesté la demanda. Laquelle aiant leu & consideré & le contenu, & stile de lettre, ioint la complexion & naturel & de celuy qui l'escriuoit, & de cestui-ci à qui elle s'addressoit, ne se peut tenir de rire, auec detestation toutes fois d'une dissimulation absurde & vilaine, disant à Monsseur le Tresorier lors present, Monsieur, ne le croiez pas, car sil vous Propos de la auoit en pareil estat, il vous ioueroit vn tour Royne au d'ours, quoy que maintenant il vous flatte. Mais chat Lecestre. ie vous supplie Monsieur de vouloir poursuiure vostre propos d'Escosse, car il me souuient que vous l'auez laissé lors que par occasion nous sommes tombez en ces detournemens de propos.

Or bien, (dist le gentilhomme) pour retourner donc à l'Escosse, d'où (comme vous dites) nous

Treforier tow

de scait bien, que toutes les brouilleries, troubles

&dangers procurez au prince de ce paislà, & aussi toutes les peines & facheries de ceux qui sont estimez fauoriser aucunement ce tiltre la en nostre pais, ne viennét d'autre part, que de la mence & coplot des cospirareurs desquels nous parlos. Lesquels outre les grands perils desia mentionnez, tant domestiques que dehors, tant temporels que concernans la religion, doiuent necessairement aussi apporter grand danger à la personne de sa Majesté & de son regne present, à tiltre Escos-cause de l'esperance & ferueur ambitieuse des aspirants; laquelle s'enflamme & croist d'autant qu'ils se voient approcher de leur proye tant conuoitee.

> Car comme les soldats d'vn camp entrez desia en espoir d'une ville riche & bien garnie, sont plus aspres & hardiz apres auoir abbatu & gaigne les bouleuers à l'enuiron. Et comme le conuoiteux larron, apres auoir percé tout outre & renuersé plusieurs murs pour paruenir à vn grand threfor, est moins patient du tardement, empelchement & delay, quand il vient en la veuë de la chose desiree, ou voit qu'il n'y a que quelque petite separation de lambris ou de matiere semblable entre luy & les coffres ou bourses pleines d'argent. Ainsi ces gens icy, quand ils verront la succession d'Escosse estaincte auce tous les amis & protecteurs d'icelle (lesquels seruent maintenant à sa Majesté de bouleuers, murailles, & grands obstacles contre les aspi-

> > rants.)

Danger à la royne par l'op pre Bion des fauteurs du

fois.

DE LECESTRE.

TOF

rants.) Et quand ils ne verront autre chose que la seule personne de sa Majesté entre eux & leurs desirs tant ardants, (car ils ne font pas grand conte de tous les autres competiteurs de la lignée du Roy Henry) Il ne faut pas douter que ce ne leur serue d'yn aiguillon ou esperon poignant, pour depescher aussi sa Majesté: veu le naturel de tous ces deux Comtes, dont l'vn a tué sa propre femme (comme il a esté declaré) sur le ne sçay quelle vaine esperance seu- le Comre de lement du mariage auec vne Royne. Et l'autre le Comte de s'estant laissé tellement aueugler & emporter Huntington. de cette furieuse fumee & humeur picquante d'ambition, sa mere encore viuante semble fort craindre ses pattes, si la chose venoit iamais si auant, que sa seule vie luy empeschast ou plustost retardast son cours. De façon que la bonne ancienne dame & Comtesse sa mere est accoustumée de prier Dieu, (comme ie l'ay ouy dire à pluseurs) qu'elle puisse mourir deuant sa Majesté, de peur qu'elle seule en retardant quelque peu le cours de son fils (lequel à son grand regret elle voit sans raison enclin à porter vn sceptre) ne tombe en quelque extreme danger. Et si sa propre mere a eu telle crainte d'vn tel desastre, quelle courtoisse pourra sa Majesté attendre de luy & de ses complices, estant elle seule l'obstacle de leurs appetits tant desordonnez, impatients & desreiglez?

C'est chose toute certaine & manifestes dist le Legiste) que tant plus ceux qui pretendent & aspirent à la souveraineté, approchent de ce

qu'ils desirent, tant plus grand est le danger de ceux qui sont en possession d'icelle: comme vous auez bien demonstré, & le pourrois encore confirmer par plusieurs exemples, s'il en estoit besoin. Car quand Henry de Bollingbrok duc de Lanclaster veit, que non seulement Richard second estoit sans enfans, mais que Roger Mortimer Comte de la Marche, qui deuoit succeder à la Couronne, fut tué en Ireland, lors, bien qu'au parauant il ne pensoit (comme aucuns estiment) l'attribuer la royauté, toutesfois voiant la possibilité & court chemin qu'il en auoit, fut plustost inuité & induit de l'emparer & du corps & de la dignité mesme de son Souuerain, comme il feir.

L'on estime aussi que Richard Duc de Glocestre ne pensoit iamais de massacrer ses neueux. iusques à ce qu'il veit leur pere mort & qu'il les eutentre ses mains, son frere le Duc de Clarence estant aussi depesché, & son fils le Comte de V-

varuic en son pouuoir.

Parquoy, veu qu'il n'a pleu à Dieu, pour causes qui luy sont mieux cognues qu'à nous, de laisser à ce nostre noble Roiaume quelque lignee de sa Majesté tresexcellente, ça esté à mo opinion, vne La grandesa- grande prouidence & sagesse auec vne grande seureté de la personne, estat, & dignité de sa Majesté, de reseruer jusques à maintenant la lignee des prochains heritiers par la maison d'Escosse. cosse auec son (i'entends & la mere & le fils) la ruine desquels a esté si diligemmet cherchee & procuree par leurs coperireurs, & eust esté, il y a long temps, mise en execution, si la prudence & clemence Roialle de sa Majesté (comme lon pense) n'eust eu vn special

gesse de sa Majesté en preservant la Roine d' Fffils.

soin de leur conseruatio de iour à autre. Laquelle prouidence digne d'vne telle princesse, si long téps qu'elle durera, ne peut qu'elle ne soit vne grande asseurance, sauuegarde & forteresse à sa Majesté, non seulement contre les tiltres, demandes, supports, ou ennuy des princes estrangers, (lesquels ne se hasteront pas tant d'auancer leurs tiltres forains, tandis que nous auons des hoirs si manifestes au pais, &ne se monstreront aussi trop propts (au regard de police) à mettre cette lignee en la possession de toute l'Isle: mais aussi à lencotre des pratiques dresses par nos domestiques qui aspirent, comme vous auez declaré. Aux affaires desquels (il n'en faut pas douter) ces deux branches d'Escosse ne donnent moindre empeschement & encombrier, qu'ils apportent de seureté, comme singuliers bouleuers & rampars, à la vie & personne de sa Majesté, puis que (selo ce que vous dites)ces complices icy font si peu de cas de tous les autres de la lignee mesme qui les doiuent successiuement suiure.

Mais de ces deux ici, ie pense que le ieune prince d'Escosse leur pese le plus, & qu'il est plus conuenable à leur proiet de le depescher le premier, tant pource qu'il pourra auoir des enfants, & est en apparence auec le temps d'auoir plus grand moyen & pouuoir de maintenir son droit, que pour ce que estant depesché, sa mere, par vne tricherie, le suiuroit bien tost apres, Ce qui seroit exploité au desceu de sa Majesté, & toutes sois il faut que ie vous confesse que sa Majesté a vse d'vne grande prudence pour preuenir vn si grand

O ij

mal, en ce qu'elle l'a baillé en garde à vn tant noble, puissant, & excellent pair de nostre Roiaume, comme est le Comte de Shrevvsburie. Le quel pour sa loyauté & constance ne se voulant plier à leur factio, ne leur donne pas beaucoup de cotentement. Et pour cette cause tout le mode voit, de cobien diuerses inuétios ils ont vsé, & vsentencore pour le iourd'huy, pour l'iniurier & disgracier, & par ce moyé luy oster ce qui luy est baillé en garde.

Le Gentilhome ne respodit pas vn mot à ce propos (dit le Legiste) ains demeura tout coy pésant & meditant en soimesme, comme s'il eust conceu en son esprit quelque grande chose, & apres auoir ainsi songé quelque peu, il commença ces paroles.

Ie ne sçaurois faire que ie ne sois fort esmerueille, quand ie viens à comparer quelques choses de ce temps & gouvernement moderne aux faits des princes anciens, desquels sa Majesté est issue, nommément des Roys Henri septiesme & Henri huitiesme pere & fils. Lesquels ont tousiours eu l'œil tant fiché sur la ligne collaterale du Roy Edouard quatriesme par son frere le Duc de Clarence, qu'ils ont jugé necessaire non seulement de preuenir & pouruoir à tous perils euidents & dont il y auoit apparence. Mais aussi à la possibilité mesme de tels perils. Ce qui nous est assez demonstré par l'executio d'Edouard Comte de Vvaruik fils & heritier du susdit Duc de Clarence, & de Marguerite sa sœur Comtesse de Sansburie auec Monseigneur Henri Montagne son fils pere de celle, par laquelle Monsieur de Huntington pretend son tiltre. Toutes lesquelles

personnes ont esté executees pour euiter des inconueniens, & ce lors qu'on ne pouuoit beaucoup craindre quelque peril eminent de cette li-

gnee la specialement de la derniere.

Toutesfois à cette heure, qu'u de la mesme maison & lignee de plus grad moyen & ambitio, que ne fut iamais aucun de ses Ancestres, pretend manifestement tiltre à la courone, se servant de complots, menees & preparatifs pour anancer son vsurpation tresmanifeste, cotre tout ordre, droit, & legitime succession, & contre vn statut expressement emologue en cet endroict, il est permis, supporté, fauorisé & aidé des amis en son affaire, & de l'autre costé, il n'y a personne si hardi, que de le contrerooller ou reprendre tant seulement de ce faire, pour la dessense de sa majesté & Royaume. Peut estre que sa maiesté est persuadée de la loiauté de Huntington, comme estoit Iules Cxsar de celle de Marc Brute qui lui estoit le plus obligé de tous. Car estant aduerti par aucuns de ses chers amis des pratiques ambitieuses de Brute aspirant aux grandeurs, il leur respondit qu'il sçauoit bien que Brute estoit ambitieux, mais ie suis bien asseuré (dist il) que mon Brute n'entreprédra iamais aucune chose pour paruenir à l'empire, tat que Cæsar viura: qu'apres ma mortil sasse ce qu'il pourra auec les autres pour le gaigner. Mais quelle en fut l'issue? Certes ie ne la raconteroi pas volontiers, pour ne vouloir presager vne tant mauuaise fortune: mais tout le monde sçait bien que de la à peu de mois ce tresnoble & bening Empe reur fut piteusement massacré par icelui Brute &

Exemple de la ruine de Cafar ses complices en plein Senat, lors qu'il pensoit le moins à vne telle trahison. Tant est grand le peril à aucun de se promettre seureté, sans se donner garde, en chose de si grade consequence, ou d'exposer sa vie& la fier à ceux la qui par sa mort pour roient pretédre auancemét & interest mondain. Et à la mienne volonté qu'il pleut à la Majesté de nostre Roine d'auoir vn tel soin & egard de sa personne & estat, que l'importance de la chose le requiert: En quoi consiste l'heur & la calamité d'vn si fleurissant & noble Royaume, comme est le nostre. Ie sçay bien que les plus excellents & bons naturels sont tousiours les plus essoignez de se desierde telles gés qui sont semblat d'aimer & leur sont les plus redeuables: & ainsi le voions nous manifestement en sa Majesté. Mais il fault considerer quelque peu, que cette costance, qui est tant prisee & recommandee és autres, ne se doibt pas quelquefois tant louer en la personne d'vn prince, pource que telle constance est coustumierement accompagnee de si grands dagers, que ne les peut euiter celuy qui ne s'en doubte. Ce qui se doit principalement observer alorsque l'on est aduerti auparauant de tel peril, (comme souuentes sois les dangers apprestez sont par vne prouidence de Dieu tenant sa main specialement aux affaires des princes descouuerts & preueus) ou quand il y a coniecture probable, & iuste presomption de l'entreprinse.

Trop grande onfiance därereuse en vn rince.

> Nous sçauons que le susdict Empereur Cesar ne sut pas seulement aduerty de l'inclination & intention ambiticuse que Brute auoit d'ysurper,

mais que ce iour la mesme, comme il alloit au Senat, lieu destiné pour sa ruine, on luy bailloit en main par escrit & luy fut descouuerte toute la coiuration contre luy, auec requeste qu'il la leust à l'heure mesme, ce qu'il ne feit pas toutesfois par vne trop grande confiance. Nous lisons aussi d'Alexandre le grand, que non seulement vn homme sçauant luy deffendit d'entrer dedans la Ville de Babilon, la où il pensoit aller, pource que l'on y auoit brasse quelque trahison cotre luy:mais aussi qu'il fust aduerty & admonesté par deuat en particulier de la meschante volonté & intentio d'Antipater enuers luy. Mais le ieune prince, qui auoit si bien merité d'Antipater ne peut estre aucunement induit de se dessier de celuy qu'il aimoit tant, & par ainsi se laissa empoisonner en vn banquet par les trois fils mesmes d'Antipater, qui auoient le plus grand credit & honneur en sa chambre.

Sur ces propos vraiement le cœur me commé-l'Eschollier ça aucunement à trembler à cause de la frayeur, horreur & detestarion de telles malencontres. Et ie dis au gentilhomme, ie vous prie, Monsieur, de ne parler plus de ces choses icy, car ie ne sçaurois bonnement endurer qu'on les nomme tant seulement. Esperant au Seigneur, qu'il n'y a aucune cause, & qu'il n'y en aura iamais de nous douter de tels euenemens en Angleterre. Mesmement à l'endroit de ces gens icy, qui sont tant obligez à sa Majesté, & se monstrent si prompts & soigneux en recherchant & poursuiuant tous ceux la qui peuuent sembler pernicieux à la personne de sa

O iiii

Majesté, comme l'on voit manisestement par diuerses executions n'agueres faictes & par la punition que l'on fait des Papistes par tout. Il est vray (dit le Gentilhomme) que puis n'agueres on a fait iustice d'aucuns, ce qui me plaist fort, pour faire peur & terreur aux autres, de quelque secte ou religion qu'ils soient. Et il est bien requis, sans aucune doubte, que l'on vse de grande vigilance en cet endroit, pour refrener l'audace des partis. Mais quand ie considere qu'il n'i a qu'vne seule sorte de gens qui sont touchez en tel cas, & que tout propos, regard, doubte, dessiance & vigilance est d'eux tous seuls, sans prendre aucune garde aux actions & desseins des autres: quand ie voy la soigneuse & extreme diligence d'aucuns qui ne me plaisent, ne faire autre chose que mettre le peuple en admiratio, craincte, frayeur & attente des faits, propos, & intentions de l'vn party ou faction seulement, voire de celle nommement, laquelle ces conspirateurs mesmes iugent estre la plus dangereuse & repugnante à leurs desseins: le suis bien souvent (croiez moy) tété de me doubter de quelque fraude & faulleté. Et que ces gens icy font come les loups rauissans ez pays estrangers, lesquels allans en grosses troupes ensemble pour assaillir vn troupeau de brebis ou moutons, vsent de cette finesse, que du costé du vent assez loing de la bergerie, deux ou trois de leur troupe demeurent à part, afin que par leur senteur & bruit qu'ils font tout expres, ils attirent les chiens & les bergiers mesmes de leur costé pour les poursuiure tous seuls & par ce moien donner la comodité à leurs

Finesse des

compagnons d'entrer dedans la bergerie & deuorer tout le troupeau. Ou comme font les rebelles
de quelque Prince, lesquels aiants dessa complotté & dessigné entre eux mesmes la surprinse de
quelque bonne ville, asin de destourner les habitans de toute consideration du danger qui leur est
imminent, & de la desense de l'endroit mesme par
où ils cuident faire leur entree, mettent le seu en
quelque autre costé de la ville vn peu plus loing,
& sont donner vne faulse alarme à quelque por-

te, là où ils pensent moins entrer.

De laquelle ruse se seruoit bien finement Richard Duc de York du temps du Roy Henri sixiesme, lors que pour desguiser & couurir son intentio, il feit tant que tout le Royaume se doutast des actions & deportements d'Emond Duc de Somerset son ennemi, Mais Iean de Northumbelland pere de Monsieur de Lecestre practiqua la mesme ruse beaucoup plus finement, quand il rendit tout le Roiaume estonné du protecteur & de ses amis, comme si le ieune Roy n'eust sceu aucunement estre en seureté jusques à ce que son oncle auec ses amis fussent supprimez pour auoir par consequent tout à son commandement sans empeschemet quelconque. Ie ne dy pas cecy pour excuser les Paptistes, ou souhaiter qu'on les espargne aucunement en ce qu'ils auront offense: ains pour demonstrer seulement qu'en vn pais, où il y a des factions si grandes & puissantes, il ne fait pas seur de laisser l'vne se faire si forte, pour poursuiure l'autre, qu'apres le Prince mesme doiue estre à la discretion & mercy des plus forts. Mais

au contraire faire plustost comme vn bon Medecin, qui voiant le corps de son patient fort troublé & tourmenté des humeurs contraires, s'il ne les peut toutes purger, il trouue expedient de les reduire à vne telle egalité & proportion, que l'hu-

meur dominante ne ruine par les autres.

Pleust à Dieu (Monsieur) dit le Legiste que vostre opinion sust receuë en cet endroit, car lors
noz affaires se porteroient bien autrement qu'elles ne sont pour l'heure. Il n'i à pas long temps
que ie me trouuay en la compagnie d'une dame
d'honneur de la Cour, laquelle apres quelques
propos d'aucuns gentilhommes lors presents, touchant l'apprehension & execution d'aucuns & autres choses semblables, se print à se plaindre bien
fort du téps present, & en telle sorte, que (ie vous
asseure) elle esmeut toute la compagnee à tristesses, (comme vous sçauez les semmes auoir grande
force pour mouuoir les affections) & les seit souhaiter à tous ceux qui l'escoutoient que sa Majesté
eut peu ouir ses paroles.

Propos d'nne Dame de la Cour.

Il me souvient bien (disoit elle) combien heureux, agreables & tranquilles ont esté les premiers
douze ans du regne de sa Majesté en tout confort
& consolation, on ne parloit pas alors des factios
en la religion, & ne s'est trouvee personne grandement remarquee ou mesprisee pour telle cause
durant ce temps la, mais que sa conversation autrement estoit Civile & douce. Il n'y avoit aucun
soupçon de trahison, ny propos aucun d'espandre
le sang, personne ne se plaignoit des troubles, miseres, ou calamitez. Tout estoit paix, tout amour,

toute liesse, tout delectation. Sa Majesté prenoit plus de recreatio(ie m'en asseure) lors en vn iour, qu'elle ne fait maintenant en vne sepmaine. Et nous autres Dames qui seruions sa Majesté iouissions de plus grand contentement lors en vne sepmaine, que ne sçaurions maintenant en maintes annees. Car maintenant il y a tant de soupçõs par tout pour telle & telle chose, que nous ne sçaurios en qui nous fier: Tant de melancoliques en cour qui semblent estre malcontents, de poursuiuants & negociateurs pour leur amis qui sont en destresse, d'autres qui ou passent oultre la mer, ou se retirent à l'escart soubdain. Tant des contes d'vn tel, ou tel danger, de cestui ci, ou de cestui là soupçonné, d'vn tel mandé à venir & se presenter au conseil: & d'autre semblable subiect mal plaisant & sans goust que nous ne sçaurios estre ioieuses vn iour entier ensemble. Parquoy nous autres qui sommes du train & pour faire special seruice à sa Majesté, (disoit la Dame) & qui ne sentons pas ces choses en nous mesmes seulement, mais beaucoup plus en la fascherie de laquelle nous voions sa Majesté (qui est de la meilleure nature dont iamais princesse fur douce) estre vexee & tourmentee, ne s'aurions faire autre chose que regretter, quand nous considerons les contentiós & debats regner de telle sorte que pour le jourd'huy nous les voions. Et pourrions treshumblement souhaiter que d'ores en auat ces affaires icy se menassent & passassent auec vne telle paix, amitié, & tranquillité que l'on fait es autres contrees, là ou le lien de societé & sidelité n'est pas rompu par la difference de religion. Et ainsi d'vne contenance posee & ioyeuse, elle finit son
propos, s'excusant enuers la compagnie, de ce
qu'elle auoit aucunement outrepassé les bornes
de modestie, disant trop temerairement & hardiment, comme semme qu'elle estoit, son opinio,
en telle chose.

Le propos d'u Courtisan.

Madame, (respondit vn gentilhomme Courtisan qui estoit assis auprez d'elle) vous n'auez rien dict en cet endroit, qui ne soit tous les iours debattu entre nous autres en Cour par maniere de familier deuis, come vous scauez. Et ce que vous souhaitezicy, est yn desir public, s'il se pouuoit effectuer. Car il n'i a personne tant simple qui ne voye combien sont dangereuses ces contentions & debats entre nous, & le pourront estre à la fin. Et i'ay ouy plusieurs gentilhommes doctes discourir sur ce mesme subiet & argument que nous traictons, amenants des exemples bien anciens des Atheniens, Lacedemoniens, Carthagenois, & Romains, lesquels ont esté tous fort endommagez, & à la parfin ruinez, à cause des factions & diuisions qui ont esté entre eux mesmes, & de celles principalement, qui furent entreprinses par aucus de leurs villes & pais mesmes estants en disgrace & demeurants en pais estranges. Car ceux cy leur estoient tousiours comme boutte seus, prests pour apporter auec eux mesmes au pais le seu de la

Et pour approcher plus pres de nostre pays, ils ont demonstré des mesmes exemples par l'experience de toutes les grandes villes & estats d'Italie, lesquels à l'occasió de leurs factions & de ceux qui estoient forbanniz & chassez hors, ont tousiours esté en esmeutes, massacres & calamitez. Dequoy nostre Angleterre aussi autrefois a eu sa part, par les vieilles & odicuses contentions de ces deux maisons Lanclaster & York. En quoi c'est

deux maisons Lanclaster & York. En quoi c'est chose fort digne de consideration & que l'on doit obseruer, comment bien peu de gens departans du Royaume ont eu la commodité & moien de faire beaucoup de maux à ceux du pays, à cause d'aucuns de leur faction lesquels y demeuroient & n'estoient en moindre nombre (ce qui est chose ordinaire) que leurs amis absens: ioinct que les princes estrangers ne sont pas tousours grade difficulté de consoler les malcontents du pais du Prince voisin, afin que par tel moyen ils puissent tenir pour le moins (par maniere de dire) quelque rame dedans le bateau de leur voisin.

Chose fort coustumiere aux Princes qui sont voisins l'vn à l'autre, taschans tousiours sur tout de

faire leur prousit de telles occasions.

Voyla en effect le discours du Courtisan, par lequel i'ay bien apperceu, qu'aussi bien en Cour, qu'aux champs & autres endroits du Royaume, l'inconuenient & suite bien dangereuse de cette nostre dissension domestique est desia descouuerte & cognue, & que par consequent les cœurs Anglois pour la pluspart sont aucunement poussez à soubhaiter qu'vn si grand mal sust destourné, & que par le moien de quelque moderation ou plustost reunió entre nous mesmes, l'ó y mist quelque present remede. Pource que la rigoureuse & ex-

treme poursuite de ces disserences en la religion, ne sçauroit faire autre chose qu'apres maintes playes & blessures, mettre tout en combustion, rage & desespoir extreme, là ou de l'autre costé, si on vouloit prendre peine de trouuer quelque douce façon ou maniere de mitiger & tolerer les choses en cet endroit, il ne faut pas doubter que les affaires de nostre Roiaume ne s'en portassent bien mieux, auec vn bien plus grand repos & seu-

Toleration en reté de la republique, que nous ne nous sçaurions religion estre longuement promettre. Chose à mon iugement, necessaire laquelle tous ceux qui sont vrais Anglois me ded'Angleterre uroient bien tost accorder, & se ioindre auec moy

en cet endroit, pour le bien & conservation du pais, pour oster toute occasion de respandre le sag d'oppression foraine, & de nostre ruine mesme, laquelle les factieux iouants à la desesperade ont

coustume de pourchasser.

le suis de vostre opinion en ce point icy (dist le Gentilhomme) car i'en ay veu l'experience, & tout le monde le voit pour auiourd'hui par tous les pays d'Allemagne, Pologne, Boeme & Hongrie, ou pour se coporter aucunement les vns auec les autres, ils ont procuré vn grand repos, & ont continué en vne telle paix, que tous les autres endroits d'Éurope en ont esté bien ebais, & en uieux aussi. Les premiers douze ans du regne de sa Majesté (desquels la Dame Courtisane parloit cy deuant) pourront bien tesmoigner de ce que se dy Auquel temps, la commiseration & pitié que l'on auoit, & la douceur de laquelle l'on vsoit enuers les plus debiles, auec quelque diligence assez pro-

pice pour les gaigner par bons moiens, estoit occa sion d'une grande paix, contentement & bien de

tout le corps politique.

Nous voions comment en France par trop presser l'vn des partis tout seul, vn tel seu s'estoit allume', il n'y a pas fort long temps, qu'il eut peu cosumer & destruire le tout, si les plus sages du conseil du Roy ne se sussent auisez de quelque modification necessaire en cet endroict, tout contraire au vouloir d'aucuns. Et depuis ce temps la nous voions quelle paix, abondance & reünió s'est ensuiuie en ce païs la, qui au parauant estoit tant ropu, deschiré & gasté. Et tout ce leur est auenu, pour condescendre quelque peu à la chose que nulle force peut surmôter, ains l'empirer plustost en rengregeant son mal, i'enten la conscience & iugement des hommes en matiere de la religion.

Ie vous pourroy aussi racompter de mesme en Flandre, ou apres toutes les troubles & miseres d'vne guerre de si longue durce, laquelle du commencement est principalement amere, pour vser de trop grande contraincte & rigueur en telles affaires iaçoit que le Roy ne se peust induire de vouloir accorder libre exercice en public de toutes les deux religions, si est il neantmoins, que la force de la raison l'a contrainct en sin de condescendre iusques la, que lon ne recherche plus les consciences des hommes non seulement dedans les villes qui se sont rendues en son obeissance par voye de composition, mais aussi en celles lesquelles il a regaignees par force, comme en la ville de Toutney & quelques autres, ou, comme i en-

ten par le recit des autres, personne n'est recherché, interrogé, ou aucunement molesté pour le faict de sa conscience, & on ne leur encharge aucun acte de la papauté ou autre religion contraire à la leur, ains les laisse on viure paisiblement en leur maison sans aucun reproche, pourueu que ils s'aquittent de leur deuoir & obeissance enuers le prince & contree. Laquelle seule modification & support (si plusieurs, qui sont de mon opinion, & moimesme, ne nous abusons beaucoup) seroit suffisante en nostre roiaume pour contenter toutes diuisions, factions & partis, & pour les contenir en paix, soient papistes, puritains, familians, ou d'autre secte & difference aucune. Et pour arrester & tenir toutes parts en vne moderee obeissance enuers le magistrat & gouuernement, pour la conseruation de leur patrie. Chose qui ne seroit pas de petite consequence, pour le contentemét de sa Majeste & bien public de tout le royaume.

Mais que dirai- ie d'vne telle chose qui est si cotraire aux desirs & desseins de noz pusssans conspirateurs? A quel propos taschoit Ciceron de per suader au capitaine Catiline & sa bande, que le re pos & ordre estoit meilleur que les troubles & le desordre? Est il possible que noz gens aspirans à la principauté permettent iamais que lon traitte en nostre estat de telle chose, cause ou subiect qui puissent tendre à l'establissement & conservation du present gouvernement de sa Majesté? Nenni certes, ils ne le feront iamais, c'est chose du tout contrevenante à leur police & desseings, specialement à cett'heure, qu'ils ont sibelle opportunité

nite de poursuiure leurs entreprinses au nom de sa Maiesté, soubs le masque & couverture de sa defense, manutention, & seureté, aiants desia seme ou plustost imprimé dedans l'entendement d'vn chascun, tant dehors que dedas le Royaume, tant de folles imaginations du danger present de l'Escosse, de Flandre, d'Espaigne, & d'Ireland, tat de conspirations, de massacres pourpensez, & autres meschancetez brassees & complottees, de sorte que Monsseur de Lecestre s'asseure que l'eau trouble ne se pourra eclaireir de rechef en peu de temps, & que les amorces qu'il a mises la dedans ne seront pas facilement apperceues, ains au contraire que deuant que soit long temps, il peschera le gros poisson, lequel d'vne conuoitise tresardente & gueule beante il attend. Et ce pendant pour faire poursuite des crimes mentionnez & des autres lesquels il inuentera, il faut qu'il demeure Di Ctateur perpetuel.

Mais que veulent ils dire repetant & redisant si souvent ces troubles, trahisons, massacres, & inuasions? vrayement tels propos portans presage ne me plaisent point. Et comme ie ne doubte que Lecestre, qui nous iette ces ombres deuant les yeux, ne pense de iouer premier sa farce au milieu de ces malheurs & troubles, si crains ie bien fort, que si la tyrannie de sa faueur n'est de bonne heure rembarree, vn plus grand mal que iamais(duquel le Seigneur de sa misericorde nous vueille garder) ne soit plus pres de nostre princesse &c

peuple, que l'on ne pense & soupçonne.

Parquoy pour obuier à ces calamitez & miseres, pour vous dire rondement (messieurs) ce que l'en pense, & par ce moyen conclure cette conference, (car il est desia tard) le iugeroy le plus expedient & conuenable en cet endroit, que sa Majesté sit ce bon Seigneur rendre compte de ses actions pour voir si l'on ne pourroit dire quelque chose contre luy apres tant d'annees, esquelles il a tout seul tant accusé & persecuté les autres. le sçai bien, & m'en asseure, que sa Majesté n'a faict aucu acte depuis le commencement de son regne (bien qu'elle en ait faict plusieurs fort recomendables) n'i sçauroit bonnement faire cy apres, qui peut estre plus proufitable à sa personne & à son Roiaume, ou plus agreable à ses loiaux, bons, & bien affectionnez subiets, que seroit cet tresnoble acte de iustice, pour la preuue & examen des merites de ce bon Comte enuers sa patrie. Ie dis que ce seroit vn acteproufitable à sa Majesté & au Roiaume non seulement au regard de plusieurs dangers ia mentionnez, (lesquels seroient par ce moyen euitez, & en toute apparence aduiendront, sil'on n'i donne aucun empeschement) mais aussi en ce, que sa Majesté ce faisant s'exemptera de quelque mescontentement & fascherie d'esprit en general, auec vn grand regret, lequel plusieurs subiets autrement tressideles à sa Majesté ont conceu contre la faueur excessive laquelle a esté mostree & faite dez si long temps à cet homme icy, sans aucun merite, ou raison aucune d'vne si grande benignité. Et pour autant qu'il à emploié telle faueur si grande & extreme en son endroit au dom-

Fort requis que Lecestre rende compte. mage, ennuy & ruine aussi bien de plusieurs personnages en particulier que de toute la republique en general, comme il a esté dict, le grief & sentiment du mal, (pour parler selon ce qu'ordinairement il auient en tels cas) ne redonde pas au preiudice du transgresseur tant seulement qui aura bien merité la recompense de ses demerites, mais aussi du Souuerain mesme, soubs les aisses & faueur duquel il aura fait si grand tort & iniure, bié que ce fut au grand regret, & contre'l'intention, vouloir & desir du Prince qui luy fait si grande faucur.

Et pour demonstrer que ie ne le dis pas sans cause, nous auons diuers exemples des Princes & grands Seigneurs de tous siecles & contrees, ausquels la faueur par trop grande par eux monstree à quelque meschant garniment de mignon qui en abusoit, a pourchasse grand danger voire vne extreme ruine, les pechez du Mignon estant couertis en punition & chastiement du Seigneur qui l'auoit trop fauorisé. Ce qui nous est declaré par le meurtre pitoiable de ce sage & valereux Roy Philippe de Macedone. Lequel bien qu'il fut bien as. Exemple noseuré de n'auoir pas de soy mesme offensé & endommagé aucun de ses subiets, & que par consequent il n'eust que faire de craindre de leur part, ains peut en public hardiment & familierement couerser auec eux, ce neantmoins pour auoir trop fauorizé vn Capitaine nommé Attale Courtisan outrecuidé & superbe, & l'auoir supporté en quel que meschanceté, ou pour le moins ne l'auoir puni lors que l'on auoit demandé iustice du crime

comis. La partie offense, jugeat que le crime sur plus grand de la part de celuy qui selon son office deuoit saire justice des meschants & desendre les bons, que de celle du criminel mesme, qui sui-uant sa passion & appetit desordonné auroit delinqué, laissa Attale, & se vengea du Roy mesme le faisant occire par vn Pausanias, suborné & apposté pour faire le meurtre au jour mesme, que le Roy en toute magnificence debuoit assister & honorer le mariage de sa fille.

Pansavias.

On pourroit amener plusieurs exemples semblables hors des histoires des autres contrees, veu qu'il n'ia rien plus commun & ordinaire en toutes nations, que les afslictions des grands Royaumes & Seigneuries, & l'extreme perdition & ruine des Princes & Rois mesmes, pour auoir porté trop grande affection & faueur particulierement à aucuns meschants & du tout indignes d'vne telle grace. Chose à la verité tant commune & experimentee, qu'elle pourra bien sembler estre l'vn des plus remarquables rochers, contre lesquels tous Roys & grands Princes sont leurs naufrages.

Car si nous regardons de bien pres les estats & Monarchies de nostre Chrestienté, & balançons en nos entendements les ruines suruenues à quelque Prince & Seigneur dedans les bornes d'icelle, nous trouuerons pour certain, que ce poinct tout seul a esté la plus grande & principalle occasion de leur desastre & calamité, & quant à nostre pays & estat à part, la chose n'est que trop claire & euidente. Car là où nous comptons depuis la conqueste trois iustes & legitimes Roys auoir

esté principalement ruinez par l'alienation des cueurs de leurs subiets en leur endroit, asçauoir Edouard second, Richard second & Henri sixi-Edouard le 2. esme: ce seul poince de trop fauoriser quelques Richard le 20 meschants &deprauez à l'entour d'eux, leur a principalement procuré & pourchassé ruine & destru ction. Come au premier des trois feit la faueur ex cessiue qu'il portoit à Pierre Gauesté & aux deux Speucers. Au second pareillement l'extraordinaire & folle affection qu'il eut enuers Robert Vere Comte d'Oxenford & Marquis de Dubline, & enuers Thomas Moubray, deux seditieux & meschants hommes qui meirent debat entre le Roy & ses propres oncles & l'autre noblesse du pays.

Quant au troisiesme (qui estoit homme simple Hemy le 6. & sainct) combien qu'il ne pechast pour estre d'extreme affection enuers quelqu'vn en particulier, ce neantmoins la trop grande faueur que sa femme Marguerite (laquelle il ne corrigeoit point) faisoit au Marquis de Suffolk, qui fut apres cree Duc, (par l'instigation & mauuais conseil duquel elle feit depescher premierement le noble Duc de Glocestre, puis feit autres actes au grand preiudice du Roiaume) donnant liberté à ce meschant & execrable Duc de ranger tout à sa voloté, & traicter toutes sortes de subiects à son plaisir, quasi à la mesme façon de nostre Comte de Lecestre, Hist. Angli. mais non en vn si hault grade de domination. Ceey (dis-ie) fut la source & principale cause, deuant Dieu & les hommes (comme Polidore le tesmoigne) de toute la calamité & extreme desolation, qui auint apres ce bon Roy à la Roine mesme sa

femme, & à leur vnique enfant auec l'extirpation & ruine de leur famille.

Pour donc parler maintenant en mesme sorte de nostre cas en particulier, s'il y a pour le jourd'hui quelque mal-talent, mescontentement, grief ou desplaisir, quelque murmure, contradictió, regret & complainte imprimée aux cueurs de ses vrais & loyaux suiects qui souhaitent la reformation de ce qui est en mauuais estat, & non la subuersion de ce qui va bien (comme à mon opinion il n'ya pepsonne tant mal auisee que de dire qu'il n'y ait rien du tout) sily a, dy-ie, telle chose cotre le gouvernement moderne de sa Majesté aux cueurs de son peuple, ie l'ose hardiment affirmer & auouer, de ce que ie sçai en conscience, que ou le tout, ou la plus grande partie vient de cet home icy. Lequel soubs les aisses de la faueur de sa Majesté afflige le peuple plus que ne seirent oncques deuant luy Gaueston, Speucer, Vere, Moubroy, ou quelque aute tyran, tant meschant qu'il air peu estre, aiant abusé en nostre roiaume de la faueur de son prince.D'où il appert cuidemment, combien de profit, honneur, & contentement cet acte tout seul, apporteroit au roiaume, à sa Majeste, & à tous ses subiets, à sçauoir que cestuy nostre braue Comte fust au moins apres tant d'annees passes, force maintenant à rendre compte de les actions.

Vous auez grande raison (dit le Legiste) & vrayement ie suis d'opinion, que si sa Majesté ne seauoit que la dixiesme partie de ce que vous alleguez, auec les desirs & regrets de ses bons suiets

en cet endroit, elle donneroit bien à cognoistre, qu'elle ne craint de permettre que iustice ait lieu aussi bien à lendroit de Lecestre, que de quelque autre subiet dedans son roiaume, pour la satisfaction & contentement de son peuple, quoy que lon pense ou die au contraire, ou que de sa naturelle bonté & sincere affection enuers luy, elle l'ait supporté iusques à maintenant. Car nous voions que les princes sages & aduisez peuuent ainsi faire, quad la saison le requiert, pour la paix, traquillité, & bien public, bien que ce soit aucunement contraire à leur propre inclination.

Et pour n'aller plus loing cercher d'exemples, qu'au dernier seulemet par vous allegué, nonobstant que la Royne Marguerite semme du Roy Henry sixiesme eust l'espace de plusieurs annees malheureusement fauorise ce meschant Guillaume Duc de Suffolk, (comme il a esté recité) de façon que soubs l'ombre de telle faueur le meschat feit beaucoup de maux & outrages bien grands au roiaume en diuerses sortes: Ce neatmoins estat femme de grande prudence, quand elle veit que tout le peuple demandoit iustice contre luy pour ses forfaits & demerites, l'affectió & amitié qu'elle portoit à l'homme l'empescha de satisfaire aux complaintes & remonstrances generales de tout le peuple selon droict & raison. Et pourtant elle le feit premieremét mettre en prison, puis le feit bannir hors du Royaume. Mais la prouidence de Dieu ne voulut qu'il eschappast à tant bon marché. Car estant assailly sur mer, & pris en se deffendant, il fut decapité dedans son Nauire, & ainsi receut quelque portion de la punition deile à sa meschante & desordonnee vie.

Et pour ne chercher plus d'exemples en ce cas icy, nous sçauons bien en quelle faueur & grace messire Emond Dudley pere grand de Monsieur de Lecestre estoit chez le Roy Henry septiesme sur la fin de son regne, & combien de meschancetez intolerables il feit à tout le Royaume en general, & à quelques personnes en particulier, foulant, greuant, & accablant quasi le peuple par ses inuentios & practiques, desquelles sienes pra-Aiques, bié que le Roy pout lors en receut grads prousits temporels, (là où sa Maiesté de present ne gaigne pas vne maille par les extorsions de ce bon Comte son nepueu) Toutesfois pour satisfaire à la Iustice, & pour la compassion qu'il eut de son peuple se plaignant fort d'vn tort & iniure si grande: Ce tres-sage & bon Princele Roy Henry septiesme, fut bien content d'abandonner vn si mauuais homme, & tres-meschant inuenteur des exactions nouvelles. Et son fils le Roy Henry huictiesme luy succedant à la Couronne le feit sommer à rendre compte de ses actions au commencement de son regne, & pour ses demerites, sans aucun delay, luy feit trancher doucement la teste. De façon que lors que l'interest d'vn Royaume en general, où la commune cause de plusieurs va, la faueur particuliere d'aucun ne peut retarder vn Prince & droicturier (tel que tout le mode sçait bien estre sa Majesté) qu'il ne permette Iustice auoir son cours & lieu. À la verité elle ne deuroit estre empeschee ny

retardece (dist le Gentilhomme) car à telle sin les Princes ont esté premierement esseuz & en telle consideration& esgard le peuple leur paye tribut & preste obeissance, à scanoir qu'ils le defendent des torts, iniures, & oppressions, & qu'ils feissent executer les loix, & administrer Iustice à vn chacun indifferement & sans aucune passion.

Et quant à ce que nous disons de Monsieur de

Lecestre, ie ne sçaurois comprendre selon droict & equité, comme sa Maiesté puisse nier vne requeste tant raisonnable & iuste à son peuple. Car Ma Majesté ne permet seulement ains plustost commande, que lon face lustice, contre les larros & meurtriers sans aucune exemption, & ce pour vn seul crime ou faict, comme nous voyons tous les iours par experience: Comment est il possible qu'elle soit niée pour le regard de cestuycy, qui en toutes les deux especes a commis des actes plus enormes qu'on ne les sçauroit exprimer?

Quant à la premiere espece, à sçauoir le larcin, il l'a comis non seulemet pour auoir pille vne infinité d'hômes priuez, mais aussi des bourgs, villages, comunautez & Cotez entieres, foule le Roy- Les larcins de aume auec ses licéces desordonees: fraudé la cou- Lecestre. ronne auec ses chages & traficques trop dommageables des terres du domaine: abusé de la trop gra de faueur de sa souueraine en la védat au plus offrant dedas & dehors le roiaume, faict plusieurs concussions, prenant argent & dos, pour corropre la Iustice, par grace, requeste, supplicatió, ou autre poursuitte & proces cotre l'authorité de la Cour, & puissance absolue de la Royne, pour auoir mis

en vente & trafficqué en plein marché tout ce que sa Majesté peut donner, faire ou procurer, soit en choses spiritueles, ou en choses temporeles. En quelle espece & maniere de trasseque, il faiet sou-uentes fois plus de larcins en vn sour, que ne sont tous les volleurs, guetteurs de chemins, coupeurs de bourses, assenteurs, pirates, ou tous les autres du mesme metier en vn an.

Lesmeurtres de Lecestre.

Quantà l'autre espece, à scauoir meurtre, vous en auez desia ouy quelque chose, & encore ce n'est rien au regard de ce que l'on pense auoir este faict secrettement, par des occasiós qui se sont aucunefois presentees en diuerses personnes tant hommes que femmes differents en estat, & par des moiens bien variables de tuer, empoisonner, charmer, ensorceler, conjurer, & autres belles praétiquessemblables, selon la diuersité des hommes, lieux, opportunitez, & instruments propiees à tels exploits. Par tous lesquels ensemble, ie pense qu'il y a plus de sang sur sa teste auiourd'huy, qui crie & demande vengeance à Dieu & à sa Majesté contre luy, qu'il n'y eut oncques contre homme priué en nostre pais, tant meschant & execrable qu'il ait esté. Ausquelles meschancetez & enormitez trop insuportables, si nous adioustons tous ses autres braues deportemens, comme sa licence intolerable en toute sorte de vilaine & desordonce lubricité, sans faire distinction des femmes matrices, des amis, parés & autres, si nous y mettons aussi les iniures & deshonneurs qu'il a fait en cet endroit à vne infinité de personnes, si nous ne mettons en oubli ses trahisons, tricheries & conspirations, contre la Courronne, ses traistres & dessoiaux deportements & malice contre sa Majesté, ses menteries & pariurements ordinaires en toutes choses faisans pour son prousit, soient grandes, ou petites, ses pilleries & extorsiós tresuiolentes practiquees contre les pauures gens? Ses façons d'abuser du Parlement mesmes & de tous autres lieux de iustice, voire de la noblesse, & de tout le menu peuple du Roiaume? Ses iniures manifestes lesquelles il fait tous les iours à la religion & ministres d'icelle, en les dismant (pour le dire ainsi) & en tirant tout à son particulier prosit: ioint la manische tyrannie laquelle il exerce à lendroit de tous estats par toutes les contrees & endroits du Roiaume, le degast quasi & destruction de toutes les deux vniuersitez, en descourageant tant de bons esprits de poursuiure leurs estudes, & attaindre à quelque perfection & doctrine (en laquelle ils pourroient autrement exceller, principalem ent quant à la parole de Dieu qui donne vie à l'ame) en les fraudant & frustrat du prix & deue recompense de leurs labeurs en telle vocation, à cause de ses contrats & pa-Aions simoniaches desmesurees &par trop excessiues, dont il fait traffique? Si (dis-je) nous faisions vn catalogue de toutes ces enormitez, & le presentions à sa Majesté, auec plusieurs autres particularitez lesquelles on pourroit recueillir, & qui seroient bien tost recueillies, s'il y auoit quelque espoir, qu'il eut assignation du jour presix pour respondre & se desendre, ie ne voy | se selon le discours de raison & equité, comment sa Majesté estant assise dedans son throne & siege Royal de Iustice pourra nier à son peuple cette leur tant iuste & legitime requeste, veu que chacun de ces crimes à part de sa nature & qualité demande Iustice, & à plus sorte raison tous ensemble, desquels il n'y a bon & droicturier magistrat au mode qui vueille faire dissiculté ou doubte aucune de commader que iustice exemplaire soit saicte.

l'Escholier.

Il ne faut pas doubter (dis-ie) que ces considerations ne doibuent auoir grade force à l'endroict de quelque Prince zelé, & beaucoup plus enuers sa Majesté, le cœur & l'affection de laquelle est tant bien congneue & experimentee à lendroict de son Royaume & subiets. Aussy n'est il pas vray semblable que sa Majesté n'ait dessa intelligence d'aucuns de ces particularitez, iaçoit qu'elle ne soit à l'aduanture instruicte & certioree du tout. Mais que voulez vous qu'elle sace? Peut estre que nous auons icy à considerer non seulemêt ce qui seroit conuenable, mais aussy ce qui est expedient: non ce qui se doibt faire selon droict, mais plustost ce qui se peut faire en soureté.

Vous auez dessa discouru de la grandeur de mosieur de Lecestre comme il est fourny & fortissé
pour tous euenements: Que direz vous s'il ne fait
pas trop seur d'abbayer à l'Ours si bien garny &
couuert par le derriere? Ie ne vous dy chose que
ie n'aye ouy à Cantabrige & ailleurs ou ie me suis
trouué: où chascun est d'opinion, qu'il n'est pas
en la puissance de sa Maiesté pour le jourd'huy de
faire en cas endroist ce qu'elle voudroit bien.

Ie içay bien (dist le Gentilhomme) que les adherans & amis de Lecestre, font bruire par tout que sa Maiesté est prisonniere de leur bon Scigneur, & que pour le temps aduenir, il faut que bon gré malgré qu'elle en ait, elle se laisse conduire & gouverner par luy, si elle ne veut faire pis. Et sa Seigneurie est bien contente qu'on face ainsi courir le bruict, & que l'on y adiouste aussy foy, pour deux raisons. L'vne est afin que par ce Lecestre vousmoyen le peuple air plus grand peur de luy que droit que le de la Royne mesme, & l'autre est par consequent monde sut afin d'attirer sa Maiesté petit à petit à le craindre. sa Majestéle Car considerant en soymesme ce qu'il a faict, & craine qu'il ne luy sera possible d'estre iamais en tel credit enuers sa Maiesté, qu'autrefois il a esté mesmement à cetheure que tant de ses supercheries & desloyautez sont venues à congnoissance (ce qu'il sçait fort bien) Il se persuade que c'est qualison dernier refuge & seurete, de faire ainsi publier sa grandeur & force, afin que par quelque frayeur de sa puissance, il tienne sa Maieste aucc tout son Royaume en seruitude & subiectió, comme deuant luy a faict son pere. Et pour autant qu'il a bonne souuenance de ce que Cicero dict, Malus custos diuturnitatis metus. La crainte n'est pas de longue duree, il luy faut en diligence mettre ordre que ceux la qui le craignent, n'ayent pas le moyen & commodité de luy faire mal. Quoy faict, vous sçauez bien ce qui en doit ensuiure, par l'exemple du Roy Edouard sixiesme, qui eut fort grande peur du Duc Dudley pere de nostre Comte, pour ce qu'il auoit dessa faict trancher

les testes à ses deux Oncles. Et pour luy oster le moyen de s'en venger, vous sçauez bien comme le Duc traicte le ieune Roy. Car c'est vne maxime arrestee de Machiauel, (lequel les Dudleys suivent comme leur maistre d'escolle. ¡Qu'il ne faut iamais espargner celuy à qui vous aurez fait grande iniure.

Zecestre Ma. chiquelian.

Mais ie vous diray bien vne chose (mes amis) & ie la diray sans mentir, pour bien sçauoir ce que ie veuxdire, & pour n'estre ignorant de l'estat de Monsieur de Lecestre en ce tendroit sçachant austi quelle opinio le monde à de luy, & qu'elle affection on luy porte par tout le Royaume.

C'est chose toute certaine qu'il est puissant à cause de la faueur presente de la Royne, comme il à esté demostré. Et que pour ce regard il est costitué come maistre & chef de la factio de Huntington, & non pour quelqu'amour que telle faction luy porte, ou pour quelque grande confiance que l'on ait de luy. Mais quand sa Majesté aura vne fois detourné quelque peu son visage de luy à bon escient, & ne dira que ce mot seulement. Que lon face iustice de luy. I'ose bien promettre sur ma vie & tous les biens lesquels Dieu m'a donné, que sans murmure, tumulte ou danger quelconque, l'ours sera au commandement de sa Majesté, & tout incontinent attaché à vn posteau, auec sa museliere, corde, cheuestre, anneau &toutes autres choses requises en tel affaire. De sorte que sa Maiesté aura bien la commodité de le voir assailly & bien harasse à son plaisir, sans aucun danger ou crainte du mal, qu'il puisse faire

en mordant, en se dessiant ou parautre accident

quelconque.

Car il vous faut penser messire) que tout ce que cet homme fait par tout le Roiaume, toute la grandeur qu'il tient, n'est que par violence tant seulement, & ce soubs les aisses de la faueur & cotenance de sa Majesté enuers luy. Il ne tient rien qui luy soit propre, ny de sesancestrez, ny de soymesme, pour s'y arrester, selon la conception & imagination des hommes. Il n'a point de noblesse ancienne (comme plusieurs autres ont au Royaume) pour esmouuoir les affections des hommes enuers luy, son pere Iean Dudley fut le premier noble de sa race, lequel s'est esseué & aggrádi en supplantant les autres, & mettant discorde

entre la noblesse du païs.

Tout ainsi que son pere grand Emond Dudley, pour estre meschat acheteur, & miserable trafficqueur des nouuelles inuentions, l'estoit enrichi de la perte & ruine des autres: Estant à la fin de tousleurs beaux exploits condamnez de crime de trahison tous deux, bien qu'ils fussent differents de qualité, Le pere Emond estant vn grand affroteur de toute la republicque, & le fils Iean Dudley estant Tiran contre son Roy & patrie: Et les vices de tous les deux auec vne infinité d'autres estants assemblez & conjoincts en cet homme ici, ou plustot beste, Robert leur fils, troisiesmede leur race & lignee: de sorte que ce bon my Lorde ne prend ni honneur, ni honestete de ses maieurs ains leur succede seulement en trahison & infamic.

LAVIE

Toutesfois de soymesme il n'a pas tant de boté, pour lui pourchasser l'amour & credit des homes, qu'auoient ses ancestres. Car il s'est despouillé de toute vertu, l'abandonnant de tout à meschaceté, voire telle, qu'il réd les hommes odieux & à Dieu, & au monde. Lon pourroit veoir, sans doubte, plusieurs bonnes parties en son pere, s'elles eussent estre accompagnees de la foi, honnesteté, attrempance, & loiauté. Car tout le monde sçait qu'il estoit homme d'esprit valereux, magnanime, liberal, & ami asseuré, & parfait de ceux à qui il en auoit fait promesse. Desquelles vertus ce my Lorde son fils nany monstre, ny ombre, sinon quelque faulse representatio de la premiere, estant sin & ruse pour tromper, & fait tout à meschanceté. Car quant à sa valeur & prouesse il en a autat qu'vn rat. Sa magnanimité, & force confiste en vne basse & abiecte vilenie, sa liberalité en pillerie & rapine, son amitié en fraude & deception, ne latenant iamais sinon pour son gain, quad il l'auroit confirmé d'vne infinité de serments, desquels, pour vous en dire la verité, il ne fait plus grande estime, que fait vne poule de son caquet, ains s'en sert tant seulement pour son prousit, & en vse lors principalemet & en plus grand nombre, qu'il tasche faire de plus grandes tromperies & trahisons. Ce qu'il faut noter & obseruer specialement lors qu'il iure par son George, ou par le Dieu eternel, car vous vous pouuez bien asseurer lors qu'il ment à bon escient. Car lon l'a remarqué par observation des serments mentionnez en la Cour. Et en sa maison quelquesois il a

Les sermens de Lecestre. il a accoustumé en mesme saçon de prendre en sa main la bible, & de iurer sur elle de mesme intétion. De saçon qu'vn gentilhomme de bonne reputation, & qui semble suiure son train (comme font plusieurs qui ne l'aiment pas beaucoup) m'a protesté sur sa notice qu'en vn bien petit espace de temps il l'a remarqué sçachant & voulant se

pariurer par seize fois.

Or donc puis que cet homme est si vil & contemptible à cause de ses Ancestres, tant odieux de soy mesme, tant plongé, & abismé au goulffre infame de tous vices, tant hay en Cour, tant detesté aux champs & par rous les autres endroits du pays, & non creu de ses plus chers amis, ny de ses propres seruiteurs, ains (chose qui ie sçay estre vraye) qu'il leur est rat mal plaisant, & en si grande hame, à cause de sa vie brutale, sa chicheté & Atheisme, (pour n'auoir iamais encore esté veu dire vne seule oraiso priuce en sa châbre en toute sa vie) qu'ils ne souhaitent chose plus affectueusemét en ce monde icy, que sa ruine, & qu'ils puissent estre des premiers qui l'empoignent, pour s'en venger. Il est impossible à moiugement, que sa Majesté & sage Conseil craigne vn tel rompu & par dehors & par dedans. Ou si d'auanture ils ont peur de luy, c'est vne permission de Dieu sans autre cause quelconque, que pour la punitio de noz pechez. Car si ce bon Apostre de Comte voit vne fois, qu'à bon escient ils le craignent, il les traitera à l'auenant & iouera son tour d'ours. Duquel inconuenient (comme ie pense)ils aurot soin, & tascheront de preuenir sa malice. Ce que ie laisse à leur discretion, & au vouloir de Dieu: priant à Monsieur de Lecestre me pardonner de ceste mienne hardiesse d'auoir esté vn peu rond en son endroit. Et ainsi mettat sin à mon propos, ie vous prie que nous allions souper, car ie voy mo seruiteur attédant à l'huis de la gallerie, pour

nous y appeller.

Ie suis bien cotent de vous accorder cela (distle Legiste) de bien bon cœur, & voudroy que vous en eussiez parle plust ost, car i'ay peur que quelqu'vn ne nous air ouy, discourants en ceste sorte depuis qu'il est nuict. Quant à ma part, ilfaut que ievous die, que ie n'ay pas esté en vne tele conference, il y a bien sept ans, & ne suis pas deliberé d'y estre cy apres, si ie peux eschaper pour ceste fois icy. En quoy (ie m'asseure) que le songeray quinze iours, & penseray plus souuent en monsieur de Lecestre que ie ne pensoy pas, Dieu le vueille amender & moy aussi. Mais si i'oy iamais parler de ces choses icy par le recit d'autruy, ie m'asseure que ce me fera auoir grand peur, & penser que chasque buisson que ie verrésera vn voleur. Et à ces parolles la Dame de la maison nous vint appeler pour aller souper, de façon que nous ne sonnasmes plus mot, sinon qu'estans en table vn Gétilhomme ou deux commencerent de rechef à parler contre monsieur de Lecestre, ce qu'ils feirent si conformement à quelques points de nostre premier deuis, & colloque, (comme à la verité l'onne parle quasi d'autres choses à table par tout) que le Legiste commença quelque peu à pallir, ce qu'il demonstra assez par regards non gueDE LECESTRE.

res plaisans, lesquels il ietta sur le Gentilhom-me nostre amy, se doubtant que quelque chose de nostre conference cust esté descouuerte, mais ce n'estoit rien.

FIN.

ADDITION DV TRANSLATEVR

où sont declarez plusieurs actes enormes & indignes de Chrestien commis par le mesme Lecestre, desquels on a nouuelle cognoissance & aduertissement de iour à autre.

图A vie abominable & meschante, de ce mostre de Cote est tellemet espluchee. recerchee, & deschifree en ce discours & conference precedéte, qu'il te pourra sembler chose estrange (amy lecteur) que l'on y puisse adiouster quelque chose d'auantage. Mais la mer ou plustost l'abisme de ses pechez est si creuse, qu'il n'est possible d'en souder la profondité: & sa vie plus que brutale, & les iniures qu'il a faictes à toute maniere de gens sont telles. & en signand nombre, qu'il n'est possible d'en tirer parfaicte cognoissance, sans faire vne assemblee generale de tout le peuple d'Angleterre, pour par ce moien ouir ce que chascun en dit en particulier. Parquoy tout ce qui se pourra commodemét faire en cet endroit, ne sera autre chose, que (pour plus embellir, & mieux parfaire l'histoire de sa vie) d'y adiouster deiour à autre telles sienes actions, que le temps nous pourra descouurir, en quoy, tout ainsi que ie me suis acquitté de mon deuoir en cette mienne traduction & additions. aussi feront les autres en brief (à ce que ie peux entendre) es editions latines, & italiennes de ce liure, si tost qu'ils pourront receuoir des plus amples aduertissements d'Angleterre, la ou lon en a desia recueilli (comme i'entends) vne bonne quatité, qui sera tousiours augmétee de plus en plus:

car sa Seigneurie met si bo ordre en cet endroit, qu'elle ne veut pas que ce subiet manque aux escriuains, estant tellement enyuré de la volupté de sa vie toute sale & vilaine, qu'il desgorge quasi tous les iours la crapule mesme du peché, & vomit de iour à autre tant d'ordure & en si grande varieté, qu'il donne occasion plus que suffisante, à toutes langues d'en parler, à toutes mains d'é escrire, & à tout le mode de sen esbahir. Mais afin de ne vous detenir plus longuement en cet auant propos, & vous faire entrer en matiere, ie proposerai en premier lieu (pour gratifier au lecteur François, & luy donner a entendre, quelle affection cebon Seigneur porte à la nation,)comment il s'est traitreusement porté en Flandres enuers Monsieur fils & frere des Rois treschresties. ce qui sera de si bonne mise (comme ie pense) qu'il sera receu par toute la France, pour acte de vray poultron.

Donques quand apres vne grande & bien longue consultation sur le traicté de mariage entre de Lecestre Monsieur & la Roine d'Angleterre, il fut en fin enuers Monarresté & conclu de convertir cette negotiation sieur frers du en vne entreprinse sur le pais bas, ce bon Apostre Roy. de comte, pensant son credit beaucoup amoindri, sagloire obsurcie, & tout le proiet de sa Roiauté future en hazard d'estre renuersé par vne trop logue demeure de son Altesse en Angleterre, fest monstré si enclin à ce voyage de Fladres, qu'il feit offre de tout deuoir & seruice, pour l'auacement de l'etreprise, & de fait se presenta à Mosseur pour le seruir & conduire en personne audit païs, pro-

bie il s'affioit en la bonne foy de la Roine, & en la debonnaireté de son peuple, dont i'ose bien dire que la Roine d'Angleterre a receu plus d'honneur, à l'opinion de tout le monde, qu'elle n'a iamais fait en quelque negotiatió qu'elle ait iamais cue auec quelque prince que ce soit? Ce que sa Maiestéscar ie le dis à son honneur) auec toute l'aciéne & principale noblesse du pais semble auoir bien consideré, en faisant à son Altesse tel honeur & entretien, qu'vn si noble prince, faisant offre si liberale de son amitié & alliance, auoit bien merité. Car il n'y auoit personnage d'honneur & de marque au pais, qui ne fust bien content & aise de cette si belle alliance, hormis seulemet ce mostre auec ses complices, lequel aiant desia de long téps proietté en son esprit de faire tomber la couronne d'Angleterre, quelque iour sur sa teste (come en la conterence precedente est demonstré) &. preuoiant l'aneantissement de tous ses complots & desseins si vn tel mariage & alliance sortoità effect, il sy opposa par tous les moyens & ruses secrettes dont il se pouvoit aduiser, desguisant toutes fois & couurant, tant que luy estoit possible) ses desseins & mences, de toute sorte de ruses, tromperies, menreries, distinulations, & flatteries, monstrant aussi bon visage à Monsieur, que feit Iudas lors quand il baisoit son maistre, ce pédant qu'ailleurs ses instruments & boutefeux (les puritains & autres) murmuroient, grommeloient semoient des libelles diffamatoires, babilloient, & prechoient en pleine chaire, contre son altesse & tous les François:voire luy mesme, auec ses coplices consulterent & arresterent entre eux mesmes

de se rebeller ouvertement en cas que ce mariage la sust accordé & paracheué. Et qui plus est, sa
malice à l'endro it de Monsieur sut si grade, & sa
haine si implacable, qu'apres, quand il n'auoit
cause de plus craindre son mariage, son Altesse
estant desia partie d'Angleterre (comme il est dit)
il ne laissoit pas alors de monstrer les fruicts d'vn
cueur selon & malitieux, cerchant toutes occasions & moiens soubs pretexte de sidelité & seruice promis, de destourner & aliener de son Altesse, les cueurs de ses honorables amis, sans respecter ny la consiance que monsieur auoit en luy,
ny le commandement de la Roine sa maistresse,
ne ses propres promesses, consirmees d'vne insinité de serments & protestations.

Regardez donc & contemplez bien icy, des yeux de vos entendements (lecteurs beneuoles) vn autre Catiline excessif en ambition, en malice plus que monstrueux, traistre outre mesure, pariure deuant Dieu, & pourtant digne d'estre detesté

de tout le monde.

Mais vous me dites (peut estre) que ce bon côte n'estant pas fourni d'honnesteté & sincerité, sinó en tant seulement qu'il luy en faudroit necessairement employer en faueur de ses parens & amis au pays, auoit grande raison de n'en faire prodigue liberalité à Monsieur, lui estant estranger & forain. Mais si d'auenture, il n'est trouvé moins dessoial à ses amis, que malicieux enuers ses ennemis, ny moins ingrat à ses parens, que trompeur dissimulé à l'endroit des estrangers, ie pense que vous ne serez pas grande dissiculté de conclure

auec moi qu'il est le plus grand monstre d'home qui viue sur la terre, ce que ie demonstrerai trese-

uidemment par cest exemple.

Mefsire henwie Dydney Lecestre.

Il aduint que messire Henry Dydnei, pere de celuy duquel nous auons n'agueres parlé, & beau Beaufrere de frere de ce bon comte (car il a espousé sa sœur) & conseillier du conseil priué de la Roine aussi bien que lui, s'estant deuement informe de maintes extorsions, vsures, concussions, fraudes, & autres telles enormitez commises par vn quidam appel-

Leorte Enefque pretendu

lé Scory Euesque pretendu de Hereford en Ande Hereford, gleterre (vieil apostat & moine renie, qui fait il y a vieit apostat. long temps, plus de scandalle, que de seruice, à la religion angloise) esmeu & poussé du zele de iustice presenta par escrit aux Seigneurs de la chábre de l'estoille vne complainte de tels excez contre le dit Scory, ne doutant point que consideré l'honneur & grandeur d'vne telle Cour, iustice ne fust bien tost faicte contre vn transgresseur si tresmanifeste. Mais l'affaire eut telle yssue, que iaçoit que Monsieur Dydnei eut emploie tout son credit & amis à la poursuite du proces, ce neantmoins, ce bon comte son beau frere se porta si finement enuers la Royne, (à laquelle, sans faulte, il à soubs quelque honneste couleur esblouy les yeux) que par commandement expres il fut defendu'à la Cour de s'entremettre plus de tel negoce, & la decission remise au jugement & arbitrage de quelques autres Euesques & ministres, copagnons & freres en Christ dudit Criminel, lesquels abismez au zele de la maison du Seigneur. ont iugéestre necessaire de supporter, & couurir

quelque peu l'infirmité de leur fragile frere de peur de scandalizer l'Euagile, de façon que le tout a esté, ie ne sçai commet depesché entre eux, mais ie sçai bien que l'apostat fut renuoié sans aucune punition exemplaire. Mais si vous auez enuie de sçauoir ce qui esmeut ce cote, de s'opposer si opiniastremet à son beau frere, pour fauorizer vn vilain si detestable en vne querelle si meschate & in iuste, certes pour vous dire tout en vn mot, quid no mortalia pestora cogis auri sacra fames? O detestable faim d'or qu'est ce que tu ne forces les hommes à faire? Car Scory practiqua si bien, & feit ion cas si sagement, que la Dame Lettice femme du Comte fut assaillie de quelques milliers d'angelots, la- Dame Lessie quelle (pauure femmelette qu'elle est) se trouuant femme de Le trop debile pour resister aux efforts d'vne telle cestre. armee, si grande, si bien rengee, & de si belle mon stre, ne s'est seulement rendue prisonniere sans faire relistance, mais faisant entendre à son Robin les grandes forces de l'ennemi, elle l'a aussi induit sans grande difficulté de se rendre esclaue auec elle à la mesme fortune, ce qui n'est de merueille, veu que sa destince a tousiours esté telle que pour valeureux & adroit qu'il s'est monstré en autre endroit, ce neantmoins, quand il a esté question de combatre en champ clos quelque do ou bribe d'or, il a tousiours fait la canne, & s'est honteusement rendu sans coup ferir, come vous voiez à l'œil en cest exemple, duquel le contenu a esté decelé par le fils mesmes de l'Euesque, & ne deuez trouuer estrange que ie l'appelle son fils, puis que le ministre d'Angleterre n'est pas ste-

leune Scory le fils de l'apostat.

rile, ny oisif, ains (graces à Dieu) fait des enfans à force au nom du Seigneur, & ainsi croist & multiplie à merueilles, mais comme ie vous disoy, ce ieune Euesque, ou à tout le moins, le fils & heritier de l'Euclque pretendu, estant venu à Londres auec le Reuerend prelat, pere son dit à vn de ses plus familiers amis, qu'ils auoient apporté auec eux plus d'argét (pour liquider & clorre leurs contes auec Madame de Lecestre pour cet affairedonti'ay parle) qu'il ne voudroit consumer en sept ans au ieu des dets, quand il ioueroit (par maniere de dire) de tout son reste: desquelles paroles, ceux qui cognoissent l'humeur & disposition de ce bon fils de prestre pourront facilement coniecturer que la somme n'estoit petite, carie vous asseure, c'est vn aussi gentil compagnon & (louange au Seigneur)aussi braue & adroit au ieu des ders, cartes, & autres exercices du bas mestier, que le ministre d'Angleterre de log temps à produit.

Mais pour venir au dernier acte de cette comedie: mon bon Seigneur de Lecestre faillant
quelque peu en la conduitte de cet affaire, ne l'a
pas manié si finement, que toute la pratique ne
fust descouuerte, & vint à la notice de messire pidney son beau frere & de plusieurs autres ses amis,
nommément du Comte de Pembroke beau sils
dudict pidney, & par consequent nepueu par mariage à Lecestre mesme, lequel print vn tel tour
en si mauuaise part, que ne le pouuant autrement
dissimuler, dict tout à plat à ce grand Seigneur
son oncle, que si par son moyen le cours de droit

Le Courte de Pembrolze mepucu de Lerestre parmamage. & de iustice, auoit esté empesché à l'endroiet du fuldict Euclque pretendu (comme plusieurs iugeoient qu'il en estoit cause) il estoit despourueu de tout honneur & honnesteté: en sorte que ce bon Seigneur se voyant ainsi surprins, & ne sçachant de quel bois faire fleches, a trouué le plus expedient pour maintenir son credit, d'accumuler peché sur peché, & masquant sa corruptió du voile de pariurement, renier tout le fait par grads serments & execuations: mais toutes ses feintes parolles ne pouuoyent satisfaire au Comte son nepueu, ny l'empescher de dire apres, à vn sien amy que son oncle estoit une beste desloyal à ses parents & du tout ingrat à ses amis, par l'aliance duquel (disoit-il) i'ay despendu, & suis empire' de soixante mille escus, sans auoir iamais encore receu de sa part honneur, aduancement ou autre plaisir quelconque, lesquelles parolles sortants de la bouche d'vn personnage si honorable & si prochain allié de nostre Comte (comme est mon Seigneur de Pembroke) me semble estre de pois & suffisantes assez, pour auerer la conclusion promise, à scauoir que ce monstre d'homme n'est moins desloyal & trahistre à ses parens & amis, qu'aux estrangers & autres qui ne le touchent en rien:ce qui apparoistra encore mieux au discours suiuant, où sera aussi manifestee yn autre sienne infigne meschanceté

Il y auoit vn quidam appelé Appleyard, gen- Appleyard tilhomme de bon lieu, & frere de la premie- beau frere de re femme de ce galant (mais ce nonobstant vn des Lecestre. organes, qui furent pratiquez pour la faire mou-

rir dont est faict mention en la conference precedente) lequel par le juste jugement de Dieuse trouuz chargé de tant de dettes, que ne sçachant autre remede pour eschapper des mains de ses cre diteurs & de la iustice, il fut contraint d'auoir recours à l'aide & support de ce Côte son beau frere, lequel estant de sa part content de le soulager en telle necessité (mais que ce fust sans ses despes) sollicita vn autre de ses fauorits, nommé George Darcy (gentilhomme descendu de maison honorable) qu'il feit tant à sa requeste, en faueur de son compagnon Appleiard, que de vouloir respondre, & estre plege pour luy, promettant à Darci sur son honneur de le desdommager, & rédre indemne de toutes perres, & amendes de lustice lesquelles il pourroit encourir par telle caution. Darcy s'affiant de la parole & honneur d'vn si grand monarque (comme estoit ce bon Comte son Seigneur,) ne feit pas grande difficulté d'y condescendre, & de fait se constitua caution pour Appleiard, enuers ses creanciers, lesquels n'estants satisfaicts ny contentez de la part dudict Appleiard selon sa promesse, intenterent action contre Darcy, le contraignants pour leur payement de vendre tout le patrimoine que son pere luy auoit laisse, & le tout n'estant suffisant pour l'entier payement, luy feirent tenir prison pour le reste, de façon que le pauure gentilhomme fut contraint demeurer pour vn bien long temps en prison despouillé & de biens & de sa liberté, inuocquant tousiours son bon Seigneur le Comte par la solicitation de ses amis, & le suppliant en

George Dar

toute humilité d'auoir cousideration de son pauure estat, & si la commiseration de sa calamité, ou respect de son service passé ne suffisoit pour le mouuoir & induire à pitié, qu'il luy pleust à tout le moins faire quelque chose pour son honneur mesme lequel il luy auoit engagé pour son indénité. Mais ce bon Seigneur Comte qui l'auoit reduit en si piteux estat (comme vous auez entendu) se soucioit si peu, s'il nageoit sur l'eau ou alloit en fond, qu'il se contentoit d'ouir ses complaintes sans compassion, de contempler sa ruine sans pitié de le laisser à la misericorde de ses cre diteurs, & parainsi l'abandonner du tout à vne si grande extremité & ruine finale: ce que le pauure gentilhomme sent trop bien auiourd'huy(s'il est encore en vie) laissant un regret insupportable'a ses amis, vne escorne à sa famille, & restat Iui mesme spectacle au monde & tesmoignage treseuident de l'ingratitude, tromperie, & traictement plus que barbare de ce monstre.

Mais en cecy faut considerer la iustice diuine: Ce Darcy aiant esté autresfois l'instrument des meschancetez de ce monstre, l'a trouué en fin le seul motif & autheur de sa ruine:Car il faut que vous entendiez, que du commécement du regne de la Roine à present regnante en Angleterre, le Duc de Suede(& depuis Roy dudit pays) vint en Angleterre en personne pour la demander en Le Roy de mariage, mais nostre Comte, qui visoit au mes- suede. me but, pensant la presence d'vn tel competiteur luy estre trop desauantageuse, ne le peut aucunement endurer, & pourtant trouue vn expedient

de luy procurer vne response, non moins briefae que poignante, voire telle qu'elle le picqueroit iusques au cœur, & le renuoieron bien plus vistes ment qu'il n'estoit venu. Parquoy il arresta & coclut en soi mesme de le faire massacrer, & en baillant la charge à ce Darcy, lui associa en l'entreprinse Appleyard ia mentionné, lesquels prenats en main l'assaire, l'eussent mis à execution comme Darcy depuis a confesse à plusieurs) si le Duc ne se suit deporté de sa poursuite, & parti d'An-

gleterre en diligence.

Or maintenant considerez vn peu ie vous prie samis Lecteurs) premierement l'ingratitude barbare de ce Comte, qui n'a faict nul serupule de ruiner vn gentilhomme, qui auoit dedié les biés, sa vie, son ame, & tout son service, en apres, mettez en consideration la iustice de Dieu, punissant ce parcy par celuy mesme en saueur duquel il auoit si griefuement offense: & au dernier lieu, contemplez comment apres auoir pailé des tricheries, rules, trahisons, corruptions, concussions, & pariurements de ce copagnon de comte, nous sommes venus quasi par degrez à toucher ses pratiques sanglantes & meurtrieres, dont (puis que l'occasion se presente si à propos) ie vous ameneray encore, le plus brieuement que ie pourray, quelques exemples fort notables & manifestes.

C'est chose bien cognue & dinulguee par toute la cour d'Angleterre, que Madame Staffoid semme de messire Robart Stafford aiant obserué & remarqué maints detestables desordres & excez de ce bo Comte en cour, crainte que, si lon n'i

Madame Staffor empoi/omnee.

mettoit

mettoit remede de bonne heure, tout le monde n'en parlast, au grand scandale & deshonneur de toute la Cour), s'en plaignit à la Roine: dont ce bố My Lorde estant bien tost aduerty, & ymaginant en son esprit que cette coplainte estoit procedee d'abondance d'humeur melancholique en la dame, poussé d'une charité fraternelle iugea estre expedient, que l'humeur peccante fust bien purgee, & à telle fin il commanda à vn nommé George Vaux son eschanson ou bouteillier de sai re prouision en toute diligence de quelque drogue propre à telle operation, lequel pour ne prédre, (peut estre) bonne garde à la confection de la medecine, mit au lieu de bo elebore, vn peu trop de Reagal. Et pour moins offenser l'estomacdebile & delicat de la dame (qui n'eur peu bien supporter la force d'vn tel medicament, (par aduenture) si elle en eut esté aduertie, il espia l'opportunité & heure commode, pour luy faire prendre la medecine à son desceu, & de fait la voyant vn iour passer deuant son buffet, ou estoient les bouteilles du comte commises à sa garde, il luy presenta le vin de Monsieur soubs ombre de la courtoisie Angloise, ce que la bonne dame ne songeat à nulle malice, ne refusa, mais en beut vn trait, qui luy fut le plus cher qu'elle cut onques beu de sa vie, car la pauure dame n'eur plustost quasi auallé ce bon vin du côte, qu'elle ne deuint excessiuemet enflee & come lepreuse, en telle sorte que, iaçoit que de la bonté diuine elle eschappa la mort, ce neantmoins tout le monde pourroit facilement veoir qu'elle auoit esté empoisonnee, sans que la

dame peut, ou lors, ou depuis, (telle a esté, & est encore, la grandeur du Côte) auoir reparation d'vn tort si grand, & insupportable: mais, neantmoins, ce mal ainsi auenu à cette dame, apporta quand & soy ce bien & a elle mesme & aux autres, que de se donner bien garde, de ne plus approcher si pres des bouteilles du Côte de la en

auant, ou de taster iamais plus de son vin.

Outreplus: ses sanglantes pratiques, à l'endroit de monsseur de Simies, quand il negocioit pour monsieur en Angleterre sont euidentes & claires, non seulement de ce qui est desia recité en la coference precedente, mais de ce aussi qu'il a voulu pratiquer monsieur de Feruacques afin de l'assaillir en pleine rue comme il iroit à la Bourse des marchants à Londres, soubs pretexte toutesfois d'vne vieille querelle, qui auoit esté entre eux, & à cette fin il luy promit l'assistance de tous ses pédarts & meurtriers, desquels il entretient bon nobre, pour s'en seruir à tous euenemens: маіз Dieu (qui de sa prouidence renuerse les desseins des meschants) permit que cela vint à la cognoissance de la Royne, laquelle faisant appeller Lecestre en la presence de beaucoup de grands Seigneurs, le feit cheualier d'vn ordre nouueau, pour ce sien nouueau dessein, luy donnant les beaux tiltres d'vn meurtrier & traistre poltron, & protestant sur son honneur, que si Simies perdoit la moindre goutte de son sang, sa Seigneurie seroit pendue, comme vilain qu'il estoit: lesquelles paroles ont tellement refroidi ou plustot abbatu le courage de ce braue cheualier de comte, que ce qu'il

auoit si meschamment proietté ne passa plus outre, bien qu'il ne tint pas à luy, duquel la meschăte volonté est assez considerable en cet endroit.

A cette pratique icy nous pouuons adiouster encore vn autre qui n'est moins traistre, meurtriere & meschante, que ne sont celles cy dessus mencionnees. C'est comme il a voulu apposter vn quidam appellé le Capitaine Musset pour tuer le Comte de Vestmerland en Flandres la ou ilser-

uoit au Roy d'Espagne.

Mais le Capitaine ne voulant commettre vn tel acte l'a descouuert au Comte, s'estant par ce moyen pourchassé la disgrace & haine immortelle de Lecestre, de façon que sçachant bien que sa Seigneurie hait sans cesse, & se venge sans mesure où misericorde aucune, il n'ose plus retourner en Angleterre sa patrie, ains mene sa vie icy en exil, & sera forcé d'ainsi faire, iusques à ce qu'il plaira à Dieu de consondre & exterminer ce boucher

fi sanglant & cruel.

Or ie te prie cossiderer un peu (humain lecteur) si tu as iamais ouy parler d'un plus grand vilain meurtrier que cestuyci : ne l'estimez vous pas un autre Timon, ou un o un est sans pitié, sans religió, voire sans tout e humanité? n'est il pas vray semblable, que par s'estre ainsi tousiours accoustumé aux meschacetez & meurtres, il ait esteint en luy toute humanité, & s'est transformé en une substace de peché? ouy vrayemet, l'apparece en est bien grande: & neantmoins ce bon gentilhomme n'est pas seulement grand zelateur de l'Euangile, mais aussi le primat, chef, & protecteur des plus purs

R ij

du temps present: & à bon droit, car il y a vne telle analogie &proportió entre les chefs&le corps, & leur simpathie en nature & qualité se rapporte si bien l'vne à l'autre, que nous pourrons à bonne raison dire d'eux ce que l'on dit au commun prouerbe Dignum patella operculum, c'est à dire, tel maistre tel valet: car quant à luy vous auez desia assez entendu quel il est: & pour vous demonstrer quels copagnons peuvent estre ses freres Puritains, ie me contéteray du tesmoignage mesme de sa Seigneurie en leur endroit. Sçachez doc que luy aiant vn iour fait assembler quelque nombre des ministres Puritains en sa chambre, (comme il fair coustumierement, vne ou deux fois la semaine)ou à leur mode ils auoyent prophetizé, cathechile, disputé, & presché, il dit apres à vn sien amy(a bon escient) qu'ils estoient trestous vilains & poltrons, bien que (disoit il) ie suis contraint de m'en aider : voila le tesmoignage de ce bon L'opinion de Cote, touchat ses freres, en quoy vous le pouuez Lecestre ton-bien croire à sa seule parole, combien que ie ne chantses mi-vous voudroi pas assurer en autre chose de son serment, & de ce nous auons à noter quelques points: premierement quels bons apostres sont ces euangelistes nouueaux, lesquels à la veue du monde il fait semblant de vouloir reuerer & quasi adorer, secondement, quelle conuenance il y a d'vn chef si monstrueux tel qu'il est, à vn corps si prodigieux & vilain, tels qu'il cofesse estre ses ministres & Puritains, & en dernier lieu on peut

veoir manifestement, que quoy qu'il pretede par

apparence

Baltres.

apparence exterieure, il n'a (a la verité) religion Lecestre aucune, ains est plustot vn vray mescreat & athei-Atheiste. ste, se servant tant seulement du pretexte de cette religion nouvelle pour mieux faire son cas, c'est à dire pour se fortisser par le moien de quelque faction, & par ainsi auancer les proiets & complots de sa royauté suture, quand l'heure & la commodité luy semblera convenable.

Mais quant à son atheisme & impieté, combié Robert Chrique sa propre confession nous deust suffire en stemas un de cet endroit, neantmoins pour rendre le tout plus ses mignons.

clair que le soleil mesme, ie vous ameneray encore vn autre exemple d'vne sienne insigne vilenie,
acte d'vn vray Ateiste & surpassant tous les autres ia recitez, lequel a esté decelé par Robert
Christemas autressois vn sien mignon & fauory,
qui par le iuste iugement de Dieu estant tombé
en misere & calamité, & aiant perdu ses estats &
tout son credit, sut contraint de passer plusieurs
tristes annees en prison, là où se plaignat vn iour
de sa fortune à vn sien ami qui l'estoit venu visiter, attribua tout son malheur à la iustice diuine,
pour auoir autressois assisté aux maintes vilenies
de ce Comte, & specialement, pour auoir si long
temps celé cette execrable meschanceté que ie
vous vay declarer. L'histoire donques est telle.

Ce valereux Comte estant fort enamouré d'vne Dame, (de laquelle ie tairai le nom pour son honneur) & ne se sentant estre en ses faueurs & bonnes graces tat qu'il desiroit, pour assouuir ses desordonnez appetits, addressa à vne sienne bien aimee conseilliere fort experimentee en tels afforciere notacestre.

faires, appellee mere Dauies sorciere renommee MereDanies & notable, demeurant pour lors dela a là riusere ble du conseil de Temes vis à vis de l'Eglise Sainct Paul à Lonpriné de Le- dres, car il vous faut entendre que sa Seigneurie est fournie de toute sorte de conseilliers & instruments propres à tous exploits: car il se sert des vns pour le fait de maquerelage, des autres pour l'exercice de ses concussions, & corruptions & de quelques vns pour coniurations, enchantements, & sorceleries, par l'aide desquels il fait tous les iours tant de merueilles qu'il semble au iugement d'vn chacun comme tout puissant en toutes meschancetez. Mais pour suiure le fil de nostre narration, ceste grand matrone mere Dauies sçachant bien que ce bon compagnon de Comte n'estoit pas nouice, ou apprenti en tels affaires, ne si conscientieux comme de vouloir faire scrupule des petites choses, ains qu'il estoit si braue Cheualier, qu'au besoin il voudroit frachir le saut, & outrepasser les montagnes mesmes de meschanceré, ne seit aucune dissiculté de lui ordonner vn recipé pour bailler à sa maistresse, recipe (dis-ie) tiré de la lie & bourbe mesme de sorcelerie, voire tel qu'à mon opinion il n'i a cœur de Chrestien (hormis le sien,) qui eut peu endurer que l'on en parlast tant seulement, tant s'en fault que l'on se disposast mettre chose si horrible à execution. Car la maudite beste luy ordonna, qu'il print des ieunes arundelles hors de leur nid, & les feit distiller dedans vn alembic, quec de sa nature, ou semence mesme, & quelques herbes, & autres choses mentionnees audit recipé, & qu'aiant tiré quelque pretieuse liqueur de telles Horrible viordures il en feit boire ala Dame. Ol'impieté exe lenie co imcrable & indigne des oreilles d'vn Chrestien, restre. toutesfois assez conuenable à vne telle vieille sorciere qu'elle estoit, de laquelle la profession n'a esté autre que de se consacrer au seruice du diable corps & ame: mais c'est chose merueilleuse & espouuentable, qu'vn Seigneur Chrestien, tel que se dit estre Lecestre, voire mesme protecteur d'vn si pur Euangile deust trouuer bon, & executer vn si damnable conseil, sorrant de la bouche venimeuse d'vne si meschante sorciere, l'induisant non seulement à participer de sa sorcelerie: mais encore à commettre vn acte Sodomitique, contre sa propre nature, mais en voulez vous sçauoir la raison, (à tout le moins) à mon opinion? si est ce donques que ce bon Comte auoit ony parler (comme ie croy) de quelques heretiques du passé qui souloient arrouser de leur semence propre les sacrifices brutaux qu'ils offroient, & pourtant pensant que cela derogeroit beaucoup à sa puissance absolue si tels petits compagnons le surpassoient en aucune espece de peché, il n'a fait nulle difficulté de practiquer ceste si belle leçon de sorcellerie, & si bien conduit son entreprinse gorcelerie de que dans peu de iours apres, il feit boire à la Da- Lecestre à me ceste vileine & fascheuse liqueur dedans du l'endroit de la vin qu'il lui presenta, acte certes non seulement premiere Da abominable deuant Dieu & iniurieux à la nature me d'Anglemesme, mais encore traistre & dessoial, à l'édroit de la dame sa maistresse au service de laquelle il doit toute loiauté, voire sa propre vie pour di-Rin

uers respects que se ne sçauroy exprimer sans descouurir son nom, ce que ie ne veux pas faire, pour l'honneur que ie luy porte, regrettant bien fort son desastre, qu'estant telle dame qu'elle est, elle a neantmoins esté si malheureuse, & infortunee, d'estre abbreuuee d'vne boisso si malplaisante, voire mesme indigne d'vn chien, pour estre tiree d'vn vaisseau impur & ord, comme est le corps vilain, sale, & brutal de ce monstre d'homme. Mais craignant (ami lecteur) que par esmouuoir ainsicet esgoust tout plein d'ordure, ie ne te face mal au cœur, comme i'ai desia en partie fait à moi mesme, ie me deporte de rechercher la chose plus outre, m'esbaissant de sa meschanceté, abominant toutes ses vilenies, & aiant en horreur la vie desbordee & meschante, laquelle il a long temps menee contre en toutes sortes de brutalité.

Ayant doncques monstré suffisammet sa preud'homie, par ces particularitez ainsi deduites, i'aproche de la fin de mó discours, obmetiat beaucoup de choses exploitees par ce braue Comte lesquelles de leur nature sont odieuses, & seroiét trouvees monstrucuses és autres hommes, bien que en sa seigneurie, elles ne pourront sembler que Peccadillas, au regard des autres beaucoup plus meschantes desquelles il est rempli: Parquoi ie me deporte entierement de parler du deuoir qu'il a toussours fait de semer & nourrir debat & debat & noise noise, entre les plus grads Seigneurs d'Angleterre & leurs femmes, enquoy il s'est tousiours mostre bon practicien & fort diligent, sçachant bien que selon le prouerbe Italien, Nel mare turbato guadagna

Le demoir de Lec.de femer CF MOHYTIY entre les plus grands Seigneurs & teur femmes.

DE LECESTRE. guadagnail piscatore: qu'il faict bon pescher en eau trouble: laçoit que pour dire la verité, sa seigneurie n'a pas tousiours beaucoup gaigné à ce ieu, mais a quelquefois pesché, au lieu d'vn poisson, vne grenoille, & autrefois perdu, hameçon, ligne, peine, honneur & tout. Et de telles sortes de ses my Lord Aria practiques, ie vous pourrois amener diuers exé del & sa ples, comme celuy du Côte d'Arundel & sa femme, entre lesquels il s'est efforcé de nourrir discor de, esperant par ce moyen ruiner la plus grande& honorable famille d'Angleterre. Le mesme il a my Lordo xefait à lendroit du Cote d'Oxéford & sa semme fil-ford & sa le de Monseigneur le Tresorier d'Angleterre: & femme. ce pour satisfaire à vne haine inueterce qu'il porte audict Seigneur Tresorier: Il a faict aussi la pareille entre le Comte de Sonthampton & la fein-my Lord, me, pensant par ainsi faire assourir sa Volunta Southhampto me, pensant par ainsi faire assouuir sa volupte of sa semme. & appetit lubrique, bié qu'il ait esté frustré de son intention: mais entre toutes ses autres pratiques celle qu'il a mise en auant, entre le Comte de Schresvhury & sa pretendue femme est digne my Lorde d'estre remarqué, laquelle il a si finemement co-Schreshury duitte (en iouant son vray personnage du Comte pretendue. de Lecestre) qu'il induit la bonne dame à accuser le Comte son mary de leze maiesté, cuidant par ce moyen de faire ofter d'entre ses mains la Royne d'Escosse sa prisonniere tres-honorable, & la faire bailler en garde à quelqu'vn de ses creatures, pour par ce moyen commander à la vie de ceste affligee Princesse à son plaisir. De tous ces exemples alleguez ie vous pourroy (dy-ie) faire

vn discours en particulier, sin'estoit que ie les lais-

se passer soubs silence, comme chose de peu de cas, en respect des autres ia mentionnées.

Aussy ie ne diray rien de la dissimulation & tromperie, dont il vse comunement en matiere de iustice & droict, eseriuant des lettres toutes cotraires l'vne à l'autre, l'vne publiquemet en fa-Monseigneur ueur du poursuivat, sauquel il pretendoit vouloir vraye Mon gratifier) & l'autre secretemét en faueur de l'adsieur popham. uerse partie, comme Monseigneur le grand susti-

Harrard. Monsieur Charles Arisdell.

cier d'Angleterre, & l'Aduocat general de la Roy my Lord Herine squent fort bien, & ont bien souvent confessé. Ie ne diray aussi mot (partie pour la raison ia alleguée, & partie pour n'estre encore suffisamment aduerty du tout) de la persecutió malitieuse & violente qu'il faict à Monseigneur Henry Havvard frere du feu Duc de Norfolke, & à mosieur Charles Arundel, parent de la Royne & autrefois en grande reputation & credit aupres d'elle, estans tous deux gentilshommes, honorables en diuers degrez & tousiours fauorisez & estimez en Cour: dont il tient l'vn (à ce que ic peux entendre) en prison, & a forcé l'autre d'abandonner le pais, & viure en exil pour conserner sa liberté.


Ie passe (dis-ie) toutes ces choses icy, soubs silence, auec maintes autres pour la raison suldicte & pour euiter prolixité, me contentant d'auoir desia descouuert en cette briefue addition, sa trahison & desloyauté, contre la personne d'un si, grand Prince qu'estoit Monsieur frere du Roy d'auoir mis deuant les yeux d'vn chascun son ingratitude trop lourde enuers ses amys, sa façon

DE LECESTRE


134

de faire inhumaine & barbare à l'endroit de ces propres parens, les concussions, corruptions, pariurements, pratiques meurtrieres, sorceleries, pechez contre nature, & atheismes mesmes. Par la seule demonstration desquels excez & enormitez, ie l'ay peint de toutes ses couleurs, & l'ay prouué vn gentilhomme parfait & accompli en toute meschanceté, de sorte que sa seigneurie ne doiue ceder à personne que ce soit, en poltronnerie, ains merite d'emporter le pris, deu au plus grand pendart qui soit sur la terre : & pourtant ie croy que, deuant que soit long temps, il sera d'vn commun consentemet de tous les villains du mode, iugé & reputé digne de porter le sceptre & commander sur eux, ce qui (s'il aduient) pourra aucunement satisfaire à son humeur ambitieux, qui ne tire à autre but qu'aux couronnes & Roiautez.


Mais pour mettre sin à tout ce discours, veu que ie me suis dessa acquité de ma promesse enuers les lecteurs, & de mon debuoir enuers ce bo Comte, de sorte que ie ne luy dois rien dauantage, ie prens congé de sa seigneurie, sans luy baiser les mains, insques à ce qu'elles soyent autant lauces des larmes de repentance, qu'elles ont esté souillees par cy deuant du sang & de toutes sortes d'ordures & meschancetez.













942 .0550924 L593 1585 Lot 202, Sotheby's New Bond Street June 5, 1978: £70+£7+£3 air postage and insurance

Printed in Paris?

Cf. New STC 5742.9: The copie of a leter, wryten by a master of arte of Cambridge, 1584 (noted under new STE 19399). 5+ copies in England; 3 in U.S.

F8 verso catchword is "le"; but first word on GI recto is "Royaume". Querry whether "le" has simply dropped out of the text. Note that catchwords appear only on the verso of the last leaf in each signature.

Shaaber P31 (indicating that this volume was printed in Paris and locating only one copy (Hunterian Museum, Glasgow University)

38, A-Q8, R6

